



8985

III

Mag. St. Dr.

1





Bardellie 19.

~~3270 Prussia~~

VI. a. 39.

41. 1. 107.



PACTA CONVENTA  
**AVGVSTI III.**

REGIS POLONIARVM  
MAGNI DVCIS LITVANIAE  
ET ELECTORIS SAXONIAE

COMMENTARIO PERPETVO

ILLVSTRATA

A

GODOFREDO LENGNICH D.



---

LIPSIÆ  
APVD IACOBVM SCHVSTER  
1736.



SERENISSIMO  
AC  
POTENTISSIMO DOMINO  
DOMINO  
**AVGVSTO III.**

REGI POLONIARVM  
MAGNO DVCI LITVANIAE RVSSIAE  
PRVSSIAE MASOVIAE SAMOGITIAE LIVONIAE  
VOLHYNIAE KIOVIAE PODOLIAE PODLACHIAE  
SMOLENSCIAE SEVERIAE  
CZERNICHOVIAEQVE  
DVCI SAXONIAE IVLIAE CLIVIAE MONTIVM  
ANGRIAE ET WESTPHALIAE SAC. ROMANI IMPERII  
ARCHI-MARESCHALLO ET ELECTORI LANDGRAVIO  
THVRINGIAE MARCHIONI MISNIAE SVPE-  
RIORIS ET INFERIORIS LVSATIAE  
BVRGGRATIO MAGDEBVRGI COMITI DIGNITATE  
PRINCIPIS HENNEBERGICO COMITI MARCAE RAVENS-  
BERGAE ET BARBYAE DYNASTAE IN RA-  
VENSTEIN ET RELIQ.


REGI AC DOMINO SVO  
CLEMENTISSIMO



8985. III.



SERENISSIMO  
 POTENTISSIMO DOMINO  
 DOMINO  
 AUGUSTO III.  
 REGI POLONIAE  
 MAGNO DUCI LITHANIAE RUSSIAE  
 PRUSSIAE MASSONIAE SAMOGITIAE LIVONIAE  
 VOLHYNIAE RUTHENIAE PODOLIAE PODLACHIAE  
 SIBIRIAE SEVERIAE  
 CHERASSIAE  
 DUCI SAXONIAE PALATINO GALICIAE MONTIVM  
 ANGLIAE ET WESTPHALIAE SAC. ROMANI IMPERII  
 ARCHICAMERARII ET ELECTORI BRANDENBURGICO  
 THURINGiae Marchioni MISSIAE SALT.  
 RIORI ET INTERIORIS RUSSIAE  
 HERCULEI MAGDEBURGI COMITI DIGNITATE  
 ELECTORIS HANNOVERENSIS COMITI ASSAERAVENSIS  
 REGIS DE HARVYR ORIENTIS IN AL.  
 CASSIAE ET FELIC.  
 REGI AC DOMINO SVO  
 CLEMENTISSIMO



SERENISSIME AC POTEN-  
 TISSIME REX.

Qui gravissimam Reipublicae  
 cladem, si quando mortalitati  
 eriperetur Augustus Secun-  
 dus, olim praeuidebant, non aliud huic  
 tanto malo sciebant remedium, quam si  
 Filius,



*Filius, suffragiis populi in Paterno collocaretur fastigio, ac suis virtutibus nutantem salutem fulciret. Euocabat summus rerum Arbiter, optimum Regem, & Tu Auguste Tertie Rex ac Domine clementissime, statim plurimorum votis expetebaris: in Te Vno, aiebant, summa esse omnia, Te Vnum imperii molem & difficillimis temporibus sustinere posse: esse Tibi aetatem rebus gerendis parem, magnum animum, pietatem, temperantiam, aequitatem, humanitatem, liberalitatem, regendi artes, industriam, providentiam, opes amplissimas & plura alia; praeterea faciem decoram, in vultu maiestatem, & corpus cum dignitate procerum: quae quamvis fortuita, placent tamen in priuatis, in Principe vero, cultum*

*tum ac venerationem prouocant augentque. Quae ergo erat multorum sollicitudo, imo qui moeror! cum, incertis quamuis auctoribus, rumor incederet, velle Te Poloniam suo fato permittere, sperari maiora, in praesens Saxoniam sufficere. Quibus tamen Tuum in gentem nostram amorem, propius inspicere contigerat, non poterant adduci, ut crederent, velle Te Regnum in acerbissimo luctu, in mediis turbis, ac metu grauioris mali destituere. Sciebant illi, non posse Te, Magnum Tuum Parentem aemulari, cuius tamen diuinas virtutes exprimis & refers, nisi subuenias, ut Iste olim, labanti post Iohannis III. mortem Reipublicae aderat. Ex quo vero salutare Tuum consilium patuit, redibat animus ac futurae felicitatis fiducia.*



*cia. Et ciuium quidem votis fauebat  
Caesaris studium, Russorum vero Augu-  
sta, suos offerebat exercitus, qui eligen-  
tium libertatem tutarentur. Omnia  
haec, Rex Auguste Tertie, pro tua ele-  
ctione nitebantur, quae sine caede, sine  
minis, sine contradictione, uno ore & ani-  
mo successit quam felicissime.*

*Recipiebas tamen, Domine clementissi-  
me, Regnum lacerum & armis infestum;  
erant abalienati multorum animi, alio-  
rum tamen magis quam sua voluntate;  
ferro & incendio miscebantur omnia;  
& quod bono Principi molestissimum,  
cogendi erant nonnulli, ut ad Rempubli-  
cam redirent, a qua discesserant. Ve-  
rum non forte, sed quadam prouidentia,  
illam*

*illam tempestatem, illos turbines ac pro-  
cellas exstitisse reor, ut eminentes Tuae  
virtutes, quae sensim & per interualla  
patuissent, statim & uno fere tempore  
proferrentur, probaresque experimen-  
tis, posse Te Regnum, quod meruisti,  
tueri. Qui scirent animi Tui robur,  
nisi aduersus discrimina firmissimum Te  
praestitisses? Quotusquisque incompa-  
rabilem nouisset mansuetudinem, nisi ul-  
tro, imo victos recepisses in gratiam,  
qui Tuam Maiestatem armis oppugna-  
uerant? Ad quam paucos Tuae liberalita-  
tis fama peruenisset, nisi in publicam sa-  
lutem, paternas opes profudisses? Et  
quantum a Te differre videreris, si tran-  
quillum adiisses Regnum, si omnes in Tui  
venerationem obuiam effusi, si tempus  
\*\*  
omne*



omne inter plausus & laetitiam trans-  
misisses, si cuncti ad Tuum nutum volun-  
tatemque statim, se composuissent? Alia  
Regni Tui incunabula & rudimenta:  
Rempublicam sistere, pacare Poloniam,  
ignoscere lapsis, concordiam reddere, fu-  
turae felicitatis noua fundamenta iacere  
& firmare, ac eadem via, qua Parens im-  
perium ingressus, ad immortalem glori-  
am niti & contendere.

Non quidem licuit, Rex ac Domine  
clementissime, cum Tuam Cracouiam in-  
gredereris, Maiestati, inter caeteram  
turbam, acclamare, fuit tamen mihi dies  
ille vere festus, quo Regni insignia capes-  
sebas, quod intestini mali finem, quasi ex  
aliqua specula prospiciebam, ac Tuam  
salu-

salutem, Tuam fortunam, iam publicam,  
Deo votis commendavi ardentissimis: Imo  
cum tristissimum Parentis obitum, publica  
voce dolerem, iam Te Regno optabam,  
precabarque, ut Augusto Secundo succe-  
deret simillimus. Haec quamuis tectius  
dici videbantur, facile intelligebar ab il-  
lis, qui Parentem nouerant, & Filium  
non ignorabant. Patere, Rex ac Do-  
mine clementissime, per Tuam, quae in-  
nata Tibi, indulgentiam, iam Te aperti-  
us coli, & plane dedignari munusculum  
noli, quod omne suum pretium ex pactis  
Tuis conuentis habet, & sine quibus Tu-  
am Maiestatem accedere non sustinuissem.  
Demitte vultum, ex illo Tuo fastigio in-  
ciuem, forte quidem ex infimis fere, sed  
qui fidem & pietatem in Regem, sum-  
mum



*num decus ducit, quique Deo quotidie  
supplicat, ut Augustus Tertius, Augu-  
stum Secundum gloria aequet, felicitate  
& annis longe superet, ac gloria, felici-  
tate, annis superetur a nemine*

**SACRAE REGIAE MAIESTATI**

**REGI AC DOMINO CLEMENTISSIMO**

*deuotissimus ac subiectissimus eius*

**GODOFREDVS LENGNICH.**



## PRAEFATIO.

**S**olent Poloniae Reges, dum eliguntur, cum Republica pacisci, & spondere, quibus vel repetantur, quae olim bene constituta, vel quae minus recte se habent, melius ordinentur, vel commoda tum Regni ac prouinciarum tum priuatorum augeantur. Prima occurrunt *Ludouici* pacta, cum *Casimiro M.* viuentis, successor designaretur, cuius exemplum, repetitum nonnunquam, ex *Henrici* tempore, in perpetuam transiit consuetudinem, simul coeperunt *Pacta Conuenta* dici, ac Regni constitutionibus inferi, ut publico hoc documento, vis illorum & auctoritas constaret.

Legis enim vigorem habent pacta conuenta, ut adeo quidam *obligationis Regiae decalogum* nominare non dubitauerit. Scribebantur olim ante Regiam electionem, post eam vero, a *Michaelis* tempore, constitutis ex Senatu & Nobilitate, qui Republicae nomine, cum Regis electi legatis agant, ac conditionibus subscribant: inter quos tamen & alii nomina sua addunt. Regis vero legati ante collo-



# PRAEFATIO.

quium de pactis, mandati litteras exhibent, & negotio finito, conceptis verbis iurant, Principem promissa religiose praestitutum.

Hoc modo ad Maiorum exempla, fidem suam Reipublicae obstringi voluit, AVGVSTVS III. Rex ac Dominus noster clementissimus, vt Ordines scirent, quid sibi a nouo Rege expectandum; quae sub *Eo* legum securitas; & quanto omnium commodo, Paternum fastigium, *Filius*, piis suffragiis, ascenderit. Sunt tamen in pactis bene multa, ciuium plurimis, vt externos taceam, non satis cognita; sunt alia, pro more solennium pactiorum, breuius polita, quam vt a lectoribus, in his minus exercitatis, statim perspicui possint; sunt, in quibus ad iura & consuetudines prouocatur, quae obscura manent, nisi illa in promptu habeas; sunt antiqua, sunt noua, sunt nuper inducta, quae nosse ac secernere a se inuicem, vt non omnibus datum, sic plurimum illorum interest, qui in Polonorum Republica peregrini haberi nolunt.

Credidit ergo *Vir Illustrissimus*, qui in suo laudabili secessu, praeter grauiora, & de litterariae rei commodis multum cogitat, magnam apud lectores initurum se gratiam, si sua, qua pollet, auctoritate efficeret, vt pactis vberior accederet commentarius, ipsisque exteris, ad interiores iuris nostri publici recessus, aditus recluderetur & pateret. Et mihi quidem, argumentum, quod magis honorificum esset, vix mandari poterat, quam recensere pacta, quae *Magno Regi* cum populo celeberrimi nominis, & cuius causa nuper maior Europae pars, in  
arma

# PRAEFATIO.

arma & caedes confurrexerat, intercedunt. In quo ita versatus sum, vt ad superiorum Regum pacta recederem, eadem cum praesentibus conferrem, vbi conuenirent aut diuersa essent, accurate notarem, quo, quae Reipublicae iam olim ab aliis promissa, annorum serie exhiberentur, ac rationes eiusdem rei, ex gestis priorum temporum adderentur. Ad normam legum illustraui, quaecunque illustranda erant, & pro maiori dictorum auctoritate, ipsa illarum verba recitavi: inde perpetuo statuta & constitutiones citantur, quod exteris in primis haud ingratum fore spero, quibus leges illae ad manus non sunt, & si essent, parum proficerent, quando lingua Polonica, qua scriptae constitutiones, ignoratur. Gentis historiam non omisi, quoties aut legis rationem, aut ea suggererebat, quibus rectius intelligi poterant, quae alias aut dubia aut in obscuro mansissent. Praeter haec quae occurrunt, vel frequenti scriptorum domesticorum lectione didici, vel ex illorum colloquiis, qui nostrarum rerum gnari sunt, accepi. Denique monendi lectores, partem commentarii, anni huius initio, totum fere, ante comitia nuper feliciter finita, confectum fuisse: quare ad §. 23. reditus nonnullorum, qui iam secutus, futurus perhibetur, ac illa, quae in memoratis comitiis acta, praeter vnum id, quod ad Curlandiam pertinet, plane silentur.

Genere dicendi vsus sum strictiori, sine ambagibus, sine digressionibus, ne lectoribus taedium afferrem. Interpretari conatus sum pacta, simul illorum vocabula, non omnia tamen, sed ea, in quibus pactorum vis consistit, & quae a multis ignorantur.



P R A E F A T I O.

rantur. Multo minus animus fuit, legum quas adduxi, voces explicare, licet obscuriores in iis esse non diffitear, scribendus enim fuisset commentarii commentarius, & pro vno, duo in lucem prodissent: sufficebat mihi, ea esse plana, quibus probare volebam quae probanda erant. Quae in pactis, pro more gentis, admixta Polonis erant latina, retinui, quamuis plurima veteris Latii non erant, quod immutare illa religio erat. Idem de legum latinis vocabulis tenendum, nec non seruaui, quae in Polonia dudum recepta, adeo vt latinius reddi nequeant, nisi velis ab iis, quorum interest, non intelligi. Hoc vero, vna mecum aegrius ferent lectores, editionem commentarii mendis abundare, licet librarius, vir industrius & bonae famae in suo negotio studiosissimus, nullis pepercerit sumtibus, quo nitide & eleganter prodiret. Videbor satis excusatus, quod per absentiam, operas typothetarum retractare non potui. Lustraui, postquam plane exscriptae, priores quatuordecim plagulas, plures enim ad me nondum delatae, & indicem erratorum exstantiorum confeci, quem ad librarium mitto, vt meo exemplo, caetera folia relegi curet, & addi quae in iis menda reperta fuerint. Instantes enim Lipsienses nundinae, quibus libellus proflare debet, quominus id a me fiat, vetant. Scrib. Gedani d. XVIII. Sept. MDCCXXXVI.

PACTA



PACTA CONVENTA  
A V G V S T I I I I.  
REGIS POLONIARVM ET MAGNI  
DVCIS LITVANIAE,  
PERPETVO COMMENTARIO  
ILLVSTRATA.

P R A E F A T I O.

Quandoquidem dispositioni Supremi Numinis, a cuius Nutu Reges & Regna pendent, sic placitum est, vt memoratus Serenissimus Princeps Regius, Dominus Elector & Dux Saxoniae, inter tot Praeclarissimos Poloni Sceptri competitores, liberis Serenissimae huius Reipublicae suffragiis, in *Regem Poloniae & Magnum Ducem Litvaniae*, ac caeterarum Regni Prouinciarum *Principem*, vnanimiter electus & publice in campo electorali declaratus sit, exposcebant illico antiqua huius Reipublicae instituta<sup>1</sup>, pro integritate iurium & libertatum, atque meliori sorte & conditione istius Regni, vt certa pacta seu conditiones, partim a praedictis *Illustrissimis & Excellentissimis Ministris Plenipotentariis* sufficienti potestate instructis oblatae, partim ab ipsis *Regni & M. D. Litvaniae Statibus* propositae, de mutuo consensu inirentur sancirenturque: <sup>2</sup> quarum conditionum, patria lingua <sup>3</sup> ex tali



tali methodo, quasi ipsemet *Serenissimus Princeps, Electus Rex* praesens adesset; conscriptarum, tenor in eum sequitur modum.

1 Vtique iam ab antiquo institutum, cum novis Regibus per solenne pactum, ea constituere, quae ex publico usu esse videantur. Nec tamen mos demum, extincta virili *Ingellonis* in Polonia, cum *Sigismundo Augusto*, stirpe, coepit, sed altius repetendum habemus. Designato a *Casimiro Magno*, consensu Procerum, sororis filio, *Ludouico*, Hungariae Principe, Successore, pacta convenere, quibus futurus Poloniae Rex, inter alia spondebat: Se provincias a Regno alienatas, in primis Pomeraniam suis sumtibus, suisque militibus recuperaturum, non nisi Polonum, qui per Regis absentiam praesit, Regno impositurum; tributa nova haud imperaturum, iura & libertates civibus sancte servaturum, ac, si quae iis inique ablata, redditurum: quibus sub conditionibus, Proceres & Nobiles futuro Regi obsequium vicissim promittebant. *vid. ANON. ARCHID. GÑESN. inter Script. Rer. Siles. Illustr. de SOMMERSBERG. T. II. p. 101* Extant eiusdem Ludouici litterae apud *DLVG. Lib. IX p. 1102.* anno 1355. datae, quibus, quae de tributis; de Regis iter facientis, in praediis Ecclesiasticorum & Nobilium stationibus; de expeditionibus militaribus extra fines Regni; de successione solius sexus virilis, tum Regis Ludouici, tum Iohannis illius, ut vocatur, Nepotis; ac aliis constituta fuerunt, continentur. Haec prima possunt pacta conventa dici; Altera anno 1374. sequebantur, cum Poloni succedendi ius, filiabus *Ludouici* largirentur, tum enim idem Rex pollicitus, fines Regni non imminui, sed potius proferri; ciuitates, castra, possessiones, oppida & villas, ab omnibus, & singulis tributis & seruitiis, praeter duos grossos, de quolibet manio locato vel possesto, singulis annis soluendos, immunes esse; damna in expeditionibus ultra Regni limites accepta sarciri; vetera castra tum *Burggrauii* tum incolarum, sumtibus reparari; noua autem, siue Procerum siue Regis impensis, pro diuersis rationibus extrui; dignitates & munia publica non extraneis, sed indigenis, conferri; Regno non nisi Polonum, & quidem talem, qui ex stirpe Ducum haud descendat, praefici; denique, ut caetera omittantur, castra & ciuitates, in quibus iudicia exerceantur, solis terrigenis seu Capitaneis in Regno consistentibus, salua conferendi caetera extraneis facultate, concedi debere. Continentur haec singulari diplomate, quod in *LASCONIS Statutis f. 40.* legitur. Euaserunt pariter pacta conventa, conditiones illae, quas obtulit *Iagello* Lituani, quibusque obtinuit, cum *Hedwigis* matrimonio, Poloniae Regnum. Recenset easdem *DLVG. GOSSVS L. X. p. 96. 97.* Idem *Iagello*, quo Polonis, qui filiorum alterum successurum promiserant, gratiam referret, plurima spondit, ad quae seruanda futurus Rex obstringeretur, de quibus consulendus *DLVG. GOSSVS Lib. XI. p. 536. seq.* cum *Casimiro IV. Iohanne Alberto, Alexandro, Sigismundo I. & Sigismundo Augusto*, aut eorum nomine nulla intercesserunt pacta, nisi quod *Sigismundus* pater, electo filio, promisit, hunc, quamdiu Ipse viueret, non regnaturum, statim vero, ac ad iustam aetatem peruenerit, iura & libertates sacramento firmaturum, simul de seruandis finibus Regni integris, ac recuperandis, quae iniuste ablata, fidem daturum. Post *Sigismundi Augusti* vero obitum, cum singulis, quotquot electi Reges, pacta inita, quae inter Regni Constitutiones suis locis reperiuntur.

2 Ergo & Rex Reipublicae, & haec Illi obligatur. Celsissimus quondam Princeps & Episcopus *ZALVSKI Epist. T. II. p. 188.* affirmat: ne vnum quidem fuisse Regem, qui pacta haec seruauerit, eoque nomine *Iohannem III.* excusat.

cusat. Hoc quamuis in medio relinquo, crederem tamen, quoties de neglectis pactis conuentis querela instituitur, dispiciendum esse, vtrum per Regem, an per Ordines steterit, quo minus illorum habita fuerit ratio.

3 Olim tamen latino sermone pacta conuenta scribi solebant, post Polonico. Primum mutati moris exemplum dedit *Vladislaus IV.* quod ex eo tempore in consuetudinem transiit.

## §. I.

## CAVTIO DE ELECTIONE LIBERA.

Senatus Regni, Ordo equestris, et omnes Status Regni Poloniae & M. D. Lituaniae, omniumque aliarum Prouinciarum annexarum<sup>1</sup> de hoc sibi apud Nos cauerunt, Nos vero idem illis pollicemur, illudque pro lege perpetua haberi consentimus, videlicet: quemadmodum per libera et vnanimia suffragia, omnium Statuum Reipublicae vtriusque gentis Polonicae et Lituonicae<sup>2</sup> singularumque Ditionum annexarum<sup>3</sup> ad hoc Regnum electi et suscepti sumus: ita nec Nos nec successores nostri, stante vita nostra, Reges nominabimus, neque villo modo aliquem in Thronum nostrum Regium inducemus, idque ideo, ut perpetuis temporibus, post decessum nostrum, libera electio Regum,<sup>4</sup> apud *Status Regni & M. D. L.* et omnium Prouinciarum annexarum, secundum iura, priuilegia<sup>5</sup> & Constitutiones de libera electione latas, tam antiquas quam recentes, annorum 1607. 1609. 1631. 1662. & 1667.<sup>6</sup> in pleno robore maneat.

1 Non vno tempore Poloniae Regnum ad praesentem amplitudinem peruenit, sed creuit sensim, cum subinde nouae provinciae accederent, quarum aliae Poloniae, aliae Lituaniae iunctae: Liuania, vtrique facta est communis.

2 Eligunt Regem vna cum Polonis Lituani, idque ex veteri instituto. Postquam enim *Iagello* regiam dignitatem consecutus, prouisum a. 1401. ut Rege hoc, sine liberis & legitimis successoribus decedente, Poloni sine scitu & consilio Lituatorum, non alium eligant: quod in Conuentu *Hrodlenfi* a. 1413. repetitum. *LASCO Statut. f. 126. 129. PRILVS. Stat. p. 689. & 692. &c.* *Vladislaus Iagellonides* cum caeteris iuribus & hoc de electione Regia ratum habuit, *LASCO f. 129. PRILVS. p. 692.* quod tamen fuit nouo diplomate a. 1499. firmatum. *LASCO f. 131 PRILVS. p. 696.* Denique per vltimam in Comitibus Lublinesebus a. 1569. *unionem*, statutum, ut nouus Rex, iunctis Polonorum & Lituatorum suffragiis, eligatur. *VOL. CONST. p. 174.* Seruatum id perpetuo, adeo, ut electo a Polonis *Michaele*, in permouendis ad suffragationem Lituani laboraretur, *Epist.*



ZALVSK. T. I. p. 126. & Iohannes III. non prius Rex solenni more dictus, quam Litvani accefferant. Ep. ZAL. T. I. p. 558.

3 Inter caeteras prouincias, Regno iunctas, Prussiae, per deditiois pactum, quod incorporationis, vulgo vocatur, *pruilegium*, sigillatim cautum, quod ad electionem & coronationem Regum admittenda. Quare, cum absentibus Prussis, Sigismundi Augusti electio esset peracta, hi non tantum de laeso iure, questi, sed & seorsim, prouinciae nomine, sua suffragia in Eundem contulerunt. HIST. PRUSS. T. I. p. 83. 85. Imo Sigismundus Pater, suis litteris testatus, illibatum esse Prussorum in Regum Electionibus ius, illudque his verbis roborauit: *Ve quotiescunque Regem decedere, & Regnum vacare, aut electionem quomodocunque celebrari contigerit, Domini Consiliarii ordinis utriusque regni Poloniae, antequam ad electionem procedant, prius Status & Ordines Terrarum Prussiae, de hac ipsa noui Regis electione certiores faciant, ac eosdem ipsos Status secundum antiquam consuetudinem, & contenta prouilegiis eorum, ad eam vocent & admittant.* Exstant litterae inter Iura Municipalia Terrarum Prussiae.

4 Sunt Poloni liberae electionis obseruantissimi, habentque hoc ius, caeterorum veluti caput: ac ferunt molestissime, quidquid illi aduersari videtur. Inde tot Sanctiones totiesque repetita pacta, quibus successionem iretur obuiam, & omne illud, quod haberet haereditatis speciem, amoueretur. In Articulis, ut vocantur, Regi Henrico oblatis, pro lege perpetua statuitur, ne Rex eiusque Successores, dum viuunt, Regem alium nominent, aut eligant, aut ad electionem conueniunt indicant, & aliquo modo Regem Successorem promoueant, idque ideo, ut perpetuis temporibus, post Regum obitum, libera electio omnibus Regni Ordinibus maneat: quare neque Henricus, neque qui secuturi, Reges, haeredis titulo utantur. Quos Articulus Stephanus confirmauit. VOL. CONST. p. 253. Idem fecisse intelligendus Sigismundus III. cum praeter caeteras libertates, articulos in coronatione Henrici Regis sancitos, seruaturum promisit. VOL. CONST. p. 453. Idem caput ex Henrici articulis, in Vladislai IV. pactis conuentis repetitur, additis CONSTITVT. a. 1607. 1609. 1631. & prouilegiis a. 1607 & 1631. PORZ. ELEKC. a. 1652. p. 11. Eadem iisdem verbis habentur in Pactis conuentis Iohannis Casimiri. PORZ. ELEKC. a. 1648. p. 15. Conueniunt Pacta conuenta, Michaelis, Iohannis III. & Augusti II. nisi quod Michaelis, CONST. a. 1662. & 1667. Iohannis III. & Augusti II. praeter has, & alia CONSTIT. a. 1670. adiicitur: praeterea in Augusti II. pactis, ad recentiora sancita, tempore Iohannis III. prouocatur. Non ergo mirum, magnos secutos, animorum motus, quoties aliquid admissum, quod liberam electionem turbaret, aut suspicio oriretur, versari hoc ius in discrimine. Exempla, Stephani, Sigismundi III. Vladislai IV. & Iohannis Casimiri tempora suppeditant. Imo Michaelis & Iohannis III. Regna non omni caruerunt metu.

5 Iura haec exercuerunt Poloni a Ludouici tempore, fassique sunt Reges per totam Iagellonicam stirpem, se consensu & electione Ordinum gubernaculo ad-motos. Singulorum testimonia habentur in Statutis PRILVSI p. 5 seq. Idem post Sigismundum Augustum singulorum Regum Pacta conuenta loquuntur.

6 Non tamen pactis conuentis acquieuerunt Ordines, sed e re duxerunt esse, liberam electionem in Comitibus per constitutiones roborare. Cum, incertis quamuis autoribus, Sigismundus III. inodo Regno Archiduci Austriae cedere, modo sibi filium Vladislaum sufficere velle, ferebatur, plurimi non inanem habebant famam, & qui turbare res, ex suis compendiis induxerant, specio-sum

sum hoc argumentum cum aliis praetexebant. Tum secuta a. 1607. constitutio, qua Rex, quaecunque siue a semet, siue a superioribus Regibus, in gratiam liberae electionis, aut alio modo sancita, firmat, a Rege tum per *cessionem iuris*, tum aliis artibus, & quocunque praetextu, successorem constitui, ad Regnum prouehi & adduci vetat; omnia, quaecunque vnquam in hoc negotio, contra liberam electionem & consensum Ordinum fierent, irrita & inania pronunciat: quicumque iure aliquo praetexto, succedere, & Regnum sibi vindicare voluerit, hostem Patriae, ac omni tempore, Regno & magno Ducatui Lituaniae ut praesit, inhabilem, eosque, qui talem oppressorem liberae electionis, consiliis aut opibus adiuturi, aut futuri ei rei conscii, perduelles iudicat. VOL. CONST. p. 829. tit. Napierwey Warunek. Sanctioni huic accessit, eiusdem Regis Sigismundi III. Diploma, quod tum statim constitutionibus debebat inseri, sed demum a. 1631. inter eas locum obtinuit. Est illud latine scriptum, utiturque inter alia memoratus modo Rex, his verbis: *promittimus, neque Nos ipsos admissuros, ut viuentibus Nobis, de substituendo Rege tractatus ineatur, neque passuros, ut quisquam alter hoc ipsum attentare praesumat: quin imo talem & tales omnes hostes patriae & subuersores publicae libertatis iudicamus, poenisque iis, quibus criminis perduellionis rei tenentur, subiacere decernimus.* Et nihilominus quicquid in derogationem libertatis eligendi Regis a quoquam factum attentatumue fuerit, id irritum nulliusque roboris fore, pronunciamus &c. CONST. a. 1631. p. 2. Per Constitutionem a. 1609. Rex precibus equestri Ordinis annuit, ut diploma de libera electione datum, actis castrensis Regni & M. D. L. inseratur. VOL. CONST. p. 889. tit. Owarunku. An. 1626. in Comitibus Thorun. non leuiter commoti animi, cum Regni Pro-Cancellarius, imprudenter de Successore, Rege viuente, constituendo, mentionem inieciisset, ac Iohannem Casimirum, Regis filium minorem natu, commendasset. PIASEC. Chron. p. 385. Rex tamen omnem exemit metum, dum Constitutionem anni 1607. noua lege a. 1631. firmabat iubeatque, Diploma illius temporis, ut antea dictum, in Volumen legum referri. CONST. a. 1631. p. 1. tit. Warunek. Quantum turbatum posterioribus Iohannis Casimiri annis, consilia de legendo, Rege imperante, successore dederint, narrat KOCHOVII Annales Climact. 3. quibus T. VII. HISTORIAE NOSTRAE PRUSSICAE iungi potest. Duae inde illae, quae in pactis allegantur, natae sunt Constitutiones, altera 1662, qua omnia de libera electione iura & constitutiones, a Regibus quibusuis latae & in pactis conuentis firmatae, in omnibus capitibus suis roborantur, & omnes contra eandem transactiones & scripta tolluntur, & ne tum Reipubl. tum priuatis nocere debeant, cauetur CONSTIT. d. a. p. 3. tit. Reassumpcy. Altera vero a. 1667. eadem continet, & poenas contra violatores huius iuris in Constitutionibus decretas, ratas habet. CONST. d. a. p. 3. tit. Warunek. His meretur addi CONSTIT. a. 1670. tit. Warunek p. 12. qua integritati liberae electionis amplissime prospicitur.

## §. II.

DOMVS REGIA IVRE SVCCESIONIS  
ABSTINEAT.

Reassumendo omnia iura de libera electione cauemus, ne domus nostra Regia vllam successionem & praetextum proximitatis ad Regnum sibi praesumat: his enim saltem praerogatiuis



vtetur, quibus progenies antecedentium Serenissimorum Regum Poloniae vsa est, saluis iuribus Reipublicae circa hoc latis<sup>2</sup>.

1 Est liberae electionis effectus, vt proles Regia, nullo succedendi iure gaudeat: pugnant enim inter se electio & successio. Quoties ergo viuientium Regum Successores constituti, cuius rei exempla, *Casimiri M. Ludouici, Vladislai Jagellonis, & Sigismundi I.* tempora suppeditant, factum id Ordinum consensu, qui pro electione haberi potest. De hac tamen re in pactis conuentis, ante *Michaelis* nihil cautum est. Et leguntur plane eadem, quae in praesentibus, verba, additis, *vt Domus Regia aequalitati per omnia cum Statu Nobilitari subiacet.* *P. ORZ. ELEK. p. 14.* Repetitur idem in pactis conuentis *Iohannis III.* at in *Augusti II.* omissa, quae in prioribus de aequalitate cum Statu Nobilitari leguntur. Ratio discriminis, non nisi ex Domuum diuersitate deducenda. *Michaelis* enim & *Iohannis* familiae Illustres licet, pari tamen cum caetera Nobilitate iure vsae, quo easdem eximere non e re esse videbatur, licet summum conscendissent fastigium, qui ex iisdem nati; personis enim eorum Dignitas haec colata, non familiae. At domus Saxonicae electoralis, alia erat ratio, haec vt ante electionem regiam eminebat, per eandem ad conditionem equestrem demitti haud poterat.

2 Idem habent, *Michaelis, Iohannis III. & Augusti II.* pacta, nisi quod linea e lumbis directe descendens, expresse nominetur. Quae tamen illae praerogativae, lex non loquitur. *Sigismundi III.* tempore, cui numerosa erat soboles, de bonis, dignitatibus ac iure quo vteretur, varia sunt constituta, quae tamen eandem supra priuatorum conditionem non extollunt. Quod & dicendum de iis, quae sequenti Interregno, & *Vladislao IV.* regnante, in gratiam eiusdem sobolis decreta. Quod si ad vsum respicimus, habuerunt hoc praecipuum Regum filii, quod Regnum non tantum petere potuerunt, sed & iis in electione praelatus nemo. Inde tota *Jagellonis* stirps Regnum tenuit, *Vladislao, Casimiri IV.* filio natu maiore; excepto, cui *Bohemia & Hungaria* sufficiebant. Haec cum per *Sigismundi Augusti* mortem, in maribus deficeret, ea tamen *Sigismundi I.* filiae *Annae* in Polonia superstitis habita ratio, vt per pacta conuenta *Stephano* iungeretur. Huic nulla contigit proles, & post eius mortem *Sigismundus Sueciae* Princeps electus, ex hac, praeter alias, ratione, quod per matrem *Catharinam, Sigismundi I.* Nepos esset. Huius genus duravit in *Vladislao & Iohanne Casimiro*, utroque Poloniae Rege. *Iohannis III.* obitus, primum omiffae Regiae domus exemplum dedit, agebatque Respublica ex suis rationibus, quae, cum post acerbissimam *Augusti II.* mortem cessarent, rediit ad auitam pietatem, *AVGVSTVM III.* vt Paterni in Germania fastigii, sic virtutum omnium ex asse HABEREDEM, eligendo. Praeterea legimus *Vladislaum, Patri, Sigismundo III.* in Comitibus a. 1611. flagitantibus Nunciis Terrestribus, in sella ad laeuam primum assedisse, *HISTOR. NOSTRA PRVSS. T. V. p. 54.* qui honor *Iacobo, Iohannis III.* filio, urgente licet Regina, negatus. *Epist. ZALE. T. I. part. 2. p. 1042. 1058.* Quod ad Iura Reipublicae attinet, quae salua volunt pacta, sunt tum ea, quae liberam electionem firman, ne domus Regia sibi sumat, quae eidem aduersa; tum ad ea referenda, quae *Sigismundi III. & Vladislai IV.* temporibus constituta, quorum modo a nobis facta est mentio.

§. III.

§. III.

CAVTIO DE RELIGIONE REGIS ET REGINAE.

Licet iura antiqua sint indubitata, quod Rex sit catholicus<sup>1</sup>, propter aeternum tamen valorem, nunc & in posterum, perpetua lege cauemus; pro Nobis & successoribus nostris, quia Nos fidem Romano-Catholicam pofitemur, ne quoque in posterum Rex diuersae Religionis in Regnum Poloniae & M. D. Lituaniae eligatur, nisi sit Romanae Orthodoxae Religionis Catholicae. Eiusdem fidei etiam Regina esse debet, siue natione, siue vocatione<sup>2</sup>.

1 Ex quo *Miecislavus I.* Christianam Religionem amplexus, perpetuo vsu obtinuit, vt nonnisi Rex Romano-Catholicus Regno praeesset. Debuit ergo *Jagello*, sacro fonte ablui, ac Christianorum coetui aggregari, dum regnare voluit, quod & inter caeteras pactiones vltro Polonis obtulit. De *Sigismundo Augusto* exierat rumor, velle eundem auita sacra deferere, imo promississe ferebatur, se Augustanam Confessionem recepturum, *ILLVSTR. VIRO. EPISTOLAE T. II. DELVGOS. p. 1793. 1667.* Vix tamen credibile, Regem otii amantissimum, ac voluptatibus distractum, de re tanti momenti serio cogitasse, & mutatione Religionis infinitis turbis implicari voluisse, quem metus a diuortio, quod cum coniuge, quam plane auersabatur, facere constituerat, retraxit. Magis ex ingenio locutus, cum Episcopo Varmienfi, Illustri illi Cardinali, Hosio, de sparso rumore sciscitanti, responderet: *ne crederet vulgi sermonibus, nihil tale sibi in mentem venisse unquam; se constanter in confessione fidei catholicae, quam a Maioribus suis accepit, ad extremum vsque spiritum suum permansurum.* *ILLVSTR. VIR. EPIST. p. 1667.* Quantum, *Sigismundo Augusto* extincto, *Commendonius* summi Pontificis Nuncius, laborauerit, vt post illum Romano-Catholicus eligeretur, exponit *GRATIANVS in Vita Commendonii IV. 2.* Ex quo tempore summi Pontifices, nonnisi talem, Reipublicae per suos Nuncios commendarunt, quoties vacare Regnum contingeret. Et in hoc cura Commendonio ex voto successit, quod *Henricus Dux Andegauensis* electus, quem *Hosius* Cardinalis, acerrimum Catholicae fidei propugnatorem vocat. *ILLVSTR. VIR. EPIST. p. 1677.* De *Stephani* Religione anceps quidem erat opinio, sed aduentanti in Poloniam, obuiam missus *Sulikouius*, qui animum Eius scrutaretur. Hic in secretiori colloquio, Regem ingenue edocebat, sine fidei Catholicae vera & sincera professione & obseruatione, non solum diademate Regio se non esse potiturum, sed nec *Cracouiam* quidem, sedem coronandorum ac conseruandorum Regum laudatissimam & Catholicissimam esse conspecturum: Firmamentum esse Regni Catholicam fidem, & Catholicos Viros, ipsumque sacrum Ordinem esse primam & praecipuam Reipublicae partem, & Senatus caput, & Regis animam, lucernam ac spiritum vitalem &c. Verum Rex *Sulikouium* de Religione plane securum reddidit, & sequenti die Missae sacrificio non sine lacrymis interfuit. *SVLIKOV. Comment. Rer. Polon. p. 60. sq.* *Sigismundus III. Vladislaus IV. & Iohannes Casimirus*, vt erant instituti, sic in Religione Romano-Catholica perstiterunt. Remissior quidem visus *Vladislaus*; quod Missarum sacrificia publice

non



non frequentabat, sed excusat Eundem valetudine, & constantiae in Religione sua, perhibet testimonium *PIASECIVS Chron. p. 454.* Iohannes autem Casimirus, non tantum in societatem Iesu recipi voluit, sed & titulo Defensoris fidei & Orthodoxi a summo Pontifice ornatus. Michael in pactis conuentis primus sanxit, vt Rex Poloniae non eligatur, nisi qui Romanae orthodoxae Religionis Catholicae, *PACTA CONVENTA §. Iubodawne.* Quod in Pactis Conuentis Iohannis III. & Augusti II. repetitum. Post memorati Iohannis III. mortem, generali confoederationi insertum, Regem non nisi Romano-Catholicum eligendum, quam prouidentiam sibi tribuit, Princeps & Episcopus Varmiensis *z A. L. Epist. T. II. p. 121.* Vltimi autem Interregni confoederatio §. 10. adiecit, Regem eligendum ex vtrisque Parentibus orthodoxae Religionis, natum esse debere. Quo tamen illa nouitas tenderet, iam tum praeuideri poterat, & probauit euentus. Cum mortuo Michaeli, Electoris Brandenburgici legatus, ex Regni Cancellario Lescinio percontaretur, vtrum aliqua spes esset, de euehendo in Regium fastigium Principe *Protestantium* Sacris addicto, si caueat, Religionem Romano-Catholicam se non turbaturum, & cui sufficiat, sua sacra intra conclaue obire: Negabat hic, id fieri posse, obstantibus in primis Michaelis pactis conuentis, & quod sacer Ordo ac Nobilitas summis viribus repugnaturi. Simul fatebatur neminem Regno magis conuenire, quam Electoris filium, Carolum Aemilium, si sacra mutare velit. Episcopus tamen Cracouiensis & Pro-Cancellarius solennem mutationem sacrorum non vrgebant, modo semper in Catholico templo Missae interfit, siue interim preces fundat, siue quid aliud legat, sacram vero coenam suo ritu recipiat. *PVFEND. de Reb. Frid. Wilb. T. II. L. XII. p. 947.* Inde cum Augustus II. Regnum peteret, praecipua Ipsi difficultas ex Religione ab iis mouebatur, qui ignorabant, Principem Religioni Romano-Catholicae accessisse.

<sup>2</sup> Inter Reginas duae fuere, Religioni Romano-Catholicae non addictae, altera Alexandri, altera Augusti II. Coniux, illa Graeca, haec Lutherana, neutra ob sacrorum diuersitatem corona redimita. Vladislaus quidem IV. ad matrimonium filiae Electoris Palatini animus intenderat, quod non succedebat, cum illa in Religione Reformata perstaret. *PIASEC. Chron. p. 492.* Primum tamen in pactis conuentis Michaelis l. c. constitutum, vt Regina sit Romano-Catholica, siue natione, siue vocatione, hoc est, aut quod in eadem Religione nata, aut quod mutatis Sacris ad eandem transierit. Cuius rei auctorem, Celsissimus *ZALUSKIVS*, auunculum suum, Olzouium eo tempore Culmensis Episcopum & Regni Pro-Cancellarium laudat. *Epist. T. I. p. 209. T. II. p. 121.* Michaelis exemplum, in suis pactis, Iohannes III. & Augustus II. secuti. Idem Caput de Regina Catholica, cura *Zaluskii*, Confoederationi ante Augusti II. electionem, insertum. *Epist. z A. L. T. II. p. 121.* Nec minus in vltimi Interregni Confoederatione generali §. 10. vt Regina sit Catholica, cauetur.

#### §. IV.

##### PACI DISSIDENTIVM PROSPICITVR.

Et quoniam in hoc inclyto Regno Poloniae, Polonicae & Lituanae Nationis & Prouinciarum annexarum, non exiguus est Dissidentium in Religione Christiana <sup>1</sup> numerus, propterea exemplo Antecessorum nostrorum <sup>2</sup>, ne postea ex hac causa scissio-

scissiones & sanguinis effusiones fiant, id quod antiquis confoederationibus <sup>3</sup> & constitutionibus <sup>4</sup> cautum est, perpetuis temporibus tenebimus, non obstantibus quibuscunque protestationibus <sup>5</sup>, integra tamen in omnibus dissidentium in Religione Christiana, pace & securitate <sup>6</sup>.

#### §. V.

<sup>1</sup> Vna fuit olim, post receptum Christianismum, Religio, eaque Romano-Catholica. Cum Casimirus Magnus a. 1340. Russiam rubram Regno iungeret, admissa praeter Romano-Catholicam, & Graeca, quod eadem in illis Terris floruerat, & Rex fidem dederat Russiae Proceribus, se eandem haud violaturum aut mutaturum. *DLVG. L. IX. p. 1058.* Inde, cum a. 1344. nonnulli ex hac gente, rebellionem molirentur, causam allegabant, quod suae Religioni interitum metuerent. *DLVG. l. c. p. 1071.* Ex hoc tempore, in Regno, cuius pars facta Russia, duae Religiones obtinuerunt. His tertia se iungere voluit, cum Vladislao Iagellone imperante, ex Bohemia, Hussitarum dogmata, in Poloniam se infunderent. Sed quo minus id fieret, obstitit Rex teneriori mandato a. 1424. Vicum publicato, quo omnes haeretici in Regno capi & puniri, omnes, qui ex Bohemia venerint, Religionis nomine examen subire, quicumque ex Polonis in Bohemia fuerint, certo tempore, sub poenis grauissimis, tanquam haereticis irrogandis, in Patriam reuerti iubentur, ac mercatoribus omne cum Bohemia commercium interdicatur. *LASKO Statut. f. 75. PRILVS. Stat. p. 169.* Et a. 1438. Ordines aduersus eosdem haereticos illorumque fautores, Confoederationem *Korczyni* inierunt. *LASKO l. c. f. 76. PRILVS. l. c. p. 171.* Sic repressi fuerunt Hussitae, quos sub Sigismundo I. & Sigismundo Augusto, Lutherani, Reformati & Fratres Bohemi secuti, quorum doctrina, cum magno assensu exciperetur, per plurimas Poloniae & Lituaniae prouincias se diffuderunt. Neque Sociniani, seu, vt vulgo dicuntur, Arrianis, qui circa eadem tempora suos errores propalabant, defuerunt asseclae & Patroni, vt pro vna Religione, iam diuersae incolarum distraherent animos. Omnes hi, cum Romano-Catholicis vno Dissidentium de Religione vocabulo continebantur. Cuius appellationis testem habemus confoederationem anni 1573. *VOL. CONSTIT. p. 209.* quae Religionis libertati propexit, primam, vbi Ordines Regni qui eam inierunt, se dissidentes de Religione esse, fatentur, sibi que mutuam pacem, ac impunitatem sacrorum nomine appromittunt. Et reuera dissidebant a se invicem, quotquot diuersam Religionem sequebantur, siue ea esset Romano-Catholica, siue alia quaecunque. Non ergo per illam confoederationem, solis, qui a Romano-Catholicis secesserant, aliquid concessum, sed simul ipsis Romano-Catholicis, quod horum non minus quam caeterorum intererat, ob Sacra non turbari, non poenam, non vim patis inprimis cum ex multitudine dissentientium non vanus illo tempore suberat metus, ne aliquando Romano-Catholicis praeualerent. Quod cum non fieret, sed illorum numerus in dies imminueretur, coepit dissidentium vocabulum, ad Graecos, Lutheranos, & Reformatos transferri, quasi iis a Romano-Catholicis, per dictam confoederationem, beneficii instar, pax Religionis nomine concessa fuerit, cuius limites statuere & coercere, his integrum esset.

<sup>2</sup> Sancita in Comitibus Conuocationis, post Sigismundi Augusti mortem, mutua inter Dissidentes de Religione pace, non postrema fuit cura, vt eadem ab



electo Rege rata haberetur, & cum caeteris iureiurando firmaretur. Id & spondebant legati Gallici, cum nomine noui Regis promitterent, Eum omnia iura, privilegia, immunitates, praerogatiuas - - - siue per Serenissimos Reges - - - concessas, vel quouis alio nomine quaesitas, ac diuturno vsu approbatas, siue etiam circa electionem Regis, ex vnanimi & concordi omnium Ordinum consensu sancitas, integre & inuiolabiliter seruaturum, atque etiam Iuramento corporali confirmaturum. VOL. CONST. p. 226. Postea missi a Republ. ad nouum Regem Parisiis legati, inter quos, de referenda inter pacta conuenta dissidentium pace, ortum certamen, Episcopo Posnaniensi, Palatino Siradiensi, & Mareschallo Curiae Lituanicae, id fieri posse negantibus, quod eidem in Polonia contradicendum fuisset, caeteris, vt fieret, exigentibus. Ambiguum reddebat Regem haec legatorum discordia, ex quibus Iob. Zborouius Odolanouiensis praefectus, obuersus ad Monlucium, Valentiae Episcopum, qui inter Oratores Gallicos primus fuerat: *ni pos legati, inquit, nomine Principum (Regis Galliae Caroli, & Fratris Henrici electi iam Regis Poloniae) hanc conditionem acceptassetis, bicce Princeps nobis contradicentibus in Regem eligi non potuisset.* Henrico quaerente, quid loqueretur Zborouius, hic ad Regem dirigens sermonem; aio, dicebat, *Rex Serenissime, ni hi Oratores tui hanc conditionem dissidentium de Religione, nomine tuo acceptassent, nobis contradicentibus Rex eligi non potuisset, imo ni eam approbaueris, Rex Poloniae non eris.* FREDRO Hist. Henrici p. 116. Quare moniti a Rege legati, conuenere, vt Rex cum caeteris capitibus iuraret, *se pacem & tranquillitatem inter dissidentes de Religione tuiturum; manu tenturum, nec villo modo vel iurisdictione sua, vel officiorum suorum & Statuum quorumuis auctoritate, quempiam affici opprimique causa religionis permitturum, nec se Ipsum affecturum aut oppressurum.* VOL. CONST. p. 227. Pariter roboratur eadem pax inter dissidentes, in articulis Henrico oblatis & a Stephano firmatis. VOL. CONST. p. 253. Ipse Stephanus vero Henrici verba in suo iureiurando repetiit, & in litteris generalis confirmationis iurium fidem dedit, licet priuilegia & libertates ecclesiasticas cum caeteris confirmauerit, id paci & tranquillitati inter dissidentes de religione, in iureiurando expresso derogare haud debere. VOL. CONST. p. 250. 259. Qui secuti, Reges omnes, tum per pacta sua, tum per solenne, quod dixerunt Reipubl. sacramentum, dissidentibus de Religione pacem sancte promiserunt. Michael quidem Rex de se praedicasse fertur, quod pacem hanc cum restrictione iurauerit: sed quam periculosum hoc, Debicius Succamerarius Sandomiriensis exposuit: *sicet in vno puncto, inquit, Regi Iuramentum restringere, licebit & in altero, consequenter in omnibus. Fatetur, se id in vno fecisse, quis scit, annon in pluribus?* Et Primas Prazmouius hanc mentis restrictionem Regi publice exprobrauit. Epist. ZALVSK. T. I. p. 170. 265. 322 seq.

3 Intelliguntur Confoederationes illae generales, quae singulis Interregnis, in comitiis conuocationis fieri solent. Prima quae inter dissidentes pacem sancit, est anni 1573. cuius nota (1) ad hunc §. facta est mentio. Verba latine reddita adferre iuuat. *Ex quoniam, aiunt Ordines, in nostra Republ. non paruum est dissidium in causa Religionis Christianae, occurrendo ne ex hac causa inter homines damnosa quaedam seditio oriatur, vti in aliis Regnis clare videmus, spondemus hoc nobis inuicem, pro nobis & successoribus nostris, in perpetuum, sub vinculo iuramenti, fide, honore & conscientis nostris, quod, qui sumus dissidentes de religione, pacem inter nos conseruare, & propter diuersam fidem, & mutationes in Ecclesiis, sanguinem non effundere, neque mulctare pecunia, infamia, carceribus & exilio, & superioritati alicui aut officio ad eiusmodi processum nullo modo auxilium dare: quin*

imo,

imo, si aliquis sanguinem effundere voluerit, ex ista causa, opponere nos omnes erimus obstricti, licet etiam id aliquin sub praetextu decreti aut alicuius processus iudicarii facere voluerit. VOL. CONST. p. 209. Idem iisdem fere verbis posteriores confoederationes statuunt. Nouam tamen rem aggressa, quae Augusti II. obitum excepit. Motis enim a Romano-Catholicis, conclau Nunciorum iis, qui diuersae erant Religionis, caput de dissidentibus, per confoederationem hoc modo formatum: *Dissidentibus in Religione Christiana, quo nomine saltem illi, qui a Romano-Catholicis diuersi intelliguntur, pacem iuxta antiquas Confoederationes & praecipue iuxta constitutionem anni millesimi septingentesimi decimi septimi, ac securitatem bonorum, fortunarum & aequalitatis personarum cauemus, ita tamen, vt tantum in conclau Nunciorum, in tribunalibus & commissionibus auctoritatem, simul suos priuatos congressus seu conuenticula, legibus prohibita, & officia Regni, Litvaniae, Palatinae, terrestria & castrensis, saluis modernis possessoribus non habeant, neque vllas protectiones per se & Ministros apud exterarum potentias quaerant, sub rigore legis, de perduellibus sancitae.* CONFOED. GEN. a. 1733. p. 2. Posset hic quaeri, quo iure, Nobiles electi ad Comitiam Nuncii, ob Religionem, legibus probatam, contra antiquum & perpetuum vsum, nullo admissio facinore, conclau Nunciorum a fratribus, absentes, arceri; iis quae praecipua habet equestri ordo, more in libera gente vix audito, exui; ad conditionem plebeiorum redigi, & ob questus, ob Principum exterorum, quibus per publicas pactiones, ius est, intercessionem, poenae perduellionis subiici potuerint. Verum rem tam ampli examinis, arctiores Commentarii nostri limites haud admittunt. Dabitur forte alio tempore locus opportunior. Laudanda tamen insignis Reipubl. aequitas, quae per solenne cum nouo Rege pactum, antiquas confoederationes asseruit: celebranda est summa Principis indulgentia, qui ciues veteri suo iure vti liberalissime concessit.

4 Praeter confoederationes, rarius in Constitutionibus de pace dissidentium agitur, exstat tamen de eadem lex inter scita Comitiorum Stephani. VOL. CONST. p. 275. In CONSTITUTIONE a. 1631. p. 18. tit. *Zatrzymanie pokoiu pospolitego.* Violatores pacis publicae puniri iubentur, qui praetextu Religionis Catholicae tumultus excitant, & vim inferunt: nec minus per aliam CONST. a. 1638. p. 44. tit. *Poená ná tych,* multa in eos statuitur, qui in Ciuitatibus Prussiae, Romano-Catholicos in exercitio suae Religionis turbaturi. Ex hac tamen ratione, in pactis antiquae constitutiones allegantur, ne diuersae Religioni addictis, superioris Interregni Confoederatio, quae eosdem Constitutioni anni 1717. subiicit, noceret. Est autem illa Constitutio, non nisi Articulus IV. Varfauiensis post confoederationem Tarnogrodensem, pacificationis, qui ideo Constitutionis nomine venit, quod tota Transactio inter constitutiones sequentium Comitiorum recepta. Sed iam anno 1717. Augustus II. singulari rescripto cauerat, dictum „articulum prioribus Confoederationibus, Regis pactis conuentis, ac quibusuis „dissidentium iuribus haud quicquam derogare debere.

5 Paci dissidentium multi intercesserunt, Sacri, Ciuilis, Senatorii, Equestri Ordinis, neque vno tempore, sed diuersis. Cum primum eadem a. 1573. sanciebatur, statim contradictiones, non quidem in ipsis coronationis comitiis, post illa tamen, scriptae, & Parisiis coram Rege Henrico, ab Episcopo Posnaniensi, Palatino Siradiensi, & Mareschallo Curiae Lituanicae, qui ex numero legatorum erant, repetitae fuerunt, quaeque in Epistolis ZALVSKIANIS Tom. II. p. 749. seq. exhibentur. Post electionem Sigismundi III. tres Episcopi, suo & aliorum

B 2

Ar-



Archi-Episcoporum, omniumque, siue ex sacro siue civili Ordine, secumfacientium nomine, paci dissidentium & Regio in eandem iuriurando singulari scripto oblocuti, cuius capita exhibet Illustriss. Regni Referendar. IOSEPH ANDR. ZALVSKI in libro quem inscripsit: *Dwa miecze* (gladii duo) p. 70. 71. Et cum Rex ille, in templo Oliuensis monasterii, prope Gedanum, in pacta conuenta iuraret, Episcopus Cuiaviensis, nomine Romano-Catholicorum, paci inter dissidentes iterum contradixit, at pro iis, qui diuersae religionis, Przienius, regessit. HIST. PRVSS. T. IV. p. 26. Mortuo Sigismundo III. Confoederationi generali Archi-Episcopus Gnesnensis cum Episcopis, ac illi, qui in Religione Romano-Catholica ardentiores, aut saluis iuribus Ecclesiae Romanae, aut excepto articulo Confoederationis subscripserunt, eo consilio, vt vel plane auersarentur inter dissidentes pacem, aut interpretandi eandem ad suae Ecclesiae commodum, sibi potestatem seruarent integram. Primum hoc fuit exemplum subscriptae in religionis causa, cum exceptione, confoederationis, quod ex illo tempore in consuetudinem transiit. Lutherani contra & Reformati, per suas subscriptiones, dissidentium pacem integram seruare conati, quod primum factum in confoederatione ante electionem Iohannis Casimiri, & postea repetitum fuit. Antea tamen questi in Comitibus Electionis Vladislai IV. de inducta a Romano-Catholicis nouitate, conuenitque post longas & acres disceptationes, vt in pactis conuentis noui Regis, paci dissidentium verba adicerentur: *non obstantibus quibuscunque protestationibus, & saluis iuribus Ecclesiae Romano-Catholicae, integra tamen in omnibus dissidentium in Religione Christiana pax & securitate.* PIASEC. Chron. p. 448. HIST. PRVSS. T. VI. p. 12. 13. PORZ. ELEK. a. 1632. p. 11. §. a wteysamey. Quae in pactis conuentis Iohannis Casimiri, Michaelis, Iohannis III. & Augusti II. repetita leguntur. Nisi quod in Augusti II. pactis, iuribus Ecclesiae Romano-Catholicae, *excepta & iura Ducatus Masouiae & Liouoniae* nominatim iuncta, occurrunt. Nihilominus in pactorum conuentorum subscriptionibus iurium Ecclesiae Romano-Catholicae, vt & pacis dissidentium fit mentio, vt haec pariter & illa salua sint, quasi a priuatis roborandum esset, cui per sollemnem conuentionem inter Regem & Rempubl. prospectum.

6 Integra illa pax & securitas iam in prioribus pactis fuit promissa, vti modo dictum. Est autem pax & securitas integra, vbi ob Religionem nemo turbatur, nemo possessionibus suis exuitur, aut dignitatibus caeterisque, quae per leges sperare potest, arcetur. Vbi eadem vna cum Romano-Catholicis, qui Religionis erant diuersae, neque obstabat lex, quo minus vterentur. Fuerunt in Senatu, & in conclaui Nunciorum, gesserunt publica munia, adhibiti quibusuis Reipubl. negotiis. Solet quidem a nonnullis obiici statutum Vladislai Iagellonis nota (1) ad hunc §. memoratum, vt & Ordinum Confoederatio Korczini a. 1438. contra haereticos inita. LASCOF. 76. PRILVS. p. 171. HERBVRT. tit. Haereticus. Sed ostensum eadem nota (1) Vladislai Statutum, in Haereticos ex Bohemia, qui Hussitae dicti, latum, quod & de Confoederatione Ordinum dicendum. Minime intelligendi Graeci, Lutherani & Reformati, quibus dissidentium nomine in pactis asserta securitas; Graeci enim ante Iagellonem fuerunt, promissitque illis Religionis libertatem Casimirus M. cum Regno iungeret, vt constat ex allegata nota 1. Lutherani vero & Reformati Vladislai Iagellonis tempore nondum existerunt, qui ergo potuerunt eius lege coerceri? Quod si quis eosdem nihilominus ad haereticos referre velit, nae is Regi & Reipubl. aduersatur, qui dissidentium vocabulo non haereticorum vtuntur. Cum ergo a. 1658. in comitiis vox audiretur, haereticum per se esse infamem, neque in Nunciorum conclaui locum

cum habere posse: statim subiunxerunt Romano-Catholici, per haereticos solos intelligi Arrianos, non dissidentes, quales essent Lutherani, Reformati & Graeci. HIST. PRVSS. T. VII. p. 198. De his Dissidentibus, Augustus II. in pactis conuentis §. *W rozdawaniu*, plane & aperte loquitur: in distributione dignitatum, sellarum Senatoriarum & Capitaneatum cum iurisdictione continuum, vsum & antiquam praxin, a sanctae memoriae, Iohanne Casimiro, Michaelis, Iohanne III. sacrosancte obseruatam, punctualiter retinere promittimus, exceptis Mennonistis, Anabaptistis, Quakeris, qui hoc iure, quod dissidentibus in Religione Christiana seruit, vt non debeat: quin etiam omnia iura & statuta, contra Arrianos lata, in eos reassumimus. Pacificatio post Tarnogrodensem confoederationem, parum alias dissidentibus fauens, non tamen iisdem viam ad dignitates praeccludit, sed id tantum art. 2. §. 6. Cancellariis iniungit, vt iisdem sine praepiudicio Catholicorum gratias Regias sigillent. CONST. a. 1717. p. 13. Quam indigne per vltimi Interregni confoederationem habiti, supra iam allatum. Verum reddita iis, per pacta conuenta, priori pace & securitate, antiquum ius noua lege firmatum fuit.

## §. V.

## DE GRAECAE RELIGIONI ADDICTIS.

Et quod attinet, ad personas Graecae Religionis, vnitas & disunitas<sup>1</sup>, quidquid propter alia impedimenta, in praesenti electione, locum nancisci non potuit, hoc in comitiis futurae coronationis, iuxta iura antiqua vtriusque partis, in praesentia Deputatorum ex vtroque ordine, sine omnibus dilationibus & disquisitionibus, per Commissarios indilate pacificare, & ita coniunctim cum Republ. componere promittimus<sup>2</sup>: vt cuilibet in suis bene fundatis grauaminibus ius & satisfactio fiat. Bona & dignitates spirituales Graecae Religionis, personis incapacibus, iuxta iura antiqua non dabimus, nec per cessionem tenere permittemus. <sup>3</sup> Auulsa bona a metropoli Kiouienfi <sup>4</sup> iure belli non alienata, ad eandem metropolin spectantia, iuxta antiqua iura eidem adiungere promittimus<sup>5</sup>.

<sup>1</sup> Religio Graeca per vtramque Russiam, rubram & albam, latissime olim diffundebatur, viguitque ibidem, antequam Regro iungeretur. Tempore Sigismundi III. orta magna dissensio, cum a. 1595. habito concilio, pars Ecclesiae Romano-Catholicae accederet, ac missis Romam Vlodomoriensi & Luceoriensi Episcopis, Summo Pontifici se submitteret, atque in consortium sacrorum reciperetur; alii in diuersitate Religionis manerent perstarentque. PIASEC. Chron. p. 138. 139. Litterae Cardin. OSSATI ex edit. AMELOTII T. I. p. 511. T. II. p. 11. Ex hoc tempore duplici appellati Graeci nomine, vt, qui Romano-Catholicis iuncti, *vnti*, caeteri *disuniti* dicerentur, simul controuersiae inter vtramque partem infinitae, ac perpetuae de iurium laesione quaerelae exortae sunt. In primis



disuniti ab unitis male se haberi affirmabant, quod favore Romano-Catholicorum praevalerent. Tentatum saepius diffidium hoc tollere, Graecos omnes ad vnam Romanam Ecclesiam redigendo, laudatque, ut caetera exempla taceamus, suum in hoc studium & feruorem, Michael Rex, in litteris ad summum Pontificem datis: pro unione, inquit, Russorum Graecorum cum Latinis, quantum consiliis & ferro etiam nunc laboretur, vel hoc argumento sit, quod florentissimis & feracissimis Vkrainis terris, tot iam annis carere, quam unionem Graeci ritus non retinere, leuius existimemus, tractatum pacis, quem sola unitorum causa difficilem reddit, magno Reipubl. dispendio & Regni periculo irahamus, vitam, fortunam, sanguinem civium, pro defendenda re Christiana, in aciem aleamque mittamus. - Audeo ego adfirmare Sanctitati Vestrae, si de protectione unitorum vel paululum mittam, si Abbatias & templa ab unitis recens recepta relinquam, si res disunitorum ad eum statum, quo sub antiquis Regibus fuerunt, reuocem, plane merito pacem domesticam cum Cosacis concludi & bellorum ab intra & extra tempestati obuiam iri posse. Ep. ZALVSK. T. I. p. 281. Et inter causas feralis illius belli Cosacici, sub obitum Vladislai IV. orti, illatam disunitis, ad quos pertinebant ipsi Cosaci, vim reperimus, & quum sequenti anno ad Zborouum, pax parum tamen diuturna componeretur, singulari capite conuenit, ut immunitatibus Ecclesiae Orientalis Graeco-Russiae lege publica caueretur, & ne eius templa, clerus, ac bona spiritalia, ab unitis inuaderentur. KOCHOV. Annal. Clim. I. p. 25. 151.

2 Actum de compositione inter unitos & disunitos, iam Sigismundi III. tempore, in Comitibus a. 1609. & cum non succederet, in proxime futura dilata, utrique tamen parti iniunctum, ut pacem seruet, constituta in turbatores decem millium florenorum mulcta. VOL. CONST. p. 892. tit. Rel. Grecka. Nihilominus haec compositio in diuersa comitia fuit reiecta, ut patet ex Constitutionibus memorato Sigismundo III. regnante, non vno tempore sancitis. Post illius mortem, in Comitibus Conuocationis, cum neque tum controuersiae finiri possent, Rege Sueciae ac Poloniae Principe Vladislao, nonnullisque ex Senatu & equestri ordine mediis, capita transactionis conscripta, quae utriusque partis ablegati domum ad suos receperunt. CONFOED. GENER. a. 1632. §. W. Religii Greckae. Haec cum habita haud fuerunt rata, alia in Comitibus Electionis proposuit Vladislavus, ad quae pacem sine mora tentaturum Idem in pactis conuentis spondebat: §. A co sig & in Comitibus Coronationis, diploma Graecis non unitis, pro certa in futuris Comitibus pacificatione, datum approbat. CONST. p. 15. tit. Asekuracya. Inde a. 1635. in comitiis pax inter Graecos ad capita in electione Regia scripta constituitur, & ut obseruetur, perpetua lege edicitur: simul omnes processus & litispendentiae occasione Religionis inter eos ortae, sub mulcta a. 1609. constituta abolentur. CONST. p. 11. tit. Rel. Grecka. Sed turbata haec fuit pax non vno modo, uti ex CONST. a. 1641. patet, p. 6. tit. Rel. Grecka, quare post sanctiones alias, noua lege a. 1647. decretum, CONST. a. p. 3. tit. Rel. Grecka, ut omnia intra Russis Graecae Religionis seruientia, ad capita in electione Regia scripta, executioni mandentur, Commissariis in hanc rem nominatis. Docet tamen CONFOEDERATIO GENERALIS p. 4. §. Religia, quae Vladislai IV. regnum excepit, non omnia ad normam memoratorum capitum fuisse redacta, sed ut hoc fieret, & futuro Regi inter pacta conuenta commendaretur, Ordines non tantum edixerunt, verum & nouus Rex Iohannes Casimirus, id se facturum, in pactis suis §. A co sig fidem dedit. Exarlerat iam tum Cosacicum bellum, simul pro disunitis gestum, secutaque & a. 1658 Commissio Hadiacensis, his admodum

dum fauens, KOCHOV. Annales Cl. II. p. 316. CONST. a. 1659. p. 51. tamen a. 1668. in confoederatione generali, Ordines compositionem postulationum futuro Regnanti diligenter se commendaturos promiserunt: & electus in Regem Michael, per pacta conuenta pollicitus, eandem in coronatione sua, iuxta iura antiqua utriusque partis, per Deputatos ex utroque Ordine, sine omnibus disquisitionibus & dilationibus, efficere, & ad executionem per Commissarios utriusque gentis Deputatos, sine procrastinatione deducere. PORZ. ELEK. a. 1669. p. 15. §. A co sig. Quod in pactis conuentis Iohannis III. & Augusti II. repetitum.

3 Id primum insertum pactis conuentis Michaelis, ex quibus in sequentium Regum pacta translaturum fuit.

4 Kiouiae, primis Religionis Christianae in illo tractu initiis, fuisse Metropolitam, institutumque ad Graecos ritus, a Vlodimirio, Russiae Duce, circa finem saeculi X. cum ipse eadem Sacra fuisset amplexus, vulgo perhibetur. WENGERSC. Slauon. Ref. lib. IV. p. 457. 458. ibique allegata NIESIECKIEGO korona Polska p. 89. Indicem illorum, qui hanc dignitatem ad nostra vsque tempora gesserunt, exhibet Reuerendus Pater Niesiecki, in sua Corona Polonica I. cit. qui simul docet, eosdem modo se summo Pontifici submisisse, modo ab eodem fuisse alienos, reditu tandem ad obsequium facto, iam in eodem perflare. Per Commissionem Hadiacensem antea allegatam, Metropolita Kiouienis, ab auctoritate Summi Pontificis licet alieno, in Senatu Regni locus post Archi-Episcopum Leopoliensem concessus, CONST. a. 1659. p. 52. §. A ze wspolney, quod tamen in usum deductum non est. Pactis Conuentis Michaelis, post Episcopos, subscript Gabriel Koleda, Archi-Episcopus, Metropolita Kiouienis, Haliciensis & totius Russiae; cuius tamen nomen in Indice Niesiecki haud reperitur. Inter suffragatores electi Iohannis III. sub Palatinatu Polocensi legitur Cyprianus Zochowski, Metropolita Kiouienis, Haliciensis & totius Russiae Archi-Episcopus Polocensis. Cuius mentionem Niesiecius tum inter Metropolitae Kiouienis, tum Archi-Episcopos Polocenses, sed demum ad a. 1680. mentionem facit. KORONA POLSKA p. 91. 92.

5 Quae de bonis, Metropoli Kiouienis reddendis, sanciantur, praeter haec, in solis Augusti II. pactis exstant. Et videntur intelligi bona, quae in manibus priuatorum haerent, a quibus eximuntur iure belli amissa, qualia sunt, quae olim in ditionem Magnorum Principum Moscuae venerunt, & quibus Rex Poloniae per solenne foedus a. 1686. cessit. Fuit inter eadem ipsa Kiouia, a qua Metropolis suum habet nomen, quod retinet, quamuis Metropolitanus extra eandem, in Regis Poloniae terris agit.





## §. VI.

CONTRA MENNONISTAS, ANABAPTISTAS  
ET QVAKEROS.

Contra Mennonistas, Anabaptistas, Quakeros, qui ad ius dissidentibus in Religione Christiana inferuiens, pertinere non debent<sup>1</sup>, omnia iura & statuta contra Arrianos lata<sup>2</sup>, reassumimus.

<sup>1</sup> Mennonistae, Anabaptistae, & Quakeri, inter dissidentes de Religione non fuerunt, qui a. 1573. sibi mutuam pacem pacti. Venerunt ex Belgis & Anglia, feracissimis omnium Religionum Terris, Gedanum, inde per Prussiam sparsi, commerciis, opificio, agriculturae intenti, procul a Republ. sibi viuunt. Tolerati, neque in eos publica lata lex ante confoederationem generalem, post obitum Iohannis III. in qua Mennonistae & Quakeri a dissidentibus expresse se iunguntur: forte Varmiensis Praesulis consilio, Nunciis ex Prussia amittentibus. Ille enim confoederationi, cum *protestatione* contra omnes sectas, contra iura Regni, Terrarum Prussiae & pacta, sese extendentes per Prussiam, subscripsit: hi simili *protestatione* contra Mennonistas, Quakeros & novos Sectarios vsi. Postea in pactis conuentis Regis Augusti II. Mennonistae, Anabaptistae, & Quakeri, iuribus dissidentium exempti, rigorque legum in Arrianos sancitarum, subiecti. Secuti Prussi, qui suis ad Comitata Regni a. 1699. Nunciis mandarunt, vt omni zelo & ardore instarent, quo Mennonistae, Quakeri, quibus & Pietistae additi, iuxta confoederationem & pacta conuenta, poenis contra Arrianos subessent. Nec minus in vltima *Confoederatione*, in Quakeros, Mennonistas, & Anabaptistas olim statuta roborantur.

<sup>2</sup> Arriani, qui alias Sociniani dicuntur, primum experti rigorem legis an. 1658. cum in Comitibus, consensu Ordinum, statuto *Vladislai Jagellonis de haereticis* subiicerentur, simul decerneretur, vt si quis illorum sectam auderet profiteri, disseminare aut docere, aut illam illiusque assertores protegere & fouere, & eius rei legitime esset conuictus, is ex dicto statuto, capite puniretur: Fautores autem eorum poena perduellionis, coram tribunali, inter causas conseruatas mixti fori, ad cuiusvis instantiam tenerentur. Per Regis tamen clementiam, illis, qui hanc sectam eiurare nollent, ad diuendenda bona, triennium concedebatur, salua facultatum & personarum securitate, atque debitorum repetitione: ita tamen, vt illo interuallo nemo exercitia sectae suae peragere, aut muniis publicis se immiscere possit, sub poenis antea expressis. *CONST. a. 1658. p. 1. tit. Sekta Aryanska.* Quod autem ad allegatum in Constitutione statutum *Vladislai Jagellonis* attinet, sancitur in eodem, vt, quicumque in Regno Poloniae & Terris Regi subiectis, haereticus aut haeresi infectus, vel suspectus de eadem, fautor vel director repertus fuerit, per Regios Capitaneos, Consules ciuitatum, & alios officiales, aut quoslibet subditos Regios, siue in officiis siue extra viuentes, velut Regiae Maiestatis offensor capiat, & iuxta exigentiam excessus sui puniatur. *Lasco Stat. f. 75. PRILVS. Stat. p. 170. HERBERT. Stat. tit. Haereticus &c.* Secuta a. 1659. noua in Arrianos constitutio, qua concessum illis antea triennium, ad duos annos, a decima Iulii a. 1658. numerando, redactum est, quod tamen Religionem Romano-Catholicam recepturis, nocere haud deberet. *CONSTIT. a. 1659. p. 1. tit. Declaracya.* Binae hae constitutiones, alia, a. 1661. firmatae sunt, & vt

& vt executioni mandentur, magistratibus & iudiciis iniunctum. *CONSTIT. a. 1661. p. 1. tit. O Aryanach.* Anno sequenti, noua lege declaratum, quod feminae omnes; *CONSTIT. anni 1658.* subesse, & contra maritos, Catholicam Religionem amplexos, si vxores in erroribus Arrianorum perseuerantes retineant, famulas seruent, cum Doctoribus illius sectae commercia habeant, & prolem in tali blasphemia instrui permittant, eandem Constitutionem, tanquam contra fautores Arrianorum, extendi debere &c. *CONST. a. 1662. p. 2. tit. O Aryanach.* Denique *CONST. a. 1670. p. 19. tit. Sekta Aryanska.* Praefectis Regiis executionem superiorum legum, aduersus eos, qui Arrianorum erroribus fauerint, sine omni appellatione, mandat. His Arrianis postea, Mennonistae, Anabaptistae & Quakeri aequati, vti antea dictum fuit.

## §. VII.

IUS AEQUALITATIS INTER CIVES  
REGNI.

Conseruando praerogatiuam libertatis, ius aequalitatis inter conciuēs Regni<sup>1</sup>, vti praecipuum fundamentum & decus primum, imo matrem liberi status Equestris Ordinis, inter iura cardinalia istius Reipublicae tenebimus & obseruabimus, neque illud, per vllas nomenclaturas familiarum scilicet, Comitatum, Marchionatum & titulorum Principum<sup>2</sup>, deprimi & debilitari permittemus, sed parem & in aequalitate viuentem omnem Nobilitatem, solo officio ex meritis parto distinguente<sup>3</sup> personas, censebimus, imo cauebimus, ne potentior fiat grauis minori<sup>4</sup>.

<sup>1</sup> Conciues Regni non alii sunt, nisi Nobiles, minime oppidani, multo minus rustici. Et illi quidem, veri & soli Regni ciues dici possunt, quod ipsi ciuitate Polona, ac nemo alius praeter eos, vtuntur. Ad hos, Polona illa libertas, adeo celebrata, pertinet. Ex iis Senatus expletur, ac Nunciorum conclauē componitur. Ipsi de Republ. consultant, leges sanciunt, munia siue pacis, siue belli, obeunt. Soli dignitates, praefecturas, praedia, panem illum bene meritorum, recipiunt. Idem sibi Reges constituunt, probaruntque superiori saeculo, posse eosdem & ex suo Ordine legi. Vt adeo multa, eaque praecipua habeant Poloni Equites, de quibus merito gloriari possint. Omnis tamen haec Nobilitas, natura est aequalis, quod omnes ex illa, ad eadem iura, in eandem spem nascuntur. Tituli Principum, Marchionum, Comitum, quibus alii prae aliis insigniuntur, vocabula sunt, quae statum non mutant, & qui illis gaudent, sua, non alio, quam Nobilium iure, tenent. Neque Polonia alias Principum, alias Marchionum, alias Comitum, alias Equitum leges nouit; sed omnibus vna Nobilium lex scripta est. Inde in Conclauē Nunciorum, *Czartorisicos, Sanguscones, Wiesniucios, Radziuilios, Lubomirscios, Ossolinios, Sapiehas, Zawiszas*, aliosque Principum & Comitum nominibus fulgentes, caeteris permixtos videmus. Nullum ibi inter modici agelli & paucorum iugerum, ac aliquot oppidorum multorumque vicorum Dominum, ob-



servatur discrimen. Praecedunt alii, alii sequuntur, non ex titulis Familiarum, sed ad Palatinatum Terrarumque, ex quibus Nuncii missi, ordinem. Eadem in senatu ratio. Assignat loca, muneris non stemmatis dignitas. Et qui Senator, non Princeps, non Comes, praecedat Principem ac Comitem non-Senatorem. Haec aequalitas ut servaretur, Nobilitati curae fuit, cautumque per *CONSTITUTIONEM anni 1638. p. 9. tit. O tytulach*, ne varietas titulorum aequalitatem Nobilitatis tollat, aut inaequalitatem natalium inducat, & ut nemo, siue antiquis titulis, exceptis, qui in *Vnionem* Lituaniae approbati, uti, siue novos sibi expetere possit: quae Constitutio per aliam anno 1641 firmata est, *CONST. dicti anni p. 8. tit. O Tytulach*, addito: quod Lex illa titulis, quos *Vnio* Lituaniae, & *incorporatio* Palatinatum, Kiouienfis, Volhynensis & Braclaiensis probarunt, nocere haud debeat, sed iidem ad mentem vnionis & incorporationis secundum antiquas consuetudines integri seruentur, salva per omnia paritate & aequalitate iuris, poenae, conditionis & praecminentiarum cum Nobilibus, sic, ut Principes & Nobiles pro vno Statu Equestri habendi. Fortius inaequalitati Nobilium ex titulis, *CONST. a. 1673. p. 28. tit. Cudzoziemskich tytulow abrogacya* occurrit, dum externa illa Principum, Comitum, aliaque huius generis nomina abrogat, & iisdem uti, sub poena perpetuae infamiae, foro, ad cuiusvis instantiam, coram Tribunali Regni assignato, interdicit, iis tamen exceptis, quos dicta *Vnio* Lituaniae & *incorporatio* memoratorum Palatinatum, continent. Antea, ad seruandam illam aequalitatem, *Michael Rex* in pactis conuentis promiserat, se consanguineos suos eodem iure, quo reliquam Nobilitatem habiturum. *PORZ. ELEK. a. 1669. p. 23. §. Krewnych.* quod in pactis *Iohannis III.* iisdem verbis repetitum legitur. Circa finem *PACTORVM §. Krewnych.* Ut in hanc rem paene eadem *Augusti II.* pacta exhibent, quibus Serenissimus *FILIUS* obstringi voluit.

2 Sunt in Polonia Principes seu Duces, Marchiones, Comites. Quod ad Principes siue Duces attinet, fuerunt iam olim in Lituania, ac Terris Kiouiae & Volhyniae. In litteris enim, quibus haec a. 1569. Regno iunctae, Principum occurrit mentio, ac in iis, quae Lituaniae seruiunt, nominatim Principes *Ostrogiae, Czartoriscki, Sanguscones, Wiesniouecii* memorantur. *VOL. CONST. p. 170.* In illorum numerum referendi *Czetwertynscii*, ex quibus *Michael Swatelpolk*, Capitaneus Zyczinsensis, Palatinatus Braclaiensis Nuncius, generali confederationi ultimi Interregni subscripsit. Neque omittendi *Radziuilli*, qui tum a *Maximiliano I.* tum a *Carolo V.* Caesaribus, Principum dignitatem obtinuerunt, quibusque a. 1518. & 1550. ab Ordinibus permissum, ut titulo illo libere uterentur. *KOIALOWICZ Hist. Lit. Part. II. p. 374. 415. HARTK. Resp. Pol. p. 584.* Hi, Principes publice appellantur, nomenque hoc in subscriptionibus solennioribus apponunt. Sunt tamen & alii Principes, ad illud fastigium a Caesaribus, recentiori aetate euecti, scilicet *Lubomirscii, Ossolinii, Sapiehae*, alii, qui, ut in publicis negotiis, quae intra Regnum fiunt, hoc nomine abstinere, sic neque recipiunt. Dantur denique alius generis Principes, ut *Archi-Episcopus Gnesnensis*, qui primus Princeps, *Episcopus Cracouiensis*, qui Dux *Seueriae*, & *Praeful Varmienfis*, qui Sacri Romani Imperii Princeps, nominatur: quorum tituli non familiis, sed dictis dignitatibus inhaerent, ac ad Successores transeunt. Nos tamen formauit Principatus, regnante *Iohanne III.* *Episcopus Poshaniensis, Wirwicki*, Principem *Slupuczensem* & Ducem *Krobensem* aut *Krolensem* semet vocando; *ZALVSK. Ep. T. I. p. 1168. 1219.* sed magnifica illa nomina, & dum erant, pro inanibus habita, cum Auctore suo exstinguiebantur. Marchionis titulus, initio superioris saeculi *Myszkouiorum* domui accessit. *HARTK. Resp.*

*Resp. Pol. p. 565.* de quo idem tenendum, quod de Principibus recentioris aetatis diximus. Nostro saeculo, a. 1793: *Augustus II.* hac dignitate *Sauarolianam* familiam, in Italia, exornauit; *ZALVSK. Ep. T. III. p. 500.* quod tamen illa ad Polonas gentes minime pertinet, ut inter Nobilitatem locum habeat, ad *Marchiones* in Polonia referri haud potest, Comitum longe maior numerus, a Caesaribus hoc nomine insigniti: praeter quos & aliis hic honor a priuatis habetur, ut Comitum nomine salutentur: quod autem cum caeteris, & huius tituli usum, antea allegatae Constitutiones interdunt, in publicis scriptis minus frequens occurrit.

3 Omnis ergo inter Nobiles ordo, ex dignitate munerum, neque aliunde auctoritas. Nulli & ad honores, eosque summos, praeclusus aditus, quod meritis patet.

4 Aequum est in Regno, ubi Maestas legibus submittitur, priuatos coercere, ne potentia in aliorum iniuriam abutantur, & pietati Principis conuenit, prouidere, ut qui pares inter se, pari iure gaudeant.

## §. VIII.

### BONA HAEREDITARIA A REGE NON ACQVIRENDA.

Bona haereditaria nec per Nos, nec per subordinatas personas, neque in prolem Nostram, neque pro Nobis Ipsis acquiramus. Id quod pro Nobis & Successoribus Nostris cauemus.

1 Leges Regni, ait *PIASECIVS Chron. p. 368.* & consuetudinem aduersari, quo minus Regia Domus bona haereditaria acquirat, idque eo consilio cautum, ne Rex acquirendo fundos, ordini Nobilium addictos, potentiam suam auget, Nobilium vero imminueret, ac antiquitatem manutenendae liberae electionis studiosiorem, tanto diligentius id prohibuisse, ne Principes eorumque filii, arces & loca munitiora, in confinijs Regni possiderent, in quibus congregato milite externo, sub interregno, Regis noui electionem turbarent, vel repulsam passi, ad vicinos, ut *Silesii* Duces olim, deficerent. *Idem* refert, *Chr. l. c. §. p. 421.* aegre tulisse Polonos, quod Regina, altera *Sigismundi III.* Coniux, Comitatum *Zywiecensem*, octo miliaribus *Cracouia* distantem, a *Nicol. Komorouio*, sexingentis millibus florènorum emerat, neque commotos inde animos prius confedis, quam a. 1631. per *Constit. sancitum*, ut dictum Comitatum, eodem pretio quo emptus, tum Reipubl. tum priuatis redimere liceret: interea tamen per *Praefectum* Nobilem Polonum, iure bonorum Regionum administraretur. *CONST. a. 1631. p. 3. tit. O Dobrách Zywieckich.* Simul alia lege in iisdem Comitibus, prohibitum, quo minus bona terrestria haereditaria, siue modo donationis, siue emtionis, siue hypothecae, siue quouis obligationis aut aliquo alio iure, in posterum ab aliis acquirantur, quam iis, qui splendore suarum personarum, super alios haud eminentes, iuri terrestri mere subsint, & per omnia, cum caeteris Regni incolis gaudeant aequalitate & paritate iuris & poenae: saluis iuribus Regiis, de iure caduco, inscripto, donato, ita tamen, ut bona ad Regem his modis deuoluta, indigenis Nobilibus utriusque gentis conferantur. *CONST. l. c. tit. O Dobrách Ziemsckich.* Exstat vetustius statutum, de oppignoratis Reginae Bonae, posteriori



*Sigismundi I.* vxori, castris, oppidis & villis, ne a Regni corpore auellantur, sed vt castris, Poloni, indigenae, Nobiles, praesint, & Regina, ac Regiae stirpis mascula sobole extincta, Nobilibus redimendi integra maneat facultas, & saluo interim, filiabus earumque successoribus, ex bonis, prouentu. *PRILVS. Stat. p. 379. HERB. Stat. tit. Bona Regalia. Bonae filia Anna, eademque Stephani vxor, cessit Reipubl. terris, matri olim oppignoratis, Marito consentiente. SVLIKOVIVS p. 66. VOL. CONST. p. 250. tit. Konsens.* Licet ergo leges & consuetudo intercedant, quo minus Rex bona haereditaria acquirat, seruat tamen ea, quae habuit, cum ad fastigium Regium eueheretur: ita tamen, vt bonorum illorum eadem, quae fuit, maneat natura. Quod exemplo *Iohannis III.* constare potest: qui in pactis conuentis se obstrinxit, administratores suorum bonorum, tum haereditariorum, tum Regiorum, ad querelas de iniuriis ex iisdem illatis, in iudiciis quibusvis Regni, iuxta praescriptum legis respondere, & iudicatis ex qualitate facti aut causae prolatis, sub executione de bonis & personis eorundem satisfacere debere. *PACTA CONV. Iob. III. §. Waruiemy.* Eidem *Iohanni III.* per *CONSTITVTIONEM* Anni 1676. *p. 24. tit. Starostwa,* concessum, vt Capitaneatus, ex antiquioribus Priuilegiis, ad dies vitae collatis, Ipse & coniux, vsque ad Vtriusque obitum retinerent, quos tamen Nobiles Poloni possessiones habentes, procurare, quique in omnibus causis, foro & iudiciis, exemplo aliorum, qui Reipubl. bona tenent, subesse deberent, Ecclesiae & Reipubl. iuribus, oneribus, Quarta & hibernis per omnia saluis.

2 Idem cauit in pactis suis *Augustus II.* Qui, cum Varsoviae Palatium, vt dicebatur, Morstynense, ac diuersa suburbana, terrasque ad eadem pertinentes, ex suo aerario comparasset, vt pro ea, qua solebat magnificentia instrueret, Ordines, quo gratum in diuinum Regem testarent animum, in Comitibus Grodnensibus a. 1726. *CONST. d. a. tit. Palac Nasz Morshynowski,* consenserunt, vt eadem omnia Rex legitime possideret, ac ad haeredes ex suo sanguine, transmitteret.

### §. IX.

IVSVRANDVM REGVM ET PACTA CONVENTA, SINGVLIS COMITIIS, CORAM ORDINIBVS LEGENDA.

Iuramentum Nostrium <sup>1</sup> & Pacta Conuenta summarie collecta, in quibusuis Comitibus prima die, loco articulorum Mareschalcalium in praesentia Senatus legi debent <sup>2</sup>, qua lectione Pactorum Conuentorum, cuilibet Nunciorum liberum erit, notare exorbitantiam <sup>3</sup>, si quae euenerit.

<sup>1</sup> Iurant noui Reges Reipublicae, dum coronantur. Extat formula vetustior apud *LASCONEM Stat. f. 161. PRILVSIVM Stat. p. 20.* alios. Post *Sigismundum Augustum*, successit alia, *VOL. CONST. p. 226.* estque iisdem verbis scripta, ad quam *Michael, Augustus II. & Augustus III.* fidem suam obstrinxerunt, a qua caeterorum Regum aliquantum diuersa. Spopondit autem *SACRA REGIA MAIESTAS*, „Se omnia iura, libertates, immunitates, priuilegia publica & priuata, iuri communi vtriusque gentis, (Polonae & Lituanae) & liber-

„tatibus

„tatibus non contraria, per Reges & quoscunque Principes Regni Poloniae & M. D. Lituaniae, praesertim vero *Casimirum M.* & qui ipsum exceperunt, iuste & legitime data, ab omnibus Ordinibus tempore Interregni sancita, sibi oblatam, tum pacta conuenta, per Ordines Regni & M. D. Lituaniae sibi tradita, in omnibus conditionibus obseruaturam; pacem & tranquillitatem inter Dissidentes de Religione Christiana tuituram; quae in Electione Regni constituta, aut in Comitibus Coronationis constituenda, haud violaturam, omnia illicite a Regno, Magnoque D. L. & Dominiis eorundem quocunque modo alienata, vel bello, vel quouis modo distracta, ad proprietatem Eiusdem Regni Pol. & M. D. L. reducturam, terminosque Regni & M. D. L. non minuituram, sed defensuram & dilataturam; iustitiam omnibus incolis Regni, iuxta iura publica in omnibus Dominiis constituta, absque omnibus dilationibus & prorogationibus administraturam, nullo quorumuis, etiam sanguinis sui, respectu habito; denique in dispensatione distributivae iustitiae non se alligaturam ad affectum & propensionem naturalem sanguinis, sed in disponendis occurrentibus officiis & beneficiis Reipubl. solam ipsam bene meritorum rationem, prae oculis & corde habituram. In fine additur: Et si, (quod absit) in aliquibus iuramentum meum violauero, nullam mihi incolae Regni, omniumque Dominiorum vniuscuiusque Gentis, obedientiam praestare debebunt: uno ipso facto, eos ab omni fide & obedientia Regi debita, ad mentem Constitutionum, in pactis conuentis expressarum, liberos facio, absolutionemque nullam ab hoc meo iuramento, a quoquam petam, neque ultro oblatam suscipiam. Sic me Deus adiuuet, & haec sancta Christi Euangelia.

2 Caput de iureiurando Regio, & pactis conuentis summarie collectis, in quibusuis Comitibus, primo statim die, loco Mareschalcalium articulorum, in praesentia senatus legendis, primum *PACTIS CONVENTIS Michaelis* insertum. §. *Przyjęga nasz.* Iisdem verbis in *Iohannis III. PACTIS* repetitum, *Senatus* saltem praesentia, in omnium Ordinum, mutata. §. *Przyjęga nasz.* *Augusti II.* adiunctum est, „vt lectio clare, alta voce, distinctis verbis, nullum omitendo punctum, fiat, & cuilibet libere dicere, si in aliquo a Rege exorbitatum fuerit, Regemque praemonere concessum sit. §. *Przyjęga nasz.* Praeter id, quod hac de re, pacta Regum continent, iniungit & *CONST. a. 1690. tit. Obiasnienie.* *CONST. p. 2.* Salutatione Regia a Nunciis peracta, pactorum conuentorum lectionem. Legem vsus firmat, egregue latum, cum in Comitibus coronationis *Michaelis*, pacta conuenta lecta non fuissent. *Epist. ZAL. T. I. p. 170.* Fieri tamen lectionem in ordinariis saltem comitiis, non in extraordinariis, duarum aut trium hebdomadam, docuit *HARTENVOCHIVS de Republ. Pol. L. II. c. 6. §. 13.* & exemplo probauit. Solet eadem & in Comitibus ex prorogatione, aut limitatione institutis omitti, quod eadem cum prioribus, pro vnis habentur. Idem de Comitibus interregni tempore tenendum, Principe, qui pactis obstringebatur, extincto. Per primam autem diem, lectioni pactorum assignatam, non ea est intelligenda, qua comitia inchoantur, sed qua Nuncii Equestres cum suo Mareschalco, primum Senatorum conclaue ingrediuntur. Tunc enim, Rege per Mareschalcum salutato, dato Maiestatis nomine Responso, admissisque ad Regiae manus osculum Nunciis, lectio fieri consuevit, eamque Comitialis, vt vocatur, propositio excipere: quod & allegata *CONST. a. 1690.* innuit. Peragitur autem lectio a Referendario, aut alio Magistratu non Senatorii Ordinis, vt a. 1718. in Comitibus Grodnensibus, *Secretario Maiori M. D. Lituaniae*, & a. 1724. in Varsoviensibus, a *Regente Cancellario Regni.* Id tantum seruat discrimen, vt, si intra Regnum ce-



lebrantur Comititia, hoc muneris a magistratu Polonico, si in Lituania, a Lituanico absoluatur. Haec pactorum conuentorum, pro articulorum Marechalcalium lectione obtinet. Intelligitur vero per *articulos Marechalcales*, edictum iudiciorum Marechalcalium pro tranquillitate, mercandi libertate, & seruandis rerum venalium pretiis, comitiorum in primis tempore: quale edictum perpetuum CONS. a. 1678. inter SCITA LIT. p. 22. & seq. insertum legitur. Antequam in Comititiis a. 1690. pacta C. legerentur, praefatus quasi Marechalculus Regni, dicendo: „fuisse olim moris, vt articuli Marechalcales legerentur, qui cum in volumen legum iam relati essent, se Ordines lectione eorundem morari nolle, sed quemque ad Constitutiones remittere. *Epist. ZAL. T. I. p. 1162.*

3 Vsitatum hoc vocabulum Polonis, quo notant, discessum esse ex legum orbita. Multus in primis interregni tempore, de exorbitantiis earumque medela, sermo, obiectumque Regibus saepius, a pactis conuentis deflexisse. Frequentes illas querelas recensere, nimis longum foret, & forte extra instituti nostri orbitam.

## §. X.

## DE IVRAMENTIS ET PROMISSIONIBVS

## PRIVATIS.

Ne iustitia distributiva, occasionem ambitui ciuium praebeat, circa collationem honorum & beneficiorum<sup>1</sup> a nemine vlla priuata iuramenta exigemus,<sup>2</sup> nec submissiones subscriptas<sup>3</sup> postulabimus. Et si alicui propter promotionem in Regnum, per Nos, vel per subordinatas personas, aliquid promiserimus vel affectuauerimus, tam in Regno, quam in M. D. Lituaniae, & Prouinciis annexis, hoc debet esse nullitatis, neque vllatenus promissum adimplere tenebimur, sub nullitate.

<sup>1</sup> Est Regis, dignitates tum sacras, tum ciuiles conferre. Recte hoc ius, soli Principi Konarscius, Legationis ad Henricum Andegauensem, princeps, asseruit. FREDRO *Hist. Henr. p. 97. edit. 2dae.* Fulius PLASECIUS *Chron. p. 50.* Rex, inquit, supremus meritorum cuiusque & virtutum arbiter, omnes in Rep. magistratum, officiorum titulos, qui sunt innumeri, ac plurimi potestatis eminentia sublimes, solus confert. Ecclesiastici quoque, Episcopatus, qui in illo Regno sunt opulenteriores, Abbatis, & alios dignitatum in Ecclesiis Pontificalibus potiores gradus, non nisi favore Regis aduunt. Et in eo Regiae auctoritatis neruus consistit &c. Hoc suo iure Princeps recte vtitur, omnemque ciuium ambitum longe arcet, quando vacua haec multorum generum munia, idoneis, & ad normam legum confert, de quo ad §. XVII. dicendi erit locus.

<sup>2</sup> Iurant Regi, quibus honores & beneficia conferuntur, sed publicum hoc est iusiurandum, quod in Reipubl. vsum praestatur. Diuersum ab illo est priuatum, quo candidati se ad solius Regis, seu aulae, vt dici solet, commodam obstringunt. Hoc Reges haud exigunt, & quo minus exigant, pacta vetant. Cum Iohannis Casimiri tempore, Reginae in primis auspiciis, noui Regis electio, Principe

licet

licet incolumi, agigaretur, placuit ad rem nouam & legibus contrariam, aulae adiectiores inter alia secretiori sacramento constringere, neque, dubitandum, promotos fuisse, qui dignitates captabant, cum hac via aditus pateret. KOCHOV. *Ann. Clim. III. p. 26.* Frustra quidem iunt omne hoc inceptum, ne tamen deinceps eiusmodi iusiurandum postularetur, prouiderunt Ordines in P. C. Michaelis §. Zeby iustitia repetieruntque iisdem fere verbis in sequentibus.

3 Fiunt submissiones, quando ii, qui nouos honores petunt, se Regis voluntati ita submitunt, vt in Eius commoda, suum studium & operam polliceantur, estque subscripta submitio, dum hoc suum promissum, nominis subscriptione firmant. Dedit pariter huius rei exemplum Iohannis Casimiri regnum, feruentibus de eligendo successore consiliis, dum consilii non tantum certum Diploma a Rege reciperent, sed & ipsi singulari scripto, Eidem vicissim nonnulla in hanc rem promitterent. KOCHOVIVS *l. cit.*

## §. XI.

DVO SUPREMA STATUS MINISTERIA NON VNI  
FAMILIAE, ET ABBATIAE AG DIGNITATES  
BENE MERITIS CONFERENDAE.

In vnam familiam duo ministeria suprema Status, vt Clauas, Sigilla, Baculos Marechalcales, Thesaurariatus in Regno & M. D. Lituaniae, non conferemus<sup>1</sup>; nec Abbatis<sup>2</sup>, Dignitates & Capitaneatus minorennibus, sed solum bene meritis terrigenis, aetate & ratione vigentibus<sup>3</sup>, saluis modernis possessoribus.

<sup>1</sup> Habet tum Polonia, tum Lituania, suos Administros, eosque plurimos, non tamen omnes eiusdem dignitatis. Sunt enim alii Senatorii, alii Equestris Ordinis. Ad priores, vtriusque gentis Marechalci supremi & curiae, Magni Cancellarii & Procancellarii, vna cum supremis Thesaurariis, referuntur: posterioribus, caeteri omnes, ipsique belli Duces annumerantur. Illorum munia merito suprema Status ministeria dicuntur, quod supra reliqua eminent. Pacta iis adiiciunt clauas, quae insignia exercituum Ducibus tribuuntur, forte ob Ducum illorum potestatem, quae tanta est, vt, si non superant supremos illos Administros, minimum aequent. Saepius autem contigit, vt duo, imo plura eiusmodi ministeria, eodem tempore, in vna essent familia. Ne altius rem repetamus, regnante Sigismundo III. Lituaniae supremus & curiae Marechalcatu, vt & suprema exercitus Lituanici praefectura, in Radziuiliorum; sub Vladislao IV. Lituaniae vterque Marechalcatu, supremus Cancellariatus, & minor exercitus praefectura, in eadem domo; Iohannis Casimiri tempore, eiusdem M. Ducatus, supremus Cancellariatus & exercitus minor praefectura, in Paciorum; Rege Iohanne III. vterque Regni Marechalcatu in Lubomirsciorum; Lituaniae Thesaurariatus, Marechalcatu curiae, & suprema exercitus praefectura, in Sapieharum; Cancellariatus vero vterque in Radziuiliorum gente simul fuerunt. Ne tamen in posterum tanti honores in vnam familiam congererentur, cautum, primum in PACTIS CONVENTIS Aug. II. Takie w iedén Dom, quod in praesentibus repetere placuit.

2 Ius



2 Ius nominandi Abbates, monachi Regibus non modo ambiguum reddere conati, sed & plane negare sustinuerunt, Curia Romana, ex suis rationibus illos fulciente. Iuvat, quae pro Regibus allegantur, in medium proferre. Affirmant iuris Regii vindices, „monachis, quamdiu ad regulas suas vitam egissent, permis-  
sam fuisse suorum Abbatum electionem, cum autem ab iis recessissent, ac varia,  
„& Regno, & Religioni Orthodoxae moliri coepissent aduersa, Reges, & quidem  
„a Casimiro III. prouidendo publicae securitati, & ne pia Maiorum suorum, ci-  
„uiumque fundationes labefactarentur, electionibus Abbatum manum admouisse,  
„easque primum statutis circumscribere, deinde suis nominationibus restringere  
„orsos, tum iure supremi Domini, tum foundationis & dotationis, tum simili  
„aliorum Regum exemplo, nec minus praeiudicato, ab Electione Episcoporum  
„ob similes causas, Capitulo adempta, desumptq, denique priuilegio, seu con-  
„uentia saltem ac tacita approbatione Sedis Apostolicae, quae maluerit Abbates  
„nominari a Regibus, quam eos cum Monachis, haeresibus, aliisque malis infici.  
„Et satis quidem modeste Reges cum Monachis egisse, non plane eorum electio-  
„nem tollendo, sed quem nominassent, monachis per litteras commendando &  
„Subdelegatos mittendo, vt nominatum eligerent, postulatuos: Monachos non  
„minori reuerentia egisse, eligendo eum, quem Rex nominasset. Quodsi ali-  
„quando diuersum elegissent, eum Reges adire Abbatiam haud passos, imo inde  
„per vim exturbasse. Nominasse autem Reges aliquando eos, qui eandem regulam  
„professi, hancque nominationem proprie dici electionem, & tali modo electos,  
„a loci Ordinario sacros fuisse, sine recursum ad Sedem Apostolicam. Aliquando  
„Praelatos saeculares fuisse nominatos, habitum & professionem illius ordinis as-  
„sumere volentes, eandemque iure vocari postulationem, & tales non minus or-  
„dinarie, sine recursum ad S. Sedem, nouiciatu absoluto, & facta professione, a loci  
„Ordinario sacros, Abbatiam occupasse. Denique nominatos a Regibus Epi-  
„scopos, seu alios Praelatos, in administratores perpetuos, seu commendatarios  
„Abbates, talesquecunque Abbatis, sine prouisione Apostolica per bullam, ad-  
„iisse. Vladislaus Regem recensuisse diplomate quodam, quas Abbatis pro-  
„fessis, quas professandis, quas in commendam esset collocaturus. Sed & ipsum  
„& Eius successorem Casimirum, intra hos limites haud substituisse, sed potestate  
„sua vsos, Abbatis quascunque siue in titulum, siue in commendam, per suas no-  
„minationes contulisse, sede Apostolica eas admittente, neque in bullis suis vllam  
„mentionem electionis monachorum, sed tantum Regiae praesentationis faciente.  
„Tempore Michaelis, priuatam inter Episcopos quosdam dissensionem, occasio-  
„nem dedisse Curiae Romanae & Monachis, dubitandi de iure Patronatus Regio,  
„collata Andraecouensi Abbatis Obcroio Episcopo Culmensi, vt magnae ipsi in  
„adeundo mouerentur difficultates. De hoc negotio postea Iohannem III. cum  
„summo Pontifice per diuersos, sed frustra egisse, expeditis interea nonnullis ad  
„Regiam nominationem, etiam in commendam, Abbatis. Quo tamen omnis  
„tolleretur controuersia, Eundem Regem a. 1585. per Doenhofum, Legatum  
„suum a Papa postulasse in perpetuum nominationem in commendam ad 15. va-  
„riorum Ordinum Abbatis, quinque liberae electioni monachorum relictis: sed  
„hos, quo minus id impetratum, omnibus viribus obstitisse. Sequenti a. 1686.  
„Cistercienses se Regi submisisse, vt ex 15. suarum Abbatiarum, ad quinque Rex  
„nominaret in commendam saeculares Praelatos, ad alias quinque pariter Saecu-  
„lares Praelatos, sed cum obligatione Professionis, ad reliquas quinque, ipsi mona-  
„chi, sine Regia nominatione, ex medio sui Abbatum titulares eligerent: verum  
„omne illud suo caruisse successu. Nec minus irritum fuisse, cum Pater Vota,  
S. I.

„S. I. a Rege a. 1692. Romam missus, a Papa Innocentio XII. impetrasset, vt  
„Omnes Abbatis diuiderentur, in singulis binis Abbatibus, titulari altero, altero  
„commendatario, constitutis. *Epist. ZAL. T. II. p. 780. & seq.* In his, regnante Ioh.  
III. lis de nominatione Abbatum Regia substitit. Post Eius obitum, Regium  
ius in conferendis Abbatis, per P. CONVENTA Augusti II. asserbatur. §. *cir.*  
*Takze w ieden Dom. & §. Iura Patronatus.* quo & CONST. a. 1699. p. 48. *tit.*  
*Ius Patronatus*, pertinet, vt omnes leges de Iure Patronatus latae, statim post dicti  
anni Comitibus, in executionem deducerentur. Nec omittenda legatio, Ordinum  
consensu a. 1726. ad S. Pontificem decreta, cui praeter alia & Abbatiarum nego-  
tium commendatum fuit. CONST. a. 1726. p. 7. *tit. Possessio.* Abbatis tamen,  
ne minorennibus dentur, pariter Aug. II. in suis PACTIS cauit. §. *cir. Takze.*  
Et longo ante tempore, anno scilicet 1550. Sigismundus Augustus statuit, vt no-  
vi Abbates viri sint idonei: VOL. CONST. p. 8. §. *Aby.* quo legitima aetas in-  
nuitur. Sed non desunt exempla Abbatiarum minorennibus collatarum, quo-  
rum nonnulla, quae Iohannis Casimiri tempore exstiterunt, Olszouius, Culmen-  
sis tum Episcopus & Regni Procancellarius, in Epistola ad Ottobonum, Ecclesiae  
Romanae Purpuratum, data, recenset. *Epist. ZAL. T. I. p. 87.*

3 De Dignitatibus & Capitaneatibus bene meritis &c. conferendis, infra ad  
§. XVII. agetur.

## §. XII.

### QVOT CAPITANEATVS ET TENVTAE VNI CONFERENDAE.

Similiter vni personae, vltra duos Capitaneatus boni prouen-  
tus<sup>1</sup>, aut Tenutas insignes<sup>2</sup>, (quibus Capitaneatus cum iurisdic-  
tione<sup>3</sup>, includi non debent;) pariter feminis, vltra duos Capi-  
taneatus boni prouentus, iure communicatio<sup>4</sup>, exceptis Ca-  
pitaneatibus limitaneis<sup>5</sup> & cum iurisdictione, quorum posses-  
sionis secundum iura sunt incapaces<sup>6</sup>, tenere non erit permis-  
sum, saluis itidem modernis possessoribus<sup>7</sup>. Et vbi alicui di-  
gnitati, Capitaneatus aliquis Castrensis annexus fuerit, alterum  
eiusmodi Capitaneatum, neque in hoc, neque in alio Palatinatu  
conferemus<sup>8</sup>.

1 Capitaneatus & Tenutae, quarum hoc §pho mentio fit, appellantur vno  
nomine, bona Regia, vt & panis bene merentium, aut bene meritorum. Di-  
uersa sunt ab Oeconomis, bonis Ecclesiasticis, terris Nobilium haereditariis, ac  
Ciuitatum fundis. Audiunt Regia bona, quod a Rege priuatis conferuntur, &  
bene merentium panis, quod bene de Republ. meritis merentibusque dantur, aut  
dari debent, vt illis, quasi pane sustententur. Neque Capitaneatus a Praefecturis  
diuersi, quod Capitanei, arcium oppidorumque Regiorum sunt Praefecti. Illo-  
rum numerus sat magnus, qui in dies crescit, dum Tenutis plurimis Capitanea-  
tum titulus imponitur, quod earum possessores, Tenutiarum nomen fastidien-  
tes, Capitanei dici malunt. Quod ad fructus attinet, diuersa est Capitaneatum  
D condi-



conditio, dum aliorum ampliores, aliorum minores sunt redditus, prioresque boni prouentus nominantur, quamuis Lex eosdem ad certam summam haud redigit. Eiusmodi Capitaneatus ultra duos vni conferre, primum per pacta *Augusti II. §. Jedney zał.* prohibitum, salua Regi, minorum reddituum superaddendi facultate.

2 In Pactis *Augusti II.* leguntur Tenutae insignes, posterius vocabulum in praesentibus omissum: vult tamen legis ratio, vt vel subintelligatur, vel exprimat. Pertinent Tenutae pariter ad bona Regia, vt nota praecedenti monitum. Sunt tamen illae Capitaneatibus minores, neque arces & oppida, sed vnum pluresque pagos complectuntur, habentque inde qui possident, Tenutariorum nomen. Id ipsis cum Capitaneatibus commune, quod aliae aliis ampliores, ex quibus insignes intelliguntur, quae caeteras redditibus praestant.

3 Capitaneatum alii sunt cum iurisdictione, alii sine iurisdictione. Priores dicuntur, quorum Capitanei iudicia exercent, posteriores, quibus haec potestas non inest. Separantur illa a Capitaneatibus boni prouentus, & multo magis a Tenutis, quod Capitaneatus opimiorum reddituum, sine iurisdictione dantur, Tenutarii autem omnes iudicandi facultate carent. Hoc loco ideo in primis eorum fit mentio, ne Capitaneatus iurisdictionales, cum boni prouentus, & Tenutis insignioribus confundantur, quod illorum vnus tantum, non duo, ab vno, haberi potest: idque ex *CONST. a. 1562.* quae duos possideri vetat, illisque, qui sibi eosdem a Rege expetiissent, bonorum confiscationem & multam ducentarum marcarum, coram quouis iudicio irrogat, addito, vt statim ex illis vnum Capitaneatum dimittant. *VOL. CONST. p. 23. tit. O dwoyga.* Possunt ergo vni conferri duo Capitaneatus boni prouentus, non item cum iurisdictione, sed necesse est, vt alter illorum eadem destituatur.

4 Ius communicatum in Capitaneatibus & Tenutis est, quando ita conferuntur, vt vxor post mariti mortem, quamdiu ipsa vixerit, retineat, iisdemque fruatur; sic enim possessio bonorum Regionum cum vxore communicatur. Dicitur etiam aduitalitas vxori concessa, quod ius illud vsque ad vitae finem profertur. Iam autem a. 1662. singulari *CONST. p. 9. tit. O Dożywościach,* sancitum est, ne vxores superstites, vltro duo bona Regia, siue ea Capitaneatus, siue Tenutae fuerint, possideant.

5 Vocantur limitanei Capitaneatus, qui in limitibus siti, vicinarum gentium prouincias tangunt, aut parum ab illis distant.

6 Feminas Capitaneatibus limitaneis, vt & iis, qui iurisdictione gaudent, leges Regni arcent. De limitaneis intelligenda *CONST. a. 1635. p. 26. tit. O Stárośtwach,* quae interdicat, in Capitaneatibus Vraineris, marito & vxori in solidum aduitalitates concedi. Illustrat eandem alia, anni scilicet 1647. *p. 34. tit. Deklaracya,* quod tantum de Kiouienfi intelligi, non ad Podoliae Palatinatum extendi, & si ibidem ratione eiusmodi aduitalitatum, processus & decreta intercesserint, irrita esse, nec ad executionem deduci debeant, sub poena euocationis & refusionis damnorum, in Tribunali Regni, inter causas officii decernenda. Anno autem 1662 sancitum, *CONST. dicti a. p. 9. tit. Dożywoście,* ne feminae in Capitaneatibus limitaneis, non tantum Vrainer, sed & in Palatinatibus Russiae & Podoliae, ius communicatum habeant, & licet aliquis eiusmodi aduitalitatem pro vxore sua obtinuerit, vt illa nullius valoris sit. Inde cum Helena

Mian-

Mianczynscii vxor, in Capitaneatu Krzepicensi, ius communicatum obtinisset, irritum illud declaratum, quod Capitaneatus limitaneus esset. *CONST. a. 1678. p. 13. tit. Dożywoście.* Ratio legis in promptu est, quia Capitaneis limitaneis incumbit, securitati finium providere, cui minus idoneae habentur feminae. Neque iis ius dicere concessum, quod tamen Capitaneatus iurisdictionales exigunt. *Sigismundus III.* promissit, *VOL. CONST. p. 529. tit. Stárośtwá,* si Capitaneatus cum iurisdictione, pueris infra legitimam aetatem constitutis, non collaturum, sed hominibus idoneis, de Rege & Republ. bene meritis: quo tacite feminae remouentur. Et *CONST. a. 1647. p. 34. tit. Deklaracya,* qua ius communicatum feminis in Palatinatu Podoliae conceditur, Capitaneatus cum iurisdictione nominatim excipiuntur.

7 Quae hactenus hoc §. illustrauimus verba, & in *AVGVSTI II.* pactis inueniuntur, praeter, quod Capitaneatus cum iurisdictione, quibus excluduntur feminae, omitti. Voces autem quae iam sequuntur, primum praesentibus accesserunt.

8 Est Capitaneatus Castrensis, non alius, nisi cum iurisdictione, inde & iudicia castrensia audiunt, quae Capitaneus, aut quae quis veluti Capitaneus exercet. Iunctus dicitur alii dignitati, quando Palatinus, aut alius Dignitarius, per hanc suam dignitatem, simul Capitaneus cum iurisdictione euadit: habetque id Prussia singulare, quod Capitaneatus Castrensis & Palatinatus sociati perpetuo, vt non alius sit Capitaneus cum iurisdictione, quam loci Palatinus. Ne ergo talis Dignitarius alterum Castrensem Capitaneatum expetat aut recipiat, eadem simul vetat lex, quae teneri ab vno duos cum iurisdictione Capitaneatus vetat. Rem exemplo illustrabimus. Melchior *Weiber,* Culmensis Palatinus, in Comitibus a. 1631. in ius vocabatur, quod praeter Koualeuensem, Palatinali dignitati iunctum, Valcensem in maiori Pol. cum iurisdictione Capitaneatum possideret. Obiciebatur eidem *CONST. a. 1562.* cuius poenam incurrisset: Palatino contra allegante, Prussos Regni Constitutionibus haud teneri. Secuta Regis sententia, qua datum *Weiberi* in Rempubl. meritis, vt Capitaneatum vtrumque retineret, ac poena, quam incurrisse accusabatur, immunis esset: addito tamen, ne in posterum vllus Palatinorum Prussiae, praeter dignitati suae iunctum, Capitaneatum cum iurisdictione reciperet. *HIST. P. R. T. V. p. 242. §. 252.*

### §. XIII.

#### DE ADVOCATIIS.

Hoc etiam promittimus, quod priuilegia, Capitaneis in Aduocatiis<sup>1</sup>, quae olim seorsum collatae fuerunt, non dabimus<sup>2</sup>, neque plebeiis personis Tenutas concedemus<sup>3</sup>, exceptis his plebeiis personis, quae meritis ab aliis distinguuntur.

<sup>1</sup> Praeter Capitaneatus & Tenutas, *Aduocatae* pariter bonis Regiis annumerantur: suntque possessiones, Capitaneatibus & Tenutis vulgo minores, nisi quod interdum ipsas Tenutas redditibus superant. Ortae creduntur, cum Reges incultas terras priuatis concederent, vt ad agriculturam instruerentur, ac pagi in iis conderentur, data illis in nouos colonos iurisdictione, cum aliquot in vnum fructum iugeribus, ac aliis, quibus vterentur, concessis commodis. Ex iis aliae

D 2

Capi-



Capitaneatibus olim iunctae, ut simul a loci Capitaneo teneantur, aliae Ciuitatibus a Rege in perpetuum concessae, aliae denique seorsum seruatae, ad vitae tempus conferuntur. De primi generis *Aduocatiis* a. 1607. sancitum, Vol. CONST. p. 838. tit. O *Kadykacz*, ne in posterum Capitaneatibus iungantur, sed ut tam in Regno, quam in M. D. Lituaniae, bene meritis cedant: quod a. 1620. repetitum. CONST. dicti a. p. 6. tit. *Nagroda*, *Aduocatarum* Ciuitatibus datarum, in Constitutionibus passim fit mentio, in primis CONST. a. 1662. p. 15. tit. *Deklaracya*, Ciuitatibus & Oppidis lege publica incorporatas memorat. Ut tamen in dandis *Aduocatiis*, militum habeatur ratio, allegata CONST. a. 1620. prouidit, quam alia anni 1647. tit. O *Woyostwach* p. 8. firmat ac illustrat. Amplior tamen est lex anni 1662. qua cautum, ut *Aduocatae* & *Scultetae* solum militibus bene meritis conferantur, sub nullitate priuilegiorum & eorundem reuocatione, ad instantiam cuiuslibet illorum, utque militibus delatoribus illae cedant, salua tamen facultate, eas Regis consensu, aliis Nobilibus vendendi. Saltem excipiuntur *Aduocatae* in Regiis *Oeconomis*, & *reformationi*, ut Polonis dicitur, Reginae subiectae, *reformatione* durante, simul ciuitatibus & oppidis, lege publica incorporatae, nec minus quas Capitanei iurisdictionales, in commodum iurisdictionis suae tenent. Contra, *Aduocatae* omnes, quas personae plebeiae habent, vacuae declarantur, & militibus bene meritis conferuntur: modo possessio non violenter, sed legitima iuris via, in iudiciis Regiis capiatur, solutis antea summis & impensis in *Aduocatas* factis. Denique seruat sibi Rex *Aduocatas* IO, a Se, hominibus in suo ministerio agentibus, conferendas. CONST. a. 1662. p. 15. tit. *Deklaracya*.

2 Est sermo non de illis *Aduocatiis*, quae ita Capitaneatibus iunctae, ut simul cum his Capitaneis cedant, sed de illis, quae licet in Capitaneatu sitae, non tamen statim cum illo fiunt Capitanei, verum aut a diuersis, aut si a loci Capitaneo, singulari Regis diplomate haberi solitae. Eiusmodi *Aduocatae* in posterum Capitaneis loci haud concedendae, ne talis possessio, necessario ad Capitaneum successorem transeat, ac Regia munificentia ad pauciores redigatur. Nihilominus potest Capitaneus, in alio Capitaneatu *Aduocati*am obtinere, quod nullus inde metus, hanc suo Capitaneatui iunctum iri perpetuo, cum, quod sita in diuerso, potius diuersa maneat.

3 Plebei dicuntur, qui non sunt Nobiles, talesque ad bona Regia non admitti, abunde constat. Edixit *Sigismundus Augustus*, se Capitaneatus & Tenutas Nobilibus collaturum. Vol. CONST. p. 24. Et *Sigismundus III.* omnia quaecunque vacua futura, equestri conditionis hominibus, se daturum promisit. CONSTITVT. a. 1631. p. 4. tit. O *Wakancyach*. Excipiuntur tamen in pactis plebei, qui meritis praestant.



## §. XIV.

## §. XIV.

## PALATINI CULMENSIS REDITVS AVGENDI.

Et quoniam Palatinatus Culmenfis, ordine in Prussiae prouincia primus<sup>1</sup>, admodum tenui, ex Capitaneatu Koualeuiensi, ipsi incorporato<sup>2</sup>, gaudet prouentu<sup>3</sup>, nulla ad alios Palatinatus Prussiae habita proportionem, ita, ut sine insigni priorum bonorum diminutione, publicis inuigilare curis non possit: ergo spondemus, Nos huic Palatinatui<sup>4</sup>, ex primis in Palatinatu Culmeni vacantibus, Capitaneatum aliquem, siue bonum aliquod Regale<sup>5</sup> addituros, & Capitaneatui Koualeuiensi esse incorporaturos<sup>6</sup>. Quod Ordines Regni in primis Comitibus, Constitutione approbabit.

<sup>1</sup> Prussiae pars, quae iuncta est Poloniae, tres habet Palatinatus, Culmensem, Mariaeburgensem & Pomeraniae: descripta olim in quatuor, cum saeculo XV. tota fere haec Prouincia, se Regi Poloniae ultro subiecisset, addito caeteris Regimontano, & pro Mariaeburgensi Elbingensi instituto. Desiit mox Regimontanus, cum tractum illum Equites Teutonici Ordinis reciperent, Elbingensis vero Mariaeburgensis dici coepit. Ut autem prima Palatinatum ordinatione, Culmenfis praelatus caeteris, sic perpetuo seruatum, ut Palatinus in Senatu Prussico, Episcopos Varmiensis & Culmensis subsequatur, caeteros autem ciuilibus Ordinibus consiliariis praecedat.

<sup>2</sup> Koualeuiensis Capitaneatus, germanica lingua Schoenfeensis, situs in Culmeni Palatinatu, est castrensis seu cum iurisdictione. Iungebatur is a. 1611. Palatinali dignitati in perpetuum, ut ipsum teneret Palatinus, ac redditibus fruere-  
tur. HIST. PRUSS. T. V. p. 49. CONST. a. 1611. p. 31. tit. *Ksieggi*.

<sup>3</sup> Iam olim, & saepius, de tenui ex Capitaneatu Koualeuiensi prouentu, quesi Prussiae Ordines, & ut in gratiam Palatini Culmensis aliunde augetur, ad Regem preces detulerunt. In sua ad Regni Comitibus anni 1636. *instructione*, his vtuntur verbis: „Quoniam propter extenuatos Capitaneatus Koualeuiensis prouentus, Illustris Palatinus Culmenfis, neque brachium Regale decenter tueri, neque Officialibus Castrensis sufficienter prouidere potest: Domini Nuncii nostri vrgebunt, ut iurdictio Castrensis Brodniciam transferatur, is idemque Capitaneatus Brodnicensis pro iurisdictione Castrensi Palatinali Culmeni, post mutatum statum Regiae Principis, Palatino loci pro tempore existenti, conferatur. HIST. PRUSS. T. VI. Document. p. 61. In alia *instructione* anni 1645. petunt iidem Ordines, „ut maiores Palatinatui Culmeni, ob exiguitatem eorundem accedant prouentus, utque auulsa ab eodem vicissim restituantur, utque Palatino, Capitaneatus Golubensis vacuus conferatur. HIST. PRUSS. l. c. p. 123. Interregni tempore a. 1648. sanxerunt Prussi, futuro Regi inter Pacta Conuenta referendum, „ut, quoniam Palatinatus Culmenfis sessione quidem superior, prouentu vero omnium postremus, Is Capitaneatus Brodnicensis in castrum Culmenfis conuerat, ibidemque iudicia Palatinalia & Vice-Palatinalia exerceantur,



„antur, Capitaneatus vero Koualeuiensis vti vacuus remaneat. HIST. PRVSS. T. VII. Document. p. 10. Fuit quidem haec res in pactis conuentis silentio transmissa, cum tamen eandem ad nouum Regem, statim post coronationem deferrent Prussi, promisit Is seorsum, Se Brodnicensem Capitaneatum, pro Koualeuiensi, dicto Palatino, post Supremi Regni Cancellarii, cui modo cesserat, mortem, collaturum. HIST. PRVSS. T. VII. p. 46. Obtinuit inde Capitaneatum Brodnicensem Palatinus Culmenfis A. 1652. sic tamen, vt simul Koualeuiensem retineret, neque iunctus Palatinali dignitati, sed soli datus Palatino, post cuius mortem, ad Palatinos, successores non transiit, qui solum Koualeuiensem Capitaneatum receperunt.

4 Hoc est, huius Palatinatus dignitati Palatinali, quo Palatinis noua accessio obtingat.

5 Tenutam scilicet.

6 Inde nouum Capitaneatum vel Tenutam, Palatinus vna cum Koualeuiensi Capitaneatu tenebit.

### §. XV.

#### NON DVOBVS IN VNVM MVNVS REGIA DIPLOMATA DANDA.

Et hoc cauemus, quod duo priuilegia<sup>1</sup>, in vnum munus & vacans in Regno & M. D. Lituaniae & annexis prouinciis nemini dabimus, neque ante actualem ascensum, neque post certa fata<sup>2</sup> conferemus: quare vna cum altera Cancellaria<sup>3</sup> in Regno & M. D. Lituaniae, collata priuilegia, propter informationem communicare debet.

<sup>1</sup> Sunt priuilegia, diplomata Regia, quibus dignitates & munia conferuntur. Saepius contigit, vt in vnum munus, diuersis, diuersa diplomata traderentur, quod tamen non Principi, sed iis, qui scribunt ac sigillo munitur, imputandum videtur. Fuerunt & Regibus publicae rationes, quae interdum permouerunt, honorem per diploma vni datum, alteri per aliud concedere. Anno 1613. decretum, quod si diuersa priuilegia in eandem rem impetrarentur, posteriora prioribus derogare haud deberent. CONST. a. 1613. p. 10. tit. *Przywileje na* *Przywileje*. Cum Iohannis Casimiri tempore, foederatus miles varias proferret querelas, non siluit vtriusque gentis Cancellaria, „quod plura super vno beneficio extraderent priuilegia. Ad quod responsum: esse competitorum aut scribarum errorem, sed facile corrigendum, si posterius priuilegium priori cederet. KOCHOV. Ann. Chm. III. p. 18. 19. In PACTIS tamen CONVENTIS Michaelis, Iohannis III. §. *Wtym sie* & Augusti II. §. *Waruiemy*, cautum, ne in vnum vacans duo dentur priuilegia, adiecto in posterioribus: „vt singula priuilegia in acta metrices Regni referantur, & vtriusque gentis Cancellariae, eadem secum communicent. Denique TRACTATVS VARSAVIENSIS an. 1717. Cancellariis iniungit, „diligentem secum habere communicationem, ne priuilegia, super „vnum idemque munus, duabus personis extradantur, videlicet vnum ex maiori, alterum

„alterum ex minori Cancellaria Regni vel M. D. Lituaniae, ad euitandas clades „domesticas & scissiones per Palatinatus, cui malo occurrendo cautum, vt priuilegia in maiori Cancellaria sigillata, ad acta metrices Cancellariae minoris, & „contra, per oblatam porrigantur, & ibidem acceptentur. CONST. a. 1717. p. 13. Quo rem vno alteroque exemplo illustremus, recepit a. 1699. minus Lituaniae sigillum *Szczuka*, in quod, duobus Rex diplomata dederat subscripseratque: sed excutauit facile tactum publica vtilitas, imo necessitas, quod nouus honor collatus dignissimo. Epist. ZALVSK. T. II. p. 780. Et a. 1702. obtinuit Princeps *Sanguisko*, Marechalcatum Curiae Lituanae, Pacio iam a Rege subscriptum ac sigillo munitum. Epist. ZAL. T. III. p. 158.

2 Est actualis ascensus, quando noua dignitas aditur, hoc antequam fiat, confertur eadem, imo collatum iri, saepius promitti solet. Certa autem fata dicuntur, quando certis auctoribus constat, vere obisse eum, qui dignitatem gessit.

3 Binas esse in Regno & M. D. Lituaniae Cancellarias, supremam alteram, alteram minorem, seu Procancellariam, constat. Ex vtraque Regia diplomata, in noua munia prodeunt, seruato tantum inter Regni & Lituaniae Cancellarias, pro diuersitate Gentium & Prouinciarum, discrimine. Necessesse inde est, vt suprema & minor Cancellaria, secum communicent, quae prodierint diplomata, ne per ignorantiam, ex diuersis diuersi eadem impetrent.

### §. XVI.

#### DIGNITATIBVS SVA SERVANDA IVRA.

Dignitates & munia, tam in Regno, quam in M. D. Lituaniae, & annexis prouinciis, penes iura antiqua, iurisdictiones, consuetudines, & praescripta Regni<sup>1</sup>, & in M. D. Lituaniae iuxta coaequationem & ordinationem<sup>2</sup> conseruabimus: praerogatiuas & prouentus illorum, nullo modo a quopiam minui & abrogari permittemus.

<sup>1</sup> Iam Ludouicus Rex a. 1374. promisit, „Se dignitates Regni, ac omnia & „singula officia, in suis iuribus, prout tempore Vladislai aui, & Casimiri auunculi, fuissent, plenarie conseruaturum. LASC. Stat. f. 41. p. 1. Vladislau Jagello, non minus spondit, „dignitates ecclesiasticas & saeculares Regni Poloniae, „circa iura, & consuetudines ac libertates suas, quas temporibus Serenissimorum „Principum Dominorum Casimiri, Ludouici, & aliorum Regum ac Ducum haeredum Regni Poloniae obtinuisent, persistere & permanere debere. LASC. f. 50. p. 1. Pariter Sigismundus Augustus nihil Se in dignitatibus & officiis immutaturum, fidem dedit. VOL. CONST. p. 4. §. *Dostoienstw*. Inde Articuli in coronatione Heurici sanciti & a Stephano confirmati, magistratibus vtriusque Nationis suam auctoritatem integram seruauerunt, VOL. CONST. p. 255. §. *Vrzedy*, quod post coronationem dicti Regis Stephani, in CONST. a. 1576. repetitum. VOL. CONST. p. 277. §. *Vrzedy*. Ratum & habuit Sigismundus III. cum in Pactis Conuentis memoratos Articulos reciperet, sequentes vero Reges, quisque in suis PACTIS fidem suam verbis expressis obstrinxerunt. §. *Vrzedy* & §. *Dygnitarswa*. In hoc tamen Augusti II. a superiorum Regum pactis diuersa, quod praeter Regnum



gnum & Lituaniam, annexarum prouinciarum mentionem faciunt: caeteris Regnum & Lituaniam tantum memorantibus. Praeterea & in hoc Augusti II. ampliora, cum dignitatum & munerum antiqua iura & veram potestatem, iuxta *usum legum & formam Reipubl. ac specialia iura* seruanda statuunt, reliquis tacentibus, praeter solius Iohannis III. Pacta, quae *usum legum & formam Reipublicae* allegant. Et habent dignitates & magistratus Regni, Lituaniae, ac iunctarum illis prouinciarum, sua iura, neque omnes eodem modo exercentur, quae diuersitas eiusque ratio, ex iure publico repetenda est.

2 Coaequatio Lituonica, cum dignitatibus ac magistratibus, tum aliis rebus Lituanos & Polonos aequat. Hanc tentatam olim, in comitiis electionis Augusti II. Lituani summo seruiore vserunt, obtinueruntque. *Epist. ZAL. T. II. p. 339. f. 347. f. 364.* In ea Lituani fatentur, „Se consensu Reipubl. ad iura & consuetudines, Regni transire, dantque omnibus in magno Ducatu iudiciis potestatem, exemplo eorundem iurium Regni, poenas bannitionum, & alias quasuis, condemnationes, pro exigentia iuris & facti, decernendi, publicandi, executiones iniungendi & exequendi. Adhaec ministeria Clauarum Ducalium, Sigillorum, Baculorum Mareschalcalium, Clauium Thesaurariorum, & eorum circumscriptionem pariter, secundum Regni iura recipiunt; iudiciorum Tribunalitiorum & aliorum subselliorum eandem cum Regno formam assumunt, solo usu Statuti Lituani, & iudicii ecclesiastici excepto. Cum coaequatione simul constituta est *ordinatio*, in qua praesertim de Tribunali Lituonico, aliisque iudiciis, vt & actionibus ecclesiasticis, nec minus de variis ad rem militarem pertinentibus amplissime agitur. Vtraque, cum coaequatio, tum ordinatio, seorsum prodiit, vtriusque & in PACTIS CONVENTIS Augusti II. §. dignitarstwa. facta est mentio, nec minus in comitiis coronationis a. 1697. firmata. *CONST. p. 14. tit. Approbatio.* Impugnata quidem fuit haec coaequatio a supremis Lituaniae Ministris, quod auctoritatem suam circumscribi aegre ferebant, quam caeteri eo ardentius tuebantur, quod paucorum potestas grauior communi libertati videbatur, quam vt ferri posset. Probant id diuersa Magni Ducatus scita, eo sine sancita, vt coaequatio & ordinatio, essent perennes. *Epist. ZAL. T. II. p. 613. 717. 933. 935.*

### §. XVII.

#### VACANTIA QVIBVS ET QVOMODO CONFERENDA.

Vacantia extra tempus Comitiorum <sup>1</sup>, ad maximum, spatium sex hebdomadam, a prima notitia Nostra <sup>2</sup>, & in Comitiiis ante omnia conferemus <sup>3</sup>, & cui collata fuerint, statim publicabimus <sup>4</sup>, eademque <sup>5</sup> terrigenis <sup>6</sup>, indigenis <sup>7</sup>, paritate gaudentibus <sup>8</sup>, bene meritis <sup>9</sup>, aetate & discretione vigentibus <sup>10</sup>, vtriusque Gentis & annexarum Prouinciarum <sup>11</sup>, iuxta Iura & priuilegia distribuemus.

<sup>1</sup> Est sermo de conferendis dignitatibus, quando extra Comitii easdem vacare contingit: & posset quaeri, vtrum intelligantur omnes, an aliquae excipi debeant. De Cancellariis enim, nonnisi in Comitiiis creandis, notum est vetus Statutum Alexandri Regis, docetque usus, Sigilla tum Regni, tum Lituaniae, interdum

dum quidem extra Comitii, plerumque illis durantibus, cessisse aliis. De exercituum vero Ducibus supremis & minoribus, *Tractatu Pacificationis* a. 1717. sancitum, vt, „nonnisi in Comitiiis, ad vota Senatorum, & instantiam Nunciorum terestrium, constituantur. *CONST. a. 1717. p. 31.* Placuit tamen Ordinibus in Comitiiis Conuocationis a. 1733. decernere, vt, ministeria belli, nisi in primis Comitiiis, interueniente aliqua occasione, potuerint conferri, ad ius Maiestatis, cum futuri Regnantis redeant, idque & de sigillis, pro hac sola, quae legis verba sunt, vice intelligi debeat. *CONFED. GEN. p. 16. §. 64.* Electo in Regni felicitatem Augusto III. alia, pro tuenda Eius Maiestate, successit *Confoederatio*, quae, sublata a. 1717. sanctione, dictas praefecturas exercituum, intra sex hebdomades, ex quo vacuae factae, conferri debere, statuit. §. 16. Secutus est ergo sensum Reip. optimus Princeps, Sigilla & Clauas Ducales, Comitiiis quidem indictis, sed neque ad Mareschalli electionem succedentibus, dignissimis conferendo.

2 Spatium, quo in vacuas dignitates sufficiendi alii, olim haud erat definitum. Regnante Sigismundo III. in hanc rem a. 1588. lex menses constituti, *VOL. CONST. p. 468. tit. O Wakancyach*, qui primum in Pactis Vladislai IV. in totidem hebdomades immutari coeperunt, §. *Wakancye*, quod exemplum & in Pacta sequentium Regum transiit. §. *Wakancye*.

3 Si ergo vacuae dignitates, ante Comitii non collatae, conferendae in Comitiiis. Exstat Statutum Sigismundi I. apud *PRIIL. p. 179.* vt officia & dignitates, in principio Conuentus, priusquam ipse Conuentus generalis inchoetur, distribuuntur. Constitutio a. 1576. de initio Comitiorum loquitur: *VOL. CONST. p. 289. tit. O dobrach*, alia a. 1588. illud intra octiduum, ex quo coeperunt Comitii, iniungit, hocque vrgendi Nunciis terrestribus facultatem concedit. *VOL. CONST. p. 468. tit. O Wakancye.* Idem repetit *Const. a. 1607.* addito: ne Nuncii ad consultationes comitiales accedant, priusquam hanc suam postulationem obtinuerint, *VOL. CONST. p. 833. tit. O Wakancye, Vladislai IV. & sequentium Regum* Pacta cauent, vt in Comitiiis dignitates ante omnia distribuuntur. §. *Wakancye.* Denique Constitutio a. 1690. ordinem Comitiorum describens, admonitionem Nunciorum *Vacantium* nomine, post lectionem SConsultorum locat. *tit. Obiátnienie.* Inde illi lectis SConsultis, antequam conclauem suam repetunt, Regem compellere solent, vt dignitates & magistratus, si vacant, conferre dignetur, quo facto, in suo conclauis, vacua munia conscribunt, & si quos Regiae indulgentiae commendare velint, expendunt: reuerli vero ad Senatores, vt eorum sententiis in *propositionem comitalem* interfiant, statim *Vacantium* iterum mentionem iniiciunt, singula recensent, ac quae eo faciunt, vt conuenere, exponunt: quibus peractis, dignitates conferri solent. In Comitiiis coronationis *Michaelis* dictceptatum inter Nuncios, vtrum statim post *propositionem* comitalem, an demum dictis in eam Senatorum sententiis, vacuae dignitates in medium proferendae: & placuit, vt audita *propositione*, breuibus earum mentio fieret, accuratior vero flagitatio, in aliud tempus differretur: euenitque, vt priusquam dicerentur a Senatoribus sententiae, *Vacantium* fieret distributio. *ZAWADZKI Hist. arc. p. 65. 77.* Cum autem in Comitiiis a. 1670. Ordini Equestri, eam rem expectanti, responderetur: „deliberaturum Regem, quibus conferendae dignitates, interim Nuncii sententias Senatorum exciperent; hi, irritatis animis, suum Conclauem repetentes, vno quasi ore affirmabant, „non Se audituros Senatores, nisi collatis antea dignitatibus: posse quidem aliquas vltiori deliberationi seruari, „omnes autem, id neque legibus, neque consuetudine esse concessum. *ZAWADZKI p. 108.* E 4 Ad-



4 Addunt superiorum Regum Pacta §. citato, vt collatae dignitates per Cancellarios publicentur: quod & vsu obtinet, eo saltem discrimine, vt si Polonicae fuerint dignitates, illud a Regni, si Lituanicae, a Magni Ducatus Cancellariis praestetur: quod & de Prouinciis, Regno & Lituaniae iunctis, intelligendum. Quoties tamen simul Cancellariatus vterque confertur, aut Procancellarius locum magni Cancellarii ascendit, aut magnus Cancellarius, Procancellario absente creatur, nunciant nouum magistratum Marechalci, & pro diuersitate Gentis, modo Regni, modo Lituaniae.

5 Quae a dignitatum Candidatis requiruntur, vt scilicet sint terrigenae, indigenae &c. iuris sunt vetustioris & perpetui. *Ludouicus* enim a. 1374. promissit, „honores & dignitates, vtpote Palatinatus, Castellanus, Iudicia & Succamentarius officia, & his similia, quae vsque ad vitam conseruari consueuerint, hominibus extraneis, hospitibus, non collaturum; sed talibus, qui sint Regnicolae terrarum eiusdem Regni, in quibus huiusmodi dignitates vel honores consistant: „pariter nullum Baronem, Militem, seu Nobilem, vel alium quemcunque, cuiusque conditionis existat, extraneum, hospitem, seu alienigenam, praeterquam natione Polonum, in Capitaneum praefecturum, nisi talem, qui sub eadem corona de Gente Polona sit oriundus, dummodo non descendat de stirpe Ducali; nec vllum castrum seu fortalitium, alicui Duci vel Principi, aut descendenti de genere Ducali, regendum & tenendum commissurum; denique castra & ciuitates, de quibus honores & iudiciales sedes procedant, nulli alteri, nisi terrigenis, seu Capitaneis in eodem regno consistentibus, permissurum. *Lasc. Stat. f. 41. p. 1. PRIL. Stat. p. 175.* Pollicitus & *Vladislaus Jagello*, dignitates, si eas vacare contigerit, nulli extraneo, terrigenae, nisi nobili bene merito, & fama laudabiliter conseruato, illius terrae, in qua dignitas & honor huiusmodi vacauerit; insuper nulli Ducum, & de Ducali stirpe descendenti, seu extraneo alienigenae, cuiquam aliquod castrum, fortalitium aut ciuitatem, ad regendum pro tempore, vel in aeuum, daturum, assignaturum, aut quomodolibet collaturum. *Lasc. Stat. f. 50. p. 2. PRILVS. p. 175. 176.* Ad horum exemplum *Casimirus Jagellonides*, edixit, filiusque *Ioannes Albertus* firmavit, „Dignitates, Castellanus & Officia, in terris vniuersis Regni, personis bene meritis, aetate, intellectu & prudentia bene vigentibus & indigenis, illiusque terrae indigenis, in qua dignitas vacauerit, quaeque ibidem bona haereditaria habuerint, datum iri. *Lasc. f. 92. p. 2. PRILVS. p. 176.* Tempore *Alexandri*, Ordines, Rege absente, in Comitibus Petricouiensibus, innitendo antiquo Statuto, sanxerunt: „Dignitates & officia territoria, incolis tantummodo terrarum, possessionatis & idoneis, conferri, si secus factum, non seruari, nec ei, cui dignitas vel officium contra praemissa, collatum fuerit, illud permitti, aut eidem obedientiam praestari debere. *Lasc. f. 111. p. 2. PRIL. p. 176.* „Submisit Se iisdem Statutis *Sigismundus I.* voluitque „officia & dignitates, hominibus idoneis, possessionatis, indigenis, sufficientem possessionem haereditariam & non fictam habentibus, distribuere. *PRIL. 178. 179.* Idem ius sub *Sigism. Augusto*, qui sigillatim Castra & Tenutas noluit credere, nisi Polonis, nobili genealogia ortis, iisdemque possessionatis. *PRIL. p. 120.* In *Articulis Henrico* oblatis, & a *Stephano* ac *Sigismundo III.* probatis, Vacantia, aetate maturis, idoneis, bene meritis vtriusque Gentis, & non extraneis seruantur. *Vol. CONST. p. 255.* Huc & faciunt binae *CONST.* sub memorato *Sigismundo III.* annorum 1607. *Vol. CONST. p. 833. tit. O Wakancyach, & 1631. p. 4. tit. O Wakancyach*, quae ad dignitates ac magistratus, saltem bene meritos, aetate & discretionem vigentes, terrigenas, indigenas, conditionis nobilitatis, aequa-

aequalitate iuris & poenae gaudentes, admittunt. Sequentium autem Regum Pacta Conuenta, de terrigenis, indigenis, paritate iuris gaudentibus, bene meritis, aetate & discretionem vigentibus, secundum vetera iura & statuta, ad dignitates euehendis, fere vno ore loquuntur. §. *Wakancye.*

6 Terrigenae dicuntur Nobiles, quod non in ciuitatibus, sed in terris suis geniti, conuenitque vocabulum Polonorum, *Ziemianin*, quo Nobilis, in agris sibi viuens, intelligitur.

7 Indigenae opponuntur extraneis. Hi dignitatibus & magistratibus arcentur, illis solis ad eosdem patet aditus, vt ex nota (5) huius §. constat.

8 Paritate gaudentes sunt iidem, qui in allegata *Const.* anni 1631. aequalitate iuris & poenae gaudentes dicuntur, aut quibus eadem cum Nobilibus conditio, vt iisdem legibus, iisdem iudiciis, iisdemque poenis subfint. Olim *Ludouicus & Vladislaus Jagello*, Se Duces, & qui e Ducum Polonorum stirpe descenderent, ad praefecturas castrorum haud admissuros, fidem dederant. Sub *Sigismundo III.* datus *Iohanni Alberto* Episcopatus Varmienfis, commouebat animos, quod Gentis libertati periculosum videbatur, si tanta dignitas Regiae soboli cederet, hocque exemplum ad plures transiret. Exemit metum Rex, cum Se, saluo in contrarium Ordinum consensu, antiquis de Ducali genere iuribus, submitteret, *CONST. a. 1631. p. 4. §. O Wakancyach*, ac diplomate ad Archiuum Regni dato caueret, *Iohannem Albertum* filium, simul ad aetatem maturiorem veniret, fidem suam iureiurando Reipublicae obstricturum. *PIAS. p. 421. CONST. d. a. p. 4. tit. Warmia.* Postea *Vladislaus* in PACTIS suis CONVENT. §. *Najasniewszych*, promissit, „Se Principes Regios, fratres suos, quibus a Republ. assignati „reditus, in Comitibus coronationis inducturum, vt iuramentum fidelitatis Sibi & „Reipubl. praestent, eosdemque hoc vinculo, quamdiu dictos redditus percepturi, „& in Regno domicilium suum habituri, constrictos esse, & si aliqua causa, personas eorum afficiens, obueneret, cognitionem ad Regem & Senatum in Comitibus „pertinere: *Iohannem* autem *Albertum*, iam nominatum Episcopum Cracouiensem, dicto in Comitibus coronationis sacramento Senatorio, ac caeteris ab eodem „praestitis Conditionibus, locum suum in Senatu occupare debere. Qui *Ioh. Albertus*, in Comitibus coronationis, post iusiurandum in Senatum receptus, admissusque ad Episcopatum Cracouiensem, scriptis, quibus eundem teneret, legibus, ne supra ciuilem conditionem se efferret. Idem Eodem regnante *Vladislaus* seruatum, cum omnium Ordinum consensu, *Carolus Ferdinandus*, Princeps Regius, ac Regis frater, Episcopatum Plocensem obtineret. *CONST. a. 1633. p. 19. & a. 1641. p. 4. tit. Consens.* Quod si ergo aliquis ex stirpe Regia, Reipubl. muneribus admouendus, qua illa, ad Nobilium conditionem descendere debet, ne aequalitati derogetur.

9 Habentur enim dignitates & magistratus pro praemiis, bene de Rege & Republica meritorum, & qui tales, Regiae munificentiae a Nunciis terrestribus in Comitibus commendari solent. Parum ergo honorificum erat *Sigismundi Augusti* memoriae, cum Ipsi post mortem exprobraretur: Eum rabularum ac procuratorum sordidum munus professos, aliosque, quos leges in bene constituta Reipubl. ab honore arcerent, ac testimonium dicere vetarent, Senatorio Ordini adscripsisse. *Praefat. T. II. HISTORIAE NOSTRAE PRVSS. p. 4.*



10 Arcentur ergo minores, & qui rebus gerendis haud idonei. Quare & hoc nomine collatus Regio Principi Iohanni Alberto, Episcopatus Varmienfis displicebat; quod duodecim annorum puero datus.

11 Idem PACTA CONVENTA Michaelis loquuntur, repetuntque Augusti II. §. *Wakancya*. Idem iam olim lege prouisum, ac vlti seruatum fuit, vt Poloni, Lituani, Prussi, Liuones, aliarumque Regni & Magni Ducatus Prouinciarum indigenae, dignitatibus & publicis muneribus admouerentur, dummodo bona terrestria possiderent: quod ex nota (5) huius §. patet.

12 Iam olim obtinuit, vt dignitates secundum iura & statuta, *Vid. Not. §. ad hunc §.* seu iura & priuilegia, vt in CONSTITVTIONE a. 1607. VOL. CONST. p. 833. tit. O *Wakancyach*, & PACTIS Augusti II. §. citato; legitur, conferantur. Et non tantum intelliguntur iura communia, sed & quae singulis Gentibus & Prouinciis propria. Illa iura & priuilegia, in Prussia, solis illius Prouinciae indigenis, dignitates & publica munia asserunt; de quo fusius ad §. XXXIX. agitur. Eadem, oppidanos Capitaneatibus & Tenutis haud arcet, suntque in promptu superiorum temporum exempla; imo oppidanorum filios Episcopatus obtinuisse, saeculi decimi sexti historia memorat. In Liuania vero Poloni, Lituani, ipsique Liuones per vices dignitates obeunt. CONST. a. 1677. p. 26. tit. *Ordynacya*.

### §. XVIII.

#### INCOMPATIBILIA.

Incompatibilia in iuribus descripta, hoc est, Mareschalcatus, Sigilla & Thesaurariatus cum Claua simul non dabimus<sup>1</sup>.

<sup>1</sup> *Incompatibilium* nomine, veniunt dignitates, quae simul ab vno teneri haud possunt. Pertinent eo Archi-Episcopatus maiores cum Sigillis, ministeria Senatorii Ordinis cum Palatinatu aut Castellatu, vt alia omittamus; quibus recentiori aetate, Praefecturae exercituum, cum quouis ex dictis ministeriis, accesserunt. Est enim huius §. mens, ne exercituum Praefecti, siue supremi, siue campestris, simul sint, aut Mareschalci, aut Cancellarii, aut Thesaurarii. Id vero olim interdictum haud erat. Fuit sub Stephano & Sigismundo III. Iohannes Zamoiscius simul Supremus exercituum Dux ac Magnus Regni Cancellarius; vtramque hanc dignitatem, sub eodem Sigismundo III. Stan. Zolkieuius gessit. Sub Iohanne Casimiro, occurrunt Georgius Lubomirski, Dux campi & supremus Regni Mareschalcus; Iohannes Sobiescius, primum minor, postea supremus exercitus Praefectus, simul magnus Regni Mareschalcus; Vincentius Gasielius, Lituanici exercitus Dux minor, ac supremus Thesaurarius, & Michael Radziuil campi Dux & Procancellarius Lituaniae. Cum autem modum videretur excedere auctoritas, si exercituum Duces, vna supremi essent Ministri, conuenit inter Ordines tempore electionis Michaelis, vt EXORBITANTIIS vulgo dictis, inferrent, tit. de *Incompatibilibus*: „ne Rex in posterum vna cum Claua Ducali, „Mareschalcatu, Cancellariatu & Thesaurariatu, cum in Regno, tum in Lituania, sub nullitate priuilegiorum conferat, „simul Cancellariis curam huius rei, sub poenis legum iniungerent, ac Nunciis terrestribus in Comitibus facultatem vrgendi concederent, vt eiusmodi priuilegia pro nullis haberentur. Ex quo tempore res illa, licet verbis diuersis, in sequentium Regum PACTIS repetita, & quidem in Michaelis

Michaelis & Iohannis III. §. *W tym się*, in Augusti II. §. *Incompatibilia*. Quare, cum nuper Celsissimi Principes, Wiesnoviecius, magnus Lituaniae Cancellarius, & Radziuil, Mareschalcus Curiae Lituanae, ille supremam, hic minorem Lituanici exercitus praefecturam reciperent, vterque antea priori munere cessit.

### §. XIX.

#### SIGILLVM CUBICVLARE. VSVS LATINAE ET POLONICAE LINGVAE.

Sigillo cubiculari & signo priuato<sup>1</sup>, in negotiis & expeditionibus Reipublicae non vtemur<sup>2</sup>, litteras omnes & legationes publicas, tantum lingua polonica & latina expediemus<sup>3</sup>, Priuilegia aut Vniuersalia, sub dictis sigillis, etiam ex Senatus Consulto extradi non iubebimus, reseruando id Cancellariis vtriusque Gentis<sup>4</sup>.

<sup>1</sup> Praeter sigilla Regni & Lituaniae, est sigillum cubiculare, seu camerale, vt & priuatum. Cubiculare dicitur, quod Polonis *pokoiewy*, quo rem, ad cubiculum pertinentem, notant, audit: Germani appellant das *Cammer-Siegel*, quod & latine camerale redditur. Praefert illud Regni & Lituaniae insignia, cum Regis gentilitiis in medio positis. Vtitur eo Rex in ordinatione reddituum, ac aliis rebus, quae ad bona mensae pertinent, tum iis, quae in solius Principis arbitrio sunt, neque perpetuitatis vim habent. Custodia eius non est penes Cancellarios, sed conclauis Notarium. Priuatum signum est Principis quasi domesticum, quo signantur Litterae, ad externos solius Regis nomine, in Ipsius saltem negotiis missae.

<sup>2</sup> Vfus sigilli cubicularis & priuati iam in Articulis Henrici, a Stephano & Sigismundo III. confirmatis, interdicitur, quibus Rex suo & Successorum nomine promittit: „Se in negotiis, ad Rempublicam pertinentibus; tam intra quam extra „Regnum, nullo signeto, aut sigillo priuato, sed sigillis tantum Regni, quae penes „Cancellarios & Procancellarios, tam Regni, quam Lituaniae sint, vsurum: VOL. CONST. p. 277. §. *obiecuemy*. PACTIS Vladislai IV. & sequentium Regum, eandem in rem singulare caput insertum legitur, §. *pieczęci*, quibus CONSTITVTIONEM a. 1607. VOL. CONST. p. 837. tit. O *pieczęci*, & EXORBITANTIAS a. 1669. scriptas, tit. O *pieczęci pokoiewey*, addimus. Illud memoratu dignum, quod Iohanni III. ob dilatam in alterum annum coronationem, permissum, interea temporis, litteras vocatorias ad conuentus minores, tum litteras *restium*, quibus in bellum excitur Nobilitas, nec minus litteras quasuis ad Principes externos, Czaro Russico saltem excepto, denique nominationem noui Archiepiscopi Gnesnensis, pro ea sola vice, non derogando in hoc generali iuri, sigillo cubiculari signare. PORZ. ELEK. a. 1674. tit. *Oznaymienie*. Neque reticendum, ex Ordinum sententia, factum Sigillum camerale extraordinarium, ab ordinario diuersum, quod Procancellarius seruauit, quo iis imprimeret, quae alias Regni sigillum praeferrunt solent. Epist. ZALVSK. T. I. p. 635.

<sup>3</sup> Id cum vsu obtineret, lege est firmatum, in EXORBITANTIIS sub electionem Michaelis l. c. repetitumque in Illius & caeterorum Regum PACTIS



§. *pieczęci*. Vtraque ergo lingua pro publica habetur, quod de nulla alia asseri potest, quare parum honorificum erat magno Lituaniae Cancellario, tempore *Iohannis III.* quod latine minus doctus. *Epist. ZAL. T. I. p. 989. 1008.* Licet tamen Regi in rebus priuatis, alio sermone uti, quod & allegatae EXORBITANTIAE l. c. concedunt.

4 Et in hoc praeiuerunt memoratae EXORBITANTIAE l. c. quarum auctoritatem Regum PACTA §. *pieczęci* secuta sunt. Ideo autem Priuilegia & Vniuersalia a Cancellariis signari iubentur, ut hi, qui legum custodes, prouideant, ne priuilegia iuri communi contraria exportentur, aut incolis per Vniuersalia impendantur, quibus per leges eximuntur. Sunt autem Vniuersalia, ut id in exterorum gratiam addamus, Regia Edicta, quibus, quae fieri debeant, in publicum perscribuntur, habentque hoc nomen, quod incipiunt Vniuersis & singulis. Id vero, quod hoc nomine prohibetur, Regi neque per Se, neque ex sententia Senatorum in aula degentium, facere integrum est. Fuerunt tamen de minus recto, sigilli cubicularis vsu, querelae, ut iam *Sigismundus III.* necesse habuerit affirmare, Se, in signandis tam litteris, quam diplomatibus, non aliis Sigillis, nisi quae fidei Cancellariorum credita essent, uti; *LVBIENSIS de Motu Ciuili Oper. p. 52.* simul antiquo iuri nouam Constitutionem addere, quam nota (2) allegauimus. *Vladislaus IV.* sub sigillo cubiculari nouum scribi militem edixit, at in sequentibus a. 1646. Comitibus, Idem Rex per CONSTIT. Tit. O *Zaciagu* p. 2. pro Se ac Successoribus, illud in posterum fieri haud debere sanxit. Regnante *Iohanne III.* Regia commendatio ad Cardinalatum, in suis Cancellariis, sigillo Camerae munita, Romam missa fuit. *Epist. ZAL. T. I. p. 633-635.*

## §. XX.

## THESAURARIATVS MAGNI, CUI CONFERENDI.

Thesaurarius magni, Regni & M. D. Lituaniae<sup>1</sup>, ut in futuris Comitibus, per plus offerentiam conferantur<sup>2</sup>, curabimus: quae res in Comitibus decideretur.

<sup>1</sup> Notum est, binos in Regno & Magno Ducatu esse Thesaurarios, magnum alterum, alterum Curiae dictum.

<sup>2</sup> Scilicet, ut magnus Thesaurarius, cum Regni, tum Lituaniae, illi conferatur, qui plus caeteris, in aerarium, ex constitutis redditibus, illaturum se, promiserit. Tale quid, si recte meminimus, iam a. 1729. post mortem *Prebendouii*, Regni Thesaurarii, sermonibus ferebatur, docebantque Regiae prouidentiae successum, futura Comitibus.



## §. XXI.

## §. XXI.

## DE SERVANDIS FOEDERIBVS, ET COMPONENTIS CVM VICINIS CONTROVERSIIS.

Pacta & foedera cum externis Potentiis renouabimus, & conseruationem illorum procurabimus<sup>1</sup>, tam sine vilo praeiudicio Reipublicae, & auulsione cuiuscunque Prouinciae<sup>2</sup>, quam etiam sine vlla infractione & sinistra interpretatione, Tractatum Pacis & Foederum, per quamcunque partem. Differentias cum vicinis Potentiis, coniunctim cum Republica<sup>3</sup>, secundum aequitatem, amicabiliter quamprimum componere, & ad finem perducere studebimus.

<sup>1</sup> Idem de Pactis & Foederibus, in superiorum Regum PACTIS CONVENTIS §. *Pacta & Foedera*, ex *Vladislaus IV.* tempore, inuenitur: idemque antea in coronatione *Sigismundi III.* a. 1588. sancitum. VOL. CONSTITVT. p. 457. tit. de *Pactis*.

<sup>2</sup> In PACTIS *Augusti II.* sine praeiudicio Reipublicae & auulsarum Prouinciarum legitur. §. *Pacta & Foedera*. Ne autem Pactorum conseruatio iuribus Reipublicae detrahat, aut cum imminutione finium Regni fiat, tum ex diplomatibus, quibus noui Reges Reipublicae iura firmant, tum ex formulis, quibus fidem, in coronatione sua, Regno obstringere solent, imo ex Ipsa Regni Poloni constitutione, facile colligi potest.

<sup>3</sup> Lex est certa & perpetua, ut, quae ad Rempublicam pertinent, simul cum illa decernantur. Si quando ergo cum externis Principibus pax incunda, si belli societas, si foedera alia sancienda, si de iuribus disceptandum, Ordinum consensu, Regis & Reipublicae nomine delegantur, qui vel ad certa mandata negotium perficiant, vel audita aduersae partis sententia, exceptisque rationibus, integram rem, ad Ordines in proximis Comitibus referant. Ne exempla passim obuia altius repetamus, ad CONSTIT. Comitiorum *Grodniensium* a. 1726. prouocamus, ubi, *Titulis Komisy*, longo ordine, nomina eorum, qui ad controuersias cum Principibus vicinis, ex Senatu & Equestri Ordine lecti, addita agendi facultate, recitantur. Ex iisdem pariter constabit, non frustra controuersias cum Externis memorari, cum variae cum Diuersis intercedant, quae ab illo tempore, post nouem annorum spatium, nondum composita.



## §. XXII.



## §. XXII.

## VETERA CVM IMPERATORE PACTA REPETITA.

Compactata vero cum Serenissimo Imperatore<sup>1</sup>, per Delegates ex Constitutione Grodnensi<sup>2</sup> a. 1726. anno praeterlapso 1732. renouata<sup>3</sup>, & ad ratificationem ad Comitiam remissa<sup>4</sup>, vt in futuris, Deo annuente, Comitibus conclusis, iuxta tenorem suum ratificentur, curabimus.

<sup>1</sup> Sunt vetera pacta, eaque a decimo quinto saeculo, inter Romanos Imperatores, qui simul Austriae Archi-Duces, & inter Poloniae Reges, repetita saepius, ac subinde mutata. Agunt eadem de mutua amicitia; de commercandi libertate; de ferendis auxiliis; de facultate scribendi in terris alterius milites; de dirimendis finium nomine litibus; de hostibus & profugis non recipiendis aut fouendis; de inhibendis excursionibus; de seruando iusto monetae valore, ac sale euehendo. Firmarunt antiquum foedus, nouis tabulis, Leopoldus Caesar, & Iohannes III. Poloniae Rex, a. 1677. quas in Iure publico Poloniae exhibet CHWALKOVIVS p. 256.

<sup>2</sup> Quo amicitia cum Caesare per saeculum non vnum seruata, nouo aliquo vinculo constringeretur, nominati in dictis Comitibus, ex Senatu & Equestri Ordine, qui cum Imperatoris Legato eo nomine agerent, ita tamen, ne nouis conditionibus Rempubicam obstringerent, salua in futuris Comitibus ad Ordines relatione, & ab iisdem approbatione. CONST. dictorum Comit. iir. Komisja z Cesarzem IMiq.

<sup>3</sup> Illo enim anno, die scilicet tertia Nouembris, congressu eum magno Legato Caesaris, Comite de Vilczek, Varsoviae in arce Regia instituto, per nouas tabulas, Pacta a. 1677. repetita ac firmata sunt, capite saltem, quod de conscribendo milite agit, excepto. Subscripserunt, cum Caesaris magno Legato, Regni Primas, Episcopus Vladislauiensis, Palatinus Kiouiae, Supremus Regni Mareschalcus, Regni Procancellarius, Regni Thesaurarius, Lituaniae Stabuli Praefectus, & Succamerarius Sochacensis.

<sup>4</sup> Subscriptum enim est nouis tabulis, salua relatione, approbatione & ratificatione, tam Sacrae Caesariae Regiaeque Catholicae Maiestatis & Reipubl. in Comitibus generalibus proxime futuris.



## §. XXIII.

## §. XXIII.

## REIPUBLICAE PACIFICATIO.

Similiter pacificationem Reipublicae, tam ab intra, quam ab extra<sup>1</sup>, sicut & euacuationem copiarum extranearum<sup>2</sup>, sine vlla ad Rempubl. praetensione<sup>3</sup>, coniunctim cum Ordinibus Regni, habentes prius ab Illis prouisam securitatem<sup>4</sup>, quanto citius procurabimus.

<sup>1</sup> Turbatam grauiter fuisse Rempubicam, per Ordinum in electione Regia dissensionem, notum est, neque motus illos, quos ciuile bellum haud male diceret, recensere nostrum fuit institutum. Diuturnior tamen fuisset calamitas, simul funestior, si, quae aduersa pars sperabat, aliunde aduenissent auxilia. Erat ergo remedium aduersus externum bellum, aliena ope indigere: & intestinum AVGVSTI III. lenitas, salutariter composuit, dum ignoscendo lapsis, omnes ad suam indulgentiam admitteret, imo vltro & saepius & liberaliter eam offerret, adeo, vt hoc quo scribimus tempore, armis positis, omnia iam sunt pacata, paucis illis, qui extra Regnum, rerum conuersionem frustra speculati, reuersis aut reditum parantibus.

<sup>2</sup> Cum plurimi secessionem facerent a Reipubl. iique pertractis in suas partes domesticis copiis fere omnibus, externa pecunia iuuarentur, ac in dies aliunde validiora auxilia sperarent, laboranti saluti, ingens in foederatos animi, Russorum AVGVSTA subuenit. Electus in Regem AVGVSTVS III. iunxit suum exercitum, quo Regnum, sibi per Ordinum suffragia delatum, tueretur ac seruaret. Vterque miles, Russus & Saxo, copiarum externarum nomine venit, quarum maxima pars iam discessit, paucae quae supersunt legiones propediem sequuntur, incolis interea haud graues, hospitium saltem & comitum ad necessitatem exigentes.

<sup>3</sup> Exemit Russorum AVGVSTA; fide non semel data, Reipublicae omnem metum, ac si sumtuum in auxilia nomine, quicquam esset postulatura, vt inde nulla iam subesse possit sollicitudo. Rex vero, qui ad Magni Parentis exemplum, suas opes in ciuium salutem effudit, gloriam seruati Regni, in summo pretio deputat.

<sup>4</sup> Debat haec securitas prouideri, solenni more, in Comitibus, pacificationis vocatis. Indicebat illa Rex, superiori a. 1735. sed frustra, cum nonnulli, verso ordine, post discessum omnium copiarum, de Regia securitate demum consultare vellent, ac in ea sententia perstarent. Quare comitia, in ipso limine, Mareschallo ne quidem electo, soluta. Haud tamen ideo Maiestas in ancipiti, tutam Eandem praestitit, confoederatio iterum repetita, aut potius amor ciuium, fidissima Principum custodia.



F

## §. XXIV.



## §. XXIV.

## AVVLSORVM RECVPERATIO.

Auulforum recuperationem<sup>1</sup>, data occasione iusta & legitima, curae habebimus; bella autem huius caussa, inconsulta Republica plena, cum nemine inchoabimus<sup>2</sup>, sed bono potius publico, vti summo, omnibus modis prospiciemus.

<sup>1</sup> Veniunt auulforum titulo, ea omnia, quae vel bello, vel alio modo, Regno & M. D. subtracta, aliorum parent ditioni. Dicuntur alias in iure nostro, amissa, iniuste alienata, distracta. Ea recuperare, iam saeculo XIV. *Carolus* Hungariae Rex, *Ludouici* filii, designati in Regnum Poloniae Successoris, nomine promiserat, *Script. rerum Siles. Illust. de SOMMERSBERG T. II. p. 101.* ac ipse filius in sua coronatione. *L. A. S. C. Stat. f. 40. p. 2.* Idem vetus iurisiurandi Regii formula exigit, *L. A. S. C. Stat. f. 166. p. 2. §. pacta & foedera*, hacque licet mutata, Reges tamen eandem rem perpetuo iurarunt, ac in confirmationibus iurium repetierunt. Nec minus a *Vladislai IV.* tempore, PACTA CONVENTA de amissis aut auulsis recuperandis loquuntur. *Popart. gener. Sandom. Konf. p. 7. Augustus II. a. 1710.* iterum promisit, quicquid ex illicitis auulsis Reipubl. ereptum fuerit, illud omne eidem Reip. reddere.

<sup>2</sup> Bellum inferre, ob quamcunque causam, Republica haud consulta, legibus vetitum. Exstat vetus Statutum *Casimiri IV.* quo Is pollicetur, se Terrigenis ad bellum moueri non mandaturum, absque conuentione communi in singulis Terris instituenda. *L. A. S. C. Stat. f. 95. p. 2. HERBERT. Stat. tit. bellum.* Et *Iohannes Albertus*, Suo & Successorum nomine statuit, quod, quotiescunque expeditio bellica, necessitate quacunque exposcente, indicenda esset, toties conuentiones particulares institui deberent, ad consulendum tum necessitati, tunc fortasse Regi & Reipubl. imminenti. *L. A. S. C. Stat. f. 105. p. 1. HERBERT. Stat. tit. Bellum.* In *Articulis Henrico* oblatis, bellum sine omnium Ordinum in comitiis consensu prohibetur: *VOL. CONST. p. 254.* quod in coronatione *Stephani* repetitum. *VOL. CONST. p. 275. Sigismundus III.* fassus, sibi non licere, sine consensu & scitu omnium Ordinum, bella vicinis inferre. *CONST. a. 1611. tit. Popart. p. 2.* Idem, ne inscia Republ. & absque expresso Eius consensu fiat, *Vladislaus IV.* lege cauit perpetua, qua successores omnes tenerentur. *CONST. a. 1638. p. 7. tit. O supplementach.* Accedunt PACTA CONVENTA §. *Woysk Cudzoziemskich*, a dicti modo *Vladislai IV.* tempore, si *Iohannis III.* pacta excipiuntur, in quibus caput de bello inferendo non legitur. In praesentibus plena memoratur Republica, qua omnes Ordines in Comitibus intelliguntur, ne ad recuperanda auulsa, bella ex Senatorum tantum consilio inferantur. Notum est, quantam inuidiam Augusto II. concitauerit, cum illum in finem inscia tota Republica, non quidem bellum inferret Suecis, sed iniurias, quas passam credebat Rempubicam, armis vindicaret. Suaferant tamen, qui consulti Senatores & ministri. *Lacessiti*, inquit in publico edicto Rex, *occasionem sumimus, illegitime auulsa, & pariter possessa repetendi, vi pactorum conuentorum, innixi Senatorum, Ministrorumque Regni consilio.* *Epist. ZAL. T. III. p. 396. Memoires sur les dern. revolutions de la Pologne.* Cum vero res infelicitate cederet, nonnulli ex ipsis consultoribus, Optimum Principem, quod bona fide egerat, onerabant lacerabant.

rabantque. Adferamus in hac caussa graue testimonium, ipsis Magni Auctoris verbis seruatis. „Ad quaesitum, vtrum Respublica Polona, intentiones Regis sui „circa ineundum bellum adiuuerit; dictis tuis annuo & respondeo: directe non „adiuuisse, multos tamen non contrauenisse, quosdam spe commodi alicuius publici, alios pessima intentione Regis aggressuri hoc bellum, vnde difficulter „extricare se poterit, sunt alii qui obtentu conscientiae & religionis praetextu „persuasum habent, Regem indispensabiliter obligari per iuramentum ad recuperanda auulsa, & cum Liuania sit vna ex Prouinciis a Polonia auulsis, libenter „eam Regno nostro adiceret, & quia Resp. nollet incipere bellum, cuius alea „dubia, nec libenter offenderet illum Principem, cum quo pacem post amissam „hancce prouinciam inierat. Ideo multi in secreto conuenerant, vt Rex Poloniae cum solis Saxonibus Liuiam aggrederetur, nec Respublica in hoc bello „interessata appareret. *Epist. ZALVSK. T. III. p. 67.* Cavit postea a. 1710. *Augustus II.* se nullum nouum bellum quouis colore & praetextu, inscia & inconsulta Republica inchoaturum. *Popart. gener. Sandomirsk. Konfederac. p. 7.* Denique in Tractatu Varfauensi anni 1717. §. 6. Cancellariis Regni & Lituaniae iniungitur, vt diligentissime attendant, ne vnquam bellum offensiuum inscia & inconsulta Republ. instituantur.

## §. XXV.

## DE LEGATIS ET LEGATIONIBVS.

Legatos<sup>1</sup> & Residentes ad externos Principes, tantum Nobiles, bene possessionatos, vtriusque Gentis<sup>2</sup>, ex vtroque ordine<sup>3</sup> mittimus: quibus datae instructiones inter Senatusconsultum scribi<sup>4</sup>, in Comitibus per Cancellarios nostros legi<sup>5</sup>, & postquam ex functionibus suis redierint, relationes illorum in comitiis scriptae reddi<sup>6</sup>: legationes quoque, ab externis Principibus ad Comitibus, in praesentia omnium Ordinum recipi, ad audientiam admitti & expediri debent<sup>7</sup>, saluis extraordinariis, in vrgenti necessitate, casibus, tunc non expectatis Comitibus, ad mentem praesentis Consilii<sup>8</sup>, expedire nobis liberum erit.

<sup>1</sup> Idem de legatis ad externos mittendis, eorumque mandatis ac relationibus in PACTIS *Michaelis, Iohannis III. & Augusti II.* habetur, §. *Toteż wárujemy*, omisso tantum *Residentium* vocabulo, additis contra, „quod relationes legatorum metricae inferi, ipsique legati ad Ordinum postulationem iurare debeant, „se citra data sibi ex Cancellaria mandata, cum exteris ad quos missi, nihil egisse. In Tractatu Varfauensi a. 1717. Cancellariis committitur prouidere, ne per ablegationes ministrorum Saxoniorum negotia Polonica, neque vicissim per Polonos Saxoniae agantur. *CONST. a. 1717. p. 11.*

<sup>2</sup> Polonae & Lituanae, nec non Prouinciarum Gentibus illis iunctarum. Per *CONST. a. 1712. p. 5. tit. Legacye*, Legati ad externos, terrigenae, possessionati Regni & Lituaniae mittendi.



3 Senatorio & Equestri, ut habent Pacta Augusti II. Fuitque usus perpetui, ut modo Senatores, modo Equites, & si plures, simul Senatores & Equites, legati mitterentur, praeferi tamen solent Senatores, aut in honorem Principis ad quem mittuntur, aut si, quod curandum, maioris momenti videatur negotium.

4 Quod de illis *instructionibus* intelligendum, quae extra Comititia dantur, quae enim Comitiorum tempore scribuntur, statim cum praesentibus Ordinibus communicantur, nisi occultare easdem publica ratio iusserit.

5 Data a. 1719. extra Comititia Palatino Masouiae, ad Russorum Imperatorem magno legato, instructio, tradita fuit in sequentibus Comititiis, Nunciorum Marechalco, ac in eorum conclavi lecta. Alias legi debent coram omnibus Ordinibus, in Senatorum Conclavi, una cum Senatusconsultis, quae ex CONST. a. 1690. tit. Obiásnienie p. 2. post propositionem comititalem recitantur.

6 Allegata modo Constitutio definit tempus, quo de legationibus ad Ordines referendum: scilicet, post Senatorum sententias in comititalem *propositionem*, nominatis ex Senatu ad scribendas constitutiones, excipiendas Thesaurariorum rationes, & lustrandam rem armamentariam delegatis. De modo, addit eadem Constitutio, fieri id debere semotis arbitris, ac iure iurando peragi. Cum in Comititiis Grodnensibus a. 1718. de Russica legatione referretur, praemittebatur iusiurandum, omnia ex veritate memoratum iri. A. 1672. Palatinus Culmensis, post relationem de Russica legatione, surgens cum collegis, facto pectore iurabat, nihil se citra instructionem sibi a Rege & Republica datam egisse; cum vero illud iusiurandum Nunciis Terrestribus minus solenne videretur, repeti illud debebat flexis genibus, in medio conclavis Senatorii, ad sellam Senatoriam, cui Archiepiscopi Gnesnensis crux imposita, verbis a Magno Lituaniae Cancellario, eam in rem conceptis, Gnesnensi Archiepiscopo & Episcopo Cuiauiensi adstantibus. *Epist. ZAL. T. I. p. 356. 357.* Recte autem fit illa relatio coram Ordinibus omnibus, quod scire omnium interest, quid actum constitutumque cum Principibus exteris, ut debent omnibus cognita esse mandata, quae legatis ad eosdem scribuntur. Inde firmatae legibus consuetudini aduersari creditum, cum a. 1670. de legatione in Senatus Consilio referretur. *Epist. ZAL. T. I. p. 239.*

7 De modo excipiendi dimittendique exterorum legatos, in Regum superiorum Pactis, nihil reperitur.

8 Constituunt illud Senatores, qui ex lege, Regi adsunt, Residentes ad Eius latus vulgo dicti: quibus dimittendi legatos, iam olim *Articuli Henrico* oblatis, facultatem concesserunt, si temporis & necessitatis ratio id exegerit. VOL. CONSTITVT. p. 253. Omne tamen illud, quod cum legatis actum, solet in sequentibus Comititiis ad Ordines referri. Anno 1718. Grodnae coram Ordinibus, post *propositionem* comititalem, Secretarius maior Lituaniae, inter caetera Senatus consulta, legebat colloquium cum Legato Russico, de accelerando militis gentis suae ex Polonia discessu, habitum.



## §. XXVI.

LEGATIO AD PONTIFICEM. NOMINATIO  
AD CARDINALATVM.

Ad legationem Romanam personas saeculares non spirituales adhibebimus<sup>1</sup>, & cum ius nominandi subiecta ad Cardinalatum habemus<sup>2</sup>, hoc ipsum ius seruabimus.

<sup>1</sup> Primum *Augustus II.* in PACTIS suis, sacrosancte spondit, se non personas spirituales, sed saeculares, Romam legatos missurum. §. *To też warujęmy.* Et est forte, ut nobis quidem videtur, ratio, ne a legatis sacri Ordinis, per reuerentiam, Summi Pontificis auctoritas ac Romanae Curiae commoda, iuribus Maiestatis & Reipublicae praeferantur. Quare cum ad componendas, quae adhuc intercedunt, controuersias, in Comititiis a. 1726. legatio Romam decerneretur, mandata eadem fuit, Palatino Lublinensi, Iohanni Tarlo. CONST. a. 1726. tit. *Poselswo.*

<sup>2</sup> Habent hoc Reges Poloniae, cum caeteris Romano-Catholicae Religionis Regibus commune, ut nominare possint, quem a Summo Pontifice, ad dignitatem Cardinalitiam euehi velint. Defendit hoc suum ius, in primis Iohannes Casimirus, cum nominationem Eius haud ratam haberet Pontifex, diluitque rationes, quae contra illam allegatae fuerant. „Augēt dolorem nostrum, inquit, in litteris ad Cardinalem Vrsini, ultra praecipitem & abruptam nouo exemplo, nominati nostri exclusionem, quod curiensium sermonibus iactari audiamus: Regibus Polonis ius nominandi ad Cardinalatum non antiquitus competere, sed, recenter quaesitum, neque in vno Pontificatu bis usurpari debere, atque ut nominetur Nuncius Papae, aut aliquis destinatus a Pontifice, hic & non alius, necessitate quadam Reges Poloniae obligari. De antiquitate iuris non est, quod nimis certemus, cum enim sensim & recentius excreuerit Cardinalitia dignitas, minor forte olim cura fuit Regibus aequae Polonis ac aliis, eorum promotionibus partes suas commodandi. Caeterum antiqua Maiestate & magnitudine imperii, pares omnibus Regibus Reges Poloniae fuerunt, nec veneratio eorum erga sedem Apostolicam sincera, & religiose demissa, illis praeiudicio ac noxae, praeiudicium Pontificum temporibus vertebat. Quodsi nouum ius in dubium vocetur, procliue est deducere, aliqua iura a Pontificibus Romanis in Regno nostro nouiter quaesita, & indulgenti Regum maiorum nostrorum pietate, ad summum prouecta esse, quorum tamen vsui nihil detrahimus, nec sanctius hactenus quidquam habuimus, quam pro adserenda auctoritate Pontificia, & propugnanda Ecclesia Romana, non curam duntaxat & opes, sed vitam ipsam deuotere. An vero tantum semel in vno Pontificatu, nominare ad Cardinalitiam dignitatem debeamus, exemplis aliorum Regum decidendum permittimus, cum neque plus & iuris & auctoritatis, quam alii Reges, postulemus. Restringi vero nostram nominationem ad Nuncios Apostolicos, vel ad personas a Pontifice designatas, quid dignitatis nobis adferat? cum vel ipsa moderna promotione Cardinalium in aperto sit, Nuncios motu proprio Pontificio promoueri, alios Cardinales nominatione Regum seorsue creari, imo antea, temporibus responsum fuit, Nuncios a Regibus Poloniae nominari non debere, qui ex meritis suis solo beneplacito Pontificio prouehantur. *Epist. ZAL. T. I. p. 6.*



Ad idem ius prouocauit *Iohannes III.* cum eius nominationem Pontifex neglexerat, *Epist. ZAL. T. I. p. 973. 976.* voluitque illud per manifestationem coram Regni tribunali adferere, simul litteris ad omnes Reges & Principes datis de iniuria queri; licet a feruore remitteret, cum molliora suaderentur, *Epist. ZAL. l. c. p. 992. 993.* satis vindicasse contemptum ratus, quod nouo Cardinali *Pallaucino*, Nuncio Apostolico in Polonia, transmissum birettum non imponeret. *Epist. ZAL. l. c. p. 1008.* Valuit tamen plerumque Regia nominatio, cui *Vindoboni, Bonfi, Furbin, Salerno,* alii, suam purpuram debent. Et excusauit *Alexandrum VII.* Papam, quod nominationi *Iohannis Casimiri* non attendisset, Successor *Clemens IX.* promisitque, ubi primum Principum commendationi locus datur, Se Regii Candidati rationem habiturum. *Epist. ZAL. l. c. p. 161.* Illud singulare, quod cum Principes caeteri ciues, Poloniae Reges per integrum saeculum, ex Reip. rationibus, *Epist. ZAL. l. c. p. 957.* non nisi exteros in Cardinalatum nominauerint. Creati quidem tempore *Iohannis III.* duo Poloni Cardinales, *Iob. Casimirus Doenhof & Michael Radzeiouseius* tunc Episcopus Varmienfis, postea Regni Primas, sed vterque sine Regia nominatione. *Epist. ZAL. l. c. p. 992.* Caeterum ius Regium nominandi Cardinalem, primum praesentibus Pactis intertum, neque in superioribus reperitur.

## §. XXVII.

## CONTROVERSIAE CVM SVMMO PONTIFICE.

Instabimus quoque apud Beatissimum Patrem, vt controuersiae de iure Patronatus<sup>1</sup> & alia desideria Reipublicae<sup>2</sup> quanto-cius cum Curia Romana, cum nostra & Reipublicae satisfactione, per concordata finaliter terminentur & pacificentur<sup>3</sup>. In proximis autem, quae ad finem perducentur, Comitiiis, cum Ordinibus Reipublicae, id enixe curabimus, vt ad satisfactionem Beatissimi Patris, Constitutionis Grodnensis, in Comitiiis a. 1726. sancitae, fiat modificatio<sup>4</sup>.

<sup>1</sup> Est ius Patronatus, Regia potestas nominandi ad Episcopatus, Abbatis & alia sacra beneficia. Vt eadem Regi integra seruetur, iam per antiqua statuta, grauissimis poenis prouisum. *Iohannes Albertus* in Comitiiis *Petricouiensibus* a. 1496. eos, qui derogando iuri Patronatus, beneficia ex quacunque causa impetrauerint, publicatione bonorum & exilio puniendos sanxit, *LASC. Stat. f. 101. p. 2. PRIL. Stat. p. 95.* quam poenam *Alexander* in conuentu *Radomienfi* a. 1505. noua lege firmavit. *LASCOF. 117. p. 1. PRIL. p. 96.* Noluit & hoc ius imminui *Sigismundus Augustus*, Vol. *CONST. p. 4. §. A izwiele*, aut *Vladislaus IV.* quenquam illius participem fieri. *CONST. a. 1641. p. 13. tit. Iura Patronatus.* Tempore *Michaelis* tamen in disceptationem venit, Monachis sibi Abbatum liberam electionem arrogantibus, & causam hanc ad summum Pontificem deferentibus, cuius controuersiae historiam ad §. XI. (2) dedimus. Cauit inde primum in Pactis suis §. *Iura Maiestatis, Iohannes III.* „Se iura Patronatus in „Episcopatus, Abbatis, & omnia sacra beneficia manu tenturum, Seque iis, qui „sine nominatione Regia, quocunque modo, dicta beneficia inuadere ausuri, ad „exem-

„exemplum superiorum Regum oppositurum. Idem alio tempore affirmavit, malle Se omnibus, quam iure Patronatus spoliari. *Epist. ZAL. T. I. p. 682.* Plenius tamen ex litteris memorati Regis ad Cardinalem *Altieri a. 1684.* datis patet, quanto studio hoc suum ius asseruerit, & quam aegre tulerit, illud non vno modo infringi. „Mirari, inquit, profecto, & dolere satis non possumus, quod haec- „nus pacificum, & nunquam in dubium vocatum ius Patronatus Regum Poloniae, „nunc primum moderno Pontificatu infringatur, Abbates titulati, sine nomina- „tione & praesentatione nostra intrudantur, nostri pro more & iure antiquissimo, „ad Abbatis nominati, diuersis modis, litigiis, sumtibus, cum summa indignita- „te & praeiudicio vexentur, & beneficiis a nobis collatis excludantur, nostra- „que auctoritas & commendationes Regiae frustra habeantur. Declaramus itaque „firmam & constantem mentem nostram, nos minime vnquam passuros, iura Pa- „tronatus nostri, nobis de manibus extorqueri, neque permissuros, vt quisquam „Abbatis in Regno Poloniae, sine nominatione nostra Regia praeficiatur. Ac- „cepimus simul cum Sceptro, eam a Deo auctoritatem, vt exemplis Regum Po- „loniae, Antecessorum nostrorum, (accedente etiam capitulatione cum Ordini- „bus Regni, post euectionem nostram ad thronum Regium sollenni iuramento „nostro firmata) ad manutenenda iura Patronatus nostri, contra quosunque con- „vulsos obstringamur. *Epist. ZAL. T. I. p. 886.* Inter ea quae *Augustus II.* dum Regnum peteret, Reipublicae promisit, quaeque PACTIS CONVENTIS ad- iecta, eadem leguntur, §. *Iura Patronatus*, quibus *Iohannes III.* se iura Patronatus tuiturum sponderat: praeterea Is fidem dedit, curaturum se, vt a defuncto Rege nominati Abbates ad possessionem Abbatiarum perueniant. §. *A 2e Kontro- wersya.* Sequentium vero Comitiorum, de iure Patronatus constitutionem, supra ad §. XI. (2) allegauimus. Nec minus in *Traclatu Varfauensi* a. 1717. iura Patronatus curae Cancellariorum commendantur. *CONST. a. 1717. p. 11. §. Nikog.* Denique in Comitiiis *Grodnenfis* a. 1726. constituebatur, „Summum Pontifi- „cem per legatum rogare, ne iura Cardinalia Maiestatis & Reipublicae nec non „Patronatus, laedi permittat, sed vt praeiudicia & grauamina, quae tam a Reli- „giosis in Abbatis irrumpentibus, quam ab aliis Spiritualibus, beneficia absque „praesentatione Regia vsurpantibus, inferuntur, auertere & tollere velit. „Praeterea leges veteres pro iure Patronatus repetebantur, addito, „vt poena violato- „ribus citra veniam irrogetur, nemini Abbatis & alia beneficia sacra, Regiae „praesentationis, sine praesentatione illa & nominatione, possidere liceat, Mini- „stri Status & exercituum Duces, iuris huius executioni attendant, hique ad „amouendos vsurpatores, quando necesse fuerit, militem suppeditent, ad coer- „cendos, antiquis legibus & praesenti constitutioni refragantes, tum ad bona cum „praeiudicio Patronatus Regii vsurpata, occupanda, facta factis opponendo. *CONST. a. 1726. tit. Pofelstwo.*

<sup>2</sup> Recensentur illa desideria, in citata modo *Constit. a. 1726.* Queritur ibidem Respubl. de exactionibus in *Cracouiensi* & aliis Palatinatibus, ex summis reemptionis nomine solutis; de euocationibus causarum ciuiliu ad consistoria & Nunciaturam, per appellationes & inhibitiones, ac de abusibus Iurisdictionis Nunciaturae, internam quietem Regni perturbantibus. Postulat inde Respubl. vt Tribunal Nunciaturae, ad instar aliarum Nunciaturarum, quae in terris Principum catholicorum reperiuntur, circumscribatur, ac omnes eius abusus & exorbitantiae, cum summo grauamine & praeiudicio status saecularis & ecclesiastici, & in primis praerogatiuae legati nati abrogentur. His adiciebatur: vt Nuncius Apostolicus reuocetur.



3 Decreta, ut paullo ante dictum, in Comitibus Grodnensibus, legatio, quae negotium illud perficeret, sed omissa, cum recepturum eam summus Pontifex negaret, nisi prius lata in Ipsum constitutio abrogaretur.

4 Molestissime hanc Constitutionem tulit *Benedictus XIII.* qui initio a. 1727. in binis ad Regem *breuib.* & alio ad Poloniae Episcopos, de iniuria & Sanctitate sua parum reuerenter habita, grauiter questus, id etiam atque etiam exigens, ut Constitutio penitus tollatur. Non deerant rationes, quae pro aequitate sciti comitalis allegarentur, Rex tamen, qua erat in sacram sedem obseruantia, iurisdictionem Nunciaturae interdictam concedebat. Publica autem lege, summi Pontificis indignatio leniri haud poterat, Comitibus post a. 1726. dum viueret *Augustus II.* irritis.

### §. XXVIII.

#### DE INDIGENATV ET NOBILITATE CONFERENDA.

Exteros aut quempiam alium, ex nostra persona <sup>1</sup>, ad indigenatum <sup>2</sup>, nobilitatem <sup>3</sup>, haud promouebimus, sed tantum hos, quos Palatinatus vtriusque Gentis <sup>4</sup>, aut Ministri Status <sup>5</sup> & Duces exercitus <sup>6</sup>, sago & toga bene meritos <sup>7</sup> commendabunt. Recens autem creatis Nobilibus officia & beneficia ad tertiam progeniem non dabimus, neque legatos mittemus <sup>8</sup>, exceptis iis, qui vita aut fortunis tuebuntur patriam <sup>9</sup>, & qui ex antiquis familiis externis <sup>10</sup> recepti fuerint.

1 Non enim Rex solus, exteris, aut qui ab exteris in Polonia nati indigenatum, neque plebeiis ius Nobilitatis conferre potest. Iam olim Indigenatus consensu omnium Ordinum in Comitibus datus, exstatque in Constitutionibus a. 1588. Bathoreorum exemplum. Vol. CONST. p. 485. tit. *indygenaty*. Addit *Sigismundus III.* a. 1601. „quod petitori Indigenatum, Nobiles in conuentibus „particularibus ambire, ac per eorum nuncios in Comitibus commendari debeant. Vol. CONST. p. 748. tit. *Temruk*. Idem Rex a. 1607. sanxit, „quod omnes „indigenatus, ipso regnante, sine consensu Ordinum ex Cancellaria Regia traditi, „neque Constitutionibus inserti, in futuris Comitibus cognitioni Ordinum, sub „nullitate priuilegiorum exhibendi, ac in posterum nemini sine Ordinum in Comitibus consensu, ex Cancellaria Regia tradendi, & si traditi, pro irritis habendi sint. Vol. CONST. p. 864. tit. *de indigenatibus*. Sub Vladislao IV. a. 1641. indigenatum petentibus iniungitur, „in Comitibus primum sua merita in Rempubl. probare, „& deinde suam Nobilitatem autenticis documentis Principis sui haereditarii, vel „Rempubl. in qua natus probare, „ simul indigenatus. quocunque modo obtenti, si in volumine legum post a. 1607. non reperiantur, pro nullis declarantur. CONST. a. 1641. p. 11. tit. *O indygenatach*. PACTIS Michaelis caput de indigenatu & nobilitate non a solo Rege conferendis, primum insertum, ac in sequentibus repetitum. §. *Cudzoziemcow ani*. De Nobilibus creandis sigillatim exstat Constitutio a. 1578. Vol. CONST. p. 334. tit. *Plebeiorum nobilitatio*, ut id non nisi in Comitibus, Senatoribus consensu fiat, aut in exercitu, ob res fortiter & egregie gestas. Per CONSTITUTIONEM a. 1601. Vol. CONST. p. 736. tit. *O nowey*

*nowey Szlachcie*, ad Nobilitatem non admittendi, nisi qui Regi, ob egregia merita a Senatu & Nunciis Terrestribus, aut si milites, a Duce exercitus commendati fuerint. Et in allegata CONST. a. 1641. idem de Nobilitate, quod de Indigenatu dicitur, saltem in Comitibus omnium Ordinum consensu esse impetrandam: imo CONST. a. 1676, in CONST. LITVAN. tit. *Nobilitacye*, p. 24. exigat, ut nobilitatis pariter ac indigenatus Candidati, in Conuentibus Palatinatum fauorem equestris Ordinis sibi concilient, quo ab eo Regi in Comitibus commendentur. Neque vltus a legibus diuersus est, dum in Constitutionibus Comitiorum, non tantum nouorum indigenarum, sed & eorum nomina, qui in iis Nobilitatem consecuti, leguntur. Potest quidem Rex solus per Rescriptum creare nobiles, at tales pro exteris habentur, neque ad iura Equitum Polonorum admittuntur.

2 Est indigenatus priuilegium, quo exteri, natis in Polonia nobilibus aequantur, ut pro Polonis habiti, ad eadem cum his iura admittantur. Merito illud magni momenti audit, quod non indigenae dignitatibus, muniis sacris & ciuilibus, Capitaneatibus, Tenutis, possessionibus arcentur; neque ea sibi vindicare possunt, quibus soli per natiuitatem Regni ciues gaudent. Id tamen tenendum, esse hic sermonem de Regni, & qui sub eo continetur Lituaniae indigenatu, non de Prussico. Prussi enim, ut in plurimis, suis agunt legibus, sic & diuersum a Regni habent & tuentur, indigenatum, ut Poloniae statim non sit Prussiae, licet Prussiae Poloniae perpetuo censeatur indigena. Conferunt illi suum indigenatum exteris, imo Polonis & Lituanis ut exteris: non tamen Regni Ordinum consensu, sed saltem suo; non in Comitibus, sed in conuentibus suis generalibus; non ad commendationem Palatinatum Poloniae & Lituaniae, sed Prussicorum; neque per constitutionem Regni, sed per Prouinciae laudum. Nonnulla quae rem hanc illustrabunt, ad §. XXXIX. adferentur.

3 Nobilitas confertur iis, qui a parentibus non habent, siue in Polonia nati, siue aliunde venerint.

4 Polonae, ac Lituaniae, & quidem per suos ad Comitibus Nuncios, in quorum mandatis scribuntur illorum nomina, quos dignos indigenatu & nobilitate Palatinatus ducunt. Ipsi etiam Reges solent in suis ad conuentus antecomitiales instructionibus, Palatinatibus Candidatos commendare, quo suum consensum Nunciis committant. Nuncii vero in Comitibus in suo conclauis, indigenatu aut nobilitate ornandos, diligentius expendunt, & si nullus contradixerit, ad Regem deferunt.

5 Scilicet Mareschalli, Cancellarii & Thesaurarii: quorum tamen in hac causa, superiorum Regum pacta mentionem faciunt nullam. Et illorum quidem, nec minus Ducum exercitus commendatio, parare ad Indigenatum vel nobilitatem possunt aditum, ut tamen impetrentur, Ordinum consensu opus est.

6 Haec Ducum exercitus commendatio solet in CONSTITUTIONIBVS Regni memorari, potestque inter caeteras exemplo esse GRODNENSIS anni 1726. tit. *Indygenaty y Nobilitacye*.

7 Vtriusque generis in Rempublicam merita in Constitutionibus memorantur. Interdum & pecuniae habetur ratio, nisi velis inter merita referre, numeros in publicum erogare. A. 1658. nobilitas pretio concessa fuit, *Kochov. Anal. Clim. II. p. 295.* laudanturque in CONSTITUTIONIBVS illius anni, pag. 36. 37.



36. 37. ex nouis indigenis & nobilibus nonnulli, quod notabiles summas in publicam necessitatem contulerint. Prussi a. 1661. a suis ad Comitum Nunciis effici volebant, vt qui nobilitatem peterent, minimum tricena millia florenorum in Reipublicae commodum, durantibus Comitibus conferrent. Caeterum in medio relinquimus Celsissimi quondam *Principis & Episcopi Varmiensis* iudicium, quasi nobilitas vile iam & promiscuum donum, quod non sanguine & ingentibus in Rempublicam meritis, sed potentiorum commendatione & pecunia etiam mancipia assequantur. *Epist. ZALVSZ. T. I. p. 464.*

8 Noui ergo nobiles non statim iis, quibus veteres, iuribus gaudent, sed demum pronepotes ad ea admittuntur. Idem statuunt PACTA Michaelis, quod Iohannes III. ac Augustus II. *Cudzoziemcow* repetunt.

9 Hoc pariter in allegatis pactis prouisum. Quare interdum noui nobiles, ob singularia merita, dum creantur, per legem statim veteribus aequari solent. A. 1676. Nobilitas nonnullis ita collata legitur, vt ad munia ac officia quaeuis suscipienda & obeunda, vna cum prole vtriusque sexus, *ex nunc habiles & capaces sint, non obstante lege de nouis nobilibus.* CONST. a. 1676. p. 59. tit. *Nobilitacya.* Et alius eodem anno nobilitatem recepit, vt iurium omnium quae Nobilibus seruiunt, *ex nunc habilis & capax sit.* p. 61. tit. *Nobilitat. Ad. Szuberta.* In Comitibus Grodnensibus a. 1726. Iohannes Renard, collata in ipsum nobilitate, *capax bonorum & honorum ex nunc* declaratus, non obstantibus antiquis de Nobilitatione Constitutionibus. CONST. a. 1726. tit. *Nobilit. Iana Renarda.* Plura exempla in re manifesta cumulare superuacuum duximus.

10 PACTA Augusti II. §. *Cudzoziemcow*, addunt, *ad indigenatum*, vt sensus verborum sit: posse novos indigenas statim ad dignitates euehi, & munia publica obire, si ex antiquis familiis descendant.

## §. XXIX.

### EXTRANEI AD REIPUBLICAE CONSILIA NON ADMITTENDI.

Extraneos cuiuscunque conditionis homines, ad consilia Reipublicae, aut ad vllas administrationes & negotia haud admittemus, neque iis dignitates, Capitaneatus, Tenutas conferemus, ex praescripto Constitutionum a. 1607. & aliarum<sup>1</sup>, ad quas in omnibus agere volumus: saluis domesticis nostris bene meritis, quoad collationem Aduocatarum iuxta antiquas leges<sup>2</sup>. Neque vt se instantiis, negotiis, promotionibus, aut porrectioni chartarum ad subscribendum, immisceant, concedemus, sub vinculo iuramenti nostri<sup>3</sup>.

<sup>1</sup> Dictum ad §. XVII. (5) de extraneis ad dignitates & munia non admittendis. Praefens tamen caput, de illis extraneis sigillatim agit, qui aulae familiares, res Principis priuatas procurant. De his iam *Henrici* nomine legati Gallici pacti, „eum ad inhabitandum nullos peregrinos homines adducturum, praeter

„praeter paucos, quorum opera in ministerio domestico vteretur, hos tamen postea breui remissurum, neque vllas iis possessiones, dignitates, aut officia: sed „ea tantum indigenis Polonis concessurum. VOL. CONST. p. 225. Idem de dimittendis peregrinis, ac possessionibus & dignitatibus arcendis, Regis Sueciae Oratores pro *Sigismundo III.* promiserant, simul, „cum Is regnum Sueciae „aderit, consiliarios & officiales eius Regni, Poloniae & Magni Ducatus Lituaniae, consiliis, negotiis, intercessionibus, promotionibus non adhibiturum, „neque vt iis se immisceant, passurum. VOL. CONST. p. 453. Haec per Constitutionem anni 1607. VOL. CONST. p. 831. tit. *O Cudzoziemcarch*, firmantur, ac in peregrinos, qui munus aliquod, aut bona Reipublicae obtinuerint, iudicium & poena decernuntur: quam Constitutionem alia an. 1609. VOL. CONST. p. 890. tit. *O Cudzo.* roborat. His se submiserunt in PACTIS suis *Vladislaus IV. Iohannes Casimirus & Augustus II.* §. *Cudzoziemcow wśzelakiey.* Ex quibus *Vladislaus IV.* fidem in pactis datam, per CONSTITUTIONEM a. 1646. pag. 2. repetebat, Se scilicet extraneos ad latus suum non habiturum, neque illorum consiliis vsurum. In EXORBITANTIIS vero sub electionem *Michaelis*, tit. *O liczbie Cudzoziemcow*, sancitum, „quod penes Regem vltra sex extraneos haud esse, & qui se „ex illis in materiam status ingerere voluerit, is ad instantiam cuiusuis ad tribunal „citari, & ex speciali registro poenis criminalibus iudicari debeat. Denique in *Traŭatu Varŭuiensi* a. 1717. Ministris Regni & Lituaniae, ad latus Regium, commendatur attendere, „ne exteri in aula agentes, in consilia & negotia, ciuilia, militaria & oeconomica, in salisfodinas & telonia, atque promotiones se „immisceant. CONST. a. 1717. p. 8.

2 Non id reperitur in superiorum Regum pactis. *Iohannes Casimirus* tamen per CONST. a. 1662. p. 15. tit. *Deklaracya*, in illum vsu decem seruauit Aduocatas. De ipsis Aduocatis actum ad §. XIII.

3 Haec saltem in PACTIS *Augusti II.* §. *Cudz. wśzelakiey*, exstant, omissa tamen chartarum porrectionio. Intelliguntur autem litterae quaeuis, aut diplomata, Regi per exteros ad subscribendum oblata, siue negotium aliquod publicum contineant, siue vsui priuatorum seruiant, ne clam obtineatur, quod scire Cancellariorum interest. Additur in fine iurisiurandi vinculum, illius scilicet, quod in Pacta Conuenta dici solet, & ideo allegatum videtur, vt pateat, quanti momenti habeatur, exteros ad ea non admitti, quae praesenti §. memorantur.

## §. XXX.

### AULICI NE SINT EXTRANEI.

Aulam dignitati nostrae Regiae conuenientem<sup>1</sup>, ex gente Polona, Lituana & annexarum prouinciarum, tantum ex ipso ordine equestri<sup>2</sup>, prae aliis, incipiendo ab Officialibus, Aulicis, vsque ad ephebos & ianitores habere promittimus<sup>3</sup>, praeter alias personas ad minora obsequia<sup>4</sup> pertinentes, cuiuscunque conditionis.

<sup>1</sup> Praeter ministros Senatorii Ordinis, & eos, qui extra Senatum, quorum numerus est certus & legibus definitus, sunt aulici, a cubiculo, a redditibus,



bus, ab epistolis, alii, quos Rex prouti visum fuerit, modo plures, modo pauciores creat.

2 Equestris ordo saltem memoratur, quod Senatorum dignitas maior est, quam ut ex iis aulici legi debeant, ipsi autem nobiles, iis, qui loco obscuriori nati, praeferuntur.

3 Promiserunt & priores Reges a *Vladislao IV.* in suis PACTIS §. *Dwor Stanowi*, addideruntque salarii mentionem, generatim tamen de aula locuti: primum Aug. II. aulicos per species recensuit. Nihilominus fuerunt olim inter aulicos exteri. Fuit Suecos populares suos *Sigismundus III.* cuius exemplum secuti filii, ex quibus *Iohannes Casimirus*, quod Coniux illius nationis erat, & Gallos admisit, qui ob eandem rationem & in *Iohannis III.* aula frequentes visabantur. Neque Italis, Transiluanis, ac Germanis praclusus fuit aditus, cum Poloni ex diuersis his nationibus modo Reges, modo Reginas, legerent recipere.

4 Non haec ante *Augustum II.* in pactis leguntur, & ipsa *Augusti II.* pacta, illa obsequia ad cubiculum Regium restringunt, omittis cuiuscunque conditionis vocabulis.

### §. XXXI.

#### DE AVLA REGINAE.

Similiter & Serenissima Regina, Coniux nostra, in aula sua, personas Polonicas, Senatorii<sup>2</sup> tantum & equestris ordinis habebit, prouidendo aulae suae personas extraneas<sup>3</sup>, pro dignitate & decentia sua.

1 Hanc Reginae aulam iam suo tempore descripsit *CROMERVS de situ & Gente Polona Lib. II. edit. quae historiae eius iuncta, p. 512. 513.* „Habet, inquit, „Regina Magistrum curiae, qui omnibus praest, eamque prodeuntem cum seepro antecedit, & Magistrum curiae gynaeceo moderantem: deinde Cancellarium vel Secretarium, cuius sunt munera, litteras nomine Reginae conscribere, signare & legere, & compellantibus eam responsa dare. Est autem discrimen „inter Cancellarium & Secretarium, quod hic non gestat signum Reginae sicut „ille, sed ab ea, quoties opus est, utendum accipit. Habet Regina etiam Thesaurarium suum, & pincernam siue pocillatorem: & structorem mensae & subdapisferum, & dapiferum, & culinae & stabili magistros singulos: itemque maparium, abaci custodem, dispensatorem & ianitores, eodem quo Regis sunt, „honoris discrimine: quibus omnibus victus, vestitus & mercedes a Rege „praebentur.

2 Sunt Reginae inter aulae suae ministros & Senatores, ex quibus Mareschalcus, saepius & Cancellarius, esse solent. Mareschalcus est idem, qui *Cromero* allegato loco curiae Magister dicitur, qui Reginae scipionem praefert, ac primam aulae curam, gerit. Hoc munere apud *Mariam Iohannis III. Ernestus Doenhof*, Palatinus Mariaeburgensis; apud *Eleonoram Michaelis, Vladislao Rey*, Palatinus Lublinensis; apud *Ludovicam Vladislai & Iohannis Casimiri* coniugem, *Gerhardus Doenhof*, Palatinus Pomeraniae, functi sunt, cui hodie *Illustris Petrus Dunin*, Castellanus Radomiensis praest. Quae Cancellarii partes, descripsit idem *Cromerus* cit. loco, estque is Sacri, ut

Marc.

Mareschalcus ciuilis ordinis, & modo Episcopus, modo minoris dignationis. In aula *Mariae* fuerunt Cancellarii, *Iob. Stan. Shanscius*, & *Andreas Chrysof. Zaluscus*, ille *Premisliensis*, hic *Kiouiensis*, Episcopus, reddiditque Sigillum *Zaluscus*, *Iob. Alb. Doenhof*, Camenecensi Praefuli. *Eleonorae* erat *Vencesl. Leszczynius* Abbas *Czeruinenfis*, & *Ludouica Iob. Gemblicum* Regni Secretarium maiorem, Cancellarium recepit. In praefens stationem hanc ornat *Reuerendiss. Kobielscius* nominatus Episcopus Camenecensis. Nec minus Magistra Curiae, ut eam nominat *CROMERVS*, ex viduis Senatorum legitur. *Ludouicae*, cum in Poloniam veniret, data fuit *Pomeraniae Palatina*, *Maria* vero *Kiouiiae Palatinam* recepit.

3 Non ergo omnes exteri aula Reginae prohibentur. *Vladislao IV. & Iob. Casimirus* caelibes, in PACTIS suis §. *Z strony małżeństwa*, promiserunt: „si quando uxorem exteram ducturi, non plures ei peregrinos, neque diutius concessuros, quam Senatui visum fuerit. In EXORBITANTIIS, sub electionem *Michaelis, tit. Krolowa*, Reginae exterae, sex suae nationis feminae, ad cubuli tantum ministeria permittuntur: quod ipse Michael caelebs, in PACTIS repetit §. *Z strony małżeństwa*, illasque sex personas infimis operis destinat. Inde *Andr. Olczouius* Episcopus tunc Culmensis & Regni Procancellarius, pro matrimonio *Eleonorae* Viennam legatus missus, de iis, quos adductura in Poloniam, Michael perscribit: „Cum Archiducissa in Poloniam non venient, nisi vna Baronessa Mantuana, Milia, sine vilo titulo, & quatuor puellae, inter quas vna tantum insignis erit Princeps *Holestinensis* annorum decem. Ex viris neminem „habebit, quatuor tantum vilioris seruitii, coquum, credentiarium, suppellectilis „conseruatorem &c. Omne seruitium debet esse ex Polonis, ne oneri sit & invidiae, nam qui genitalis soli relinquit dulcedinem, nobis volet inhaerere. Vi- „deo & confidero quod hic nolint impingere in errores & dissidentias in populo „importunas. Qui certatim seruitia quaerunt, expedit negatiue Imperatrix, omnia „referendo ad voluntatem Maiestatis Vestrae. *Epist. ZAL. T. I. p. 165.* Augustus II. Coniugi quatuor gentis suae pactus §. *Także Naiasneyſza*, feminas, sed conditionis nobilioris.

### §. XXXII.

#### DOTALITIVM REGINAE.

Serenissima Coniux nostra tali dotalitio in Tenutis & bonis Regiis<sup>1</sup> gaudebit, quale Serenissimae Reginae Poloniae, *Ludovica, Eleonora & Maria*<sup>2</sup> habuerunt.

1 Viuente Rege, diuersae summae, Reginae decernuntur, quibus post mariti mortem, se suamque aulam pro dignitate sustentet, & quidem alia ratione illatae dotis, alia dotalitii, alia denique sed longe minor, donationis propter nuptias nomine. Inscribuntur illae certis bonis Regiis, per nobiles, indigenas & possessionatos administrandis, ut vidua annuos ex illis redditus, qui summas destinatas aequare creduntur, recipiat. Fit hoc omnium Ordinum consensu, per publicam legem, soletque adici, ne successores Reginae vllam possessionem bonorum, quibus summae inscriptae, sibi vindicent, neque Resp. obstringatur, easdem pecunias, siue Regina viuente, siue mortua, cuiquam numerare, sed ut Regina illis bonis utatur, quamdiu Regina Pol. audiet, & in Polonia aut M. D. Lituaniae manebit. Probant id CONSTITVTIONES eam in rem latae a. 1646. 1670. &

G 3

1678.



1678. sequenti nota iterum citandae. Inde *Eleonora Michaelis* vidua, redditibus suis excidit, cum in Germaniam abiret, nuberetque altero matrimonio Carolo Lotharingiae Duci. *Maria vero Iohannis III.* quondam coniux, constituto Romam itinere, litteris ad conuentus antecomitiales, Reip. petiit consensum, vt assignatis sibi in viduitatis solatium bonis, vti liceret. *Epist. ZAL. T. I. p. 511.* Comitibus autem non succedentibus, concessum per SCslum quod rogauerat, & cum absentia, quam ad biennium Ipsa restrinxerat, esset annorum plurium, redditusque tempus plane incertum, consensit Resp. per CONST. *Poparcie Gener. Sendom. Konfed. a. 1710. p. 69. tit. Pozwolenie*, vt diutius extra Regnum agere Ei liceret; Illiusque bona & iura reformatoria, circa integritatem & immunitatem legibus circumscriptam seruauit, & omne illud, quod huic iuri reformatorio aduersum, licet priuilegio aut Rescripto aliquo suffulciatur, veluti irritum tollit. Addimus, omne illud, quod Reginis in viduitatem assignatur, vno Reformationis vocabulo Polonis venire, & ius reformatorium dici, quo illa reformatio constituta.

2 Tres memorantur Reginae, quatuor Regum coniuges, *Ludouica Vladislai IV. & Iob. Casimiri, Eleonora Michaelis & Maria Iohannis III.* Habuerunt illae suum dotalitium, aut vt Poloni loqui sueuerunt, suam Reformationem. Et quidem *Ludouica* in singulos annos centum millia florenorum ratione illatae dotis, alia centum millia in dotalitium, & duo millia aureorum donationis propter nuptias nomine. CONST. a. 1646. p. 8. tit. *Oprawa*. Pares summae *Eleonorae* CONST. a. 1670. p. 17. tit. *Oprawa*, & *Mariae* CONST. a. 1678. p. 4. tit. *Oprawa*, assignatae. Id singulare primumque est exemplum Reginae dotalitium in Pactis Conuentis decerni. Occurrit quidem in *Iob. III. PACTIS §. Iako na przeszley*, Reginae *Eleonorae* reformatio, sed praecesserat allegata a. 1670. CONST. qua eadem sancita, neque aliud in Pactis actum, quam vt recenserentur bona mensae Regiae, ex quibus vidua redditus acciperet, donec vacare contingeret illa bona, quibus per Constit. erant inscripti.

## §. XXXIII.

CVSTODIA CORPORIS, ET CANCELLARIA  
REGIS.

Custodiam corporis nostri<sup>1</sup>, & Cancellariam<sup>2</sup>, ad mentem Constitutionis anni 1717. sustentabimus & conseruabimus.

<sup>1</sup> Custodiam corporis Regii, eiusque praefectum, ex indigenis Regni & M.D. Lituaniae lectum iri, promisit in Pactis suis *Sigismundus III.* VOL. CONST. p. 453. §. *Custodiam*. In *Vladislai IV. PACTIS §. Dwor*, *Prouinciae Regno & M. Ducatui iunctae*, adduntur, ex quibus militem praetorianum legere liceat, vt praefectus nobilis sit, Polonus aut Lituanus, aut caeterarum terrarum, vtque idem se Regi & toti Reip. coram Regni ministris & Senatoribus in aula agentibus, sacramento obstringat, ac iurisdictioni Mareschalci pareat. Idem in sequentium Regum PACTIS §. *Dwor*, repetitum, nisi quod in *Augusti II. §. Takze Gwardye* accessit, militibus illis stipendium ex Thesauo Regio solui, & numerum illorum, ex Regum superiorum consuetudine, mille ac ducentos haud excedere debere. Vtrumque hoc iam *Vladislai IV.* tempore per legem erat sancitum, CONST. a. 1646. p. 2. 3. repetitumque ab Ordinibus in EXORBITANTIS sub

Micha-

*Michaelis* electionem, tit. *O gwardye*. Superest TRACTATVS VARSAVIENSIS a. 1717. qui instar legis perpetuae Constitutionibus eiusdem anni insertus est, quique Constitutionis nomine allegatur. Per hunc, Regi Custodia corporis, ex militia & natione Saxonica, partim equestris partim pedestris, non tamen ultra mille & ducentos, & gregarios milites & praefectos computando, permittitur. Praeterea conuenit: „vt summus Praefectus, colonellus dictus, praeter fidelitatem Regi & Reip. praestandam, iuret: se dictum numerum non aucturum, ac se iurisdictioni Mareschalci, secundum leges hanc in rem scriptas, obtemperaturum; ne sub titulo supplendae dictae cohortis praetoriae, milites ex Saxonia in Regnum inducantur; ne eadem siue penes Regiam Maiestatem consistat, siue iter faciat, tum vna, tum per manipulos vllum comeatum gratis accipiat, aut per vim exigat, sed suo stipendio viuat, omnia praesenti pecunia soluat, sub rigore seuerissimae poenae, a summo aut minori praefecto sine venia irrogandae, aut si negatur iustitia, per Mareschalcos Regni & Lituaniae infligendae, ita tamen, vt simul damnum, pecunia ex aerario militari sarcatur. CONST. a. 1717. p. 8. 9.

<sup>2</sup> Intelligitur Cancellaria pro negotiis Saxonis, quam idem VARSAV. TRACTATVS ad sex personas redigit, & vtriusque gentis Mareschalcis iniungit, providere, ne plures admittantur. CONST. a. 1717. p. 9.

## §. XXXIV.

## REGINA REIPVBL. NEGOTIIS ABSTINEAT.

Stipulamur pro Serenissima Coniuge nostra, quod Ea in materias Status, aut promotiones, siue per Se, siue per alios<sup>1</sup>, nunquam Se ingeret.

<sup>1</sup> Carerent hoc capite Pacta Conuenta, nisi existissent olim Reginae, quibus obiectum, suae curae vindicasse Rempubl. vt, quasi ad gubernacula positae, eam moderarentur. De *Ludouica Iob. Casimiri* coniuge, audita querela frequens, quod Regis quidem nomine, illius tamen ad arbitrium fierent pleraque, quod nisi per eam, ad Principis gratiam aditus, iis plane praecclusus, qui vxori inuisi. Erumpebat indignatio, cum nouam electionem, Rege viuente & incolumi moliretur, ac tentando omnia, Remp. ciuili bello inuolueret. Immortua quidem huic suo operi, mansit tamen eorum, quae ausa fuerat, memoria, vt in EXORBITANTIS, sub electionem *Michaelis*, tit. *Krolowa*, Ordines sancirent, „ne Regina Se negotiis Reip. immisceret, neque promotiones per feminas aulicas extorac gentis fierent, addita relegationis ab aula poena, quam Nuncii in Comitibus, dum vacantium mentionem faciunt, procurare deberent. Quod in PACTIS *Michaelis*, §. *Waruiemy za przyszlą*, sic repetitum, vt Nunciorum loco, Cancellariis & Camerariis vtriusque gentis intungeretur, praecauere, ne tale quid a dictis feminis fiat, & si fiat, illud ad Remp. deferre. *Eleonora* ex Auftriaca domo, cui per matrimonium iunctus Michael, sponsa adhuc & absens, dignitates & publica munia promittere inculpabatur: *Epist. ZAL. T. I. p. 170.* falsam vero fuisse suspicionem tum constabat, cum Ipsa per totam Regis vitam, publicis negotiis adeo abstineret, vt cum marito obicerentur bene multa, quae secus fierent, Ipsa nullius rei argueretur. Imo cum maleuoli, vt tum quidem, fama erat, Regem abdicare molirentur, Reginam tamen Regno seruare, ac dissoluto matrimonio,



monio, futuri Regis coniugem volebant. *Epist. ZAL. T. I. p. 343.* Duravit hoc in Reginam studium & post *Michaelis* mortem, adeo, ut inter Regni candidatos, initio potior ratio caelibum habita, quo eligeretur, qui Viduam duceret. Praevaluit tamen *Iohannis Sobiescii* fortuna, cui vxor *Maria* nationis Gallicae, pro qua idem quod *Michael*, in suis PACTIS §. *Waruiemy za Matronke*, nouus Rex spopondit. Haec tamen, si illorum temporum commentariis fides habenda, magis ad *Ludouicæ*, quam ad *Eleonoræ* exemplum se composuisse visa. Superest enim informatio, manifesto post *Grodniensia* comitia a. 1688. illato opposita, ex qua constat, fuisse consilium, „Regi in iisdem Comitibus supplicandi, ut Pactum, quo Regina immiscere se Reip. negotiis prohibetur, seruaretur, cum illius rei contrarium obtineret, dum non tantum promouente Regina, qua Ecclesiastici, qua saeculares vacantes honores distribuerentur, sed etiam consilia priuati & separati in antecessum formarentur, antequam de illis Reip. aut saltem Senatus in publico edoceretur. *Epist. ZAL. T. I. p. 1092.* In aula eius duae dicebantur esse factiones, quarum capita essent duae seminae exterae. *Epist. ZAL. T. I. p. 1029.* Quid Ipiæ Rex de eadem fassus, quid in eam publice dicere sustinuerit, magni nominis senator, *Raphael Leszczynius* *Posnaniensis* Palatinus, *ZALVSCIANAE EPISTOLAE T. I. p. 1134 & 1104.* memorant. Nec defuerunt, qui post mortem *Ioh. III.* in Comitibus conuocationis recenserent, quantae Reginae in Reip. negotiis partes fuerint. *Epist. ZAL. T. II. p. 125. 126.* Haud tamen defensore plane caruit. „Reginam, inquit ille, accusatis, quod scilicet dum suo locare deberet manum, immisceat se publicae administrationi pro sexu audientius, & non meministis, quod nihil magni, in Regno sine illa, imo nisi per illam fuerit gestum, quod nos iudicio nostro illo tempore approbauimus, gratulatione etiam prosecuti sumus, amauimus amore dignam. Huiusmodi etiam reprehensionem vestra iam consuetudo sustulit. Nonne videtis per totam Poloniam in domibus priuatis, deuolutum in feminas rerum imperium? si est iniustitia, cur suo patrocinio non destituitur? & Regina in hoc arguitur, accusatur, & nec potestas datur causae dicendae. *Epist. ZAL. T. II. p. 185.* Post *Iohannem III.* idem caput nonnihil immutatum, *Augusti II. PACTIS §. Waruiemy za Naiasnieysza*, insertum, „ne Regina se negotiis status Reip. per se & subordinatas, quasuis personas immisceat, neque in promotiones se ingerat, pariter ipse Rex per aulicas feminas & personas exteras, aut per intimos cubicularios, cuiuscunque nationis extraneos promotiones haud faciat; quod ne fiat, non tantum iniunctum *Mareschalcis*, *Cancellariis* & *Cameraliis* vtriusque gentis, providere, & ad Remp. deferre, verum etiam Nunciis terrestribus data est facultas, illius rei in Comitibus, vna, cum de vacantibus referunt, mentionem iniiciendi. Superuacua haec fuit cautio, cum Regina, suam in Saxonia solitudinem aulae praeferret turbis, ibidemque procul a Republica, vitam per pietatem, inter caelestes curas transigeret, dum corporis vinculis ingens anima exsolueretur.



## §. XXXV.

## DE PRINCIPE REGIO IACOBO.

Reassumendo Pacta conuenta & iura Serenissimae Regiae prolis, inter Rempublicam & Serenissimum Sanctae memoriae *Iohannem III. Regem Poloniae*, Antecessorem nostrum<sup>1</sup>, indemnitate & immunitatem bonorum & fortunarum<sup>2</sup>, Serenissimi Principis Regii *Iacobi*<sup>3</sup>, simul personam eius in protectione nostra manutenebimus, praeuio iuramento fidelitatis, in conformitate legum, Nobis & Reipubl. praestando<sup>4</sup>.

<sup>1</sup> De prole sua, Rex *Iohannes* cum Republica pactus §. *Krewnych*, „vt linea ex lumbis suis directe descendens, omnibus istis praerogatiuis gaudeat, quibus soboles superiorum Regum Poloniae vsa, saluis circa hanc rem Reipublicae iuribus. Ratum id habuit in PACTIS CONVENTIS *Augusti II. §. Reassumit Pacta*, promisitque, „Se proli Regiae, omnia iura in integro & inuiolabiliter conseruaturum, saluis ab vtrunque, tam Reipublicae, quam Serenissimorum Domus Regiae Successorum praetensionibus, & apud Principes Regios in comitiis coronationis suae, aut in proxime ea sequentibus effecturum, vt iuramentum fidelitatis sibi & Reipubl. praestent. Pactorum auctoritatem TRACTATVS VARSAVIENSIS a. 1717. CONST. a. 1717. p. 36. *Artyk. 6.* & CONFEDERATIO in comitiis conuocationis a. 1733. p. 17. §. 67. firmarunt. De iuribus autem Superiorum Principum Regionum, quibus & *Iohannis III.* soboles gaudere debuit, occurrunt nonnulla ad §. II. nota 2.

<sup>2</sup> De Regia sobole, ac eius bonis, in PACTIS *Augusti II. §. A gdyby* & §. *A w dobrach* cautum, „vt, si causa, quae ipsas Principum personas tangat, obueniat, illius cognitio Regi cum Senatu in comitiis submitatur, bona vero a Nobilibus possessionatis administrantur, qui iniuriam passis, iure respondeant, & executioni finali de bonis suis & personis subiaceant, neue executio a Principibus impediatur. In TRACTATV VARSAVIENSI, CONST. a. 1717. art. 6. p. 37. non tantum fortunae, bonis ac personis Principum *Iacobi* & *Constantini*, inuiolabilis securitas, sed etiam, si quis dictos Serenissimos Principes ad forum incompetens euocauerit, honorique personarum & bonis vim laesionemque intulerit, libera iniuriarum vindictio, siue in iudiciis Tribunalitiis, siue etiam in iudiciis per allegatum *Varsauensem tractatum* constitutis, promissa; nec minus postulationibus eorum, ex summis, tam in Oeconomis Regni Poloniae & *M. D. Lituaniae*, ac caeterarum prouinciarum haerentibus, quam documentis peculiaribus demonstrandis, saluo tenore pactorum conuentorum a Reipubl. & Regia Maiestate respectiue, praeuia deductione causae debendi, amabili compositione, satisfactum iri, solenni more cautum. Per CONSTITVTIONEM vero eiusdem anni 1717. tit. *Trybunał, Skarbowy p. 80. in fine.* sancitur: „vt Serenissimis Principibus Regiis, summa a Parente olim exercitui numerata, sine mora praestetur. Denique in Comitibus conuocationis a. 1733. CONFED. GEN. p. 17. §. 67. Respubl. Principi *Iacobo* eiusque bonis securitatem spopondit, & quod eiusdem postulationibus nondum satisfactum, efficacem promotionem & protectionem promisit, assertis non tantum summis Oeconomis *Sauelensi* &



Tigenhofensi inscriptis, sed hoc insuper addito, ut vsque ad solutionem earundem, Oeconomiae illae, ad exemplum Regiarum Oeconomiarum, ab hibernis & stativis immunes habeantur.

3 Caeteris facto functis, solus ex Regia sobole superest Princeps *Iacobus*, qui Olaviae in Silesia, quod ibidem sedem sibi constituit, agit.

4 Iusiurandum illud, iam Pacta *Augusti II.* exegerunt, ut nota (1) dictum, quod TRACT. VARSAV. l. c. repetit, & cum nondum praestitum, tertium monendus erat Serenissimus Princeps *Iacobus*. Praeuerunt suo olim exemplo *Sigismundi III.* filii, pro quibus frater *Vladislaus* in PACTIS suis §. *Najainieyszyc Krolewiczow*, fidem suam obstrinxit, „iuramentum fidelitatis sibi & Reipublicae, in Comitibus coronationis praestituros, quibus ex iis, a Republ. reditus assignati, quo sacramento tam diu teneantur, dum reditus illos recipient, & in regno domicilium fixum habebunt. Quare in memoratis Comitibus Princeps *Iohannes Albertus* nominatus Episcopus Cracoviensis, iusiurandum Senatorium dixit, *Iohannes Casimirus* vero & *Alexander*, beneficiis & prouisione Reipubl. gaudentes, conceptis verbis per Deum & sanctam crucem iurarunt, „Se Regi ac Regno Poloniae & M. Ducatui Lituaniae fideles & obediens futuros, nihil in damnum vel praeiudicium Regiae Maiestatis & Reipubl. consilio, auxilio, vel facto commissuros, imo si aliquid tale sciuerint, quod vergat in detrimentum, tam Regiae Maiestatis, quam Reip. se praecustodire, ac pro posse suo auertere, conaturos. CONST. a. 1633. p. 14. tit. Iurament. Solus *Carolus Ferdinandus* Episcopus *Vratislaviensis* eximebatur, quod in Regno nihil teneret, cuius nomine Regi & Reipublicae fidem addiceret: PIA s. Chron. p. 459. qui tamen factus a. 1641. Episcopus *Plocensis*, iusiurandum Senatorium non recusauit. CONST. a. 1641. p. 4. tit. Consens.

### §. XXXVI.

DE IUDICATIS, SALVIS CONDVCTIBVS, ET  
CAPTIVITATE IVRE VICTORVM.

Iudicata quorumvis magistratuum, praecipue iudiciorum nostrorum, per rescripta priuata, ne fuscitentur<sup>1</sup>, sub nullitate eorum, praecauebimus, & saluos conductus, vulgo *gleyty*, in Regno secundum antiquam consuetudinem, ad iure agendum<sup>2</sup>, saltem in sex menses, & prorogationes eorum non nisi bis, ex Cancellaria nostra dari permittemus, neminemque captiuari, nisi iure victum<sup>3</sup>, patiemur.

<sup>1</sup> Id quidem usu in Polonia obtinet, & forent lites sine fine, si ad controuersias iam iudicatas, per Rescripta Regia redire liceret.

<sup>2</sup> Quando decretum latum in contumaciam, damnatus obtinet. saluum conductum, quo effectu decreti suspensio, iure agendi locus conceditur. Re vero, ex seriis partium controuersis, ut vocamus, iudicata, saluum conductum impetrare fas non est. Haec ac alia huius generis usus forensis docet.

<sup>3</sup> Vetus

3 Vetus est lex, non in carcerem conicere, nisi iure victum, si nobilis, si possessionatus, si non in publico crimine deprehensus, & si de damno dato cavere voluerit: quos limites *Vladislaus Jagello* a. 1433. statuit. Promittit enim & spondet, „quod nullum terrigenam possessionatum, pro aliquo excessu seu culpa capiet, seu capi mandabit, nec aliquam vindictam in ipso faciet, nisi iudicio rationabiliter fuerit conuictus, & ad manus suas, vel suorum Capitaneorum, per iudices eiusdem terrae, in quibus idem terrigena resideret, praesentatus: illo tamen homine, qui in furto, vel in publico maleficio, utpote incendio, homicidio voluntario, raptu virginum & mulierum, villarum depopulationibus & spoliis deprehenderetur: similiter illis, qui de se nolent debitam facere cautionem, vel dare, iuxta quantitatem excessus vel delicti, exceptis. L A S C. Stat. f. 51. (b) 52. (a) P R I L. Stat. p. 270. 271. *Casimirus IV.* omittis caeteris, saltem edixit, non captiuandum, nisi iure prius conuictum. L A S C. f. 92 (b) P R I L. p. 270 *Alexander Casimiri* filius addit, nullum nobilem captiuandum, qui bonae sit famae, non autem bonae esse famae censet, qui ter in registris maleficorum descriptus, talemque ut malae famae, absque iuris processu capi detinerique iubet. L A S C. f. 115. (b) P R I L. p. 564. Cuius statuti auctoritatem *Sigismundus I.* initio ad biennium, postea ad quinquennium reduxit. P R I L. p. 564. H E R B. tit. Nobilis. *Sigismundus Augustus* nobilem possessionatum carceri mandari non vult, priusquam iure victus fuerit. V O L. C O N S T. p. 5. §. *Slubem*.

### §. XXXVII.

PRIVILEGIA IVRI PVBLICO NE SINT  
CONTRARIA.

Priuilegia omnia, tam publica, quam priuatorum<sup>1</sup>, ab Antecessoribus nostris concessa, in quantum iuri publico & legibus non repugnant<sup>2</sup>, conseruare & manutenere promittimus.

<sup>1</sup> Sunt a superioribus Regibus, multa priuilegia, tum priuatis singulis, tum ciuitatibus ac prouinciis integris concessa, quae in iure iurando Regio plenius recensentur, dicunturque iura, libertates, immunitates, priuilegia publica & priuata, ecclesiastica & saecularia, ecclesiis Catholico-Romanis, Principibus, Baronibus, nobilibus, ciuibus, incolis & quibuslibet personis, cuiuscunque status & conditionis existentibus, per Duos Praedecessores Reges & quoscunque Principes Regni Poloniae & M. D. Lituaniae, expressis Regum a *Casimiro M.* ad *Augustum II.* nominibus, iuste & legitime data, concessa, emanata & donata. Quod in generali iurium confirmatione, aliis tamen verbis, repetitur.

<sup>2</sup> In iureiurando Regio, & iurium confirmatione, dicitur ius commune utriusque gentis, cui priuilegia haud contraria esse debeant. Et est ius publicum, nihil aliud quam commune, quo vna Poloni & Lituani vtuntur, ac cui velut fundamento suo, Respubl. innititur. Hoc, ne priuilegiis contrariis infringatur, Reipubl. interest, quo eadem eo firmitus consistat.



H 2

§. XXXVIII.



## §. XXXVIII.

DVCATVS ZATORIENSIS, ET OSVIECIMENSIS  
A TELONIIS SINT IMMVNES.

Ducatus Zatorienſem & Oſuiecimenſem<sup>1</sup>, per conſtitutionem anni 1581.<sup>2</sup> circa incorporationem ſuam<sup>3</sup>, a ſolutione veſtigalis & teloniorum, pro lignis & piſcibus, quos aqua Cracouiam & vltra ex bonis ſuis demittunt, liberatos, immunes fore, promittimus<sup>4</sup>, & ne vllum praeiudicium a magna procuratore Cracouienſi<sup>5</sup> afferatur, curabimus, praecipio tamen eorum iuramento, quod ligna & piſces ex propriis fundis, non aliunde coëmtoſ demittant<sup>6</sup>.

<sup>1</sup> Ducatus Zatorienſis & Oſuiecimenſis, iam Palatinatus Cracouienſis portio, ſuos olim habuerunt Duces, Regis Bohemiae clientelares. *Venceslaus* Zatorienſis Dux, qui & Oſuiecimenſem, ob ius in hunc Ducatum, ſe dicebat, in *Cafimiri IV.* Regis Poloniae huiusque Regni clientelam, certis tamen conditionibus tranſiit. *Scriptor. rer. Sileſ. III. de SOMMERSBERG T. I. p. 810. PRIL. Stat. p. 789.* *Iohannes* vero ſive *Ianuffius*, vt in litteris publicis vocatur, hunc ſuum Ducatum Zatorienſem a. 1494. Regi Poloniae *Iohanni Alberto*, octoginta millibus florenorum Hungaricorum vendidit, ita tamen, vt Dux *Iohannes* eiſque coniux, quamdiu viuerent, Ducatum tenerent, iſque demum poſt vtriſque mortem, Regi ac Regno Poloniae cederet, ſimul per omnem ſuam vitam ſingulis annis ex Zuppis Regiis Vielicenſibus & Bochnenſibus ducentas marcas communis monetae & ſedecim bancos ſalis reciperent. *SCRIPT. RER. SILEſ. l. c. p. 811. PRIL. p. 790.* Quod ad Oſuiecimenſem Ducatum attinet, emit eundem *Cafimirus IV.* a. 1457. a Duce *Iohanne* quinquaginta millibus marcarum latorum groſſorum Pragenſium. *SCRIPT. RER. SILEſ. l. c. p. 808.* Ab hoc tempore manſerunt hi Ducatus in ditione Regum Poloniae, ex quibus *Sigismundus* Auguſtus, illos a. 1564. Regno arctius iunxit. *VOL. CONST. p. 62. f.*

<sup>2</sup> Per eam, Nobilitas illorum Ducatum, omnibus teloniis, tam aqua, quam terra exigi ſolitis, liberatur, & ratio additur: quod ambo Ducatus, ad iura & libertates Regni incorporati. *VOL. CONST. p. 375. tit. cta i myta.*

<sup>3</sup> Non quod circa incorporationem per allegatam conſtitutionem teloniis exempti Ducatus, eſt enim incorporatio vetuſtior conſtitutione, vt patet ex nota (2); ſed quod per incorporationem, aequati iuribus Regno, tacite veſtigalibus liberati fuerunt, cui ſuperaddita conſtitutio, vt videatur in pactis copula & omiſſa, legendumque per CONSTITUTIONEM a. 1581. & circa incorporationem. In eum ſenſum aiunt PACTA Auguſti II. §. *Depositoria mercimoniorum*, iſtos Ducatus, tam per incorporationem, quam per CONST. a. 1581. ſolutione telonii eſſe liberatos.

<sup>4</sup> Idem promiſit in ſuis PACTIS §. *cit. Auguſtus II.* ſimul antiqua iura, quae in hoc Ducatibus ſubueniunt, approbavit.

<sup>5</sup> Magnam

<sup>5</sup> Magnam procurationem Cracouienſem conſtituunt certa bona in Palatinatu Cracouienſi, ad menſam Regiam pertinentia, inde & illa procuratio inter Oeconomias Regias locum habet. Qui illi praeſt, reditusque curat, magnus procurator arcis Cracouienſis dicitur, quod ſimul arcis huic proſpiciat. Cum ergo magnus procurator, a Nobilibus Oſuiecimenſibus & Zatorienſibus, pro lignis & piſcibus veſtigal exigere ſolitus, ne illud ab ipſo in poſterum fiat, ſpondetur.

<sup>6</sup> PACTA Auguſti II. §. *cit.* idem iusiurandum exigunt, ſi veſtigali immunes eſſe velint, qui piſces & ligna demittunt.

## §. XXXIX.

IVS INDIGENATVS PRVSSIAE.

Prouidendo omnibus iuribus & immunitatibus Prouinciae Prussiae<sup>1</sup>, ne in illis vllam laeſionem accipiat, ſed vt prouiſis ſuis in toto gaudere poſſit legibus, ſpondemus verbo Regio<sup>2</sup>, quod omnia vacantia eccleſiaſtica<sup>3</sup> & ſaecularia, ſellas ſenatorias<sup>4</sup>, munia<sup>5</sup> & Capitaneatus, Tenutas<sup>6</sup> & Aduocantias, ſolis, veris & indubitatis indigenis<sup>7</sup>, nobilibus<sup>8</sup> bene meritis, vigore priuilegii incorporationis<sup>9</sup>, & diplomatum Sereniſſimorum Anteceſſorum noſtrorum<sup>10</sup>, & illius, quod Nos Ipſi daturi<sup>11</sup>, conferemus, neque conſenſus ad cedendum<sup>12</sup> permittemus, & caſu quo aliquis priuilegium, huic noſtrae ſponſioni contrarium, obtinuerit, illud pro nullo & inualido ex nunc declaramus, & non tantum Nunciis reclamandi<sup>13</sup> facultatem, ſed etiam vim agendi in iudiciis noſtris poſtcurialibus, pro repositione & abiudicatione priuilegii atque conſenſus concedimus.

<sup>1</sup> Habet Prussia, quae Regi Poloniae paret, ſua iura, ſuas immunitates, quae pacto deditioſis, aut priuilegio, vt vulgo appellatur, incorporationis continentur, illuſtratae olim a nobis binis DISSERTATIONIBVS de norma regiminis Pruteni altera, altera, *hodierna Reipubl. Prutenae facies* dicta, quibus tertia, de *unioſis qua Poloniae iungitur Prussia indole*, poteſt addi.

<sup>2</sup> Antea, idque interregno non vno, Prussi anniſi, vt cum caeterorum iurium, tum indigenatus inprimis, cui hoc §. ampliffime cauetur, in pactis conuentis haberetur ratio. Poſt mortem *Vladislai IV.* mandabant ſuis ad electionis comitia Nunciis, „vt ſedulam impenderent operam, quo articulus de conſeruatiſone terrarum Prussiae circa iura indigenatus, pactis conuentis, futuro Regi offerendis, per expreſſum infereretur, omnibusque modis ex ſententia conſilii Prutenici vrgerent, quo nonniſi ſecundum obloquentiam iurium, priuilegiorum, cautionumque Regiarum, dignitates, caſtra, praefecturae ac tenutae, veris harum terrarum indigenis conferrentur, cum ea expreſſa declaratione, ſe ad nulla alia Reip. negotia, non ad exorbitantias & grauamina, nec ad pacta conuenta, „non



„non denique ad ipsam noui Regis electionem ac nominationem processuros, an-  
tequam sufficienter eo nomine realiterque fuerit satisfactum. HIST. PRUSS.  
T. VII. Doc. p. 20. Laborabant quidem magno studio nuncii, commissum sibi  
negotium efficere, quod cum omnis opera, preces ac minae frustra essent, per  
solennes contradictiones prouinciae suae integrum seruabant. HIST. PRUSS.  
T. VII. p. 35. Non omiserunt inde Prussi, circa electionem *Michaelis, Iohannis  
III. & Augusti II.* iuri indigenatus inter PACTA CONVENTA locum depo-  
scere, obtinuerantque tandem, vt *Augusti II. §. Za honory*, infereretur, „digni-  
tates & quaeuis munia in Prussia, iuxta specialia Terrarum illarum priuilegia  
„collatur iri.

3 Inter quae primum locum tenent, duo in Prussia Episcopatus, Varmienfis &  
Culmenfis. Tempore *Sigismundi III.* fuerunt, qui crederent, non posse solis  
indigenis Prussiae, Episcopatus vindicari: quod in *priuilegio incorporationis*, vbi  
indigenatus iura recensentur, Episcopatum nulla fieret mentio: quibus tamen  
responderi poterat, vniuersitate etiam partes contineri, & simul Episcopatus in-  
telligi, quando in dicto priuilegio, generatim *dignitates & officia, haecenus in  
Prussia consistentia, & in posterum constituenda* memorantur. HIST. PRUSS. T.  
IV. p. 315. Neque aliud vñ receptum, adeo, vt quoties non indigenis collati Epi-  
scopatus, Prussi non tantum contradixerint, sed & nouos hos Episcopos in suum  
consilium non receperint, nisi indigenatu antea donatos. De aliis dignitatibus  
ecclesiasticis indigenis saltem conferendis, alio loco, in *HODIERNA REIP. PRVT.  
FACIE §. 76.* actum.

4 Habent Prussi suos Senatores, & quidem praeter suos modo dictos Episco-  
pos, tres Palatinos, tres Castellanos & totidem Succamerarios, qui a tribus Palatinati-  
bus, Culmenfi, Mariaeburgenfi & Pomeraniae nomen habent, praeter Castellanos El-  
bingensem & Gedanensem, qui a ciuitatibus appellantur. De istis hoc loco ser-  
mo est, praeter quos, trium maiorum ciuitatum ablegati, Senatui Prussico adscri-  
pti. Et de Succamerariis tenendum, esse Senatores intra Prussiam, non pro iis  
in Polonia haberi.

5 Praeter Senatores, sunt in Prussia, Thesaurarius, Enifer, Vexilliferi, Iu-  
dices terrestres.

6 Idque ex mente priuilegii incorporationis, quod praeter dignitates & of-  
ficia, castra & tenutas ciuitatum & locorum, propriis indigenis seruat.

7 Sunt veri, seu vt eos appellat modo allegatum priuilegium, proprii indi-  
genae, qui Parentibus Prussis, in Prussia nati, suumque ibidem habent domicili-  
um. A. 1530. Ordines coram Rege *Sigismundo I.* affirmabant, maiores suos nonnisi  
eos censuisse proprios indigenas, qui in terris Prussiae nati & possessionati, in  
aliis terris officia & possessiones non haberent. HIST. PRUSS. T. I. Doc. p. 89.  
*Sigismundo Augusto*, hanc sua auctoritate indigenae definitionem probari suppli-  
cabant, quod verus & proprius indigena is tantum existimetur, qui ex parenti-  
bus in Prussia, & nusquam alibi continuum domicilium & bona propria habent-  
ibus, ac iure & iudicio ipsarum terrarum fruentibus & subiectis, in ipsa Prussia,  
ex legitimo toro susceptus & alitus. HIST. PRUSS. T. II. Doc. p. 4. Eidem  
*Sigismundo Augusto*, *Hofius* Episcopus Varmienfis, ipse licet Polonus, persuasit, per  
indigenas, nonnisi in Prussia natos, fuisse intellectos, neque ipsos Reges aliter sensisse.  
HIST. PRUSS. T. II. p. 82. Eta. 1589. argumentis, testimoniis, vñ probatum,  
indigenam, in terris Prussiae, non alibi genitum appellari, solosque Prutenos pro  
veris

veris indigenis in sua prouincia semper habitos, habendosque esse. HIST. PR.  
T. IV. Doc. p. 21. 22. Plura de significato huius vocabuli congesimus, in *Diss.*  
qua *normam regiminis Prutenici* descripsimus §. 50-53. Non ergo sunt in Prussia  
indigenae, Poloni, Lituani, ac terrarum, quae Regno magnoque Ducatui iun-  
ctae, incolae, sed reputantur pro extraneis, quos dignitatibus, muniis, castris &  
tenutis, *incorporationis priuilegium* prohibet. Possunt tamen tum illi, tum ex-  
tranei alii indigenae fieri per publicam legem, *laudum* vocamus, in generali Or-  
dinum Prussiae conuentu. Quid vero in petendo ac dando indigenatu obseruari  
debeat, in *HODIERNA REIPVBL. PRVTENAE FACIE §. 79.* exposuimus,  
vnde id saltem repetimus, concessum indigenatum, non ad collaterales, sed ad  
descendentes saltem extendi, idque auctoritate laudi a. 1668. HIST. PRUSS.  
T. VII. Doc. p. 166.

8 Admissi tamen olim in Prussia, & ciuitatum incolae eorumque filii, ad di-  
gnitates, Capitaneatus & tenutas, neque inde per legem exclusi. Inter Episco-  
pos Varmienfes & Culmenfes reperiuntur *Crapicius, Ferberus, Iohannes a Curiis,*  
*Giesius*, primus Thorunienfis, caeteri Gedanenses. *Eberhardus Ferber, Iob. a*  
*Verden, & Adrianus de Linda*, Consules Gedanenses, fuerunt Capitanei, ille Dir-  
sauienfis, iste Neoburgensis, hic Mirachouienfis, *Kempenius* pariter Gedanensis  
Consul Barualdenfis, *Abrahamus Iacobsen & Gerhardus a Proenen* eiusdem vrbis  
ciues, ille Tiegenhofensis, hic Sobouicensis *tenutarii*: vt plura exempla omitta-  
mus. Cum vero *Gerhardus a Proenen* in ius vocaretur, quasi non nobilis inique  
*tenutam* possideret, secutum est decretum Regium, quo ipsi, vt ciui, ius Regia  
bona habendi assertum. HIST. PR. T. VI. p. 201. Metuebant tamen ciuitates,  
ne suis, omnis ad dignitates, Capitaneatus & tenutas, praeclusus videretur adi-  
tus, cum in diplomate *Vladislai IV.* quo Is ius indigenatus firmat, de equestris  
Ordinis Terrarum Prussiae incolis & indigenis sermo esset, HIST. PR. T. VI.  
Doc. p. 156. ac si indigenatus ad solum equestrem Ordinem pertineret, inde illa-  
rum ablegati in publico conuentu, solenni contradictione, antiquum ius tueri non  
omiserunt, ne aliquando *Rescriptum* illud Regium aduersus ciues suos allegaretur.  
HIST. PR. T. VII. p. 8.

9 Est hoc omnium priuilegiorum, quae Prussi Poloniae Regibus debent,  
primum, datumque iis a *Casimiro Iagellonide* a. 1454. cum Se Eidem Eiusque suc-  
cessoribus subiicerent. *Incorporationis* habet nomen, quod cum *incorporationem*  
tum conditiones, quibus Prussi Regno Poloniae, vt vulgo loquimur, *incorporati*,  
recenset, estque reuera *pañum deditionis* Terrarum Prussiae, vt aliquando  
ab Ordinibus appellatum inuenimus. HIST. PR. T. II. Doc. p. 2. Occupat illud  
inter *Iura municipalia Terrarum Prussiae* secundum locum, eiusque titulus falso  
*reciprocae sponfionis* inscribitur, in libello quem de *Iure prouinciali Terrarum ma-*  
*iorumque ciuitatum Prussiae*, a. 1574. *STANISLAUS KARNKOVIVS*, eo tem-  
pore Vladislaiensis Episcopus, edi curauit. In hoc priuilegio, ius, quo indige-  
nae in dignitatibus & bonis Regiis, extraneis praeferuntur, describitur. *Omnes*  
*Praelatos*, inquit *Casimirus IV. militares, nobiles, ciues & incolas terrarum Prus-*  
*siae, in ius, conditionem & proprietatem Regni Poloniae translatos & inuisceratos,*  
*hac etiam prosequemur praerogatiua, quod dignitates & officia haecenus illis consi-*  
*stentia, in posterum constituenda, item castra & tenutas ciuitatum & locorum in ter-*  
*ris praedictis, nulli extraneo aut forensi, sed proprio indigenae, iuxta obseruantiam*  
*aliarum terrarum Regni nostri conferemus.*

10 Ius indigenatus, Reges suis litteris saepius firmarunt. *Casimirus IV.* cum  
aliquot



aliquot arces in Prussia Polonis commisisset; ut illas ab hostibus tuerentur, promittit easdem bello finito, illis collatum iri, quibus per privilegium incorporationis conferri deberent, addiditque, noluisse se hoc facto, de privilegio isto aliquid derogare, sed velle potius, ut saluum & illaetum perpetuis temporibus obleretur. IVRA MVNICIP. TER. PR. Sigismundus I. euecto ad Castellatum Gedanensem Balinscio, Polono, verbo Regio declarabat, mentem suam non fuisse, eo privilegio infringere aut tollere, neque Prussiae consiliarios, Balinscium Castellatum recipientes, ab illis suis privilegiis recessisse, aut provinciam in suis immunitatibus damnum passam censeri debere. IVRA MVNICIP. *tit. Cautio Sigismundi.* Caeteri Reges non minus suis cautionibus, imo & diplomatibus seorsum datis, integritati iuris indigenatus prospexerunt, quae figillatim recensere, nimis longum foret.

11 Implevit hoc suum promissum statim post coronationem indulgentissimus Dominus, dato Cracoviae d. 20. Januarii a. 1734. diplomate, quo cum caeteris, tum auito indigenatus iuri, novum accessit firmamentum, cauetque ac spondet Rex Serenissimus: „quod dignitates tam spirituales, quam saeculares, castra, officia, beneficia, tenutas civitatum & pagorum, omniaque bona in Terris Prussiae existentia, vacantia & vacatura, nonnisi veris, natiuis, propriis & indubitatis indigenis terrarum Prussiae, de se & Republica bene meritis dabit & conferet, idque sub nullitate privilegiorum, ipsaque incapacitate ad malam informationem secus obtinentium; quodque ob validius & firmitus robur, contrariae a Diuis Praedecefforibus, ad malam informationem datae collationes, in sequelam, exemplum & allegationem a nemine trahi, nec in quopiam iuribus indigenatus praeiudicare & derogare possint.

12 Potest enim dignitate & bonis Regiis, aliis cedi, non tamen sine Regio consensu: si ergo tale quid fieret, ab indigena, in gratiam extranei, negabit Regia Maestas consensum.

13 Contradixerunt Prussiae Ordines perpetuo, tum in conuentibus suis generalibus, tum per Nuncios suos in Comitibus, quoties aliquid in ius indigenatus admissum: quod cum factum sit saepissime, volumen conficeremus, si singula exempla describere conaremur, quae cum satis diligenter in Historia Prussiae a nobis notata, lectores eo remittimus. Vnum tamen anni 1668. in medium adferemus, ut statim cuius pateat, Prussorum studium imo feruor, quo indigenatum asserere sustinuerunt. Et receperat ille eo tempore non vnum vulnus, *Vexilliferatu Culmensi, Capitaneatibus Suecensi, Tucholiensi, Borzecheuensi, & tenuis Vielka laka, & lopatki* exteris collatis, quare Ordines, hanc totius provinciae causam, nunciis suis ad Comitibus ita commendabant, „ut si vanae forent preces, „omni ope anniterentur, quo, quae non indigenis collata, pro irritis haberentur, „quod officium ipsi pro fide, honore, conscientia ita agerent, ut non prius cederent, donec cassationem collatorum & collationem veris indigenis obtinuissent, „imo nullam admitterent materiam, neque continuari paterentur publica consilia, „nisi obtenta satisfactione sufficienti: etiamsi aliquod discrimen inde comitiis suboriri posset; quod melius esset comitia perdere refarcienda, quam iura nunquam „reditura praecipitare, & virtutem detracta debita dote suffocare. Raro tamen obtinuerunt Prussi, ut exteris adimerentur, quae ipsis contra ius indigenatus collata, nisi quod tempore *Sigismundi I. Palatinus Plocensis Capitaneatu Meuensi, sub Sigismundo III. Opalenus Oeconomia Roggenbusana, & post Vladislaum IV. ante novi Regis electionem, Ossolinus supremus Regni Cancellarius, Pucensi capitaneatu* cessit. Quae exempla alio loco in *HOD. FACIE REIP. PRVT. §. 78.* allegauimus.

§. XL.

## §. XL.

## PRVSSI A VECTIGALIBVS IMMVNES.

Commercia incolarum Prussiae, simul vrbium & oppidorum huius provinciae, quod iuxta mentem privilegii incorporationis a. 1454. ab omni vectigali, tam terrestri, quam fluuiali, immunia erunt<sup>1</sup>, & praecipue in camera Fordanensi<sup>2</sup>, Reipublicae promittimus.

<sup>1</sup> Privilegium incorporationis, non tantum in Prussia quaeuis telonia tollit, sed & deinceps instituere vetat. *Omnia telonia*, inquit, in illo Casimirus IV. *in aquis & terra, noua aut antiqua obseruantia, in terris duntaxat Prussiae quomolibet constituta, Regia munificentia tollimus, abrogamus, deponimus, ac solutionem illorum perpetuis temporibus resolvimus; dimittimus & relaxamus, nullo vnquam tempore, per nos & successores Poloniae Reges, ex quacunque causa instituenda aut imponenda.* Imo ante factam Regi Poloniae deditionem, ex *Culmensi Privilegio*, Prussia hac immunitate gaudere debebat, qua ipsi tamen, sub Magistris Ordinis Teutonici frui haud licuit. Neque, dum Regibus paruerunt Prussi, ius hoc integrum mansit, cum diuersis temporibus, cum terra, tum in fluuiis vectigal exigeretur. *Exempla in DISSERT. de Norma regiminis Prut. §. 56. vt & in altera, de hodierna facie Reip. Prut. §. 72.* congesimus. Non tamen defuerunt Ordines, quo minus libertatem suam tuerentur, modo enim suas ad Regem detulerunt preces, modo ius suum allegarunt, modo solennem contradictionem opposuerunt, modo nouis scitis vetus privilegium roborarunt. De singulis praeter allegatas *DISSERT. l. c. PRVSSIAE HISTORIA* adeunda. Nouissime in conuentu Graudentinensi a. 1730. per laudum, in futurum prouisum, „ut vnicuique incolarum liberum sit commercium, absque vlla praepeditione, aut ad Fordanum, „Brodnicam, in Krobie, & aliis in locis confinibus teloniorum exactione, & absque vlla intra fines Prussiae mercium, siue a ciuibus & incolis, siue ab extraneis „vehantur, reuisione. In casum vero, quod si exactores teloniorum, dictis in locis, incolas harum terrarum vltius turbare, ab iisdem telonia exigere, aut „reuisiones aliasque quasuis depactiones facere auderent, Illustr. & Excellentiss. Dominis Palatinis committitur, quatenus securitati publicae inuigilando, adhibito milite, ex repartitione ad hasce Terras Prussiae pertinente, vel etiam, si „necessitas id postulauerit, mota vniuersa harum terrarum nobilitate, eiusmodi „praeiudiciosissimis hisce terris attentatis se opponant, & auitam harum terrarum „libertatem ab omnibus teloniis vindicent, cameras teloniorum, in fundo terrarum harum, contra iura vel iam institutas, vel quae adhuc instituere velint, vbi- „cunque locorum abrogent, impedian, nec etiam vltius in ciuitatibus Superintendentes, reuifores aut alios officiales teloniorum, morari patiantur &c.

<sup>2</sup> Non tantum omnibus vectigalibus, in ipsa Prussia, sed & nouis in Polonia Prussos liberat, & antiquis tantum submittit, dictum incorporationis privilegium. Quoties ergo siue vetera aucta, siue plane noua decreta, suam immunitatem vetusto iure defendere, non omiserunt Ordines. Fordanense, cuius in pactis fit mentio, est vnum ex illis recentioribus, a Fordano; quod loci nomen est, dictum, sub Sigismundo III. a. 1592. in terris Poloniae ad Vistulam, prope Prussiae fines constitutum: Longae disceptationis ac multarum querelarum causa, quas

I

suo



suo ordine, suisque locis, PRVSSIAE recenset HISTORIA, multa & in hanc rem vno quasi fasce exhibet IOH. ERN. de LINDA, Consul, dum viueret, Gedanensis, ac rerum Prussicarum doctissimus, in *Sicilimentis* ad epistolas ZALVS-  
CIANAS, nomine LIPINSCHII editis, p. 38. f. Exempti tamen hoc vestigali Prussi, Sigismundi III. Vladislai IV. & Iohannis III. litteris, ipsumque telonium ante aliquot annos plane est sublatum.

## §. XLI.

## DE MODO IN IVDICIIS SERVANDO.

In iudiciis comitialibus, postcurialibus & aliis, causas omnes, ita uti ex registro obuenient, non immutando earum Ordinem, iudicabimus<sup>1</sup>, & nihil in praeiudicium iustitiae & iniuriarum faciemus, conformando sententiam nostram ad pluralitatem votorum<sup>2</sup>, quae statim in triduo, sine depactatione vel immutatione, partibus in debita forma & securitate extradi debet<sup>3</sup>. Iudicia quoque Curlandiae<sup>4</sup> in terminis circumscriptis, praeuiis intimatorialibus, non praetermittere declaramus.

1 In PACTIS Michaelis, Iohannis III. & Augusti II. §. Na Sądach pariter prouisum, ut causae eo ordine, quo in registro scriptae, iudicentur, & ratio est, ne propter diuersum in partes studium, aliae aliis, aut praeferantur, aut postponantur. Est autem *registerum*, index causarum, sancitque *ordinatio* iudiciorum postcurialium, CONST. a. 1683. p. 8. ut omnes causae tempestive, ad minimum pridie iudiciorum celebrandorum inscribantur, ac Notarius decretorum easdem, in idem registerum, ordine, sine delectu, prout quis prius detulerit, referat, neque ordinem illum perturbet, iudicia autem, eorumque Praefides, non nisi ex eodem registro, ordine illo, quo inscriptae, superiores non omittendo, inferiores non praeposendo, acclamari mandent, easdemque ut acclamatae, iudicent, non attenta quavis & quarumvis personarum instantia, aut secundum dignitatem personarum, aut differentiam causarum, sed ad ordinem & numerum registri, prout quis prior aut posterior inscriptus, decident. Et *processus iudicialis* in Comitibus a. 1611. probatus, & illius anni CONSTITUTIONIBVS additus praecipit, *Postpek prawny* ad calcem Const. a. 1611. p. 11. tit. *sprawa u sądu*, „causas omnes, tam ultimae instantiae, quam inferiorum subselliorum, ad *registerum* „secundum numerum scriptum, sine distinctione personarum iudicari. Ut autem causae non sunt vnus generis, sic & varia sunt *registra*, habetque quoduis genus suum *registerum*, ut habet suum diem, quo *acclamatur*.

2 In iudiciis relationum, vbi Rex, si sententiae diuersae, plurimorum amplectitur, ut ad eam decretum scribatur: quod ut fiat, PACTA Michaelis & Augusti II. §. c. pariter exigunt.

3 Addunt PACTA Michaelis, Iob. III. & Augusti II. §. c. ne decreta ad cameram Regiam, ut immutentur, portare fas sit, sub poenis in legibus Regni descriptis. Praeter illa, & tridui mentionem facit allegata postcurialium iudiciorum

rum ORDINATIO p. 9. Depactatio autem ideo interdicitur, ne quid ultra quam constitutum est, exigatur.

4 In causis scilicet, per appellationem ad Regia iudicia delatis: quod & de iudiciis Curlandiae sancit PACTA Augusti II. §. cit.

## §. XLII.

## IUDICIA POSTCVRIALIA.

In iudiciis postcurialibus<sup>1</sup> secundum praescripta iura Henriciana<sup>2</sup>, ex sententia Dominorum officialium<sup>3</sup>, apud Nos existentium, procedemus, deliberationes tertio die absoluemus, & omnes causas superiores, nondum decisas, expediri curabimus<sup>4</sup>.

1 Sunt iudicia Regia, quae in aula habentur, dicunturque alia assessorialia, alia relationum. PACTA Vladislai IV. quibus primum, caput hoc de iudiciis insertum est, ut & Iohannis Casimiri §. w Sądach, generatim de iudiciis loquuntur. Michaelis tempore iudicia illa, in pactis postcurialium nomine signari coeperunt, quae appellatio in sequentibus §. w Sądach, seruata.

2 Vladislai IV. Eiusque successores, allegant pacta Henriciana, quae Augustus II. iura vocat, quodque vocabulum AVGVSTVS III. repetit. Nihil tamen de iudiciis, Henrici pacta continent, neque illius articuli, saepius a nobis citati, & qui forte per pacta & iura Henriciana intelliguntur, aliquam iudiciorum formam scripserunt: nisi ea, quae de dicendis sententiis, in istis articulis vniuersè statuuntur, & ad iudicia referenda sunt, scilicet, „si Senatores dissentiant, Regem per se nihil posse decernere, sed dandam ipsi operam, ut omnes „vni sententiae accedant, considerando omnia illorum argumenta, quae iuribus, „communibus libertatibus, & maiori Reipublicae commodo conueniant, & priuilegiis, iuribus ac libertatibus omnium terrarum contraria non sint: si vero ad „vnam mentem induci haud potuerint, tunc illorum sententiam esse recipiendam, quae quam proxima ad libertates, iura & consuetudines, secundum leges „vniuscuiusque terrae, & commodum Reipublicae accedat: exceptis causis „comitiorum, quae ad antiquam consuetudinem, scitu & consensu omnium ordinum, peragi debent. VOL. CONST. p. 254. §. *Czesto sie*. Ad hos articulos, seu iura Henriciana sine dubio respicitur, quando Sigismundi III. cui contrarium obiectum fuerat, nomine respondetur: „in sententiis Senatorum, vbi discordes „fuerint conciliandis, Regiam Maiestatem ea uti moderatione, ut non ante, vel „Senatus consultum perscribi, vel in priuatorum cognoscendis iudicandisque „causis, decretum fieri decernat, quam dissentientium sententias, iteratis earum „rogationibus, similes & conformes efficiat. LVBIENSIS Oper. p. 52. Vbi tamen obtinet, non ut Rex in relationum iudiciis, quibus ipse praest, diuersas sententias Senatorum componat, eamque probet, quae iuribus maxime congruat, sed ut maiorem idem censentium numerum sequatur: quod & sequens §. docet.

3 Pacta superiorum Regum a Vladislai IV. praeter Officiales & Senatores legunt, quod vocabulum praesentibus casu excidisse videtur. Assident enim Regi in iudiciis relationum Senatores, huiusque Ordinis Ministri, assessorialia,



praefide Cancellariorum altero, ab *officialibus* ut dicuntur, Referendariis scilicet, Regente Cancellariae, Secretariis Regiis ac Notario Decretorum peragi solent.

4 Habentur eadem, in memoratis, quae praecesserunt, pactis.

### §. XLIII.

#### IVDICIA RELATIONVM.

Iudicia relationum<sup>1</sup> non praetermitteremus, quin imo accelerationem eorum per intervalla<sup>2</sup>, promittimus, notariosque in his causis, iuxta antiquam praxin conseruabimus, ipsaque decreta, per pluralitatem votorum Senatoriorum<sup>3</sup>, conscribi curabimus.

<sup>1</sup> Est iudicium *relationum* in aula summum, vltimaeque, ut vocamus, *instantiae*, quamvis & assessoriale vltimae *instantiae* dici potest, quod ab illo non promiscue appellationes conceduntur, sed tum demum, quando Cancellarius appellationem, quod sit rarius, *admissibilem* habuerit, aut si ipse vltro causam ad *relationis* iudicium remiserit. „Iudicia Cancellariorum, inquit LVBIENSIS, „v s in *paraenese ad Vice-Cancellarium Zamoiscium, Oper. p. 218.* summae olim potestatis erant, vltro tamen appellanti Regem parti, ob reuerentiam Principis interdum deferunt, nisi vel causa similis iudicata fuerit, vel binae conformes inferiorum subfelliorum sententiae praecesserint, vel denique res, de qua lis est, minoris pretii & aestimationis fuerit. Praesidet relationum iudicio Ipsa Maiestas Regia.

<sup>2</sup> Non enim sunt continua relationum iudicia, sed per temporum intervalla aguntur, solentque edici, quando habenda.

<sup>3</sup> Assident Regi in his iudiciis Senatores, & Senatorii Ordinis Ministri, ut modo dictum.

### §. XLIV.

#### REX IN IVDICIIS NVLLIVS CAVSSAM SVSCIPIAT.

In omnibus causis, ad quaevis subfella inter concives Regni & M. D. Lituaniae interuenientibus, contra iniuriatos instantias non dabimus<sup>1</sup>.

<sup>1</sup> Hoc caput, primum *Augusti II. PACTIS §. w sprawach*, insertum, illo tantum discrimine, quod Regiae instantiae nulli parti subuenire debeant. Et est sanciti ratio, ne iniuriam passi, frustra iure experiantur, si Princeps aduersae partis causam agat.



### §. XLV.

### §. XLV.

#### BONA OECONOMICA, ALIAQVE MVNIA SOLIS NOBILIBVS POSSESSIONATIS MANDENTVR.

Bona nostra oeconomica<sup>1</sup> & Capitaneatus<sup>2</sup>, Salisfodinas<sup>3</sup>, Metricas<sup>4</sup>, Regentias, Regni & M. D. Lituaniae<sup>5</sup>, Secretariat<sup>6</sup>, Notariat<sup>7</sup> Camerae & Thesauri<sup>8</sup>, & in genere administrationes & lustrationes Thesauri<sup>8</sup> non dabimus, neque telonia vectigalia cameras<sup>9</sup> locari non permittemus, nisi personis ordinis equestris, vtriusque gentis mere possessionatis<sup>10</sup>, sub poena duorum millium marcarum Polonicae & nullitate contractus, in eos, qui siue plebeiae conditionis, siue Iudaei<sup>11</sup> fuerint, eiusmodi contractus quaesierint, aut obtinuerint, ad instantiam cuiusvis Nobilis, in quolibet foro<sup>12</sup>, ex registro fisci<sup>13</sup> vindicanda.

<sup>1</sup> De dignitatibus & publicis muniis, Nobilibus tantum mandandis, actum supra ad §. XVII. iam aliquot muniurum species sigillatim recensentur, ad quae soli equites admittendi, & in quo PACTA Michaelis §. *Cudzoziemcow ani nikogo; Johannis §. Cudzoziem. ani nikogo; & Augusti II. §. Dobr Naszyeb*, praeciserunt. Primo occurrunt bona oeconomica, simul mensae Regiae dicta, quod *reditus ex illis*, mensae seu rei familiari Principis destinati. Non enim Poloniae Regi promiscue ex omnibus terris colliguntur prouentus, verum selectae per legem aliquot, vnde sumtibus Eius domesticis subueniatur. Quae in Polonia & Prussia, oeconomica bona, recensentur CONST. a. 1590. VOL. CONST. p. 577. tit. *Rationes stolu*, scilicet, Capitaneatus Sendomiriensis & Samboriensis, cum Ozimina & Medenice, magna procuratio Cracouiensis, Oeconomiae Mariaeburgensis & Rogosnensis ac Tenuta Dirsauensis. In Lituania mensae Regiae assignatae sunt, terrae Grodnensis, Szavlensis, Brzestensis, Kobrynenis, Mohilouienis & Olitenis. VOL. CONST. p. 530 tit. *Ordinatio*. Hae oeconomiae integrae seruandae, neque totae, neque per partes, nisi Reipublicae consensu, quocunque modo alienandae, neque pensionibus annuis onerandae. In eam rem de magna procuratione Cracouiensi singulares *Vladislai Jagellonidae* exstant litterae. LASCO Stat. f. 84. Cuius frater & successor *Casimirus*, idem de terra Sendomiriensi sanxit, seueriori in eum addita poena, qui dictam terram, aut integram, aut partem aliquam, sibi collatam receperit, „ut scilicet habeatur laesae Maiestatis laesaeque Reip. reus, Regisque & „Regni Poloniae publicus hostis & fraudator; utque Rex, nec minus Regni consiliarii facultatem habeant, hominem tam impium & ambiciosum, a praefata terra Sendomiriensi, castro, ciuitate, oppidis & villis, aut parte earum, quamcumque occupauerit, absque omni iure & strepitu iudicii amouendi & expellendi, „tanquam communis boni hostem & perturbatorem. LASCO Stat. f. 85. p. 2. Generalius tempore *Alexandri*, in Comitibus *Petricouensibus* anni 1504. interdictum: „bona mensae Regiae, nisi in Comitibus, pro Reip. necessitate, ac consilia-



riorum consensu, obligare, donare vel inscribere, sub amissione honoris & pecuniae, si qua dictis bonis contra mentem statuti inscriberetur. *L A S C. Stat. f. 114. p. 2.* Hoc Alexandri statutum firmavit *Sigismundus Augustus* a. 1562. „ac „omnes, quae illud secutae, donationes, feuda, venditiones, fundationes & „reditus annuos, spiritualibus quocunque modo inscriptos, quod iuri communi „adversantur, tollit & pro irritis habet. *VOL. CONST. p. 16. tit. O statucie Krola Alexandrowym. Sigismundus III.* vetuit oeconomias pensionibus onerari, aut in aduitalitatem concedi, aut infra iustum pretium locari. *VOL. CONST. p. 577. tit. Rationes.* Nec minus *Vladislaus IV.* pensionibus & donationibus constitutione occurrit, ac vterque poenam a *Casimiro IV.* olim constitutam, ac antea memoratam, illis irrogari voluerunt, qui sibi in diminutionem prouentuum Regiorum privilegia dari passi fuerint. *CONST. a. 1633. p. 31. tit. Ekonomie.* Denique, ne plura cumulemus, a. 1635. 1638. & 1641. donationes omnes, aduitalitates, leuiiores arendae, & pensiones annuae sub poena priuationis, triplicis pensionis & peculatus tolluntur. *CONST. a. 1635. p. 6. tit. O dobrach; a. 1638. p. 3. tit. O Ekonomiach; & a. 1641. p. 1. tit. dobra.* Bona haec oeconomica per constitutionem a. 1638. plus offerentibus, modo Nobiles sint, locari debebant, nisi quod in Capitaneatibus iurisdictionem habentibus, prouentus in quinque partes diuidendi, quarum tres mensae Regiae cedent, ex binis reliquis altera in quartam erogaretur, alteram administrator Capitaneatus in stipendium retineret, magnam tamen procuracionem Cracouicensem integram, sine aliqua reddituum immi-  
nutione relinqui placuit. *CONST. a. 1638. tit. O Ekonomiach p. 4.* Per *CONSTITVTIONEM* vero a. 1641. *tit. Dobra solus p. 2.* concessus est bonorum Regiorum administratoribus, decimus grossus, ex censu qui Regi penditur, ac decimus quisque manipulus ex agris: certis tamen terris in Capitaneatibus cum iurisdictione, pro sumptibus in administrationem iustitiae assignatis. At anno 1670. *CONST. p. 23. tit. O Ekonomii.* Notario Thesauri curiae Regni, bona mensae Regiae, praeiuramento fidelis administrationis, committuntur, vt plus offerentibus eadem locet, salua praerogatiua Thesaurariorum vtriusque gentis, saluisque contractibus per constitutiones approbatis.

2 Non alii intelliguntur Capitaneatus, quam qui partem bonorum Oeconomicorum constituunt, vt sunt, Sendomiriensis & Samboriensis; quare & inter terras mensae Regiae, Capitaneatus cum iurisdictione memorantur, vt patet ex nota proxime praecedenti.

3 Poloniam salis esse feracissimam, illumque effodi notum est. Ad Regiam mensam pertinent fodinae Cracouenses, Olcussenses, & Russiae. *VOL. CONST. p. 577. tit. Rationes.* Locantur hae vt caetera bona Oeconomica administratoribus annuo censu, qui, quo integer sine vlla diminutione seruetur, lege prouisum, „vt si quis ex fodinis pensiones ac donationes, sine sale, sine pecunia, impetrauerit, „aut administrator impetratas praestiterit, tam ille, quam hic, poenam decem „millium marcarum parti & iudicio per dimidium soluendam, ad instantiam instigatoris, aut nuncii terrestris ex quocunque Palatinatu in Comitibus subeant. *CONST. a. 1638. tit. Ekonomiach. p. 4.*

4 Metricae sunt libri Cancellariae, de quibus Statutum *Sigismundi I.* exstat, vt Cancellarius & Vicecancellarius, ipsi soli libros eosdem in sua custodia diligenter afferuent, habeantque semper vnum vel duos Notarios vel scribas iuratos, qui omnia privilegia, decreta, recognitiones & alia, quae ad necessitates & securitates hominum coram Rege fiunt, & sub sigillis Regiis conceduntur, sincere & fideliter

fideliter in libros huiusmodi seu registra inscribant. *PRIL. Stat. p. 202. & Statuta Sigismundi I. p. 89.* Habet suas metricas tum maior tum minor Cancellaria, idque non tantum in Polonia, sed & in Lituania, obtinet. Metricae vetustae seu libri Cancellariae memorantur a *Sigismundo III.* in *VOLVMEINE CONST. p. 861. tit. O metrykach.* Notarii qui scripta in Cancellariae libros referunt, ac inde petentibus depromunt, *metricantes* vulgo appellantur, estque alius maioris, alius minoris Cancellariae. Addimus, metricas in pactis *Iohannis III.* non memorari, occurrere tamen in *Michaelis & Augusti II.*

5 Habent binos Regentes Cancellariae in Regno & Lituania, alterum maioris, alterum minoris, sacri alterum, alterum ciuilis Ordinis. Sunt autem Regentes primarii Cancellariorum administri: Rescripta Regia, litteras & alia, quae ex Cancellaria prodeunt, aut ipsi componunt, aut si a *Secretariis* composita, relegunt, expendunt, corrigunt; Cancellarii nomine Regi quae subnotanda, exhibent, quae sibi ab illo commissa, Principi exponunt, huiusque voluntatem Cancellariis renunciant.

6 Sunt Secretarii plurimi, duo tamen eminent, alter Regni, alter Lituaniae, vterque ordinis sacri, qui Secretarii maiores seu supremi dicuntur. Primus in Regno a. 1504. ab *Alexandro* institutus est, eiusque iura in peculiari Statuto describuntur, „vt sit semper vnus, sciens secretas expeditiones publicas, vt „ad ea intromittantur secreta, quae Cancellario & Vicecancellario Regni pandentur, vtque sit expectans primus praelaturarum, dignitatum beneficiorumque, „immediate Cancellario Regni & Vicecancellario in talibus officiis successurus. *L A S C O Stat. f. 113. p. 2. PRIL. Stat. p. 181.* In Lituania Secretariatus maior recentiori tempore coepit. Ambo omnes, qui sunt extra Senatum, ordine praecedunt.

7 Notarius camerae, Regi est ab epistolis priuatis, quibus sigillum camerae, quod ipse asseruat, imprimitur. Thesauri & quidem Regii notarius, reditus ac sumtus Regios in tabulas refert, rationesque Thesaurariis exhibet.

8 Intelligitur priuatus Regis Thesaurus, ne postpositis Thesaurariis, illius cura exteris aut plebeiis committatur, aut ab his in eius rationes inquiratur.

9 Vectigalia & telonia vetera mensae Regiae adiecta: inter illius enim reditus, Regni, Russiae, Plocense & Lituaniae antiqua telonia recensentur. *VOL. CONST. p. 577. tit. rationes p. 500. tit. ordinatio.* Camerae vero sunt domus illae, vbi a transeuntibus vectigal penditur, quae vulgo camerae teloniariae vocantur.

10 Nisi forte legendum vere possessionatus, sed habent illud *mere & Michaelis ac Augusti II.* PACTA §. c. at in *Iohannis III.* dicuntur bene possessionati. Telonia autem Nobilibus bene possessionatis locari, *CONST.* anno 1685. *p. 19. tit. Deklaracya* ac alia a. 1703. *p. 27. tit. aukcio*, eadem a Nobilibus bene possessionatis administrari, vtque scribae in cameris, non alii quam tales sint, iubet. Et licet leges illae de Reip. vectigalibus, non de iis, quae partem reddituum Regiorum constituunt, loquantur, censentur tamen eodem iure, si de administratione sermo inciderit, adeo vt aegre latum, quando exteris Regia vectigalia locata fuerunt. Ergo vt ad caetera, quae praesenti capite recensentur munia, sic & ad teloniorum curam, soli Nobiles vtriusque gentis, & quidem possessionati admittendi, ita tamen, vt reliquarum prouinciarum, Poloniae & Lituaniae iuncta-



rum, nobiles non arceantur, quare in pactis *Michaelis, Iohannis III. & Augusti II.* annexae prouinciae expresse nominantur.

11 Si ex frequentia & negotiandi libertate Iudaeorum colligenda esset felicitas, Polonia recte illorum diceretur paradisus, quo vocabulo appellatam a nonnullis meminimus. Diffusi enim per vrbes, oppida & vicos Poloniae ac Lituaniae, commercia, opificia, tabernae & cauponae exercent, simul Procerum & Nobilium rem familiarem curant, ut nihil rite emi ac vendi posse videatur, nisi Ebraeo aliquo internuncio ac interprete. Fauebant illis admodum *Iohannis III.* tempora, ut & ipsum Principis palatium pateret, verante in eodem *Bethsale* Iudaeo, quasi altero *Mardachaeo*, Reginae inprimis gratia florente ac valido. Cuius potentiam *BIZARDIERVS* Gallus, suo sermone in libello de scissione Poloniae, *scission de la Pologne*, statim post initium descripsit. Conduxerat is Regia vestigalia, quae ipse procuranda concesserat suae superstitionis sociis, sed molestissime ferebatur, Christianorum merces & facultates, rigidae Iudaeorum exactioni, ut est gens lucri avidissima, submitti. Inde viuentis Rege erupit indignatio, & post *Illius* mortem, successoris *Augusti II.* PACTIS §. c. *Dobr Naszych*, primum insertum, ne telonia Iudaeorum, quibus id legibus vetitum, administrationi committantur. Et exstant hac de re in Iudaeos antiquae leges. *Sigismundus I.* inuolabiliter obseruandum statuit, Iudaeos teloniis quibuscunque praefici non debere, neque posse: indignum & iuri Diuino contrarium censens, eius generis homines aliquibus honoribus & officiis inter Christianos fungi debere. *PRIL. Stat. p. 367. Stat. Sigismundi I. p. 83.* Quod Statutum *Sigismundus Augustus* VOL. CONST. p. 28. tit. *O Zydziech*, probauit. A. 1565. ne quis in suo Palatinatu Iudaeorum telonio praeesse permittat, poena centum marcarum edicitur: VOL. CONST. p. 98. tit. *Zeby cet*, per CONSTITUTIONEM vero a. 1647. tit. *Ordynaryyne p. 2.* in Iudaeos ob eandem causam confiscatio bonorum decernitur. Denique CONST. 1703. p. 7. tit. *anektio subsidiorum*. Iudaeorum capita declarat inuindicabilia, si sub quocunque praetextu ad telonia admittantur.

12 Superiora PACTA §. cit. causas has solis iudiciis Tribunalitiis submitunt, praesentia quoduis forum assignant.

13 In quo causarum indice, illi scribuntur, qui repetundarum accusantur.

## §. XLVI.

### DE PRAEFECTVRIS PRAESIDIORVM IN OECONOMIIS.

Praefecturas praesidorum, in bonis nostris, in vrbibus, arcibus & propugnaculis, Regni, M. D. Lituaniae & prouinciarum annexarum<sup>1</sup>, non plebeiis personis; sed nobilibus, possessionatis & bene meritis<sup>2</sup> dabimus.

1 Est sermo de bonis Oeconomicis, illisque in iis locis, quibus praesidia imponenda, ne extranei aut plebeiae conditionis praeficiantur, quod non minus in PACTIS *Michaelis, Iohannis III. §. Cudzoziemcow ani & Augusti II. §. Dobr Naszych* vetitum.

2 Allegata superiorum Regum pacta addunt, qui commendati ex vtraque gente & annexis prouinciis a Ducibus exercituum fuerint, nisi quod in *Augusti II.* annexae prouinciae omittuntur.

§. XLVII.

## §. XLVII.

### OECONOMIAE NE AUGEANTVR.

Oeconomias ad mensam nostram pertinentes, sine speciali consensu Reipublicae non amplificabimus<sup>1</sup>, nec nouos fines, ac fundos illis per potentiam administratorum vindicari permittemus<sup>2</sup>, sed potius ad diiudicandas iniurias, commissiones concedere non grauabimur<sup>3</sup>, exceptis pure auulsis<sup>4</sup>:

1 Ne Oeconomiae sine Reipublicae consensu augeantur, a *Vladislai IV.* tempore, in PACTIS §. *Ekonomii* prouisum, neque Se aucturum, potius nouas quas instituit, sublaturum, ante *Vladislaum IV.* *Sigismundus III.* per legem, VOL. CONST. p. 834. tit. *O Ekonomiach*, promiserat. Item a. 1635. per aliam CONST. p. 31. tit. *Ekonomie*, vetitum, simul poena peculatus in eos decreta, qui nouam Oeconomiam conduxerit, aut administrauerit. Et restrinxerunt in hoc Regum facultatem Ordines, ne multiplicatis pro lubitu Oeconomicis, opes in libertatis discrimen excrescere viderentur: neque horum consensu veteribus nouas adiectas, potius illas imminutas fuisse reperimus; cuius rei exempla ad §. sequentem in medium proferentur.

2 Ergo fines veterum Oeconomiarum per vim extendere, illisque nouos fundos iungere haud licet; quod ante *Augustum II.* in pactis non legitur.

3 Eadem *Augusti II.* pacta, iniuriam passis, commissiones ad quamuis requisitionem, promittunt.

4 Intelliguntur quae non lege & Reipublicae consensu, sed a priuatis facto solo, bonis mentae Regiae subtrahita sunt, quae administratoribus eodem modo recuperare licet.

## §. XLVIII.

### DE OECONOMIIS HAUD MINVENDIS.

Cum his Oeconomicis secundum iura<sup>1</sup> agemus, neque per uia auulsa illegitime obtenta<sup>2</sup> minui patiemur, sed eas in administrationem aut arendam, tantum nobilibus, fitas scilicet in Regno, Regni; Lituanicas, Lituaniae, & annexarum prouinciarum, harum terrigenis dabimus<sup>3</sup>.

1 Iura quae Oeconomicis scripta, ad §. XLV. (1) recensuimus. Haec ut obseruentur, PACTA a *Vladislai IV.* tempore §. cit. exigunt. Eadem salua esse iubent CONST. a. 1670. p. 23. tit. *O Ekonomii*, & 1676. p. 45. tit. *Ekon. stolu*, nec minus omnes cautiones, in legibus, Constitutionibus & pactis conuentis, de integritate Oeconomiarum scriptae, per CONST. a. 1717. p. 64. tit. *Redintegracya*, repetuntur.

2 De bonis mensae Regiae integre seruandis, dictum ad §. XLV. (1) Addimus CONSTITUTIONEM a. 1717. p. 64. tit. *Redintegracya*, qua decreta commissio

K



missio ad recuperanda, non obstantibus rescriptis & privilegiis, quae Oeconomis ademta, privilegiis tamen, quae legitime collata, saluis. Et Reges *Michael, Iohannes III. ac Augustus II.* in suis *PACTIS §. c.* promiserunt, se nullas Oeconomiarum imminutiones, ne quidem minimas permitturos, imo sine consensu Reip. auulsa, ordinaria iuris via recuperaturos. Possunt ergo illegitime auulsa dici, quae sine consensu Reipubl. Oeconomis subtracta, ut legitima sunt, quas Reip. consensu innituntur. Et huius quidem generis dantur varia. Anno 1654. tenuta *Nouodvorenstis* seu *Tigenhofensis*, Mariaeburgensis Oeconomiae portio, *Christophoro Gembtio*, ducentis millibus florenorum oppignorata. *CONST. a. 1654. p. 7. tit. Zaskawa*, quae perfoluta dicta summa a. 1678. Regi *Iohanni III.* eiusque haeredibus, consensu Ordinum cessit. Tenuta *Berualdensis*, alia Mariaeburgensis Oeconomiae pars, iam *Sigismundi Augusti* tempore, in manus priuatorum venit, in quibus, concilia Reip. adhuc haeret. Collata *Paulo Teterae* in aduitalitatem ex Oeconomia *Brestensi*, in Lituania, bona, Ordines a. 1659. approbant, *CONST. 1659. inter Lituanicas p. 14. tit. Aprobac. Przywileiu*, non obstantibus quibusvis Constitutionibus, de non impetrandis bonis mensae Regiae. Idem Ordines eodem anno, aliam donationem in aduitalitatem ex Oeconomia *Mobilouiensis* tam habent. *CONST. c. a. p. 14. tit. Aprob. Przywileiu*. Tota vero Oeconomia *Szaulensis*, a. 1661. Palatino Vilnensi *Paulo Iob. Sapibae*, octingentis millibus florenorum in pignus concessa. *CONST. a. 1661. inter Lit. p. 9. tit. Zaskawa*, quae nondum ad mensam Regiam rediit, sed data *Iohanni III.* redimendi facultate, ad eius haeredes transmissa. Ne tamen ex imminutis bonis Oeconomicis Thesaurus Regius iacturam sentiat, solent subtracti redditus pecunia annua ex Thesauris Regni & Lituaniae, pro diuersitate prouinciarum, in quibus Oeconomiae sitae, rependi: vtriusque gentis Thesaurariis, lege publica obstrictis.

3 Exigebat §. XVII. ut munia terrigenis indigenis conferrentur: §. XLV. Oeconomias nobilibus possessionatis seruabat, & praefens distinctius Regni Oeconomias nobilibus Polonis, Lituanicis Lituanis, & caeterarum prouinciarum, earundem ciuibus locari praecipit: in quo pacta *Michaelis, Iohannis III. & Augusti II.* sequitur, quae idem postulant. Ut autem Poloni in Lituania, si ibidem possessiones habeant, Litvani vicissim eo modo in Polonia obire possunt munia, ita & idem de administratione Oeconomiarum est tenendum. Prussi, qui ad annexas, ut appellantur, prouincias pertinent, suis ad Regni Comitum Nunciis saepius iniungunt, ut suarum terrarum Oeconomiae suis saltem indigenis locarentur.



## §. XLIX.

QVAE BONA, PRO BONIS MENSAE REGIAE HABENDA.

Et quoniam sub praetextu bonorum mensae Regiae, varia bona, quae ad mensam Regiam nunquam pertinuerunt, titulo auulsiōis, ad iudicia postcurialia trahi solent, haec vero saepius sub arbitra Maiestate nutant: ideo declaramus, haec tantum bona, ex natura sui ad mensam Regiam pertinere debere, quae antiquitus ad illam relata sunt.

1 Sub arbitra, inquit *PACTA Augusti II. §. A ponieważ, Maiestate, supremi iudicii per decretum saepius nutant*: quasi studio proferendarum Oeconomiarum, in iudiciis Regiis, ius redderetur ambiguum.

2 Quod ex *PACTIS Augusti II. §. c.* repetitum, ubi simul omnes Capitaneatus & caetera bona Regia, quae ad Oeconomias nunquam pertinuerunt, a postulationibus Thesauri Regii, ipsiusque Regis, secura redduntur. Quae autem antiquitus ad Regiam mensam pertinuerint Oeconomiae, constare potest, ex duabus, quibus illae descriptae sunt, constitutionibus, quasque ad §. XLV. (1) allegauimus, singularum autem partes finesque ex aliis monumentis cognosci debent, estque illius probare, pertinuisse bona ad mensam Regiam, qui ea illi vindicare contendit.

## §. L.

QVIBVS OLIM EX OECONOMIIS DONATA,  
SECVRE POSSIDEANT.

Donatarios omnes, iuxta tenorem iurium eorum, ab antiquo illis concessorum, in plena securitate possessionis relinquemus, in Regno iuxta Constitutionem eo nomine descriptam, & in Lituania secundum eorum statutum.

1. Asseritur donatariis secura bonorum, mensae Regiae subtractorum, possessio, non tamen promiscue omnibus, sed veteribus tantum, iisque, qui possessionem, iure antiquo tempore sibi concessa, tueri possunt. *Michael* in *PACTIS* suis §. *Ekonomicy* ipopondit, „omnia privilegia a priori Rege, *Iohanne Casimiro*, in diminutionem prouentus mensae Regiae, sine consensu Reipublicae data, irrita fore, & talia in posterum non concessum iri: imo qui contraueniendo huic iuri, eiusmodi privilegium precibus suis impetraverit, ipso facto infamis & incapax tenetae pronuncietur, eique poena sessionis turris, per spatium dimidii anni, decernitur, ad instantiam cuiusvis Nobilium in tribunalibus Regni, ex registro fisci speciali, & in M. Ducatu, ex quouis registro peremptorie irroganda. Eadem verba in *PACTIS Iohannis III. §. Ekon. & Augusti II. §. Atymi Ekonomiami*, recitantur, hoc saltem discrimine, quod *Michael* de viuis Regis, Successores autem de Regum superiorum privilegiis loquuntur, ut simul tempora post *Iohannem Casimirum* com-



prehendantur, si quid illegitime impetratum fuerit. Praeterea per CONST. 2. 1717. p. 64. tit. *Redintegracya*, „omnia bona & loca, nouiter in diminutionem „redituum mensae Regiae priuatis concessa, non obstantibus Rescriptis & priui- „legiis, aduersus ius & contra mentem pactorum conuentorum emanatis, ad cor- „pus Oeconomicum reducuntur, saluis tamen priuilegiis, cum Antecessorum, tum „Augusti II. qui tunc regnabat, legitime collatis. Illa autem iura sunt valida, & „priuilegia legitime collata, quae Respublica suo consensu per publicam legem „firmat.

2 Donata ex bonis mensae Regiae, vt & alio titulo priuatis concessa, Con- „stitutionibus inferuntur, vt consensus Reipublicae pateat: habentque locum inter „Regni Constitutiones, si de Oeconomis in Regno & Prussia sitis agitur, inter Li- „tuanicas vero, quando de Lituanicis Oeconomis sermo est. Lituanicae vero, „quae olim solebant cum Regni Constitutionibus confundi, a tempore Iohannis „Casimiri, his seorsum iungi solent, veniuntque in praesenti §. Lituanici statuti „nomine.

## §. LI.

## INIURIAM PASSIS IVSTITIA PROMITTITVR.

Iniuriatis praetendentibus, satisfactionem ab administratori- „bus nostris, circa documenta liquida spondemus<sup>1</sup>.

1 Id quod spondit in PACTIS suis Augustus II. verbis amplioribus, §. „*Waruiemy też o dobra*, scilicet, „iplos administratores, iniuriam ex Regiis Oeco- „nomis passis, ius reddere, simul istis respondere in iudiciis quibusuis Regni, iux- „ta praescriptum legis, & iudicatis, ex qualitate facti aut causae prolatis, satis- „facere debere, sub executione hac, a Rege nullo modo impedienda. Antea vero „Iohannes III. nomine haereditariorum & Regionum bonorum, per PACTA §. „*Waruiemy też o dobra*, idem promiserat; quod scilicet Oeconomi, illis, qui de „iniuria sibi illata conquesti fuerint, in iudiciis quibusuis Regni responsuri &c.

## §. LII.

## OECONOMIA PVBLICA IN APPARATVM „BELLICVM.

Publicam Oeconomiam, secundum antiqua iura Vladislai IV. „& Iohannis Casimiri<sup>2</sup>, Antecessorum nostrorum, conseruabi- „mus, cui iuxta Constitutionem anni 1659. duos Capitaneatus „ex primis vacantibus, quorum prouentus tringinta millia effici- „ent, incorporare promittimus<sup>3</sup>, & omnia, iuxta tenorem pacto- „rum conuentorum, cum Rege & Parente Nostro sanctae memo- „riae initorum, quoad hoc punctum<sup>4</sup> obseruabimus.

1 Apparatum bellicum, tormenta, puluerem, alia, suis sumtibus procurare, „Henricus in articulis sibi oblatis & a Stephano confirmatis, promisit: VOL. CONST. „p. 254. §. *O woynie*, quodque ab eodem Rege Stephano in comitiis coronationis „repeti-

repetitum legimus. VOL. CONST. p. 275. §. *O woynie*. Nomine Sigismundi III. „in pactis promissum est, tormentorum bellicorum vim non exiguam, necessitati- „bus Regni Poloniae & M. D. Lituaniae exigentibus, pulueres atque globos e Re- „gio Sueciae, suis sumtibus suppeditare. VOL. CONST. p. 452. §. *item tormento- „rum*. Verum, amissa Suecia, subuenit Reipublicae aerarium. Vladislaus IV. „quo publicas impensas leuaret, ac assiduis inde in comitiis disceptationibus oc- „curreret, promisit in PACTIS suis §. *A iż apparat*. Oeconomiam bellicam in ap- „paratum istum instituere, sumtibus per nouam quartam ex Capitaneatibus & te- „nutis, ad modum veteris conferendis. Idem in iisdem pactis credidit, vtile imo „necessarium esse, si duo crearentur, quorum alter in Regno, alter in Lituania, ap- „paratum bellicum curaret, vnde summi rei tormentariae praefecti, Regni & Li- „tuaniae, *magistri artilleriae* vulgo dicti, orti sunt. Noua haec in apparatum bel- „licum quarta a. 1637. CONST. p. 8. tit. *Quarta*, roborata, Rauam, veluti vetus „deferenda, ac a Regni Thesaurario, Praefecto rei tormentariae numeranda, quo „is in eam rem, in quam instituta vtatur, & expensorum rationem in comitiis red- „dat. Sequenti anno primum rei tormentariae Paulus Grodzicius in comitiis prae- „fectus est, cui mandatum, accepta binorum annorum noua quarta, armamenta- „ria tum vetera reficere, tum noua locis opportunis exstruere, tormenta cum reli- „quo apparatu bellico comparare, ac nouae huius Oeconomiae, quasi fundamen- „ta iacere. CONST. a. 1638. p. 13. tit. *Oeconomia bellica*. Haec est illa Oeconomia, „quam praefens, quod illustramus, caput, publicam nominat, cuiusque auctor me- „rito Vladislaus IV. habetur: qui tamen in hoc non Poloniae saltem, sed & Litua- „niae curam gessit, assignando per PACTA sua §. *A iż apparat*. in sumtus, sum- „mam, qualem bonorum Regionum possessores nomine simplicis donatiui in The- „saurum intulerint.

2. Qui eadem, quae hac de re in PACTIS Vladislai continentur, in suis „§. *A iż apparat*. iisdem plane verbis repetit, vt videatur primus voluisse institue- „re, quae frater iam ordinauerat.

3 Cum noua quarta pro vastata per bellum bona Regia, non sufficeret, ad- „diti a. 1659. prouentus ex *vini depositorio*, in annum vnum, & ex primis vacantibus „Capitaneatibus & tenutis, exceptis tamen Capitaneatibus cum iurisdictione, in „perpetuum duo in Regno promissi sunt, quorum annui redditus tringinta millia flo- „renorum aequarent, & in Lituania totidem, sed quindecim tantum millia efficien- „tes, qui Capitaneatus seu tenutae, in rei tormentariae praefecti potestate essent, „vt redditus ex illis, nonnisi in bellicum apparatum, sub peculatus poena, impen- „deret, ac ad id iureiurando obstringeretur, rationemque erogatorum in singulis „comitiis, statim post sententias Senatorum, & exhibita Senatus consulta, ad nun- „tiorum terrestrium instantiam redderet. CONST. a. 1659. p. 10. tit. *Porządek*. „Stetit tamen promissum intra verba, vt necesse fuerit, illud a Regibus, qui post „Iohannem Casimirum imperarunt, in suis PACTIS, §. *Bellicam Oeconomiam*, repeti, „quo aliquando impleretur.

4 Secutus exempla Michaelis & Iohannis III. Augustus II. idem in PACTIS, „§. *Publicam Oeconomiam*, quod Illi olim, promisit: scilicet, „velle se publicam „Oeconomiam, secundum antiqua iura Vladislai & Iohannis Casimiri conseruare; „illi promissos, per CONST. a. 1659. duos Capitaneatus, quam primum vacui „fuerint, addere, ac curare, vt rei tormentariae praefectus, semper sit patricius „& bene possessionatus; vt pecunia in apparatum bellicum destinata, in Regno ex „K 3 „quarta



„quarta, in Lituania ex simplicis donatio solvatur; & dictus praefectus in Comitibus perceptorum subsidiorum ac expensarum nomine, rationem reddat.

## §. LIIL.

MILES NEQVE ALIVNDE ARCESSENDVS, NEQVE  
EXTRA REGNVN MITTENDVS, NEQVE  
DOMI NOVIS SVPPLEMENTIS  
AVGENDVS.

Nullum exercitum extraneum, sine speciali consensu Reipublicae, in viscera Regni admitteremus<sup>1</sup>; neque Quartianos<sup>2</sup>; neque alios milites novis supplementis augebimus<sup>3</sup>, aut sine speciali consensu Reipublicae, extra limites educemus<sup>4</sup>; & si quis contrarium fecerit, licet litteris nostris pro conscribendo milite subreptitiae obtentis, instructus; talem pro perduelli, infami ac hoste patriae declaramus<sup>5</sup>.

1 Non modo belli arbitrium Rex cum Republ. commune habet, sed & sine quibus geri haud potest, Ordinum consensu paranda sunt. Potiorem partem constituunt milites, quos per Se, siue aliunde arcessere, siue in Regno scribere, Principi iam ex longo tempore integrum haud fuit. Nomine Stephani in ipsius pactis promissum fuit, auxilia externa nequaquam in Regnum adductum iri, nisi cum consensu Senatus & Ordinum: VOL. CONST. p. 252. quod in successorum PACTIS, §. woysk Cudzoziemskich, praeter Sigismundum III. repetitur, simul iuxta Regnum, & Lituania memoratur; ac in nonnullis annexae provinciae adduntur. Sed & Sigismundus III. fatetur, per vetera iura externum militem scribere haud esse licitum, ac per constitut. suam obstringit fidem, Se id non facturum, nisi expresso omnium Ordinum in Comitibus consensu, negotio hoc prius ad conventus particulares relato. CONST. a. 1629. tit. O zaciagu. Nec minus quod hac de re in Vladislai IV. pactis continetur, a. 1638. nova lege, eaque perpetua, firmatum ac ad successores extensum. CONST. a. 1638. p. 7. tit. O Suplementach. Memoranda Augusti II. severitas; Qui a. 1699. singulari diplomate, in externas copias, siue ex Saxonia, siue aliunde, absque consensu totius Reipublicae, Poloniam ingressi fuerint, tanquam in hostes patriae, Nobilitati communem motum concessit. CONST. a. 1699. p. 39. tit. ubezpieczense. Cum autem militis Saxonicus opera Respublica adversus hostem vteretur, fidem dedit Idem Rex Augustus II. Se eundem, quam primum fieri potuerit, in Saxoniam dimissurum, & si bellum conficeretur, nunquam in viscera Regni reuocaturum, neque in eius sustentationem pecuniam aut com meatum exactum iri. Poparcie Sendomirsk. konfederacyi a. 1710. p. 7. Denique, per Tractatum Varsaviensem a. 1717. nunquam tum Saxoniae, tum aliae exoticae copiae, siue sub titulo necessitatis inevitabilis, siue ex consensu Senatus consilii, siue sub quocunque praetextu, in terras Regni Poloniae & M. D. Lituaniae, iunctasque iis provincias, reduci debent. CONST. a. 1717. p. 5. Licet tamen Reipublicae consensu, externum militem accire: quo modo Sigismundus III. a. 1629. Caesaris auxilia contra Suecos obtinuit. PIASEC Chron.

Chron. p. 406. Iohannes Casimirus pactus sibi a. 1657. adversus eundem hostem, quod comitia haberi non poterant, ex Senatus consilio, a Leopoldo, Rege tunc Hungariae & Bohemiae, mox Romanorum Imperatore, auxilia, KOCHOV. Annal. Clim. III. p. 215. quae Ordines una cum caeteris, quae inter utrumque Principem convenerant, in Comitibus a. 1658. suo consensu rata habuerunt. CONST. a. 1658. p. 1. tit. Aprobacya. In confederatione Sendomiriensi, Ordines suam, belli adversus Suecos non minus fortiter quam feliciter gerendi profitentur fiduciam, quod Rex omnibus suis viribus, omnibusque qui adinueniri potuerint, modis, Rempublicam tueri promiserit: KONFED. GENERAL. pod Sendomierzem p. 10. spondetque Rex Augustus II. vicissim suis litteris, in congressu pro illa confederatione ad Sendomiriam instituto, reddita pace, statim suum exercitum ex Regno, Lituania & annexis provinciis in Saxoniam dimissurum. KONFED. GEN. p. 2. In consilio magno Mariaeburgensi a. 1703. sancitur, ut Rex & Respublica, copiis, cum domesticis, tum externis auxiliariis, defendantur. Epist. ZAL. T. III. p. 451. Et in Comitibus a. 1710. eidem militi Saxónico auxiliari, hiberna in finem mensis Aprilis conceduntur. POPARC. a. 1710. p. 7. Obiectum quidem, ante dictam Confederationem Sendomiriensem, Augusto II. ac si Saxones suos, in scia Republica in Regnum duxisset, sed ipse Rex publico diplomate suam causam egit. „Militem, inquit, nostram, in solam Regni vitaeque nostrae tutelam, tam iure naturae, quam pactis conventis & Senatus Consilio indultam, reservamus, ea praxi, qua licuit olim suas cohortes alere, Henrico Valensio, Stephano Bathoreo, & Sigismundo III. procul omni censura, & securiore, quam nos fruimur, folio. Epist. ZAL. T. III. p. 397. Obtulerat enim, cum Regnum peteret, quovis ingruente periculo, sex millia suorum militum, & poscentibus statibus & Ordinibus Regni, eosdem suis sumptibus alere: Propositiones Regiae PACTIS CONVENTIS adiectae, §. Wierzeby, nec minus in hanc rem Senatus consultum accessit, cui ipse Primas Radzeiovius, subscribere non dubitavit. Memoires sur les revolutions de la Pologne p. 85. (1)

2 Est miles perpetuus, a Sigismundo Augusto institutus, ut pro securitate limitum in terris Podoliae, adversus Tattaros excubaret, habetque nomen a parte quarta redituum ex bonis Regiis, in stipendium ei assignata.

3 Per CONSTITUTIONEM a. 1629. p. 2. tit. Zaciagu, nullum militem sine Ordinum consensu scribere licet, neque per PACTA Regum §. Woysk Cudzoziemskich, a Vladislai IV. tempore, quibus simul supplementatum Quartianorum, tum aliorum militum prohibentur: imo Michael & Successores, id ne quidem ad quovis motus civiles fieri volunt. Cum a. 1637. ex Senatus consilio, sine omnium Ordinum consensu scriberentur novi milites, necessitate id in sequentibus comitiis excusabatur, cauebaturque, id neque iuribus derogare, neque in posterum fieri debere, CONST. a. 1637. p. 2. tit. Przyczynienie, quod mox nova lege in perpetuum firmabatur. CONST. a. 1638. tit. O Suplementach. Nihilominus Vladislai IV. inductus ad belli societatem, contra Turcas, a Venetis, in sciiis Ordinibus, magnam legebat militum manum, quod hi aegerrime tulerunt, suisque expostulationibus effecerunt, ut non tantum novae copiae dimitterentur, sed & Regum, in conducendo milite, aliquoties restricta facultas, novo scito coerceretur. PIASEC. Chron. p. 507. CONST. a. 1646. p. 1. tit. O Zaciagu.

4 Promisit in pactis suis Stephanus, se milites stipendiarios, extra Regnum, in sciiis Ordinibus, non missurum. Nihilominus Sigismundus III. ordinibus in sciiis ac aegre ferentibus, Ferdinando II. Caesari auxilia submisit, quo apud eius hostes



hostes magnam sibi inuidiam parauit, & Turcam in primis non leuiter irritauit. *Piasse Cbron. p. 323. 326. 329.* imo classem suam nouem nauium, quam habebat vnicam, ex portu Gedanensi, Vismariam, in Caesaris vsus iussit tendere. *Piasse Cbron. p. 404.* Quibus rebus videntur Ordines permoti, vt *Vladislaus IV.* ad *Stephani* exemplum, per *Pacta §. Woysk Cudzoziemskich*, obstringerent, ne sine scitu & consensu Reipubl. milites extra fines duceret: quod & a Successoribus exigere placuit. Maluit tamen *Vladislaus* Patris exemplum sequi, concedendo Caesari *Ferdinando III.* aduersus *Galliae* Regem copias, quae seuerioribus comminationibus Procerum reuocatae, quod has suppetias, veteri cum Gallis amicitiae aduersari credebant. *Piasse Cbron. p. 488.* Recepit quidem a. 1658. *Daniae* Rex, a *Iohanne Casimiro*, sex millia equitum, *Czarnecii* & *Opalenii* ductu in subsidium, *Kosnov. Annal. Clim. II. p. 319.* id tamen ex mutuo foedere, praecedenti anno *Hafniae* inito, quod Respublica in omnibus suis capitibus ratum habuit. *Const. a. 1658. p. 2. tit. Aprobacya pactorum z Krolem.* Denique *Iohannes III.* in perennitatem Sui & gentis gloriam, cum integro exercitu a. 1683. aduolabat, vt *Viennam*, obsidioni & ultimo discrimini eriperet, verum pariter foedere obstrictus, quod in dicti anni comitiis, Reipubl. consensu, cum Imperatore *Leopoldo* factum. *Zal. Epist. T. I. p. 807.* Educere autem contra mentem Reip. ultra fines Regni incolas, siue quod milites lecti, siue sub quocunque alio praetextu, poeniscriminalibus per *Tract. Varsav. a. 1717.* interdicatur. *Const. a. 1717. p. 38.*

5 Per CONSTITUTIONEM a. 1646. p. 2. fama & bonis mulctantur, qui sine Reipubl. consensu, etiam Regiis litteris muniti, militiam scripserint. Et in *Pactis Michaelis, Iohannis III. & Augusti II. §. Woysk Cudzoziemskich*, infames, perduelles, hostes patriae, quos quilibet veluti iuris publici violatores tollere possit, & capita inuindicabilia declarantur. Praeter quod in pactis *Iohannis III. §. cit.* poenae hae in eos statuuntur, qui litteris eiusmodi destituti, Regium nomen falso obtinent.

## §. LIV.

MILES EXTERORVM MORE NON LEGENDVS, ET  
EXERCITVS AD NOVAE LEGIS MENTEM  
SERVANDI.

More exterorum milites legere nemini permittemus<sup>1</sup>: exercitum autem vtriusque gentis & auctoramenti ad mentem Constitutionis a. 1717. seruabimus<sup>2</sup>.

1 In hoc *Pacta Michaelis & Augusti II. §. Cudzoziemska-maniera*, praeiuerunt, quae id & ex Senatus consulto, sine consensu Reipublicae, fieri vetant.

2 Ordinata est a. 1717. nouo modo militia, cum per *Tractatum Varsauensem* conueniret, ex praesentibus copiis, ad peculiarem computationem, ab vtraque parte, quoad numerum & conditionem probatam, ac litteris Regiis durante tractatu roboratam, nouum exercitum in Regno Poloniae & Magno Ducatu Lituaniae, certo simul stipendio, statis temporibus, per scriptum ad Archiuum, auctoritate dicti tractatus ratum habitum, decreto legere. *Const. a. 1717. p. 17.* Accessit consti-

constitutionis auctoritas, cum Regni, *Const. a. 1717. p. 53.* tum Lituaniae, *Const. Lit. p. I.* nomine, hac saltem differentia, quod copiis in Polonia, tempus, quo stipendium merere inciperent, ad diem primam Februarii, in Lituania ad diem primam Martii, praescriberetur. Dicitur ille exercitus vtriusque gentis, Poloniae & Lituaniae, potestque haberi pro duobus, quorum alter Regni, alter Lituaniae Ducibus paret, ille ex Regno, hic ex Lituania stipendium recipit, ac prior octodecim, posterior sex millia explere debet. Appellatur autem vtriusque auctoramenti, quod duplici modo, Polonico & extero auctoratus est. Equitatum enim conficiunt hastati (*Husarze*), loricati, (*pancernicy*), velites seu leuiter armati, quibus aliquot centeni *Heydones*, qui pedestes milites, accedunt. Quae genera militum, quod Polonis propria, polonici habentur auctoramenti. Praeter dictum equitatum, sunt Dragones vt vocantur & pedites, more Germanorum vestiti, armati ac militantes, imo ipsi maximam partem Germani, quibus inde recte nomen exteri auctoramenti inditur.

## §. LV.

## MELIOR MILITVM ORDINATIO.

Obstricti etiam erimus, deliberatione cum Ordinibus Reipublicae instituta in futuris coronationis comitiis, curam adhibere, vt militia equestris & pedestris, in optimum ordinem, & ad talem numerum reducatur, vt omni occasione ingruenti sufficientem se probet<sup>1</sup>, pariter, ne bona terrestria & ecclesiastica, vtriusque partis<sup>2</sup>, ac Regia, transitu & stationibus a milite exauriantur<sup>3</sup>, & vt milites in disciplina militari maneant, ad mentem dictae legis nouellae 1717.<sup>4</sup> Cauebimus in posterum, ne vlla vexilla & regimenta vtriusque auctoramenti vendantur, nisi bene meritis<sup>5</sup>.

1 Iam *Vladislaus IV.* quod ex eius *Pactis* constat, §. *Powinni też bedziemy*, in comitiis coronationis suae, cum Ordinibus de militia equestri ac pedestri melius ordinanda, consultare voluit, quo externis copiis in posterum carere posset Respublica. Idem a successoribus repetitum, manifesto argumento, rem effectum caruisse. In nouissimis tamen coronationis comitiis, nihil de militia discerni potuit, quod iisdem prorogatis, non tantum de militia, sed & de rebus aliis consultationes differri debebant. Redigendus vero esset miles ad eum numerum, qui a. 1717. descriptus, quemque haud parum imminutum, inter omnes constat.

2 Legendum sine dubio vtriusque ritus, quod vocabulum *Augusti II. Pacta §. Powinni też bedziemy*, habent. Intelliguntur autem tum Romano-Catholicorum, tum Graecorum vniuersum bona ecclesiastica.

3 Voluit *Vladislaus IV.* in allegatis *Pactis* pariter prouidere, vt incolae omnes, iniuriis militaribus liberarentur, militesque ipse ex suo stipendio viueret. Secutus Fratris exemplum *Iohannes Casimirus*, addunt Successores, bona quaevis, nominatim, spiritualia, Regia & terrestria, per stationes & transitus copiarum



rum non esse affligenda. §. c. *Powinni* & §. *Obiecuemy*. Praeterea sunt leges omnium temporum, ac magno numero, quibus militum licentia coercetur, quas cumulare non minus taediosum foret, quam legere.

4 Amplissime in *CONST. a. 1717. p. 58. tit. Disciplina*, disciplina militaris describitur, ut servatis, quae eam ob rem, salubriter olim decreta, miles ad morem in exteris Regnis & Rebus publicis receptum, ex solo suo stipendio viuat; victum ac alia necessaria, tum in itinere, tum in hibernis, ac aliis stationibus, praesenti pecunia, iusto pretio emat; ab incolis neque pecuniam, neque comestum, neque alia omnia exigat; bonis terrestribus, Spiritualibus & Regiis, siue transeat, siue in illis subsistat, nullam iniuriam inferat: cactera breuitatis studio, omittimus.

5 Docet usus, centurias & integra regimenta, aut si legiones appellari mavis, a Centurionibus suis & Tribunis aliis vendi, Regia tamen accedente auctoritate & consensu.

### §. LVI.

#### REDEMTIO DRAHIMI, ET TERRITORII ELBINGENSIS &c.

De redimendo Drahimo<sup>1</sup> & territorio Elbingensi<sup>2</sup>, ut & ratione traiectus ad ciuitatem Neuburgensem<sup>3</sup>, nec minus de Lisnouiensi ac aliis templis<sup>4</sup>, pariter de omnibus praetensionibus veteribus & recentibus<sup>5</sup>, cum aula Berolinensi conferemus, & ex vi pactorum componere allaborabimus<sup>6</sup>.

<sup>1</sup> Praefectura Drahimensis, in maiori Polonia, ad Pomeraniae fines sita, a. 1657. Electori Brandenburgico per Brombergense pactum, centum & viginti millibus thalerorum imperialium, intra triennium pro milite auxiliari soluendis, inscripta fuit; ita quidem, „ut solutione non praestita, post exitum triennii, Elector vel Eius Successores, dictam Praefecturam, cum omnibus pertinentiis, propria auctoritate, facta tamen prius solutionis requisitione & denunciatione, sine additione alicuius officii, in possessionem accipiendi, indeque omnes fructus percipiendi, iisque ad plenariam inscriptae summae solutionem, ius ac potestatem habeat. *Pv r. de Reb. Frid. Wilb. L. VI. §. 82.* Cum vero nec post decennium soluta esset pecunia, occupauit a. 1668. praefecturam Elector, *Pv r. L. X. §. 64.* quae ex eo tempore in Serenissimorum Successorum ditione mansit. Acgre id ferebant Ordines, qui interregni, quod statim sequebatur, tempore, per legatum postulabant: „ut Elector praefecturam in manus Reipublicae restitueret, salua in futurum, apud eligendum Regem & Remp. decenti in Comitibus Regni generalibus requisitione, quae tanto facilius apud utrosque locum inuentura esset, si vicissim ab Electore, ratione non subministratorum subsidiorum, ad bella Moschouitica & Cosacica, ex pactis debitorum, Reipublicae praestita fuerit compensatio. *Epist. ZAL. T. I. p. 73.* Legatione autem irrita, placuit Ordinibus, nouo Regi *Michaeli*, in *PACTIS CONVENTIS §. O eliberacya*, hoc negotium commendare, ut modum aliquem cum Electore iniret, quo Drahimum redimeretur: quod & in pactis *Iohannis III. ac Augusti II. §. O eliberacya*, factum.

Anno

Anno 1726. maioris Poloniae bini Palatinatus, Posnaniensis & Califfiensis, consensu omnium Ordinum, Capitaneatum illum redimere decreuerunt, penes quos ille tam diu maneret, donec numeratam pecuniam Resp. illis refunderet, simul nominati Commissarii, qui redemptionis curam agerent, & Capitaneatum hunc reciperent. *CONST. a. 1726. tit. Wykupno starostwa.* Nec minus Commissariis, qui Regis & Reipublicae nomine, cum Regis Prussiae legato, de controuersis quae adhuc durant, agerent, in comitiis dicti anni iniunctum, ut negotium Drahimense perficerent: *CONST. d. a. Komisyja z dworem Berlinsk*, quod in conuocationis comitiis anni 1733. Primati, additisque ei Consiliariis, iterum commendatum fuit. *KONFED. p. II. §. 44.* Interea coepit colligi in redemptionem pecunia, a memoratis Palatinatibus, collataque fuit summa non modica, quam furbis intestinis, per vim fuisse ablatam, ac in priuatos usus conuersam, Variäuiensis, post Regis electionem, confoederatio indignatur, ac restitui imperat, data iudicio confoederationis, in refractarios animaduertendi potestate. *KONFED. §. 14.*

<sup>2</sup> Per aliud pactum, pariter Brombergae a. 1657. initum, cessit Rex Poloniae, propter armorum aduersus Suecos coniunctionem, ac alias rationes, Electori Brandenburgico, ciuitatem Elbingensem, „cum toto eius districtu ac territorio, pleno domini iure, vna cum redditibus, Regi Regnoque Poloniae pendit foris, quam primum Suecis erepta, citra vllas praetensiones vel dilationes tradendam. *Pv r. de R. Frid. Wilb. L. VI. §. 80.* Verum Elector, suo & haeredum nomine promisit, dictam urbem cum suo territorio, solutis a Rege & Regno Poloniae ex propria pecunia publica, quadringentis millibus thalerorum imperialium, Eidem Regi ac Regno in proprium usum, pro se tantum redimentibus, redditum iri. *Pv r. L. c. §. 81.* Cum autem Sueci, qui eo tempore ciuitatem tenebant, post pacem Oliuensem discessissent, statim Polonicum praesidium impositum, Electore sibi ex fide pactorum urbem tradi frustra postulante. Post varia de hac re colloquia, tandem a. 1661. legati Electoris scripto declarabant, se iuri in urbem & territorium Elbingense renunciasse, ac ex summa quadringentorum millium, centum millia thalerorum imperialium remisisse, ea lege, ut dum vel fiet solutio, vel in eius fidem tradetur Elbinga, Elector Brombergum & Frauenburgum, Varmiensis Episcopatus ciuitates, retineat. *Pv r. L. IX. §. 19. Epist. ZAL. T. II. p. 667.* Vtraque tamen ciuitas, ante numeratam pecuniam, a. 1663. Episcopo reddita, nec minus Electorem Elbinga carere oportuit, donec eandem copiae Brandenburgicae a. 1698. occuparent. Reddita ciuitas, a. 1700. inito antea, die 12. Decembris anni 1699. Variäuiae nouo pacto, per quod, quouis iure & praetensione hypothecae Elbingensis, aliisque inde emergentibus in perpetuum abolitis, Regis & Reipublicae nomine solutio trecentorum millium thalerorum imperialium, intra trimestre, post proxima comitia, promittebatur, simul in maiorem dictae summae securitatem, lapides pretiosi ex Regni thesauro tradebantur, addito, ut si constituto tempore, pecunia numerata non fuerit, Serenissimo Electori Brandenburgico integrum sit, territorium vrbis Elbingensis patrimoniale, vna cum solito usufructu, sine quouis impedimento occupare, illudque sine quauis innouatione, vna cum dictis lapidibus pretiosis tam diu possidere, donec memoratam summam receperit. *Epist. ZAL. T. II. p. 893. 894.* Pecunia autem tempore constituto non numerata, tractum Elbingensem, qui ad ciuitatem pertinet, Serenissimus Prussiae Rex occupauit, & adhuc tenet. Decretum quidem fuit a. 1703 & 1710. in Comitibus, certum, quo redimeretur tributum, at destituit hanc curam, successus, quod non collata pecunia. Quare praeter alia & hoc negotium Regis & Reip. *Commissariis*, a. 1726. mandatum, de quo cum Regis Prussiae

L. 2

suae



fiae legatis agerent: *CONST. a. 1726. tit. Komis. z dworem Berl.* quod & ordinibus in Comitibus conuocationis a. 1733. placuit, vt ex illorum confederatione p. II. patet.

3 Est traiectus Vistulae, in Prussia, vt dicitur, Polonica, prope Neuburgum oppidum, quem sibi anno 1657. vindicauit Elector Brandenburgicus, *PVFEND. l. c. L. VIII. §. 82.* in primis, quo copiis in suam Prussiam, sine aliena opera, qua vsus alias fuerat, liber esset transitus reditusque. Quae de ea re statim post Oliuensem pacem Poloni, quibus Electoris nomine responsum: indulgere eos inanibus suspicionibus, velut Elector nouum ibi vectigal meditetur; cum id per pacta, neque Electori, neque Polonis licitum sit. Quin priuato nobili licentiam esse traiectus ad proprios vsus. Atque istam litem fere prouenire a priuato lucro Capitanei Neoburgensis, & Doenhofio Münsterwaldae domino, qui olim traicientibus electoralibus praemio affecti fuerint. *PVFEND. l. IX. §. 17.* Nihilominus postulat saepius, vt Elector, traiectu isto abstineret, ac sponderant in *PACTIS* suis, *O liberacyq, Michael, Iohannes III. ac Augustus II.* hanc controuersiam, per *commissiones*, ex vi pactorum componere: quae per *Tractatum retraditae Elbingae*, a. 1699. ad peculiarem *commissionem* dilata fuit, *Epist. ZAL. T. II. p. 894.* cuius effectum adhuc expectamus.

4 In *Pactis* Velauiensibus, quibus Electori illius temporis Brandenburgico, Eiusque descendentes, masculis, supremum Prussiae suae dominium concessum est, Religioni Catholicae Romanae, hoc modo prospectum est, „vt eadem, prout ante bellum Suecicum, iuxta antiqua & recentia Pacta, in Prussia Ducali, viguit aut vigere debuit, conseruetur aut restituatur; vt liberum sit eandem profiteri, nec ullus ob eam interpelletur; vt sacella & oratoria, ac bona omnia ecclesiastica, Romano-Catholicis appertinentia, vbis, tam in confinibus, quam alibi, integra, tuta & concessa illis sint, in iisdemque liberum, ex doctrina institutisque Catholicis Romanis exercitium habeant &c. *PVFEND. l. c. L. VI. §. 78. p. 384. (b).* Affligi tamen non vno modo, ob suam Religionem Romano-Catholicos, neque ad mentem allegatorum pactorum cum iis agi, iam superiorum temporum querela fuit. Anno 1675. Primas *Olczouius* ad Regem *Iohannem III.* perferipit: „attollere ad Eius Maiestatem, manus, gemebundam Religionem Catholicam in Ducatu Prussiae, in persona Comitissae Schliben oppressam; hunc odio Religionis affligi, & sola de causa, quod filiam suam, ab Episcopo Cuiuensi, Catholicum ritu curauerit baptizari, ad instantiam fiscalis, sine dilatione, in multam 30000. Imperialium condemnatum; alios quoque Catholicos, & eos, qui ad fidem illius Ecclesiae disponantur, intolerabiliter grauari, vnico fine, vt ex Ducali Prussia stirpitus nomen Catholicum eradicetur. *Epist. ZAL. T. I. p. 653.* Nec minus Celsissimus Varmiensis Episcopus, a. 1708. periculum Sacrorum, in illa Prussiae parte, ad Nuncium summi Pontificis, in Polonia detulit. *Ep. ZAL. T. III. p. 83.* Hodiernus vero Celsissimus Primas, in peculiari libello, Augusto II. a. 1725. oblato, exponit: „Ecclesias Romano-Catholicas, sacerdotesque & ministros eorundem, iuribus, iurisdictionibus, ac redditibus, ab antiquo, vigore pactorum sibi compentibus spoliari, aliisque plurimis molestiis & angariis peredita noua, & nunquam super diuinis peragendis practicata; tum per comminationes exilii, praesertim ab Ecclesia Lindana vexari. Reipublicae autem desideria, ratione Ecclesiae Lisnouiensis, Romano-Catholicis restituendae, minime attendi. Quod vero ad Lisnouiensem, seu Lisenauiensem templum, cuius in pactis fit mentio, sigillatim attinet, dicitur illud a pago Lisenau in Pomesania, ad fines Prussiae Polonicae,



Polonicae, prope oppidum Lessense, in quo cultus sacer ad ritum Ecclesiae Romano-Catholicae olim peractus, quodque anno 1722. Lutheranis fuit concessum aut restitutum. Factum id Regis Prussiae auctoritate, Cuius nomine rationes allegabantur: „Ecclesiam illam expressa hac conditione fundatam, vt ad eam nunquam alius nisi Augustanae confessioni, eiusque iuxta corpus doctrinae Prutenicum & formulam Concordiae, purae nec vlllo modo suspectae doctrinae additus Pastor vocetur, in casum neglectae huius conditionis iure, pastorem eiusmodi vocandi, Serenissimo concedenti disertis verbis reseruato; sequentibus temporibus Augustanae confessioni addictos ministros sacram rem curasse, & licet nonnulli ex possessoribus illorum bonorum, in primis Orzechouius a. 1674. sacerdotem religionis Romano-Catholicae templo praefecerint, id tamen factum sine approbatione supremi territorii Domini, & per conniuentiam saltem officiarum Brandenburgicorum toleratum fuisse; pacta Velauiensia dicto templo subuenire non posse, cum illa tantum de exercitio Religionis Romano-Catholicae loquantur, prout ante bellum Suecicum viguerit, at in templo isto Sacra, ritu Romano-Catholico, post bellum Suecicum, circa annum 1674. coeperint; Si autem Patrono Catholico licuerit, contra primam foundationem, suae religionis exercitium inducere, maiori iure praesentem Patronum, Augustanum Confessionem profitentem, priora sacra, ad primam foundationem reuocare. Fuit & ad caetera, quae Celsissimus Primas obiecerat, quaeque pariter religionem tangebant, responsum: „Catholicos plenissima quiete & libertate a tempore satis longo perfrui, nec ea tantum, quae per pacta Velauiensia competerent, sine turbatione possidere, sed pro extensione suae Religionis haud pauca illis indulta esse, quae tenor pactorum negaret. Cum in pactis Velauiensibus vnica tantum publica Ecclesia Romano-Catholica memoretur, earum in Prussia Brandenburgica non contemnendum numerum existere, quae cultui, secundum ritum Romano-Catholicum publice & solenniter peragendo seruiant, imo & spectabile Iesuitarum Collegium intra prouinciam conditum esse, ac non paucos huius instituti Viros, hinc inde domicilium constituisse. De Collegio Iesuitico ad sacram Lindam, ne minimum quidem in pactis vestigium apparere, summa tamen Regis mansuetudine, benignitate & conniuentia illud foueri. Nemini autem Catholicorum, non modo de iis, quae vigore pactorum tenent, sed ne de his quidem, quae per usurpationem nactus sit, quicquam huc vsque ereptum, aut de iuribus, & redditibus, qui in possessione Catholicorum hactenus fuerint, vel obulum subtractum esse. *Litterae de grauaminibus Reipubl. Pol. contra Regem Pruss. p. 5. 19. 25.* His addimus in *Tractatu Varfauensi*, *CONST. a. 1717. p. II.* Regni & Lituaniae Cancellariis, iura Ecclesiarum Catholicarum, in Prussia Brandenburgica, iuxta praescriptum legum, ac tenorem tractatuum veterum commendari.

5 Iam olim Regi & Reipublicae Polonae, cum Electore Brandenburgico, qua Prussiae Duci, controuersiae intercesserunt, quarum initium statim post Velauiensia & Brombergensia pacta, repetendum. Audita enim mutua obiectio, impleta non fuisse pacta, aut latius extensa, quam mens paciscentium ferret, quem omnium disceptationum fontem haud immerito dixeris. In *PACTIS* *Michaelis* & Successorum, §. *O liberacyq*, praeter militem auxiliarem & alia esse, quae sibi ab Electore deponere possit, credit Respublica. Quae nostra aetate ortae quaelae, recenset Celsissimus Primas, in libello, nota proxime praecedenti, allegato, suntque praeter illas, quae rem sacram Catholicorum afficiunt, & quae a nobis modo memoratae: „quod Serenissimus Prussiae Rex homagium euentuale, Sacrae Regiae Maiestatem & Reipubl. Polonae praestari non curet; in praeiudicium con-



„fessionis Augustanae, Religionem Reformationum promoueat, templa magnifica  
 „exstruat, ac personas eiusdem Religionis in muneribus primariis collocet; pro-  
 „pugnaculum Bolverkschantz, ac domum vigiliarum in suburbio Elbingensi, suo  
 „milite teneat; salem transmarinum Elbingam vehi non permittat; capitatio-  
 „nem a colonis Elbingensibus exigat; & quod denique milites violenter homi-  
 „nes abducant. Regerebantur ad haec: „Non stetisse per Regem Prussiae, quo  
 „minus adessent, qui Regis & Regni Poloniae nomine homagium euentuale ex-  
 „ciperent, ius tamen euentualis successionis Regi & Regno, expressis verbis fuisse  
 „se seruatum integrum; templum pro vsu coetus reformati, Regionem quidem  
 „esse exstructum, id tamen in pactis non prohiberi, & paucos illos, qui ex Re-  
 „formatis, publicis officiis admoti, ne minimam quidem Lutheranae confessioni  
 „addictis, querendi praebuisse materiam, ipsamque confessionem Euangelico-  
 „Reformatam, per Velauiensia pacta in Prussia expressis verbis stabiliri; propu-  
 „gnaculum Bolverkschantz, ad mentem tractatus retraditae Elbingae occupare  
 „licuisse, allegatam autem domum vigiliarum apparere nusquam, omni licet di-  
 „ligentia adhibita, vt reperiretur; primos Elbingenses salem Halensem in Prus-  
 „siae praefecturas transuehi impediuisse, inde eodem iure salem transmarinum  
 „Elbinga arceri potuisse; hominum denique ad militiam coactiones, a Regia  
 „Maiestate Prussiae nec imperatas vnquam, nec approbatas, sed seueris potius  
 „poenis coercitas, aut si quid tale commissum, euidenter probatum fuerit, in  
 „reos summo rigore animaduersum; ipsosque per vim abductos, liberos dimissos  
 „fuisse. *Litterae de grav. Reipubl. Pol. contra R. Pruss. p. 515. sq.*

6 Modum componendi controuersias, pacta Velauensia §. XVIII. conti-  
 „nent, voluntque: „vt si super limitibus inter vtramque partem, aut subditos vtri-  
 „usque partis, ratione videlicet limitum, aut inter suam Regiam Maiestatem ac  
 „Successores Reges Regnumque Poloniae & M. Ducatum Lituaniae, & Serenita-  
 „tem suam Electoralem, Eiusque Successores, circa obseruationem & executio-  
 „nem foederis ac praesentis conuentionis, aliaue quauis de causa, aliqua dubi-  
 „tatio aut controuersia exoritur, per Commissarios, ad instantiam, tam suae Re-  
 „giae Maiestatis, quam suae Serenitatis Electoralis, intra bimestre spatium, ab  
 „vtraque parte, aequali numero nominandos, quique, si opus est, in rem praesen-  
 „tem conueniant, amice componatur ac definiatur. *PVFEND. Res Frid. Wilh. L. VI. p. 385. (a)* Fas piūque erat, viam parare, qua contentiones, si quando ob-  
 „venirent, sifterentur, ne inter vicinos Principes, ac perpetuo foedere confictos,  
 „quae offenderent, statim armis ac ciuium sanguine vindicarentur. Inde Regum  
 „pacta a *Michaelis* tempore, §. c. commissiones praecipiant; inde tot de mutuis  
 „controuersis colloquia; tot amicae per litteras expostulationes; inde & nouissi-  
 „me per Constitutionem, lecti ex senatu & equestri ordine, qui de omnibus, de  
 „quibus adhuc disceptatum, agant, salua relatione & approbatione transactionum  
 „in proxime futuris comitiis: hoc adiecto, vt, si non impetrentur, quae iure exi-  
 „guntur, Rex comitia extraordinaria duarum hebdomadarum, publicatis simul, in  
 „communem nobilitatis motum, restium litteris, vnīs pro duabus, indicat, vt eo  
 „celerius & certius obtineatur, quod frustra antea postulatum, *CONS. a. 1726. tit. Komisja z dworem Berl.* quam Commissionem Ordines in Comitibus conuo-  
 „cationis probarunt. *KONFED. p. II.*



## §. LVII.

## IVRA LAVENBURGENSIUM ET BITOVIENSIVM.

Et nominatim, vt iura, priuilegia, immunitates, tractus  
 Lauenbergensis & Bitouienfis<sup>1</sup>, tam ecclesiastica, quam ciuilia,  
 prout per omnia, sub immediato dominio Regni<sup>2</sup>, iisdem vte-  
 bantur<sup>3</sup>, iuxta iura<sup>4</sup> & constitutiones Regni<sup>5</sup> conferrentur,  
 prouidebimus, & ne incolae equestri Ordinis, vltra consensum  
 vnanimem in comitiolis suis, tributis onerentur<sup>6</sup>, apud aulam  
 Berolinensem bona nostra officia interponemus.

1 Sunt illi tractus, Prussiae, vt vocatur, Polonicae, ac partem Palatinatus  
 Pomeraniae constituerunt, qui concessi olim Ducibus Pomeraniae clientelari iu-  
 re, redierunt ad parem cum caetera Prussia conditionem, subque immediatum  
 Regis Poloniae imperium, cum Vladislai IV. tempore, stirps Ducum Pomer-  
 niae mascula extingueretur. Durauit ille status, in annum 1657. „quo propter  
 „armorum aduersus Suecos coniunctionem, ac rationes alias, per pacta Brom-  
 „bergenfia, Electori Brandenburgico, Eiusque ex legitimo matrimonio posteris  
 „masculis, vtraque praefectura, eodem iure, quo tenuerant olim Pomeraniae Du-  
 „ces cessit, his additis conditionibus: vt Elector Eiusque Successores, ad singulo-  
 „rum Regum coronationes, consiliarios aut officiales suos mittant, qui ius feu-  
 „dale, de praefecturis istis ad Regnum Poloniae pertinens, recognoscant, & litte-  
 „ras eius recognitionis & renouationis feudi, quae gratis debent dari, a nouis  
 „Regibus accipiant; vt exercitium Religionis Catholicae, prout ad illud tempus  
 „fuit, liberum sit; iurisdictio Episcopi Vladislaiensis, & prouentus parochorum  
 „& ecclesiarum integri maneant; causae matrimoniales, tam Nobilium, quam  
 „plebeiorum, foro ecclesiastico relinquuntur; nobilitas iuribus, priuilegiis bo-  
 „nisque suis, eodem, quo sub immediato dominio Regis Poloniae, modo, vta-  
 „tur fruaturque; decreta rerum iudicatarum ne violentur; gubernationis & ap-  
 „pellationis eadem sit ratio, quae sub Ducibus Pomeraniae, saluis tamen priui-  
 „legiis; vt denique iura Patronatus Regia, Electori, & nobilibus si quae habeat,  
 „iuxta priuilegia & vsum eorundem seruentur, ita tamen, vt ad Ecclesias Catholicas  
 „parochiales, Elector sacerdotes catholicos, ad commendationem Episcoporum  
 „Vladislaiensium, ab iisdem Episcopis instituendos, praesentet. *PVFEND. de  
 Reb. Frid. Wilh. L. VI. p. 388.*

2 Redierant tractus illi, sub immediatum, vt loquimur, Regis Poloniae  
 imperium, a. 1637. quo & Regno iungebantur. *CONS. a. 1637. p. 9. tit. Rein-  
 korporacya.*

3 Habuerunt Bitouienfes & Lauenburgenses, communia cum Prussis iura,  
 quibus saluis, suo tempore, sub ditionem Electoris Brandenburgici transierunt, vt  
 ex nota (1) constat. Accessit a. 1657. Rescriptum Regium, quo cauetur: „noua  
 „eorundem districtuum infeudatione, iuribus, priuilegiis, immunitatibus & li-  
 „bertatibus nihil esse detractum, nec detrahendum, sed unicuique iura, iuxta  
 „suam conditionem & statum conseruata esse; & conseruatum iri. *HIST. PR.  
 T. VII. Doc. p. 124.* Firmatum hoc Rescriptum Constitutione a. 1659. qua ite-  
 rum



rum incolis illarum terrarum „antiqua iura, honores, praerogativae, consuetudines, & de bonis terrestribus, uti haereditariis allodialibus, libera dispositio. ad „morem Regni, & qua ab immediata Regno incorporatione usi, asseritur, „quare inscriptiones authenticae & manuales, contractus, intercisae, & quaevis publicae & priuatae transactiones, processus, decreta quaevis ac tribunalitia, in suo robore & valore, & in casu amissorum, vel quouis modo amittendorum bonorum terrestrium, liber ad Regem & Rempubicam recursum servatur, saluo iure bonorum & personarum Ecclesiae Catholicae Romanae, saluo & usu ac exercitio illius religionis, ac plena iurisdictione Episcopali, & iure Patronatus, illi, ad quem id pertinet. CONST. a. 1659. p. 31. tit. *Securitas. Michael, Iohannis Casimiri Successor, in generali iurium confirmatione*, simul Lemburgi Bitouiaeque mentionem fecit. CONST. a. 1670. p. 7. Cuius exemplum, Reges, qui ipsum exceperunt, ad nostram usque aetatem, non solum secuti, sed etiam in PACTIS suis, iisdem, quibus in praesentibus, verbis, iura utriusque tractus sibi curae fore, promiserunt. §. *O eliberacya*. Constitutionem vero anni 1659. Augustus II. a. 1699. ad Nuncios terrestrium Prussiae preces, noua lege firmavit, idque, ut ipsis *Illius* verbis utamur, „pro maiori securitate incolarum, quo circa antiquas libertates, „honores, praerogativas, consuetudines, & inuiolatam bonorum terrestrium possessionem, liberamque illorum dispositionem, tum quoque circa iudicia territoria, castrensis & tribunalitia, eum officialibus loci illius, in integro maneant; simul illis ad mentem allegatae constitutionis, si dure habeantur, & iura in discrimine versentur, recursus ad Regem & Rempubicam servatur. CONST. a. 1699. p. 35. tit. *Wwierdzenie securitatis*. Per *Tractatum vero Varsaviensem* Cancellariis iniungitur, iuribus Maiestatis, Patronatus, Nobilium & Ecclesiarum Catholicarum, cum alibi, tum in Terris Lauenburgensi ac Bitouienſi attendere, ne quid contra leges & veterum pactorum fidem fiat. CONST. a. 1717. p. II.

4 Quae in pactis Brombergensibus nota (1) in medium prolatis, continentur.

5 Intelliguntur illae, quibus iura & priuilegia, utriusque tractus roborantur, quasque nota (3) allegauimus.

6 Hac seiscendi in suis conuentibus tributa, facultate, sub immediato Regis Poloniae imperio gausi, HIST. PRUSS. T. VI. p. 148. 170. quae cum caeteris iuribus, per Brombergensia pacta tacite ipsis seruata fuit.



## §. LVIII.

## DE DVCATV CVRLANDIAE NON ALIENANDO.

Similiter, ut Ducatus Curlandiae<sup>1</sup>, ab externis praetensionibus liberetur<sup>2</sup>, & Dux, Dominus Ferdinandus<sup>3</sup>, uti inuestitus<sup>4</sup>, iuribus suis uti, & ad possessionem bonorum suorum peruenire possit, & ut incolae huius Ducatus, Duci, licet pro nunc, ob impedimenta extranea absenti, in Regno tamen commoranti<sup>5</sup>, debitam praestent obedientiam<sup>6</sup>, coniunctim cum Republ. curas nostras indilate impendamus, saluis, huius Ducatus Nobilitatis & ciuitatum antiquis iuribus<sup>7</sup>. In auulsionem vero huius Ducatus, a Corpore Reipublicae, nunquam consentiemus<sup>8</sup>.

<sup>1</sup> Ducatus Curlandiae, quo vocabulo simul Semgallia continetur, Liuania olim pars, Ordini equitum Teutonicorum, qui & Ensisferi dicti, parebat. Saeculo XVI. cum Russorum vires longe praeualerent, actumque fere esset de tota Liuania, Ordinis Magister Gothardus Kettler, in fidem & ditionem Regis Poloniae, Sigismundi Augusti, a. 1561. concessit. Fiebat id per mutua pacta „ut „Liuania sub immediato Regis Poloniae imperio, Magno Lituaniae Ducatui statim iungeretur, iungenda deinceps & Poloniae, nisi Regni Ordinibus aliter visum fuerit; Ordinis autem Magister, Ducalem titulum, ad instar Ducis in Prussia, cum omni dignitate, insignibus & priuilegiis Ducalibus recipiat, ita, ut Regis Poloniae Vassallus feudatariusque Princeps sit & habeatur. Nouo huic Ducati, Curlandia & Semgallia in feudum collatae, ut easdem ipse, eiusque posteris, ex linea masculina descendentes, habeant teneantque. CHYTRABI *Saxonia* p. 531. Haec Ducis Ducatumque Curlandiae & Semgalliae prima origo, qui cum suo Duce, in Comitibus Lublinsibus a. 1569. ut olim Lituaniae, Regno pariter iungebantur, ut perpetuis temporibus, in clientela & defensione Regis, Regni & M. Ducatus permanerent. Rex vero, quod sperabat, Ducem eiusque posteros, in ea fide, voluntate, subiectione, quam sibi Regnoque cum Magno Ducatu Lituaniae iuncto, illius legati detulissent, constantes permansturos & firmiter perseueraturos; vicissim suam Regni defensionem ac conseruationem omnium priuilegiorum, libertatum, immunitatum iis concessarum, libertatibus Regni tamen non aduersantium, pollicebatur & promittebat. *Corpus nouum* CONST. T. II. p. 806. HENNINGII *Cbron. Liv. f. 49.*

<sup>2</sup> Sunt enim exterorum nonnulli, qui sibi ex Curlandia quaedam deberi, asserunt, in quorum postulationes, ut inquireretur, ac de singulis ad Regem in sequentibus Comitibus referretur, iam a. 1717. ex senatorio & equestri Ordine Commissarii nominati, qui in Curlandiam se conferrent, seriam inuestigationem, de natura, legalitate & realitate, eorum quae peterentur, facturi, documenta partium lustraturi ac annotaturi. CONST. a. 1717. p. 75. tit. *Xiestwo Kurlandzkie*. In Comitibus vero Conuocationis a. 1733. Primati eiusque Consiliariis commendatum, curare, ut Curlandia tanquam Reipublicae feudum, externis praetensionibus eximatur. *KONFED. p. II.*



3 Ex mascula stirpe Gothardi ultimus, iam octogenario maior, qui, fratris filio, in ipso aetatis flore ac intra matrimonii initia a. 1711. sine sobole, extincto, in Ducatus successit.

4 Solebant novi Duces, a Rege publice & solenni more feudo insigniri, & cum illud a. 1683. Fridericus Casimirus per legatum suum reciperet, cautum sci-to publico, ne id in exemplum traheretur, sed ut in posterum ipse Dux perage-ret, quae leges clientelae in aduendis Ducatibus exigent. *CONST. a. 1683. p. 5. tit. homagium.* Datum tamen fuit propectae aetati, & singularibus hodierni Du-cis erga Rempublicam meritis, ut per legatum hoc officio defungeretur: *CONST. a. 1726. p. 4.* quod Eius nomine, a. 1731. Varaviae Fridericus Gothardus a Bu-lov, iam Regis a consiliis sanctioribus, praestitit.

5 Iam plurimos annos Gedani agit, ut perpetuam sedem ibidem fixisse, non obscure videatur.

6 Quae Duci cum sua nobilitate intercedunt controuersiae, quaeque ali-unde obueniunt impedimenta, nostrum non est exponere. Altius ingrederemur priuata & domestica Curlandiae negotia, quam fert praesentis instituti ratio. Egerunt causam suam coram Sacra Regia Maestate, nobiles, egit & Dux Sere-nissimus. Secuta a. 1717. Regis & Reipubl. Commissio, cui facultas concessa, mu-tuas lites diiudicandi, & in quo aberratum, secundum antiqua iura ad pristinam or-bitam reducendi, salua tamen appellatione a sententia definitiua, ad iudicia regni relationum, iuxta cadentias Curlandicas. *CONST. a. 1717. p. 75. tit. Xiestwo Kur-landzkie.* Id negotii & alteri Commissioni a. 1726. mandatum est; *CONST. a. 1726. p. 5.* nec minus in Comitibus conuocationis, ad Primatis & Consiliariorum Il-lius curam relatum, ut Dux Ferdinandus, vigore inuestiturae, possessionem Du-catus, quam primum adeat, & recognitionem sui, ab incolis Curlandiae, cum debita obedientia obtineat. *KONFED. p. II.*

7 Habuerunt Curlandi sua iura, iam olim sub Ordine Teutonico, quibus saluis, Se *mediato* Regis Poloniae imperio submiserunt. Qui & „omnia eorum „iura, beneficia, priuilegia saecularia & ecclesiastica, praesertim Nobilium, tam „simultaneae inuestiturae ius, quam & libertatem gratiae, in successione haeredita- „ria ad utrumque sexum, superioritates, praeeminentias, dignitates, possessiones, „libertates, transactiones, plebiscita & immunitates, denique & iurisdictionem „totalem iuxta leges, consuetudines & mores antiquos, Se confirmaturum promi- „sit. Per prima eadem pacta, „Principi, ciuitatibus & subditis omnibus, cu- „iuscunque Ordinis vel status fuerint, liber usus religionis, cultusque diuinus & „receptorum rituum, secundum Augustanam Confessionem, in suis Ecclesiis, „totiusque rei ecclesiasticae integra administratio, sicut eam haecenus habuerunt, „libere permittitur, adeo, ut in ea nec Ipse Rex vllam mutationem facturum, ne- „que, ut ab aliis fiat, concessurus sit. Antiquis & noua accesserunt iura, quae in allegatis pactis recensentur, *CHYTRAEI Saxon. p. 530. 531.* quorumque integri- tati iterum prospectum, cum Curlandia Poloniae iungeretur, ut ex annotatione prima patere potest. Eadem Regis & Reipubl. nostra aetate mens fuit, dum per *CONST. a. 1717. p. 75. tit. Xiestwo*, Nobilitatem Curlandiae, circa pacta primae- ua, indigenatus beneficia ex iisdem competentia, decreta comitialia & commis- soria, formulam regiminis & statuta a. 1617. priuilegia, iura, immunitates, con- suetudines, & constitutiones in illius rem sanctitas, iuribus Principis, & Nobili- tatis nil derogando, plene volunt custodiri. Pariter per *Traclatum Varfau.* eius- dem

dem anni prouisum, ut Cancellarii iura nobilium Ducatus Curlandiae & Semgal- liae sibi habeant commendatissima. *CONST. a. 1717. p. II.* In *CONST. a. 1726. p. 4. 5.* praeter caetera iura, libertates & priuilegia, Curlandi securi redduntur, exercitium Augustanae Confessionis, cum quoad Remp. quodque per pacta sub- iectionis sibi asseruerunt, cum pacifico usu & conseruatione illius religionis, cae- terisque illius ritibus, secundum obloquentiam dictorum pactorum, liberum fore, neminemque ad illius mutationem coactum iri, saluo iure & usu Religionis Romano-Catholicae, in formula regiminis praescripto, & per Constitutionem a. 1678. approbato: quae Constitutio a. 1726. qua exercitium Augustanae fidei & caeterorum rituum, per confoederationem vltimi interregni p. II. firmatur.

8 Aeternum est inter Poloniam & Curlandiam vinculum, prouisumque a. 1589. ut deficiente Gothardi mascula stirpe, ad modum, quo olim Liuania, Regno immediate maneret iuncta. *Vol. CONST. p. 512. tit. Xiestwo.* Creuit retinendi Curlandiam cura, progenie priorum Ducum, in Ferdinando ad finem vergente, promisitque peculiari diplomate *Augustus II.* „eandem post sera fata „moderni Ducis Ferdinandi, vltimi possessoris, sine prole mascula decedentis, „secundum pacta aeterna, a quoquam auelli haud passurum; substitutionem „noui cuiuscunque Principis infeudandi, neque separatim, neque coniunctim cum „Ordinibus Reipubl. concessurum; ac neminem eam ob rem auxilio adiuturum, „aut in tutelam recepturum. *CONST. a. 1726. p. 2.* Secuta Constitutio, qua „inhaerendo pactis aeternae subiectionis, & incorporationis absolutissimae & ple- „nissimae, sine omni reservatione, libere, rite & legitime ab vtrunque stabilitis, „& iurata fide confirmatis, simul referendo se ad Constit. a. 1589. deficiente stirpe „mascula, hodierni Ducis Ferdinandi, ex linea Kettleriana procedentis, saluis per „omnibus iuribus, possessionibus, ac praerogatiuis Eius, quamdiu vixerit, cum „omnibus attinentiis & contingentibus suis antiquis, Regno & M. Ducatui adiungitur „& incorporatur; incolae cum suis iuribus & priuilegiis, ad iura, honores & immu- „nitates Regni & Lituaniae admittuntur; illisque auxilia aduersus omnes vsurpa- „tiones & quousvis insultus hostiles, omni substitutione noui Principis infeudandi, in „perpetuum abrogata, offeruntur. A. 1727. venerunt Regis & Reip. nomine, constituti in prioribus Comitibus Commissarii, in Curlandiam, qui futuri regimi- nis formam, quando immediate Regi subesset, descripserunt. His occurrendum sibi credidit Resp. ne Curlandi ad nouam Ducis electionem redirent, irrita quam a. 1726. in Mauritio Saxoniae Comite peregerant. Et illi quidem nolunt auelli a Polonia, neque *mediato* Regis imperio eximi, si modo sibi, veteri regimine sal- uo, suo subesse liceat Duci. In hoc iam voti sui facti compotes, quod in co- mitibus hoc anno feliciter habitis, per publicam legem, nouus Dux, post fata praesentis, promissus, more antiquo in clientelam Regis recipiendus.





## §. LIX.

## SAL QVARTVALIS.

Quoniam<sup>1</sup> sal Reipublicae trimestris seu quartualis (*sol Sudbodzioma*)<sup>2</sup>, nobilitati, respectu bonorum terrestrium, ex salisfodinis Bochnensibus & Vielicensibus, ut & ex Oeconomia nostra Sambonensi, extrahi solet<sup>3</sup>, spondemus, respectu eiusmodi bonorum terrestrium, dictum salem, secundum antiqua registra<sup>4</sup>, omnibus Palatinatibus & terris, iuxta iura antiqua & consuetudines concessum iri<sup>5</sup>: & quidem proximi Palatinatus, ipsi sibi hunc salem petent, remotioribus autem, in loca constituta<sup>6</sup> nostris sumtibus, pretio iuribus descripto<sup>7</sup>, subuehi curabimus: cui rei attendere, magni Regni Thesaurarii obstricti erunt. Administratores vero salisfodinarum<sup>8</sup>, sub amissione contractus, & poenis legibus descriptis, salem erogare tenebuntur, ad instantiam, Palatinatum, terrarum & districtuum. Et si administratores, aut quocunque modo dicti tenentarii, ex salisfodinis, salem eiusmodi non erogauerint, liberum erit cuilibet Palatinatui & terrae, illos per instigatorem suum ad tribunal citare, inter causas fiscali, ex speciali registro, & poenas in eos urgere, ut in constitutione anni 1654<sup>9</sup> & aliis antiquis descriptae sunt. Terrae autem Czerescensis, Lomzensis, Nurscensis, & sigillatim Czechanoviensis<sup>10</sup>, quae maxime ab aliis laesa, penes iura antiqua anni 1607. & consuetudines seruari debent, sine diminutione tamen prouentuum mensae Regiae.

<sup>1</sup> Quae de sale spondentur, praeter ea, quae in fine huius §. de Terris Czerescensi Lomzensi &c. occurrunt, iisdem plane verbis in *Michaelis & Iohannis III. PACTIS §. Ponieważ tej Rzeczyp.* leguntur. Nihil quidem horum in ipsis pactis *Augusti II.* contra in *PROPOSIT. §. Ponieważ tej Rzeczyp.* Eiusdem Regis, quae pactis adiectae, integer §. si ea, quae in fine terram Czechanoviensem tangunt, exceperis, habetur. Sunt tamen his pactis leges vetustiores, quae salem iusta copia subuehi vendique iusto pretio praecipiunt. *Sigismundus I.* promittit a. 1511. copiam salis se esse deuecturum ad omnes terras, ad quas nauibus deportari soleat, ut quaeque praedictarum terrarum, sale, uti antiquitus solita, iam copiose uti possit, mandata Palatinis cura, ut iusto pretio a mercatoribus, Nobilitati & vulgo vendantur. *PRIL. Stat. p. 407. HERB. Stat. tit. Sal. Idem a. 1532.* recepit, salis venditionem & subministrationem ita se procuraturum, ut & sal pretio solito vendatur, & copia illius, quoad fieri poterit, ubique habeatur. *PRIL. p. 408. HERB. l. c.* Ad Patris exemplum, filius *Sigismundus Augustus*, sufficientem suis dominiis salem, iuxta iura eo nomine conscripta, vult prouidere. *PRIL. l. c. HERB. l. c.*

<sup>2</sup> Dicitur sal Reipbl. quod ex publicis fodinis depromitur, & trimestris seu quartualis habet nomen, quia nobilibus per trimestria, diuendi solet.

<sup>3</sup> Pertinent memoratae salisfodinae ad bona mensae Regiae, ut ex iis, quae ad §. XLV. dicta sunt, constat. Recipit inde salem Nobilitas, certo pretio legibus definito, quodque Constitutiones a. 1601. tit. *Sol*, Vol. *CONST. p. 756.* anno 1623. p. II. tit. *Soli*, a. 1654. p. 10. tit. *O wydawaniu*, & aliae exprimunt.

<sup>4</sup> Volunt leges, ut Nobilitas in suum tantum usum salem recipiat, nec vendendo eundem, iure suo, in imminutionem Regiorum prouentuum, abutatur. Ius hoc, ipsis bonis terrestribus haereditariis inhaeret, quare respectu illorum, sal conceditur, & quidem pro diuerso bonorum terrestrium numero, diuersaque eorundem conditione, aliis maiori, aliis minori copia: idque ad fidem indicis seu registri, in quo descriptum est, quantum respectu bonorum possit exigi.

<sup>5</sup> Quo ergo Nobilitas, hisce suis iuribus & consuetudinibus, in recipiendo sale uteretur, decreta sunt a. 1717. commissio, quae salisfodinarum statum accurate inspiceret, eademque tolleret, unde forte Nobilitati damnum aut impedimentum, quo minus suo iure gauderet. *CONST. a. 1717. p. 64. tit. Redintegracya.* Placuit alia Commissio in Comitibus conuocationis, cui praeter caetera iniunctum, prouidere, ut Palatinatus & terrae, quibus adhuc deberetur, salem trimestrem reciperent. *KONF. p. 26.*

<sup>6</sup> Dicuntur in legibus camerae, & depositaria, quod in iis sal deponitur.

<sup>7</sup> Non enim gratis sal Nobilitati datur, sed venditur, minori tamen pretio, quam aliis. Illud pretium est legibus definitum, quod nota (3) monuimus, repetitumque est in Constitutione a. 1654. ut gleba salis, Polonis *batwan* dicta, Nobilibus, florenis quatuor, tonna autem, omnibus incolis cuiuscunque Ordinis & conditionis fuerint, florenis sex veneat. *CONST. a. 1654. p. 10. tit. O wydawaniu.*

<sup>8</sup> Sunt quibus salisfodinae locatae, de quibus ad §. XLV. dictum.

<sup>9</sup> In qua p. II. poena trium millium marcarum, cum refusione damnorum, & salis restitutione legitur.

<sup>10</sup> Memoratae terrae ad Masduiam pertinent, continetque allegata constitutio pretium, quo nobilibus sal ibidem vendi debeat. Vol. *CONST. p. 846. tit. O soli na sklādach.*





## §. LX.

NOBILITAS LIBERE VTATUR FODINIS IN  
BONIS TERRESTRIBVS.

In hoc etiam securum reddimus ordinem equestrem, quod si in alicuius bonis inueniantur fodinae metallorum, salis, sulphuris & alius generis, in fundo terrestri, nemini in fodiendo, vtendo & vertendo in commodum suum, neque per Nos, neque per quemuis alium, perpetuis temporibus, impedimentum aliquod afferemus<sup>1</sup>.

<sup>1</sup> Iam per *Articulos Henricianos*, Nobilibus ea, quae in ipsorum fundis proueniunt, afferuntur, adeo, nullo tempore in possessione fodinarum, siue salis, siue metalli, turbari debeant: VOL. CONST. p. 255. §. *Aby warpliwost*, quod a *Stephano* repetitum. VOL. CONST. p. 277. Post temporis intervallum non modicum, hoc Nobilitatis ius, *Michaelis PACTIS* insertum, §. *fodinas*, ac inde in *Iohannis III.* §. *citato* translatum: in *Augusti II.* pactis omissum, locum inter illius PROPOSITIONES §. *fodinas*, inuenit.

## §. LXI.

## DE FODINA, CUNIGUNDA DICTA.

Compensationem, pro fodina salis, Cunigunda dicta, Magnificis & Generosis Lubomirscis, iuxta Constitutionem anni 1726. ad effectum perducere declaramus<sup>1</sup>.

<sup>1</sup> Illustre in Polonia Lubomirsciorum nomen, obscurum potest esse nemini. Inter possessiones, quas bene multas, gens haec possidet, est villa *Swiercz* in Palatinatu Cracouiensi, prope fodinas Regias Vielicenses. In hac olim, fodina salis, *Cunigunda* postea dicta, instructa fuit, querelae iam *Vladislai IV.* tempore, causa, ac si inde damnum fodinis Vielicensibus, quodque illarum prouentus non leuem recepturae accessionem, si *Cunigunda* illis adiceretur. Qua ex causa decreta in Comitibus a. 1635. Commissio, quae nouam fodinam lustraret, ac de permutanda, cum aliis Reipublicae bonis, cum *Stanislao Lubomirscio*, Russiae tunc Palatino, ageret. CONST. a. 1635. p. 24. tit. *Kamisarze*. Verum non perfecit negotium Commissio, potius in *PACTIS Michaelis*, §. *fodinas*, possessio *Cunigundae*, Lubomirscis, perpetuis temporibus promittitur, ita, vt turbati in eadem a Regibus haud debeant: addunt *Iohannis III.* *PACTA* §. *fodinas*, liberum fodinae usum, salisque venditionem, sine omni impedimento Administratorum & officialium, Regiarum salisfodinarum: quod in PROPOSIT. *August. II.* §. *fodinas*, pactis Eius adiectis, iisdem verbis repetitur. Nihilominus in Regia instructione ad conuentus particulares a. 1678. postulatum, vt ad auertendam ruinam fodinarum Vielicensium, easdemque quam optime constituendas, nunciis Palatinatum ad Comitibus committeretur, rationes inire, quibus Lubomirsciorum *Cunigunda*, salisfodinis Vielicensibus, salua compensatione iungi posset. Nostra aetate audita querela, suffodi per *Cunigundam* fodinas Regias, metumque esse, ne actis cuniculis in Regii

gil Thesauri grauem iniuriam, corruant. Cui malo, vt in tempore occurreretur, prouidendum erat Commissariis, qui a. 1717. ad lustranda bona Oeconomica, ac in priorem statum restituenda, nominari debebant. CONST. a. 1717. p. 64. tit. *redintegracya*. Hi eximebant antiquae possessioni *Cunigundam*, iungebantque Regiis fodinis. Actum deinde de compensatione, delegatique a. 1726. ex senatu & equestri Ordine, qui eandem adinuenirent, salua ad proxima comitia relatione, ac in iisdem approbatione, CONST. a. 1726. tit. *Komis. względem Szybu*: quod in comitiis conuocationis a. 1733. iis, a quibus salisfodinae lustrandae, iterum iniunctum, sic, vt de illa re, quo approbaretur, ad Comitibus coronationis referrent. KONE. p. 27. §. 83.

## §. LXII.

## OECONOMIA OLCVSSIENSIS.

Vt Oeconomia Olcussiensis<sup>1</sup> incrementum accipiat, & ad antiquos prouentus, per iniuriam imminutos, reducat, curabimus<sup>2</sup>, saluis saluandis.

<sup>1</sup> Oeconomia dicitur, quod ad bona Regia mensae pertinet. Est autem Olcussia siue Olcussia in Palatinatu Cracouiensi, plumbi & argenti olim ferax. Sed diu iam neglectae fodinae, idoneos fossiores, metallorumque gnaros desiderant, quibus subuenire posset Saxonia.

<sup>2</sup> Promisit in suis PROPOSIT. §. *Zabiegaiac*, *Augustus II.* extremae ruinae huius Oeconomiae occurrere, ac quaecunque in eius restitutionem decreta, exequi, nullo personarum habito respectu.

## §. LXIII.

FACULTAS REGI CONCESSA, ADEVNDI PER  
INTERVALLA SAXONIAM.

Et quoniam dominia nostra Saxoniae haereditaria, propter ingentes ad eorum statum pertinentes necessitates, carere nostra, in suis visceribus praesentia, non possunt; proinde ex consensu Ordinum<sup>1</sup>, iuxta Constitutionem anni 1717.<sup>2</sup> habito respectu Constitutionis Lublinsensis 1703.<sup>3</sup> abiturum nostrum & commorationem ordinabimus: priuilegia tamen<sup>4</sup> ibi, & publicas expeditiones<sup>5</sup> non extrademus, sed omnia, ad reditum nostrum in viscera Regni, aut in Eius fines<sup>6</sup>, differemus, exceptis militaribus & spiritualibus<sup>7</sup>.

<sup>1</sup> Abiit clam ex Polonia, Ordinibus infens, *Henricus*, neque rediit unquam. In pactis *Sigismundi III.* conuenit, vt, si mortuo Patre, Sueciae res eius praesentiam desiderarent, eo sese cum consensu omnium Ordinum Regni & M. D. L. recipere liberum esset. VOL. CONST. p. 452. §. 1. Inuit is Patrem vi-



yum adhuc, Reualiae in Esthonia a. 1589. consentientibus tamen, ut perhibet *PIASECIVS Chron. p. 75.* Ordinibus: ac postea scripto promisit, si defuncto Patre, in Sueciam abiturus esset, de reditu in Poloniam sufficientem se daturum cautionem. *PIASEC. Chron. p. 101.* Obiit Parens a. 1592. & sequenti, Ordinibus consentientibus, *VOL. CONST. p. 635.* abiit in Sueciam *Sigismundus*, illius statum ordinaturus: data prius de reditu intra annum, & quod compositis Sueciae rebus, perpetuo in Polonia degere velit, cautione. *PIASEC. p. 109.* Adiit tamen iterum Sueciam a. 1598. impetrato rursus Ordinum consensu, ac reditu a Rege singulari diplomate promisso. *VOL. CONST. p. 686. PIAS. p. 156.* Vladislaus autem IV. iussu ad thermas Badenses in Austriam, ignorantibus Ordinibus, *PIAS. p. 503.* sed secuta lex perpetua a. 1641. quae prohibet, Reges sine expresso omnium Ordinum consensu, ultra Regni fines iter instituere. *CONST. a. 1641. p. 4.* Iohannes III. cum ad fontes calidos extra Regnum excurrere vellet, retulit rem ad Senatus consilium, & post consensum, mors proposito intercessit. *Epist. ZAL. T. II. p. 1.*

2 In *Tractatu Varfauensi* a. 1717. qui Constitutionibus illius anni insertus, p. 10. Cancellariis Regni & Lituaniae, iniungitur: „attendere, ne Sacra Regia Maestas, quando Eidem, peractis quolibet biennio Comitibus, non omittendo neque gotia Reip. grauiora, in Saxoniam proficisci placuerit, ultra tres menses quouis anno, vel sex per biennium, non computando viae tempus, insuper saluo usu Constit. Lublinensis a. 1703. p. 19. si reparandae sanitatis necessitas fuerit, ibidem moretur, neque vacantias, nonnisi in Polonia conferendas, distribuat: secus si fiat, edocendus de eo Regni Primas, redeundumque qui ex Cancellariis penes Regem fuerit, in Regnum.

3 Roborata est haec Constitutio, *Tractatu Varfau.* modo allegato, illaque conceditur Regi consulendo valetudini, tempore commodo, post pacatam Remp. in assistentia Senatorum, officialium, aulicorum Regni & Lituaniae, extra Regnum proficisci. *CONSTIT. a. 1703. p. 19. tit. Pozwolenie.*

4 Quoties vel dignitates, vel bona Regia vel alia conferuntur.

5 Continent illae negotia, quae ad omnem Remp. pertinent.

6 Quare *Augustus II.* Fraustadium, aut in alium maioris Poloniae prope fines locum, in paucos dies excurrerat, ut vacuas dignitates conferret, litteris nomine Regio publicandis subscriberet, & caetera, quae ad Rempubl. pertinerent, perageret, si per alia negotia Saxonia discedere nondum liceret.

7 Possunt ergo in Saxonia Episcopi & Abbates nominari, possunt non minus praefecti militares constitui.



## §. LXIV.

## M O N E T A.

Prouentus ex moneta Regni & magni Ducatus Lituaniae, quoniam ad Rempublicam pertinent, neque Nos, neque Successores, ius in illos, Nobis vindicabimus, nec etiam monetam ex consensu Senatus cudi iubebimus, iuxta Constitutionem anni 1632.<sup>1</sup> verum de ordinatione monetali, Regni & M. D. Lituaniae, non alibi, nisi in Comitibus agemus.<sup>2</sup> Et quia per occlusionem officinarum monetarum, Respublica magnum passa damnum, curabimus, habito consilio cum Ordinibus Reipublicae, ut officinae aperiantur, ac iuxta ligam Imperii & vicinorum Principum, moneta argentea & aurea<sup>3</sup> cudatur.

1 Prouentus ex re monetali a. 1590. cum ordinarentur redditus Regii, illis fuerunt adscripti. *VOL. CONST. p. 577. tit. rationes.* Postquam vero numi in dies deteriores cuderentur, & a plurimis culpa in studium augendi Regios prouentus conferretur, erat in votis, ut Rex lucro hoc Reipubl. cederet, quo eadem malo mederetur, ac numos sinceriores procuraret. *Sigismundus III.* in Comitibus a. 1632. duobus circiter ante obitum mensibus, quo Ordinibus, quorum consensu, diuersos capitaneatus & tenutas soboli suae contulerat, gratiam referret, redditus ex moneta, post sua fata, suo & Successorum nomine, in Rempublicam aeternis temporibus transtulit, idque in Regni utilitatem, quo in posterum melior moneta cuderetur. *CONST. a. 1632. p. 3.* Post mortem *Sigismundi III.* filius *Vladislaus IV.* in *PACTIS* suis *Izza Imiertiq* cauit, neque se, neque Successores sibi redditus ex moneta, perpetuis temporibus vindicatuos: quod a singulis Regibus in pactis repetitum.

2 Res monetalis nonnisi Reipublicae consensu ordinari consuevit. Iam *Casimirus M.* a. 1368. „de consilio & assensu Baronum & Procerum statuit, quod vna moneta in toto Regno haberi, eademque perpetua & bona in valore & pondere esse debeat. *LASCO Stat. f. 32. p. 2. PRIL. Stat. p. 435.* *Vladislaus Jagello* pollicitus, „quod a modo & in antea, nunquam absque consilio, suasio, & consensu & auiuentia speciali Praelatorum & Baronum Regni, monetam currentem in Regno, vel aliam extraneam, aut de nouo inuentam cudere faciet, aut cudi permittet. *LASCO. f. 48. p. 2. PRIL. l. c.* Idem a. 1430. nomine filiorum promisit: „quod postquam vnus illorum in Regem electus, sceptrum Regni amplectetur, monetam ex quocunque genere metalli absque consensu & consilio speciali Praelatorum & Baronum cudere non concedet. *DE VGOSS. L. XI. p. 539. LASCO. f. 51. p. 1. PRIL. l. c.* Quare *Sigismundus Augustus*, quo se ad Maiorum exempla componeret, monetam tantum consensu in comitiis, secundum iura eo nomine scripta, cudere voluit. *VOL. CONST. p. 4. §. chęcię. PRIL. l. c.* Ut largius videatur locutus *Konarscius*, Posnaniensis Episcopus, in Oratione, coram *Henrico* in Gallia habita, quasi monetam cudere ab vnus Regis pendeat voluntate. *FRED. Hist. Henr. p. 97.* Contrarium tum ex modo dictis, tum ex iis, quae ante & post *Henricum* de moneta in comitiis cum Ordinibus acta, con-



stare potest. Per PACTA Vladislai IV. & Iohannis Casimiri §. 12 za smierciq, monetae ordinatio, Reipublicae arbitrio plane servatur. Idem fit a Successoribus, §. 12 za abdykacya & §. 12 prowent. additurque, ne moneta ex Senatus consulto a Rege cudatur, sed ut de ea saltem in comitiis agatur.

3 Licet proventus ex moneta, a Rege ad Rempublicam pervenisset, non ideo tamen numis melius consultum. Publica inopia, quae per bella & domesticas turbas, Iohannis Casimiri tempore, summa fuit, ac priuatorum mala fides, constarunt pecuniam, quae priori longe vilior, rem familiarem gravissime afflixit. Quo ergo aduersus hoc malum remedium pararetur, in comitiis conuocationis a. 1668. Ordines officinas monetales, vsque ad noui Regis electionem claudi iusserunt. KONFED. a. 1668. p. 21. §. Cbeq. Electo Michaeli, clausae nihilominus manebant officinae, neque toto Eius regimine aperiiebantur, sed Iohannes III. in PACTIS suis §. 12 prowent, curae sibi fore promittebat, ut post collata cum Ordinibus in comitiis consilia, officinae quam primum recludantur, & pecunia iuxta ligam imperii & vicinorum Principum, tam ex argento, quam ex auro cudatur. Apertae etiam publica lege a. 1677. officinae; CONST. a. 1677. p. 7. tit. Menica, sed clausae iterum a. 1685. vsque ad futura comitia, CONST. a. 1685. p. 8. tit. Zawaracie, simul ex senatorio & equestri ordine nominati, qui ad diem 24. Septembris, accitis Ducis Curlandiae, & maiorum Ciuitatum Prussiae, ius cudendae monetae habentium, delegatis, nec non aliis quorum interfit, cum iis, qui Caesaris & Electoris Brandenburgici nomine adfuturi, de valore & qualitate numorum, consilia ineant: eo fine, ut quidquid hanc in rem statutum fuerit, ab omnibus, sub rigore & poenis, in violatores pactorum & pacis publicae sancitis, in quouis foro, ad cuiusuis instantiam irrogandis, obseruetur. CONST. a. 1685. p. 15. tit. Koaekwacya. Coepit commissio demum die 11. Febr. sequentis anni, praesentibus, praeter Polonos, Electoris Brandenburgici Consiliario Sculteto, ac Gedanensium Syndico, neque tamen alia res conuenit, quam, ut commissio in diem 24. Sept. prorogaretur. Aderat tunc Caesaris nomine, Baro Neidhard, placebatque per priuata colloquia, quod ex publica consultatione nullus sperabatur fructus, rem integram ad comitia differre. Verum ex Senatus consulto, a. 1688. commissioni pro nouo congressu, vltima Maii dies constituebatur, sed & ille frustra fuit, ne quidem praesentibus, quorum adesse intererat, id tantum actum, ut monetale negotium iterum ad comitia prorogaretur. Re ergo hoc modo infecta, non apertae officinae, sed Augustus II. ad exemplum Iohannis III. parem in recludendis illis, ac cudenda ad ligam imperii & vicinorum Principum moneta, curam, per PACTA sua §. Widzge iednak, promittere necesse habuit. Commendatum etiam saepius a Rege, Ordinum consultationibus in comitiis, negotium monetale, non tamen effici potuit, ut eorum decreto officinae recluderentur.

## §. LXV.

## LAPIDES REIPUBLICAE PRETIOSI.

Lapidibus Reipublicae pretiosis uti, & Thesaurum aperire, etiam ex Senatus consulto, nemini permittemus, sine speciali Reip. consensu<sup>1</sup>.

<sup>1</sup> Regia insignia, ac pretiosa alia Reipublicae, in Thesauro Regni, qui Cracouiae est, seruantur. Hic diuersis clauibus, quae in diuersorum manibus sunt, clau-

clauditur & referatur, idque omnium Ordinum consensu. Sanciunt enim *Articuli Henriciani*: ut corona Regni Poloniae, in Thesauro Regni Cracouiae custodiatur a Thesaurario, sub sigillis & clauibus, horum Senatorum, Castellani Cracouienfis, Posnanienfis, Vilnensis, Sendomirienfis, Califfienfis & Trocensis, qui tamen aperire non debeant, nisi consensu communi omnium Ordinum. VOL. CONST. p. 256. §. Korona. p. 277. §. Korona. PACTA pariter Michaelis, Iohannis III. & Augusti II. idem praecipiant §. Kleynotow, scilicet, non ex Senatus consulto, sed consensu speciali totius Reipublicae, Thesaurum esse aperiendum. Fuit ergo a. 1670. omnium Ordinum consensu reueratus Thesaurus, ut corona aliaque in coronationem Reginae, Varlauiam deferrentur. CONST. 1670. p. 12. tit. Koronacya. Quod & factum a. 1673. cum in alios usus, nonnulla pretiosa recipienda essent. CONST. 1673. p. 17. tit. Komisy. Nec minus ratum habuit Respublica, cum a. 1700. ex Thesauro depromerentur, quae Electori Brandenburgico, ex nouo pacto, quo reddebat occupatam a Se Elbingam, pignori tradebantur. *Epist. Zal. T. II. p. 906. 908.* Anno vero 1726. constitutum, ut reuerato Thesauro, omnia ea reponerentur, quae olim cura Primatis *Stanislai Szembek*, propter bellum Suecicum, ultra Regni fines, in loca securiora abducta fuerant, ac iam a cognatis defuncti Primatis seruabantur. CONST. 1726. p. 59. tit. Oddanie. Merito ergo generalis, post Regis electionem inita confoederatio, de legibus violatis quæstia, cum incipia Respublica reueratus Thesaurus, ac abductae inde essent coronae. KONF. §. 13. Caeterum auctoritate Reipublicae, non tantum aperitur Thesaurus, sed etiam illustratur, ac indices eorum, quae in illo habentur, conficiuntur, ex Senatorio & equestri ordine, qui negotium illud peragant, nominatis. Fit hoc non tantum Rege viuente, sed & Eodem defuncto, Interregni tempore, ut ex confoederationibus patet.

## §. LXVI.

## DE MENSIBVS MILITARIBVS.

Mensium militarium, qui *Towarzyskie* dicuntur, ut & praefectorum auctoramenti extranei<sup>1</sup>, in actuali obsequio personalliter existentium, in distributione panis bene meritorum<sup>2</sup>, peculiarem habebimus rationem<sup>3</sup>.

<sup>1</sup> *Towarzysz* vocatur miles, auctoramenti Polonici, hoc est commilito, unde menses, qui illis utiles sunt, *Towarzyskie* appellantur. Praefecti vero auctoramenti extranei sunt, qui Ordines inter Dragones, aut si mauis equites defultorios, & pedites ducunt. De utroque auctoramento dictum in superioribus.

<sup>2</sup> Veniunt hoc nomine bona Regia, Capitaneatus, tenetae & aduocatae, ut suo loco monitum.

<sup>3</sup> Cum milites in Comitibus a. 1662. de plurimis quererentur, ac diuersa postularent, hoc inter caetera exigebant, ut per vices, vno anno togati ciues, altero milites, vacantium ex Regis munificentia participes fierent. Ad quod Regis nomine responsum: „cognoscere S. R. Maiestatem, distributionem in emeritos praemiorum, ad Se pertinere, & in eum diem Se omni studio laborasse, quo virtuti „digna praemia conferrentur, sed voluntatem Principis, facultatem bene faciendi „haud exaequasse: quo tamen acquissimo postulato satisfiat, quatuor menses in



„anno designari, quibus, quidquid bonorum Reipublicae, extincto fatis iure pos-  
 „fessorum, sub potestatem suae Maieſtatis deueniret, omne id viris militia claris  
 tribuendum. К о с н о в. *Annal. Clin.* III. p. 21. Secuta est in iisdem comitiis  
 constitutio, qua Rex promittit, capitaneatus, tenutas & terrestria munia, quae  
 singulis annis, per menses Septembrem, Octobrem, Nouembrem & Decembrem,  
 ad distributionem Regiam redierint, non nisi in militia bene meritis, habita in  
 primis commendationis Ducum exercitus, ratione, collatum iri, salua electione  
 ad munera terrestria, saluis capitaneatibus cum iurisdictione, ac muneribus ter-  
 restribus, in Palatinatibus & terris possessionatis, concedendis. CONST. a. 1662.  
 p. 10. tit. *gratitudo*. Reuocauit sibi hos menses militares in memoriam Augu-  
 stus II. ac curae sibi eosdem fore, in PACTIS suis §. *Za honory*, promisit.

## §. LXVII.

ELECTIO ABBATVM IN MONASTERIIS OLI-  
 VENSIS ET PELPLINENSIS.

Ordinis Cisterciensis monasteriorum Oliuensis & Pelplinensis  
 iura, priuilegia, signanter liberam Abbatum suorum electio-  
 nem<sup>1</sup> manutenebimus, hoc praecauto, vt personas nobiles, non  
 plebeias<sup>2</sup> eligant, cuius electionis approbationem nobis refer-  
 uamus.

<sup>1</sup> Duo haec monasteria, sita in Prussia, in Pomeraniae Palatinatu. Abbates  
 illis praesunt, quos a se eligendos esse, monachi asserunt, aliis pro Regia nomi-  
 natione, ex Patronatus iure, nitentibus. Ius tamen eligendi confirmarunt Reges,  
 alleganturque Sigismundi Augusti, Vladislai IV. Iohannis Casimiri & Michaelis  
 litterae. *Epist. ZAL. T. II. p. 791. f.* Inde Ordines Prussiae, aliquoties hanc Abba-  
 tum electionem, suis ad Regni comitia nunciis commendarunt, ac omissis exem-  
 plis aliis, a. 1678. illis iniunxerunt, priuatim Regi supplicare, vt monasteria Oli-  
 vense & Pelplinense, circa liberam electionem, iuxta statuta canonica & priuile-  
 gia Serenissimorum Regum & antiquissimum usum, conseruare dignetur, simul  
 vt id lege publica caueatur, contendere. Nihilominus nominati interdum a Re-  
 gibus Abbates, imo a. 1589. praelatus per Regiam nominationem, *Konarscius*, Cle-  
 menti Montano, a Monachis Oliuentibus in Abbatem electo. *Epist. ZAL. T. II.*  
*p. 815.* Iohannis III. tempore *Hackius* primum Coadiutor, post Abbas Oliuensis,  
 ex Regia nominatione factus, Ordinibus Prussiae aegre ferentibus. Augustus II. in  
 propositionibus PACTIS suis adiectis §. *A ze kontrowersya*, obtulit, collaturum  
 Se Abbatiam Oliuentem, ad malam informationem impetratam, personae capaci  
 nobilitari. At cum in comitiis a. 1699. legum executio, aduersus eos, qui citra  
 Regiam nominationem Abbatis tenerent, decerneretur, exceptae ab hoc rigore  
 Abbatiae Prutenicae, CONST. 1699. p. 48. tit. *ius Patronatus*, quo saluum iis  
 maneret electionis ius, credebaturque, id precibus Culmensis Castellani, *Prepen-*  
*douri*, Regia gratia validi, datum, ne frater, qui Coadiutor Oliuentis Abbatiae ele-  
 ctus, hac dignitate excideret. *Epist. ZAL. T. II. p. 782.*

<sup>2</sup> Vt caeteris dignitatibus, sic Abbatibus in Polonia plebei arcentur. Sigis-  
 mundus I. tum demum admitti voluit plebeium, si Nobilis idoneus in promptu  
 non

non esset. Idem non alium Se praesentaturum, ordinario loci Episcopo promi-  
 fit, nisi nobili loco natum. Et Sigismundus Augustus sanxit, vt Abbas sit nobi-  
 lis ex patre & matre generis, & homo idoneus. *HERB. Stat. tit. Abbates*. In  
 Prussia quidem nulla extat lex, quae solos Nobiles ad Abbatis admittit, vsu, tamen  
 recentiorum temporum obtinuit, vt illis tantum Abbatiae contingant. Quare  
 allegatus *Hackius* & hoc nomine displicuit, quod non Nobilis.

## §. LXVIII.

## SVMMAE NEAPOLITANAE.

Vindicatio summarum Neapolitanarum cum censibus<sup>1</sup>, cura  
 & impensis Reuerendi in Deo, Patris Christophori Szembek,  
 Episcopi Cuiuiensis, iam bene in vias plenas directarum, vt ad  
 optatum perueniat effectum, & Respubl. celeriore accipiat  
 satisfactionem<sup>2</sup>, bona officia nostra & interpositionem, apud au-  
 lam Viennensem<sup>3</sup> adhibebimus.

<sup>1</sup> Neapolitanae summae, ortae ex haereditate Bonae Sfortiae, Ducis Medio-  
 lanensis, Iohannis Galeacii filiae. Altera haec Sigismundi I. coniux & Sigis-  
 mundi Augusti, nec minus quatuor filiarum mater, post mariti mortem, a. 1556.  
 in Italiam abiit, ac in Regno Neapolitano, Barri in breue tempus sedem fixit,  
 cum intra biennium decederet. Transmisit Illa per testamentum Ducatus Ba-  
 rensem & Rossanensem, quos a matre acceperat, Regi Hispaniae, qui simul Rex  
 Neapolitanus, soboli vero summam, quadringentorum triginta millium ducato-  
 rum Neapolitanorum, aut nummorum Imperialium, Regi Hispaniae mutuum da-  
 tam, seu potius annuum foenus ex illa summa, quod alii ad triginta octo millia  
 & octoginta sex Ducatos Neapolitanos, alii ad triginta quatuor millia imperiali-  
 um nummorum redigunt, reliquit. *PIASEC. Chron. p. 236. Ep. ZAL. T. I. p. 506.*  
 Haec est illa summa Neapolitana, cuius passim in Historia Polona mentio fit, sic  
 dicta, quod foenus ex certis bonis Neapolitani Regni soluendum. Erant haeredes  
 filius Sigismundus Augustus & filiae, illoque sine prole extincto, duo supererant,  
 Sigismundus, Bonae ex filia Catharina nepos, Sueciae princeps, & Anna filia  
 minima nati, Regis Stephani vxor. Ex his Sigismundus electus post Step-  
 hanum, Poloniae Rex, per pacta conuenta, VOL. CONST. p. 452. §. *pecuniam*,  
 suam portionem Reipublicae Poloniae donauit, hancque donationem, tempore  
 coronationis, singulari scripto, coram actis castrensibus Cracouiensibus rata habuit.  
 Supererat altera portio Annae, viduae Stephani, quae post mortem ad Sigismun-  
 dum sororis filium peruenit, quamque sibi pariter vindicauit Respublica, ac suo  
 iuri non obesse credit, quod summas Neapolitanas, Sigismundo III. eiusque Filiis  
 & Successoribus, Vladislao I. & Iohanni Casimiro permiserit, ac vterque filius de  
 iisdem cum Republica nihil constituerit, licet in PACTIS suis §. *summy*. §. *A z*  
*strony*, pollicitus, Se cum Ordinibus in sua coronatione deliberaturum. *Epist.*  
*ZAL. T. I. p. 507.* Post obitum Iohannis Casimiri, coepit Respublica exigere Nea-  
 politanas summas, compellendo tum Regem Hispaniae, tum Illius nomine Re-  
 gnum Neapolitanum curantem, simul remouendo eos, qui pecuniam illam sibi  
 deberi postulabant. Fidem facit Legatus, ab Ordinibus ad Regem Hispaniae a.  
 1674. missus, qui edocet, Rempubicam statim a morte Serenissimi & Catholicis-



fimi Regis Iohannis Casimiri, summas Neapolitanas, quae post obitum Bonae, Reginae Poloniae, iure haereditario, Sigismundo Augusto cesserint, hoc autem mortuo, in sororis filium Sigismundum III. itidem per haereditatem transmissae, & post eum, per filios Vladislaum IV. & Iohannem Casimirum possessae fuerint, tradi sibi postulasse, eoque nomine per plenipotentiarium, Iacobum Lombardi, apud Vice-Regem Neapolitanum instituisse; sed in concursu competitorum ad easdem summas, Palatinae Rheni, ex testamento Regis Iohannis Casimiri, inscriptae haeredis, & Christinae Reginae Sueciae, ius successionis post Patruelem allegantis, Rempubl. nihil obtinuisse; niti illam optimo iure pactorum conuentorum, circa electionem Sigismundi III. tum sub tempus coronationis solenni diplomate inscriptae donationis; proinde orare Ordines Regni, iubeat Rex non alteri cuiuspiam, sed Reipubl. Polonae, dictas summas ac earum prouentus, cum usufructu sine mora & difficultatibus tradi, & in eum finem mandatum ad Vice-Regem Neapolitanum expedire dignetur. *Epist. ZAL. T. I. p. 529.* Sed mansit adhuc Respublica, ut vocamus, in petitorio.

2 Commissum hoc fuit negotium ab Augusto II. Reuerendissimo ac Excellentissimo Episcopo Cuiaviensi, cuius indefessum per XX. annos studium, generalis in comitiis conuocationis inita confederatio, laudat, simul eum amore Patriae obstringit, ut in eadem cura pergat, utque res illa pactis conuentis futuri Regnantis inferatur, sancit. *KONF. p. 17. §. 70.*

3 Magna tamen ex illo tempore contigit mutatio, dum Neapolitanum Regnum, unde illae summae petendae, Carolus Hispaniae Regis filium, recepit Principem: cum quo, non cum aula Viennensi iam agendum erit.

### §. LXIX.

#### THESAURARIATUS CURIAE REGNI.

Munus Thesaurariatus curiae Regni, iuxta antiquum statutum Regis Alexandri<sup>1</sup>, secundum Constitutionem anni 1607.<sup>2</sup> & penes recentiora iura, ad illud pertinentia<sup>3</sup> confirmamus, illudque in receptione prouentuum ex bonis oeconomicis Regiis, ac redditibus solitis, sine vlla praepeditione personarum ecclesiasticarum, inuiolabiliter custodimus<sup>4</sup>.

1 Duo sunt in Polonia Thesaurarii, alter Regni, seu Thesaurarius magnus, alter Curiae, qui & Vice-Thesaurarius appellatur. Vtriusque munia ordinat statutum Alexandri, in comitiis Petricouiensibus a. 1504. descriptum. Et quod ad curiae Thesaurarium attinet, exigitur ab illo, ut ab aula nunquam remouendus, absente Regni Thesaurario, omnes pecunias reddituum Regalium & alias vndecunque ad Maiestatem Regiam datas, in Thesaurum recipiat, & illas cum consilio officialium & consiliariorum curiae, mandante Maiestate Regia dispenset, & omnia alia faciat cum curiensibus & stipendiariis, quae Thesaurario Regni incumbunt: hoc vero praesente, nihil eorum attentet, quae ad Thesaurarium Regni pertineant, sed cum eius scientia & consilio dispenset & faciat, quidquid debet. Porro requiritur, ut sit iuratus & idoneus, ad rationes tam publicas terrestres, quam pri-

uatas

natas Regias, sic, ut omnibus rationibus, absente Regni Thesaurario ac etiam praesente interfit, & earum registra seruet, dispensatores instituat utiles, & inutiles destruat, faciatque cum illis rationes, ut Maieestas Regia & quilibet intelligat, eum diligenter attendisse, ne pecuniae Maiestatis Regiae inanis, infideliter aut prodige dispensarentur. *LASC. Stat. f. 114. p. 1. PRIL. Stat. p. 199. HERB. tit. Thes.*

2 Per Const. allegatam, *VOL. CONST. p. 841. tit. O urzędzie*, firmantur iura Thesaurarii curiae, in statuto descripta, ut illis, absente ab aula Thesaurario Regni, vtatur.

3 Non tamen reperiuntur in legibus iura illis recentiora, quae Alexandrinum statutum descripsit.

4 Totum hoc caput, iisdem plane verbis, §. ultimo pactorum Augusti II. legitur, videnturque iura Thesaurarii curiae, tempore Iohannis III. imminuta, quod post Eius mortem in pactis Successoris, illorum integritati prospici debuerit.

### §. LXX.

#### IVRA ACADEMIAE CRACOVIENSIS.

Academiam Cracouiensem<sup>1</sup>, vti meritissimam Reipublicae omnium scientiarum magistrum, circa instructionem studiosorum infatigabilem, & circa productionem magnorum & dignorum virorum sollicitam<sup>2</sup>, in antiquis iuribus & privilegiis nunquam mutandis conseruabimus<sup>3</sup>; imo in augmentum vltioris nostrae beneuolentiae erga illam, occasionem nullam omittemus.

1 Est haec Academia in Polonia omnium antiquissima, quam animo agitauit *Casimirus M.* sed *Vladislaus Jagello*, excitatus ab *Hedvige* coniuge, anno 1400. perfecit. *DLVGOS. L. X. p. 167.* litteris sequenti datis, quibus proficitur, se consensu Papae Bonifacii IX. studium generale, in Theologiae, seu sacrae scripturae, Iuris canonici, Physicae, legum & artium liberalium facultatibus instituisse, temporibus perpetuis duraturum. *PRIL. Stat. p. 155. ZALASZ. Iur. Pol. T. I. p. 568.*

2 In hunc enim finem *Vladislaus* academiam instituit, „ut esset scientiarum praeualentium margarita, ut viros produceret, consilii maturitate conspicuos, virtutum ornatibus redimitos, & variae facultatis doctrinis eruditos, fieretque illis fons doctrinarum irriguus, de cuius plenitudine, haurirent vniuersi, litterarum cupientes imbui ornamentis. *PRIL. l. c.*

3 Prima sua iura & privilegia debet academia, conditori *Vladislao Jagelloni*. Hic a. 1400. in ipso eius initio, res studioforum omnibus vectigalibus exemptis; eosdem in causis ciuilibus ac iniuriis leuioribus, criminibus ignominiosis & capitalibus exceptis, iurisdictioni Rectoris, sine vltiori prouocatione subiecit; pro lectionibus habendis certam domum, tributis liberam concessit; Doctoribus singulis, ex telonio Cracouiensi, centenas marcas annuas assignauit; ac Episcopum Cra-



Cracouiensem, omnium libertatum, immunitatum & statutorum conservatorem & vindicem constituit: addita comminatione diuinae irae, miserabilis infelicitatis & horrendi euentus, si quis memorata iura & immunitates violauerit. ZALASZ. l. c. p. 582. Idem Vladislaus anno sequenti, academiae tres Regias Cancellarias, nec non ius Patronatus omnium beneficiorum ecclesiae S. Floriani, praepositura, custodia & duabus villis tantum exceptis, contulit. ZALASZ. p. 569. Sigismundus Augustus ac Stephanus dictam praeposituram cum omnibus fructibus adiecerunt, ratam, consensu Ordinum, habente donationem Sigismundo III. ZALASZ. p. 578. Sigismundus I. omnes Professores equestri dignitate ornauit, ut iisdem, quibus nobiles indigenae, fruere iuribus, huncque honorem etiam ad legitimam sobolem transmitterent, qui per viginti annos continuos, lectionibus publicis operam nauauerint. ZALASZ. p. 560. Haec & alia iura, in vnum congeffit ZALASZ. p. 560. in Iure Regni Poloniae L. I. tit. 21. p. 566. & seq. quorum nec minus totius Academiae curam, Reges sibi habuerunt quam commendatissimam. Sigismundi enim Augusti tempore sancitum, cum aliis & Cracouiensem scholam in meliorem ordinem redigere. VOL. CONST. p. 30. tit. O szkolach. Henrici nomine in pactis promissum: „eandem ad meliorem frugem rei litterariae reduce-  
re, euocatis eo vndeunque doctissimis viris; in qualibet professione & facultate  
„litteraria excellentissimis Professoribus, Regiis stipendiis alendis & perpetuo  
„retinendis. VOL. CONST. p. 225. Sigismundus III. per constitutionem omnia  
priuilegia approbat & integrum illorum usum firmat. CONST. a. 1613. p. 9. tit.  
Akademia. Vladislaus IV. & Iohannes Casimirus in PACTIS, §. 12 dla nawal-  
ności, polliciti, lites, academiae Cracouiensi motas, componere. Michael vero &  
Iohannes III. §. ultimo PACTORUM integra fore iura, fidem dederunt: quod pariter ab  
Augusto II. in propositionibus suis, circa finem factum. Adhaec illius priuilegia  
a. 1632. CONSTITVTIONE p. 26. tit. Akademia, iterum roborata, nec minus  
a. 1635. quae p. 11. eodem titulo seperitur, qua simul Patribus S. I. iniungitur,  
scholas in academiae damnum apertas claudere, ac villas perpetuis temporibus,  
sine omnium Ordinum consensu, Cracouiae, aut in suburbiiis instruere prohiben-  
tur. Per CONSTITVTIONEM a. 1655. p. 4. expeditione militis pedestris,  
& per aliam a. 1658. p. 39. tributis a ciuitate pendi solitis, academia liberata fuit.  
Ut plura in hanc rem, omittamus, a. 1710. exactionibus militaribus immanis,  
declarata. POPARCIE p. 74. tit. Akademia, & in vltimis comitiis conuocatio-  
nis, Ordines eandem cum omnibus suis priuilegiis & immunitatibus conservari  
voluerunt. KONFED. p. 14. §. 59.



§. LXXI.

DE ACADEMIA VILNENSI ET COLLEGIO  
POLOCENSI.

Similiter academiam Vilnensem, cum omnibus iuribus & privilegiis<sup>1</sup> ab Antecessoribus nostris concessis, ac nouiter a Serenissimo sanctae memoriae Rege Augusto II. privilegio firmatam, cum exercitio omnium scientiarum, simul foundationem collegii Polocensis penes omnia iura, secundum constitutionem a. 1717. huic collegio seruientem<sup>2</sup> conseruare promittimus.

1 Academia Vilnensis in Lituania a Rege *Stephano* a. 1579. condita, ac Patribus S. I. mandata, domos, aras, ac fundos, *Valerianus* loci Episcopus largitus. Eidem Regi debet, prima sua privilegia sigillo Lituaniae minori roborata, quae aucta a Successoribus, in comitiis Coronationis *Iohannis III.* publica lege firmantur, *CONSTIT. Lit. a. 1676. p. 13. tit. approbatio privileg.* nec minus illorum integritati a. 1733. in comitiis conuocationis prospicitur. *KONFED. p. 14. §. 59.*

2 Collegium Polocense S. I. Patrum, *Stephanus* pariter instituit. Obuenerant illi bona, de quibus disceptabatur, vtrum terrestria an Regia essent, adeo vt in naturam eorundem per commissarios a. 1699. inquiri debuerit. **CONST. a. 1699. p. 71. tit. Komisya.** Cum vero planum hoc modo fieret, esse terrestria, fas erat, vt horum iure gauderent. Et illud est, quod allegata **CONSTITVTIO** inter Lituanicas **p. 17. tit. aprobaeya. §. oraz,** sancit.

§. LXXII.

VRBS CRACOVIA IN MELIOREM STATVM RESTITVENDA.

Vrbs Cracouia, quondam Serenissimorum Antecessorum nostrorum dilecta & delecta residentia <sup>1</sup>, & nunc ex multis caussis in ruinam vergens <sup>2</sup>, commercia quoque ibidem labentia <sup>3</sup> singularem a Nobis exigunt considerationem: quare non solum eam circa antiqua iura, priuilegia, constitutiones, praerogatiuas & immunitates conseruabimus <sup>4</sup>, sed etiam sedem nostram capto opportuno tempore, per interualla constituere, & vltiori ruinae tam celebris in Europa vrbs occurrere, imo de modis, quibus emolumenta eius procuranda, cogitaturos Nos obstringimus.

I Ciuitas haec, totius Poloniae caput, ab antiquissimis temporibus Ducum ac Regum sedes fuit, quae regnante Sigismundo Augusto; transferri coepit Var-  
saviam, ac durat. Id ex veteri dignitate retinet, quod per leges, non nisi ibi Re-  
ges coronari possint, ac prima horum comitia a coronatione dicta, habeantur.



2 Non est inter postremas causas referenda, sedes Regia alio translata, siquidem ex illo tempore minus frequentari coepit. Accedunt bina bella Suecica, quae opes eius admodum afflixere.

3 Floruit olim vrbs illa non vnius generis commerciis, cum negotiatorum Germanorum & Italicorum industria ferueret. Superfunt hodie vestigia, ex quibus priorum temporum opulentiam colligere licet.

4 Iura vrbs Cracouiensis, per constitutiones dispersa, vna serie exhibet LADOVSCIVS in constitutionum indice p. 266. § seq. edit. nouae. Eadem primus ex Regibus Augustus II. cum Regiam dignitatem peteret, approbavit, & de subueniendo labenti ciuitati, in coronatione sua deliberaturum promisit. PROPOSIT. §. *miasto*. CONFEDERATIO vero GENERALIS a. 1674. p. 30. §. *Miasto stoeczne* eandem penes iura & praerogatiuas conseruat, quod CONFEDERATIO in comitiis conuocationis a. 1733. p. 14. §. 59. repetit. Neque aliud volunt CONSTITVTIONES a. 1676. p. 47. a. 1710. p. 74. & a. 1717. inter Lituanicas p. 15. quae postrema simul constitutiones annorum 1578. 1581. 1598. 1601. 1633. 1667. & 1690. roborat.

## §. LXXIII.

## IVRA CIVITATIS VARSAVIAE.

Ciuitatem Varfauiensem circa iura antiqua conseruabimus<sup>1</sup>.

1 Primaria Masouiae vrbs est Varfauia, Regia sedes, comitiorum in Polonia, praeter coronationis, locus ordinarius, nec minus ob Regum electiones, quae prope illam peraguntur, celebris. Iura eius index constitutionum LADOVSCIANVS p. 291. recenset, quae, siue Ducibus Masouiae siue Regibus Poloniae debeantur, siue antiqua siue noua fuerint, per CONSTITVTIONEM a. 1676. p. 48. tit. *Miasto* rata habentur, nec minus CONST. a. 1710. p. 75. integra esse iubet: in quo CONFEDERATIONES annorum 1660 p. 22. & 1674. p. 30. praeiuerunt.

## §. LXXIV.

## TATTARI IN LITVANIA.

Tattari in magno Ducatu Lituaniae habitantes<sup>1</sup>, iure terrestri secundum antiqua Ducum Lituaniae, & postea Serenissimorum Regum, sanctae memoriae Antecessorum nostrorum, priuilegia ipsis concessa & confirmata<sup>2</sup> gaudentes, tanquam homines Reipublicae & Regibus suis fideliter & probe parentes, hanc inuenerunt apud Nos considerationem, vt illos penes omnia sua iura antiqua conseruare velimus, quare Constitutiones illis seruientes<sup>3</sup> in toto, tam respectu bonorum terrestrium, quam oeconomiarum legitime acceptarum, approbamus.

1 Habitant in Volhinia & Lituania Tattari, quorum maiores olim sedes suas illuc transtulerunt, impetrata degendi facultate. Militant Reipublicae con-

stituto

stituto stipendio, ac bona acquisiuerunt, quae iure terrestri possident. CONST. LITV. a. 1677. p. 16. tit. O Tatarach & a. 1726. p. 87. tit. *diobody*.

2 Factum id, vt alia exempla omittamus, CONST. LITV. a. 1673. p. 20. tit. O Tatarach.

3 Quae in CONST. LITV. a. 1717. p. 21. tit. *obwarowanie*, & a. 1726. p. 105. tit. O Tatarach, recensentur.

## §. LXXV.

## CONTROVERSIAE CVM CAESARE DE FINIBVS.

Vt obuientes cum Caesarea Maestate de finibus controversiae, & aliae incolarum Reipublicae postulationes<sup>1</sup> finaliter componantur<sup>2</sup>, cum debita eorum, qui iniurias passi, satisfactione, interpositionem nostram Regiam, ad Serenissimum Imperatorem deferemus.

1 In comitiis Varfauiensibus d. 30. Decembr. a. 1719. coeptis, publice audita fuit querela, turbatos inter Silesiam & Poloniam, parte Capitaneatus Olstiniensis intercepta, limites, ac possessionibus Capitanei Bobrussensis vim illatam esse.

2 Antiqua ac tum olim, tum nuper a. 1732. inter Imperatorem Domumque Austriacam ac Regem Poloniae repetita pacta, praescribunt modum, quo controversiae, si quae, vel inter Principes, vel inter eorum ciues, siue ob limites, siue ex alia causa ortae, componendae: scilicet, vt Principes per nuncios aut litteras se inuicem de iis certiores reddant, ac vt tollantur moneant; postea ab vtraque parte commissarii constituantur, qui prius negotium amice transigere tentent, id si non successerit, iure dirimant, discordes vero de sententia, arbitrum ex se legant, cuius decreto stetur. CHVAL. Iur. Publ. II. p. 267.





## §. LXXVI.

## OBLATA REIPUBLICAE PRAESTANDA.



Propositiones<sup>1</sup> per ministros plena facultate instructos<sup>2</sup>, Ordinibus Reipublicae oblatas, in praesentibus pactis conuentis expressas, quod sacrosancte manutenebimus, verbo Regio spondemus, easdemque pactis conuentis iunctas<sup>3</sup>, sacramento nostro confirmabimus<sup>4</sup>, & quicquid ex re & commodo Reipublicae proficuum fuerit, nulla occasione, pro possibilitate Nostra, omitemus.

<sup>1</sup> Propositionum vocabulo veniunt ea, quae eorum nomine, qui Reges eligi volunt, Reipublicae offeruntur. Coeperunt eodem, quo pacta conuenta, tempore, quorum initium ad praefationem praesentium memorauimus. Ratio in promptu est, quod non possint in pacta referri, nisi oblata prius Reipublicae, ac ab eadem rata habita fuerint. Neque vsu propositiones a pactis differunt. Michael & Iohannes III. ante electionem Reipublicae nihil promiserunt, quod alter in seius imo inuitus electus, alter Regnum appetere videri nolebat: vterque tamen post electionem, cum pacta scriberentur, per legatos suos exposuit; quid a se expectandum Reipublicae, & quomodo imperium administrare vellet.

<sup>2</sup> Vt candidati non ipsi, sed per legatos Regnum petunt, sic ab his accipit Respublica, quae illorum nomine offeruntur, exhibita, qua muniti facultate. Sacra Regia Maiestas ad electionis comitia, duos misit legatos, Iosephum Antonium Gabaleonem Comitem de Wackerbart-Salmour, consiliarium primi ordinis intimum, & Goelph. Henr. a Bauditz, equestrium copiarum ducem, vtrumque Conclauis Regii secretioris ministrum, quorum facultas, in Constitut. pactis conuentis adicitur.

<sup>3</sup> Propositiones, si placerent, solebant pactis tantum inferi. Augusti II. nouo exemplo pactis seorsum adiectae, ita tamen, vt nonnullae pactis passim immiscerentur: quod & in praesentibus fieri placuit.

<sup>4</sup> Pactis scriptis ac probatis, primum legati, si absens fuerit Rex electus, iurant, hunc eadem rata habiturum, postea ipse Rex per Deum & sancta euangelia, se pacta seruaturum & adimpleturum. Obtinuit id ab Henrici tempore, qui Ipse tamen in sacramento Parisiis in iura & priuilegia recitato, pactorum sigillatim non meminit, licet in illa iurassent legati. Stephanus contra & Sigismundus III. cum iuribus & priuilegiis, in suo iureiurando pacta conuenta nominarunt. Post Sigismundum III. Vladislaus IV. primum peculiare sacramentum in sola pacta conuenta praestitit, cuius exemplum in successoribus seruatum: ac eodem modo Sacra Regia Maiestas, pacta haec sua in ciuitate Tarnomontana seu Tarnouicensi, cum pro coronatione Cracouiam peteret, d. 6. Ianuar. anni 1734. roborauit.



PROPO-

## PROPOSITIONES.

I.

Quoniam nemo dubitare potest, Serenissimum Principem Regium Poloniae, Electorem Saxoniae, esse verum & indubitatum Catholicum, tantoque zelo, religione ac pietate, sanctae & vniuersali matri Ecclesiae Romano-Catholicae iunctum & addictum, vt pro integritate, veritate & defensione eius, omnes vires & quicquid cari habet, impendere non recusaret: operae pretium non est Orthodoxis Serenissimae Reipublicae<sup>1</sup> Ordinibus, veritatem hanc superfluis probare argumentis. Vniuersus enim orbis videt, miratur & magni facit, veram, non vanam, nec fucatam Principis huius religionem, quam propriis suis meritis & virtutibus ira exornat, vt in exemplar praesentis nostri saeculi, a Deo datus intelligi possit. Iuncta enim in eo est, puritati religionis omnium virtutum norma, quae & Principem ad magna natum, & virum honestum in omnibus conspicuum reddunt. Nullum in eo datur vitium, quo summae eius animi dotes, aut imminui, aut ab ipsa inuidia obumbrari possint. Iunxit iustitiae clementiam, fortitudini consilium, rebus gerendis prudentiam, potentiae moderationem, auctoritati gratiam, opibus liberalitatem, fortunae suae temperantiam, alienae curam. Procul ab eo ira & vindicta, fidei violatio, meritorum obliuio, aut beneficiorum tarditas. In excipiendo clemens, accessu facilis, comis omnibus & affabilis.

2. Deducere Serenissimam eius stirpem non est momenti praesentis, hanc enim iam in Serenissimo olim Rege Augusto, Parente eius desideratissimo, probe cognouit Respublica. Enim vero, quod in nostro Principe Regio singulare & praecipuum est, ille illustris sanguis, qui ex vetusta familia Jagellonis per duodecim cognationes<sup>2</sup>, in venas eius deriuatur, purus & calens adhuc in ipso durat, & in inclytam gentem Polonam, viuo naturalique inclinat amore. Per hos inaeestimabiles tanti sanguinis influxus, existimat Princeps Regius, apertam sibi esse viam, ad amplissimos nationis Polonae inuictissimae affectus, quos non marcescentes ac vltra patrios fines protensos<sup>3</sup> erga stirpem Jagellonicam, saecula probant, adeo, vt hac prorsus ratione non degener ramus, Serenissimus Princeps Regius, liberrimis Reipublicae Polonae suffragiis, se sortemque suam tradere, & vti facit, impenso commendare non diffidat.

3. Per hunc sanguinem, & per hanc cognationem, neque pro extraneo neque pro indocili iurium & Polonae libertatis institutorum haberi potest, Serenissimus Princeps Regius, Elector Saxoniae, quin imo in non vana spe ponit fiduciam, quod & hac in parte fidus acceptusque erit liberis suffragiis electoris



electoris populi, quae solo bene merendi studio, non vlla alia caussa ac ratione mereri ac in se deriuare cupit.

4. Et sicut Serenissimus olim Rex, Parens eius, liberis electus suffragiis, & nullis fortunae aduersae casibus, per Dei gratiam a Regno amotus, iura & libertates eius intacte seruauit & auxit, vñibusque publicis Serenissimae huius Reipublicae vitam litauit, nec vllum ius speciale, Serenissimo Principi Regio, filio suo, ad petendam coronam reliquit, aut quidquam eum in finem toto tractu vitae suae tentauit, sed integram & liberam hac in parte electionem inclytis Reipublicae Ordinibus reliquit; ita & Serenissimus Princeps Regius, solis liberrimae gentis suffragiis & affectibus se permit- tens, postea, quando prouidentia diuina sic disponente, & Serenissimae Reipublicae assensu accedente, Rex electus erit, promittit, se pactis con- uentis <sup>4</sup> iureiurando firmandis, simul diplomate quam sufficientissime Se- renissimae Reipublicae confirmaturum, quod tantum liberis suffragiis, & non alio quouis praetextu aut colore, solum hoc Regium ascenderit, & quod haeredes nullum peculiare ius <sup>5</sup> aut iuris speciem, quo Regnum hoc sibi petant, sint habituri, sed quod liberum per omnia Reipublicae, post fera fata, in Regem, quicumque placuerit, sibi eligere.

5. In maiorem huius rei securitatem, guarantiam quam sollemnissimam, procurabit Serenissimus Princeps Regius, si id Reipublicae necessarium videbitur: pari securitate omnes Regni huius libertates, immunitates, cautiones, praerogatiuas, priuilegia, iura tenere religiose spondet, ineun- daque pacta conuenta, inuiolabiliter obseruare promittit.

6. Regnum hoc celeberrimum, & prouincias ad illud pertinentes, se- cundum leges, constitutiones & ordinationes suas gubernabit, idque con- silio Senatus, Ministrorum & Ordinum Reipublicae. Ne vero ministeri- um Saxonicum, vñlo quopiam modo & praetextu, in Regni huius promo- tiones & dispositiones se ingerat, Serenissimus Princeps Regius art. II. §. 5. in tractatu a. 1717. expressum, desuper obseruabit <sup>6</sup>.

7. Tranquillitatem internam, qualis a Serenissimo, piae memoriae, Re- ge, Parente suo gloriosissimo stabilita est, & vnionem animorum inter Or- dines & ciues patriae summa cura seruabit & tuebitur.

8. Pacem externam, amicitiam & bonam viciniam, cum Principibus externis, quibus Serenissimus Princeps Regius non est obnoxius, quibus- que nullam inimicitiarum occasionem dabit, tuto colet <sup>7</sup>.

9. Curlandiam <sup>8</sup> aut aliam quamcunque prouinciam, a corpore Reipu- blicae auelli <sup>9</sup>, haud patietur.

10. Et

10. Et casu quo Serenissima Respublica bello peteretur, & auxilium in armis praetenderet, Serenissimus Regius Princeps Augustus, Elector Saxo- niae, in tali necessitate, in quantum Serenissima Respublica, copias auxilia- res desideraret, declarat, se easdem in necessitatem, & iuxta tenorem desi- derii Reipublicae suppeditaturum, sumtibusque suis pecuniariis sustenta- turum, excepto tantum pane pro milite, & pabulo pro equis <sup>10</sup>.

11. Promittit quoque Serenissimus Princeps Regius Camenecum Podo- liae <sup>11</sup> & fortalitium Sanctissimae Trinitatis <sup>12</sup>, ad meliorem, quam nunc sunt, defensionem, propriis sumtibus reducere.

12. Armamentaria Reipublicae, quatenus apparatu bellico instrui pos- sint, Serenissimus Princeps Regius vna cum Republica efficaciter modum inire, & ex parte sua in eam rem contribuere declarat <sup>13</sup>.

13. Scholam seu academiam militarem, vt exerceant se iuuenes Poloni, bellicis artibus operam daturi, propriis sumtibus seruabit <sup>14</sup>, donec Res- publica certum fundum procurauerit.

14. Domum quoque seu Xenodochium <sup>15</sup>, pro militibus infirmis viri- bus, exstruere Serenissimus Princeps Regius declarat, vbi certus numerus bello fractorum, tam Polonici quam externi auctoramenti, militum, suffi- cienter ex liberalitate Principis Regii sustentabitur.

15. Simul Idem Serenissimus Princeps Regius, ex singulari erga Rem- publicam, & eius commodum, studio & propensione, ad leuandas necessi- tates publicas, tres milliones florenorum Polonicorum offert <sup>16</sup>.

16. Quoniam vero Serenissima Respublica, non tantum domi, armis & consilio, sed etiam extra fines, legationibus & cultura concordiae cum ex- teris Principibus niti debet, inde huic rei conueniens, vt ad exemplum aliarum nationum, ministros suos, in aulis externis & praecipue vicinis habeat: quod vt eo facilius fieri possit, Serenissimus Princeps Regius, ex liberalitate propria, summam centum millium florenorum Polonicorum, ex prouentibus suis oeconomicis, ad subueniendum Thesauro Regni, singulis annis, in eiusmodi legationes se assignaturum declarat <sup>17</sup>.

17. Et quoniam hoc praecipuum Regum Poloniae ius, quod habeant in manibus suis, iustitiam distributiuam, ideo Serenissimus Princeps Regius, postquam eodem ex liberis suffragiis potitus fuerit, gratias, beneficia, & munia Regni, non aliter dispensabit, quam conformando se ad praescripta legum, & secundum merita, nec alia, sed tantum virtutis commendatione & distinctione <sup>18</sup>. Nam magnanimitas huius Principis fugit indecens & vanum lucrum <sup>19</sup>.

18. Men-



18. Mensium quoque militarium, in conferendis praemiis; iustam habebit rationem<sup>20</sup>, administrationibusque oeconomicis, secundum leges patrias tantum nobiles possessionatos Regni & prouinciarum ei iunctarum, admouebit<sup>21</sup>.

19. Salisfodinarum & earum conseruationis, ne ruant aut destruantur, summam habebit curam. Salem quoque nobilitarem, *Suchodniowa* dictum, punctualiter nobilitati, secundum antiquum usum, integre extradi iubebit, atque illis Palatinatibus, qui eum in lapidibus crudis, alias *w bakwanach* recipiebant, pari modo tradetur<sup>22</sup>.

20. Metallorum fodinas, in primis Olkussenses, quibus aerarium publicum subleuaretur, aperiri & reparari curabit<sup>23</sup>, operamque suam in id intendet, ut ius cudendae monetae, & officina monetalis, iam admodum neglecta restauretur, & moneta non iusti valoris, per quam Reipublicae quotidie intolerabile infertur damnum, corrigetur, & ad pedem & valorem iustum reducatur. Curam quoque & officia sua Serenissimus Princeps Regius interponet, ut exteri Principes, aequalis & probati valoris monetam, in commerciis cum Regno Poloniae adhiberi faciant<sup>24</sup>.

21. Commercia pariter, per quae emergunt & ditescunt Regna, neruusque rerum augetur, ut in emolumentum Reipublicae, ad pristinum florem redeant, & cum iis incolarum Regni & urbium opulentia, splendor & felicitas reduci possent, Serenissimus Princeps Regius operam suam nauabit, atque omnes difficultates, quae impedimento sint, studio & officiis suis, apud vicinos Principes amoueri curabit<sup>25</sup>.

22. Sacellum Cracouiae & perpetua suffragia<sup>26</sup> pro Regibus Poloniae instituet.

23. Et cum Idem Serenissimus Princeps Regius, Elector Saxoniae, ob amplas & locupletes prouincias suas, sufficientibus gaudeat facultatibus, ideo a Republica neque Ipse<sup>27</sup>, neque Serenissima eius soboles<sup>28</sup> quicquam sibi deposcet, quin imo in publicum commodum, facultates quas ipsi Deus concessit, impendet.

24. Quoniam vero omnibus constat, Serenissimum Principem Regium, Saxoniae Electorem, iustum esse Principem, catholicum orthodoxum, fidei verum obseruatorem ac immutabilem, dubitare minime potest Respublica, Eundem sacrosancte obseruaturum, & religiose impleturum, non tantum hoc quod modo declarat, sed & ea omnia, quae per pacta Secum in eunda, vere & solenniter spondebit.

I Respublica

I Respublica Polona, interregni tempore, titulo Serenissimae appellatur, quod serius contigit. Pactis *Henrici* praemittitur inclyti Regni nomen, quod ipsa illa pacta repetunt. VOL. CONST. p. 224. Neque sequenti interregno, neque post *Stephani* obitum, Serenissimae occurrit vocabulum, quin imo Regis Sueciae legati, qui *Sigismundum*, Regium Principem, commendabant, in sua oratione aliquoties nominabant Rempubicam, nullo addito, honoris causa, cognomine. *Epistolae Sigism. Aug. a MENCENIO editae* p. 690. f. Eodem vsus Reipublicae titulo, Regis filius *Iohannes Casimirus*, cum mortuo patre *Sigismundo III.* pro fratre *Vladislao* coram Ordinibus verba faceret. *PIASEC. Chron.* p. 451. Ante *Michaelis* Regis electionem nolebant Ordines litteras Caesaris recipere, quod nomen Reipublicae Serenissimae in iis desiderabatur, quo tamen legatus, quod antea monitus, in sua oratione, eandem compellabat. *Epist. ZAL. T. I. p. 121.* Nihilominus post *Iohannem III.* Caesar in suis litteris ad Rempubicam, veteri vocabulo *inclytae* vsus: at Ordines litteras publice legi passi non sunt, & legatus in suo sermone, Serenissimam vocauit, cum frustra antiquum morem allegasset. *Epist. ZAL. T. II. p. 347.*

2 Attingit Sacra Regia Maestas stirpem *Iagellonis* modis duodecim, tot enim ex eodem per *Vladislaum* Bohemiae & Hungariae Regem, *Vladislai Iagellonis* nepotem, ac tres eiusdem neptes descendit. Prodiit a. 1733. tabella, qua cognationes illae oculis subiiciuntur.

3 Petitus ex Suecia *Sigismundus*, qui hoc nomine affectu gentis Polonae dignus visus, quod per matrem ex *Vladislai Iagellonis* sanguine descendebat.

4 Quae videantur §. I.

5 In PACTIS §. 2. domui Regiae nullum succedendi ius permittitur.

6 §. 29. PACTORVM CONVENTORVM.

7 Vult §. 21. PACTORVM, ut foedera cum exteris renouentur & conseruentur, ac si quae dissidia, componantur.

8 Vid. §. 58. PACTORVM.

9 §. 21. saepius allegatorum PACTORVM.

10 In *Henrici* pactis, promittuntur Reipublicae contra quoscunque hostes auxilia, & si maluerit, pro auxiliis pecunia, aduersus *Moschum* vero, quatuor millia peditum *Vasconum* cum stipendiis in certum tempus; praeterea classis necessaria & sufficiens ad tuendos portus Polonicos. VOL. CONST. p. 224. 225. Et ab *Augusto II.* offeruntur in PROPOSITIONIBVS §. *Więc żeby*, quouis ingruente periculo, exposcentibus Ordinibus, sex militum millia Regiis stipendiis alenda, aut pecunia pro conducendo pari copiarum numero.

11 Inceptas *Cameneci* munitiones, suis sumptibus continuare & finire, *Vladislaus IV.* & *Iohannes Casimirus* PACT. CONV. §. *municy*, *Michael* vero reparare voluit. PACTA CONV. §. *zawzięc*. Sub hoc *Camenecum* fuit amissum, cuius recuperationem *Augustus II.* non tantum in se recepit, PROPOSIT. §. *odebranie* sed ut Regno restitueretur, effecit.

12 Excitauit illud *Iohannes III.* cum *Camenecum* a Turcis teneretur, ut hoc praefi-

P



praesidio hostium incurfiones coërcerentur, *Augustus II.* spopondit, PROPOS. §. *Fortece*, omnia propugnacula in optimo statu seruare.

13 PACTA CONV. §. 52.

14 Fuerunt iam *Sigismundi III.* tempore, Leopoli quaedam scholae militaris initia, quam perficere filii *Vladislaus IV.* & *Iohannes Casimirus* voluerunt. PACTA CONV. §. *A 12 Aparat.* Quod cum non factum, *Iohannes III.* sumtus non tantum in scholam *Varfauiae* instituendam, sed & in viros qui studia militaria docerent, promisit. PACT. CONV. §. *Szkole.* Neutrum tamen praestitit, excusatusque post mortem magnifice, „quasi omnibus scholis par, aut maius fuerit theatrum, cum Princeps suo exemplo, ad bellicae gloriae fastigium erudiret, „& victrici manu, ultra *Poloniae* limites in hostium duceret., *Epist. ZAL. T. II. p. 188.* Quare in PROPOSIT. *Augusti II.* §. *Szkole* schola militaris inter res efficiendas, iterum locum obtinuit.

15 Eiusmodi Xenodochium exstrui iusserat *Stephanus Varfauiae*, sed cum redditibus destitueretur, tempore *Vladislai IV.* in armamentarium conuersum. CONST. a. 1638. p. 13. In CONST. a. 1662. p. 10. tit. *Szpital.* fit mentio Xenodochiorum militarium *Varfauiensis*, *Tycocinensis*, *Leopolienfis* & aliorum, simul in ius vocantur, qui eorum redditus sibi erogarunt. Anno 1667. permissum *Palatino Kioviensi Stanislasio*, *Camenei* in *Podolia*, militare Xenodochium condere. CONST. a. 1667. p. 41. tit. *Szpital.*

16 Solet praeter alia, a Regni candidatis, pecunia in publicum vsum offerri. Gallici legati, pro *Henrico*, praeter solutionem debitorum, Reipublicae causa contractorum, singulis annis, quadringenta quinquaginta florenorum millia, ex redditibus Gallicis promiserunt. VOL. CONST. p. 225. *Stephanus* pariter debita publica soluere, pro securitate finium aliisque necessitatibus, ante aduentum in Regnum ducenta millia florenorum, & ad repentina Regni praesidia, mille equitum & quingentorum peditum stipendia numerare voluit. VOL. CONST. p. 251. 252. A *Sigismundo III.* solutio debitorum in pactis nominatorum ac sumtus in defensionem Regni faciendi, donec veniret *Cracouiam* expectanda erant. VOL. CONST. p. 453. *Vladislaus IV.* & *Iohannes Casimirus*, habito in comitiis coronationis cum Ordinibus consilio, vt debita soluerentur, curare voluerunt: PACT. CONV. §. *Dług.* praeterea *Vladislaus* summas nonnullas sibi debitas, Reipubl. remisit. PACT. CONV. §. *summy.* *Michael* ob priuatas angustias, pecuniam in publicum offerre non potuit. *Iohannes III.* Reipublicae, debita sibi ab illa centum & quinquaginta florenorum millia donauit, simul lapides pretiosos, trecentis triginta octo millibus oppigneros redimere pollicitus. PACT. CONV. §. *Względem.* & §. *Kleynory.* *Augusti II.* liberalitas decem millionum fuisse dicitur. *Epist. ZAL. T. II. p. 360.* quamuis propositiones pactis adiectae non certum millionum numerum exprimunt, sed §. *milliony*, cauent, vt solis militibus in debita stipendia cedant. Tres autem milliones, quas erogare in publicum S. Regiae Maestati placuit, efficiunt quingenta nummorum imperialium millia, senos florenos Polonicos in singulos nummos imperiales computando.

17 De legationibus ad externos dictum ad §. 25. PACTORVM CONVENTORVM. Peraguntur illae Reipublicae sumtibus, & auditum saepius pecuniam in Thesauro non suppetere, vt ideo vel omitti legatio, vel a legato suis sumtibus, postea a Thesaurario repetendis, suscipi debuerit. Anno 1718. Thesaurarius Litua-

*Litvaniae* ex suo numerabat, minori ad aulam Russicam legato, in iter nummos aureos quadringentos, quod Thesaurus egebat.

18 Vid. PACT. CONV. §. 17.

19 PROPOSIT. *Augusti II.* §. *Wakance.*

20 PACT. CONV. §. 66.

21 PACT. CONV. §. 45.

22 PACT. CONV. §. 59.

23 PACT. CONV. §. 62.

24 PACT. CONV. §. 64.

25 Egent remediis commercia, quae non longe a ruina abesse videntur. Bella, vicinorum industria, rerum conuersiones, torpor & incuria, praesentem induxerunt faciem, quam omnes queruntur. Ampla sunt, quae in rem commerciorum ante hos centum & sexaginta annos, legati Galli in pactis *Henrici* promiserunt. VOL. CONST. p. 225. probantque iam tunc de melius ordinanda mercatura fuisse cogitatum, quae illo tempore, si cum nostra aetate conferatur, admodum floruit. Postea saepius de augendis commerciis actum, fructu tamen exiguo, aut nullo.

26 Missae sacrificium, pro salute Regum *Poloniae* intelligitur.

27 Praeter redditus, qui Regibus assignati.

28 Solet Respublica Regiam sobolem alere, deditque exemplum in *Sigismundi III.* prole. *Iohannes III.* vero suam priuatis sustentauit sumtibus, quae post Parentis obitum nihil a Republica recipiens, in bona eius haereditaria, & quae iure pignoris tenuerat, successit.





## §. LXXVII.

## OMNIA IVRA SERVANDA.

Denique omnia iura<sup>1</sup> & immunitates, privilegia & libertates omnium personarum, statuta Regni & M. D. Lituaniae, & annexarum prouinciarum, omnibus Ordinibus spiritualibus, Romani & ritus graeci vnitorum<sup>2</sup>, & saecularibus, incorporatis & annexis prouinciis, academiis Cracouiensi, Zamoiscensi & Vilnensi<sup>3</sup>, vt & ciuitatibus omnibus seruiencia, iuste & legitime concessa, omnibus & singulis, & articulos omnes in coronationibus Regum Henrici<sup>4</sup>, Stephani, Sigismundi III. Vladislai IV. Iohannis Casimiri, Michaelis, Iohannis III. & Augusti II. sanctae memoriae Parentis & Antecessoris nostri sancitos, & coaequationem iurium atque ordinationem Tribunalis<sup>5</sup>, simul distributionem & locationem vtriusque gentis & auctoramenti secundum praescripta legum<sup>6</sup>, & illud omne, quodcunque in futuris, Deo dante, coronationis & aliis postea secuturis comitiis, vnanimi omnium Ordinum consensu, sancitum & constitutum fuerit, Nos seruaturos, & integre in omnibus punctis, clausulis, nexibus & ligamentis, manutenturos & adimpletuos spondemus. Litteras simul confirmationis iurium & praesentium pactorum, & huius nostrae sponfionis, exemplo Antecessorum nostrorum dare promittimus<sup>7</sup>.

1 Ab Henrici tempore Regum Pacta conuenta, eodem modo finiunt, omnia iura a nouo Principe seruatum iri: hoc saltem discrimine, quod in recentioribus plures enumerantur species, pauciores in antiquioribus.

2 Vnitorum ritus graeci primam Augustus II. mentionem fecit, de quibus ad §. 5. actum.

3 Iura Academiae Cracouiensis primus inseruit Michael, Zamoiscensis Augustus II. quibus iam Vilnensis accedunt. De Cracouiensi dictum ad §. 70. de Vilnensi ad §. 71. & quod ad Zamoiscensem attinet, condita illa circa finem saeculi XVI. habetque eundem quem ciuitas illius nominis auctorem, illustrem scilicet Iohannem Zamoiscium, cancellarium suo tempore, & exercitus Polonici supremum Ducem.

4 Articuli Henrici passim a nobis in commentario allegantur. Conscripti fuerunt in illius electione, eidemque Parisiis oblatis, nec non a Stephano repetiti & confirmati. Vol. Const. p. 253. 275. quosque obseruatuos se, omnes qui successerunt, Reges promiserunt. Praeter hos articulos non dantur alii, qui Hen.

Henrico in coronatione fuissent exhibiti, licet in fine pactorum Sigismundi III. sanciti in coronatione vocentur. Neque reperiuntur, qui in Successorum coronationibus scripti, nisi velimus constitutiones comitiorum coronationis intelligere. Sigismundus III. tantum articulorum Henrici meminit, filius vero Vladislauus, Henrici Stephani & Sigismundi: cuius exemplum tantum valuit, vt caeteri priorum Regum articulos, incipiendo ab Henrico, suo ordine allegarent.

5 Coaequationis iurium & ordinationis tribunalis primam mentionem fecit Augustus II. Intelligitur autem coaequatio Lituanica, & magni illius Ducatus ordinatio tribunalitia. De vtraque ad §. 16. dictum.

6 Et quidem ad mentem Constit. a. 1717. vid. §. 55.

7 Quod & more recepto, post coronationem die 19. Ianuar. 1734. factum. Generalis haec iurium confirmatio latine perscripta, constitutionibus comitiorum coronationis praemitti solet. Vnius Henrici confirmatio sermone Polonico legitur.

## §. LXXVIII.

NON PRAESTANDVM OBSEQVIVM, NI IVRA  
SERVENTVR.

Si vero (quod Deus auertat!) aliquid contra iura legitime data, libertates, articulos & conditiones omnes, egerimus, aut aliquid non impleuerimus, tunc incolas Regni vtriusque gentis, ab obedientia & fide Nobis debita liberos facimus, secundum Constitutiones annorum 1576. 1607. 1609.<sup>1</sup>

1 In fine articulorum Henrico oblato, legitur, „quod Rex, si aliquid „(quod Deus auertat) contra iura, libertates, articulos, conditiones egerit, „vel aliquid non impleuerit, incolas Regni vtriusque gentis ab obedientia & „fide debita liberos faciat. Vol. Const. p. 257. Eadem obedientia Ipse Henricus, ciues in forma iurisiurandi sui exsoluit, si hoc in aliquibus violauerit: Vol. Const. p. 227. cuius exemplum omnes Reges secuti, dum Reipublicae iurarunt; pactis autem conuentis, clausula haec ante Vladislaum IV. adiecta non est. Ne tamen lex ad turbas domesticas ianuam aperiret, renuntiarentque ciues statim Regi obedientiam, si contra iura commisisset, aut pacta non impleuisset, explicabatur illa a. 1576. in eum sensum: „non solui aut laxari ciuium obsequium, si quid eiusmodi per aliquem humanum errorem Regi exciderit, aut obrepserit, in quo ius & libertas communis laedi videretur, sed tum demum, si a volente & sciente Rege, iura aut libertates, ita aut per „potentiam opprimerentur, aut per contemptum & temeritatem in dubium vocarentur, vt ne admonitione quidem Senatus, aut reliquorum Regni Ordinum „quicquam profectum esse videretur. Vol. Const. p. 279. Iterum interpretanda erat lex Sigismundi III. tempore, cum Regi laesa iura, & pacta minus impleta obiicerentur, nonnullorumque molitiones iam in apertam secessionem erupissent. Tunc enim Rex in comitiis a. 1607. ex mente Ordinum edice-



bat, si plane & animo deliberato ius commune violaret, aut aliquis contra iura & communem libertatem opprimeretur, illudque liquide & re ipsa probari posset, unicuique Senatorum licere in suo tractu illud cum caeteris communicare, remque ad Primatem referre, qui siue solus, siue una cum aliis Senatoribus, habito prius consilio, Regem moneret, Rexque illud in quo aberratum, corrigeret: hoc si non fieret, debere eundem Primatem cum Senatoribus Regi, Regem iterum monere, denique si necessitas postulauerit, rem Ordinibus in comitiis exponere. Quod si vero neque tunc Rex facti sui iustas rationes allegauerit, & Ordinum precibus locum dare voluerit, tum demum Ordines, ex lege de non praestanda obedientia agere posse. Vol. Const. p. 867. Constitutio a. 1609. pariter ternas admonitiones praecipit, antequam locum habeat caput de non praestanda obedientia, primam & secundam priuatim, illamque per Primatem aut Senatores ad latus Regium agentes, aut alium quemvis Senatorem, hanc per nuncios illius districtus ad quem in conuentu suo antecomitiali, siue per Senatorem siue per nobilem res relata fuerit; tertiam publicam ab omnibus Ordinibus in comitiis praesentibus. Quando vero neglectis his admonitionis gradibus, aliisque in hanc rem sancitis, aliquis militem legeret, ac tumultu concitato pacem turbaret, causam praetegens, quasi Rex contra salutem & libertatem Reipublicae egisset, illum ad comitia citari, ibidemque per Regni Ordines, Rege absente, iudicari debere. Vol. Const. p. 889. Tam caute, tam cogitate ac provide Respublica agendum censuit, quando per suspiciones & Principis ignorantiam, Maiestas ac ipsa ciuium salus in summum discrimen adduci possunt. Vidit orbis exemplum, & sensit Polonia, sub Augusto II. Regum mitissimo, ubi nonnulli, facta a Republica secessione, Principem neque rite monitum, neque vilius culpae sibi conscium, multo minus inique actorum tenacem, impetio exuere conati, ipsa Republica Regem suum fortiter tutante. *Memoir. sur les dernier. reuolut. de la Pologne p. 109. 110.*



## INDEX

## INDEX RERVM.

- Abbatibus ex nobili ordine eligendi 101  
 Abbatibus ne minorennibus conferantur 23  
 controuersia de electione Abbatum 24  
 Abbatibus minorennibus collatae 25  
 Abbatum electio in monasterio Oliuensi & Pelplinensi libera 100  
 Academia Vilnensis quando instituta 105  
 Cracouiensis in Polon. antiquissima 103  
 eiusdem Priuilegia 103. 104. 117  
 militaris, regis sumtibus ad interim seruatur 111. 114  
 Advocatae 27. ne Capitaneatibus iungantur 28. iunctae ciuitatibus 28  
 militibus bene meritis cedant 28. in Oeconomis 28. plebeiis collatae 28  
 non loci Capitaneis dandae 28. pro domesticis Regiis bene meritis 50. 51  
 Aequalitas inter Regni ciues 17. 18  
 Anabaptistae Arriani acquantur 16  
 Apparatus bellicus 76. Regiis sumtibus paratus 76. 77  
 Armamentaria Reipubl. melius instruenda 111  
 Arriani, leges in eosdem 16  
 Articuli Henriciani quinam 117  
 AVGVSTI III. clementia 41. pietas & reliquae virtutes ac merita 109. magnanimitas 111. ortus ex lagellonica stirpe 109. 113. studium necessitatibus publicis consulendi 111  
 Augustus II. quod contra iura Reipubl. egerit, falso accusatus 118. conflata ipsi inuidia, quasi Reipubl. inscia bellum Suecis intulisset 42. coniux eius quam procul a Reipubl. egerit 56. ipse iura Reipubl. seruauit & auxit 110  
 Aulici ne sint extranei 51. qui aulicorum nomine veniant 51. extranei inter aulicos 52. ad minora officia extranei admittendi 51. 52  
 Auulsa recuperanda 42  
 B.  
 Bellum inscia Reipubl. non inferendum 42  
 Suecicum Cracouiae ruinas auget 106  
 Bitouiensium iuribus prospicitur 87. 88  
 Boluerkschanz propugnaculum 86  
 Bona mensae regiae quaenam 75  
 Bona Oeconomica solis nobilibus possessionis mandanda 69. dicuntur & mensae regiae 69. bonorum horum recensio 69. non alienanda 69. nobilibus plus offerentibus locanda 70  
 Bona Sfortia, a qua Summae Neapolitanae deriuandae 102  
 C.  
 Camenecum in meliorem defensionis statum redigatur 111. 113  
 Cancellaria Regis Saxonica 55  
 Cancellariae tradunt Regia Diplomata in noua munia 31  
 Cancellarii quando creandi 32. 33  
 Capitaneatus, ultra duos boni prouentus vni non dandi 25  
 Capitaneatus qui dicantur 25. cum iurisdictione 26. ius communicatum in Capitaneatibus 26. Capitaneatus limitanei 26. quos feminae possidere non possunt 26. neque Capitaneatus cum iurisdictione 26. 27. castrensis idem qui cum iurisdictione 27. non potest vnus duos castrenses possidere 27  
 Capitaneatum iurisdictionem habentium distributio 70  
 Capitatio ab Elbingensibus exigitur 86  
 Captiuandus nemo nisi iure victus 58. 59  
 quinam excipiantur 59  
 Cardinalem commendandi ius Regi seruatur integrum 45. ius hoc defenditur 45  
 Ciuitates Prussiae iure indigenatus gaudent 63  
 Claues thes. quorum curae mandatae 99  
 Coaequatio Lituanica 32. 117  
 Collegium Polocense 105  
 Comitatus pacificationis irrita 41. coronationis vnde dicta & ubi habenda 106  
 Comitiorum locus ordinarius 106  
 Commercia Prussiae a vestigalibus immunia 65  
 Commerciis, vt in pristinum florem reducantur, prospicitur 112. 115  
 Controuersiae cum exteris componendae 39. idque ordinum consensu 39. quomodo inter Rempubl. & Prussiam Ducalem componendae 86. item cum Caesare de finibus 107  
 Copiae externae Polonia decedant 41  
 Copiarum auxilium qualitas 111. numerus ab Augusto II. Reip. oblatum 113  
 Coronatio Regum ubi peragenda 106  
 Corpo-



I N D E X.

- Corporis Regii custodia eiusque praefectus 54. 55  
Cracouia in meliorem statum reducenda 105. Regum quondam residentia & totius Reipbl. caput 105. unde eiusdem ruinae 106. iura illius ubi coniunctim inuenienda 106  
Cracouiae Sacellum & perpetuum suffragia instituenda 112  
Culmensis Palatini redditus augendi 29 primus inter Consiliarios civilis ordinis 29. tenet Capitaneatum Koualeuiensem 29. ut ipsi Brodnicensis Capitaneatus iungatur 29  
Cunigunda, salisfodina sic dicta 94  
Curlandi suis iuribus viuunt 90. quae saepius confirmata 91  
Curlandia a corpore Regni non separanda 110  
Curlandiae Ducatus non alienandus 89  
91. Ordini Teuton. olim parebat 89 nouus Dux non per legatum inuestiendus 90. exemplum in contrarium 90 quomodo lites inter Ducem & nobilitatem suam componendae 90  
Curlandiae Duces iure monetandi gaudent 98  
D.  
Decreta non immutanda 66  
Depactatio interdictur 66. 67  
Dignitates, ne in illarum gratiam a Candidatis priuatum iusiurandum, aut submissiones subscriptae exigantur 22  
Regis est eas conferre 22. 23. ne minorennibus cedant 23. eadem & munia quaeuis penes sua iura seruentur 31 quando & quomodo, si vacua fuerint, conferenda 32. 33. solis nobilibus possessionatis concedendae 69. in Comitibus quando 33. collata ibidem publicantur a Cancellariis 34. Candidati sint indigenae & terrigenae 34 gaudeant paritate iuris 35. qui illi 35 dignitates & munia publica sunt praemia bene meritorum 35. Candidati ne sint minorennis 36. secundum iura locorum conferantur 36. dignitates incompatibiles quae? 36. dignitatibus arcentur extranei 50. dignitatibus & bonis regiis aliis cedi potest 64  
Dissidentes ne turbentur 8. 9. 10. 12. qui olim hoc nomine vocati 9. in pacem eorum iuratur 10. eo nomine coram Henrico disceptatio 10. pax haec cum restrictione iurata 10. prima promutua pace confoederatio 10. formula confoederationis mutata 11  
Dissidentes nunciorum conclauis moti 11. ne iis constitutio anni 1717. noceat 11. paci dissidentium saepius contradictum 11. 12. impugnatur in subscriptionibus & defenditur 12. num qui vulgo dissidentes haeretici sint 12 dignitatum sunt participes 12. 13  
Donatariis iura antiquitus concessa confirmantur 75. 76  
Drahimi redemptio 82. 83. Drahimum Electori Brandenb. inscriptum 82  
Ducatus quinam a teloniis immunes 60  
E.  
Elbingensis territorii redemptio 82. 83  
Electori Brandenburgico cessum 83 quod & a. 1698. occupauit 83. sed a. 1700. reddidit 83. denuo autem occupatum adhuc tenet 83  
Electio Regum ubi peragenda 106 debet esse libera 110  
Eleonora Michaelis coniux abstinet Reipbl. negotiis 55  
Episcopatus Prussiae indigenis tantum conferendi 62  
Exercitus extraneus in regnum non admittendus 78  
vtriusque auctoramenti unde dictus 81 ad mentem nouae legis seruandus 80. 81  
Exercituum Duces quomodo creandi 33 intra quod tempus praefecturae illae conferendae 33. ne simul ministerium maius teneant 36  
Extranei ad dignitates & Reipbl. consilia non admittendi 50. 51. ne sint aulici 51 ad minora officia recipiendi 51. 52  
Expeditiones publicae & Priuilegia non nisi in solo regni extradendae 95. 96  
F.  
Fiducia Polonorum in nouum regem 112  
Foedera cum exteris seruanda & renouanda 39  
Fordanense vectigal 65. 66  
Fortalitium S. S. Trinitatis in meliorem statum redigendum 111  
G.

I N D E X.

- G.  
Gleyty siue Salui Conductus damnatis in sex menses tantum dandi 58. nec nisi bis prorogandi 58  
Graeca religio 9. Graecorum vnitorum & disunitorum iura 13. qui vniti, qui disuniti 13. dissidia inter eosdem componenda 14  
H.  
Henriciana pacta siue iura 67  
Homagium euentuale ratione Prussiae ducalis 85. 86  
Huffitarum dogmata prohibita 9  
I.  
Iacobi regii principis iura 57. 58. qui Olauiae in Silesia agit 58  
Iacobo Regis Iohannis filio locus in Comitibus negatus 6  
Imperator, pacta cum eodem antiqua repetita 40  
Incompatibilia quae dicantur 36  
Indigenae Prussiae qui 62. 63  
Indigenatus quomodo conferendus 48  
Indigenatus Priuilegium quid sit 49 quomodo in Prussia conferatur 49 ne laesionem accipiat 61  
Iniuriam passis iustitia promittitur 76  
Iohannes III. Scholae militari aequiparandus 114. sobolem suam priuatis sumtibus sustentauit 115. Iudaeorum fautor 72. eius soboles in electione praeterita 6  
Iohannes Casimirus defensor fidei & orthodoxus 8  
Iudaei in Polonia copiosissimi 72. teloniis arcentur 72  
Iudicata non suscitanda 58  
Iudicia comitialia 66. postcurialia 67 relationum 67. 68. per interualla aguntur 68. his ipse Rex praesidet 68 modus qui in illis seruatur 66. 67. 68  
Ius belli Rex cum Reipbl. commune habet 78  
Iusiurandum regium in singulis comitiis legendum 20. iurisiurandi regii forma 20. regia soboles Reipubl. praestare tenetur 58  
Ius publicum quid sit 59  
Iura omnia seruanda 116. 117  
K.  
Kettler Gothard Liouoniam in fidem Reip. concessit 89. & in feudum recepit 89  
Kiouiensis metropolis, auulsa ab eadem bona 13. 15. eiusdem institutio 15. metropolita se summo Pontifici submisit 15  
L.  
Lapides Reipubl. pretiosi Cracouiae in thesauro Regni seruantur 98. 99  
Electo Brandenburgico quosdam pignoris loco accepit 83. 99  
Latinae linguae vsus in negotiis publicis 37  
Lauenburgensium iuribus prospicitur 87. 88  
Legati ad externos ut & Residentes apud eosdem, sint nobiles & possessionati 43 eorum instructio & relatio 43. 44. (legati ex senatorio, & equestri ordine 44.) quorum sumtibus alendi 114  
Legati exteror. quomodo excipiendi 43  
Legati Auevstri III. ad comitia electionis 108  
Legatio ad Pontificem a personis civilis ordinis peragenda 45  
Lisnouienfe templum 82. Catholicis restituum 84. lites de eodem 85  
Lituanii vna cum Polonis Regem eligunt 3  
Lituanica coaequatio 32. 117. ordinatio 32  
Ludouica Ioh. Casimiri coniux immiscet se Reip. negotiis 55  
Ludouicus Hungariae Princeps quae Polonis promiserit 2  
M.  
Maria Iohannis III. vxor magnam sibi Reip. partem vindicasse dicitur 56  
Mennonistae Arrianis aequantur 16  
Mensae regiae quid 69. integrae seruandae 73. 74. quae bona pro bonis mensae regiae habenda 75  
Mensium militar. ratio habenda 99. 112  
Metallorum fodinae aperiendae & reparandae 112. in fundo terrestri nobilibus asseruntur 94  
Metricae quid 70. 71  
Metricantes qui 71. alius maioris, alius minoris Cancellariae 71  
Miles neque aliunde arcessendus 79. neque extra regnum mittendus 79. 80 neque domi nouis supplem. augendus 78 79. 80. perpetuus a Sigism. Aug. institutus 79. absque consensu ordinum non scribendus 79. exterorum more non legendus 80. suo stipendio viuat 81. 82  
Milites



# I N D E X.

Milites Prussiae, quod homines violent	86	iura seruentur 117. quod tamen cum	
ter abducant, inculpantur	86	limitatione quadam accipiendum 118	
Militaris disciplina descripta	82	Oeconomia publica in apparatus belli-	
Militia nouo modo ordinata	80. 81	cum 76. 77. Prouentus illi adscripti 77	
Militum melior ordinatio 81. 82. licen-		duo Capitaneatus ipsi addendi	77
tia eorum coercenda	82	Oeconomiae ne augeantur 73. nec minu-	
Ministeria Status suprema bina, non vni		antur 73. iura Oeconomiarum 69-72	
familiae conferenda 23. quae dicantur		quaedam auulsae 74. quibus conce-	
ministeria suprema 23. diuersa in vna		dendae 74. Tattaris quaedam conces-	
familia	23	sae	106
Ministerium Saxonum a regni negotiis		Officiales Prussiae Polonicae	62
abstineat	110	Officinae monetales aperiendae	97
Ministri in aulis externis habendi	111	quare clausae	98
Missae pro Regum salute	115	Olcusienfis Oeconomia a ruinis praeser-	
Modus in iudiciis obseruandus 66. 67. 68		uanda 95. plumbi & argenti olim fe-	
Monasteria Oliuense & Pelplinense ius		rax	95
eligendi Abbates habent 100. nomi-		Osuesimensis Ducatus a teloniis immu-	
nati tamen etiam a regibus	100	nis	60
Moneta corrigenda 112. vna debet esse in		P.	
Rep. 97. consultationes de hac re fru-		Pacta cum Imperatore renouata, in Co-	
straneae 98. Prouentus ex moneta ad		mitiis confirmanda	40
Remp. pertinent 97. de ordinat. mo-		Pacta conuenta iure iurando firmanda 108	
netali non nisi in Comitibus agendum 97		quod Augustus III. Tarnomontii prae-	
Munia Regni ad praescripta legum & se-		sinit 108. mos ille quando coeperit 108	
cundum merita distribuenda 111. bene		Pactorum conuentorum antiquitas 2	
possessionis danda	71	cum singulis Regibus ineuntur 2. vtrum	
Munus in vnum, non duobus regia di-		seruata 2. ex illis Rex & Resp. obstrin-	
plomata danda, neque conferendum,		guntur 2. qua lingua scribantur 3. in	
nisi quod vere vacuum fuerit 30. di-		singulis Comitibus legenda	20. 21
ploma posterius priori cedere debere		Panis bene meritorum qualis	35
30. diplomata in acta metrices refe-		Papa, controuersiae cum eodem compo-	
renda, ac secum Cancellariae commu-		nendae 46. 47. in eum Constitutio 46. 48	
nificent 30. diplomata Regia in vnum		Patronatus ius	46. 47
munus pluribus data	31	Pax externa & interna restituenda	41
N.		Pecunia a Candidatis Regni Reip. offerri	
Neapolitanae summae vnde ortae	101	solet	114
Neapolitani regni mutatio	102	Pietistae Quackeris additi	16
Neuburgensis ciuitatis traiectus 82. ab		Plebei arcentur bonis Regis 28. & Ab-	
Electore Brandenb. sibi vindicatus	84	batiis	100
Nobiles omnes aequales	17. 19	Polonia salis feracissima 70. a nonnullis	
Nobiles noui ne dignitates impetrent, aut		Iudaeorum Paradisus dicta	72
publicis negotiis adhibeantur	48. 49	Poloniae regnum secundum leges suas	
quales Rex sua auctoritate creare possit		gubernatur	110
49. noui interdum veteribus acquan-		Polonicae linguae vsus in negotiis pu-	
tur	50	blicis	37
Nobilitas quibus & quomodo danda	48	Praefecti auctoramenti extranei qui-	
49. pretio comparata	49	nam	99
Nobilitas libere vtitur fodinis in bonis		Praefectura Drahimensis Elect. Brandenb.	
terrestribus	94	inscripta 82. quam & a. 1668. occupa-	
Nobilium iura circa salem	92. 93	uit 82. consilia de illius redemptione	
O.		irrita	82. 83
Obsequium Regi non praestandum, nisi		Praefecturae praesidiorum in Oecono-	
		miis	

# I N D E X.

miis 72. nobilibus possessionis & be-		Regia domus nullam sibi in Regnum suc-	
ne meritis dandae	72	cessionem vindicet 5. quae eius condi-	
Praefectus rei tormentariae qualis esse		tio 6. quid requiratur, si quis ex illa	
debeat	77	Reip. muneribus admoueri velit	35
Praemiorum distributio in emeritos ad		Regibus viuunt. successores constituti	6
regem pertinet	99	Regimenta & vexilla aliis non venden-	
Priuilegia ne insciis Cancellariis extra-		da	81. 82
dantur 37. 38. Iuri publico ne sint con-		Regina Reip. negotiis abstineat	55. 56
traria 59. Priuilegia & publicae expe-		Reginae quae non catholicae	8
ditiones non nisi in Polonia concedun-		Reginae aula ex indig. & extraneis 52. 53	
tur 95. 96. exceptis militaribus &		Reginae dotalitium	53
spiritualibus	95. 96	Regis custodia corporis & Cancellaria	54
Priuilegium Incorporationis Prussiae 63		Regum libera electio 3. 4. 5. eorum filii	
Professores Academiae Cracouensis		post mortem Patrum Reges electi	6
equestri dignitate ornati	104	Religio vna olim Romano-Catholica	9
Propositiones Reip. oblatae 108 sqq. quid		accessit Graeca	9
sint 108. earum initium 108. cf. Prae-		Religioni in Prussia Ducali prospicitur	
fat. Pactis inferi solebant 108. quando		84. afflicta tamen non vno modo 84.	
Pactis seorsum adiectae	108	hinc disceptationes variae	85
Prussi ad Regum electionem pertinent	4	Rex & Regina sint catholici 7. 8. Rex ex	
Prussia in quot Palat. diuisa 29. ibidem op-		parentibus orthodoxis 8. vtrum spe-	
pidani, & oppidanorum filii nulla lege		rare possit Regnum, qui diuersis sacris	
terrestribus dignitatibus non arcentur		addictus	8
36. suis iuribus gaudet 61. imprimis		Rex suas opes in Reip. commodum im-	
iure indigenatus 61. 62. quod saepius		pendet 112. dissentientibus Senatori-	
confirmatum 63. 64. vectigalibus im-		bus haud quicquam decernat 67. in	
munis 65. ibidem ciuitates maiores		Iudiciis nullius causam suscipiat	68
ius monetandi habent	98	Russorum Augusta magno animo Polo-	
Q.		niae subuenit	41
Quackeri Arrianis aequantur	16	S.	
Quartiani milites	78. 79	Sal nobilitaris integre extradendus	112
R.		Sal quartialis 92. vnde dictus 93. iura	
Regentes bini 71. eorum officium	71	Palatinatum circa eundem 92. No-	
Regentiae in Regno & Lituania	69. 71	bilibus minori pretio venditur quam	
Reges habent ius commendandi ad Car-		aliis	93
dinalitiam 45. 46. solent ad hanc		Sal transmarinus Elbingam vehi non per-	
dignitatem externos prae indigenis		mittitur	86
commendare 46. gaudent etiam iure		Salisfodina Cunigunda dicta 94. consili-	
iustitiae distributivae	111	um de permutanda illa cum aliis bo-	
Regestrum quid 66. varia sunt regestra		nis Reipublicae	94. 95
66. filci	69. 72	Salisfodinae ad Regiam mensam perti-	
Regi bona haereditaria acquirere non est		nentes 70. Bochnensis & Vielicensis 92	
permisum 19. retinet quae habuit,		ad bona mensae regiae pertinent	93
cum Rex eligeretur 20. Augusto II.		Salisfodinarum cura habenda	112
concessum, quae in Polonia sibi com-		Salui conductus damnatis in sex menses	
parauit, ad haeredes transmittere 20.		dandi, & non nisi bis prorogandi	58
Regi per interualla Saxoniam adire		Schliben, Comes, odio religionis 30000	
licet 95. sed ex consensu omnium or-		imperialibus mulctatus	84
dinum 95. 96. non tamen ibi Priuilegia		Scholae in Academiis damnatum non	
Polonis extradere 95. 96. exceptis mi-		aperiendae	104
litaribus & spiritualibus	95. 96	Secre-	



# INDEX.

Secretariatus Regni & Lituaniae	69.71	conferendi 38. Regius 69.71. Curiae	
Secretarii duo maiores	71	Regni	102
Semgallia sub Curlandiae Ducatu continetur	89	Thesaurarii in Polonia bini 102. quomodo a se inuicem distincti	103
Serenissima dicitur Respublica tempore interregni	113	Thesaurus Regni diuersis clauibus clauditur & reſeratur 98.99. totius Reipublicae consensu aperiendus	99
Sigilli cubicularis & signi priuati vsus	37.	Tituli extranei 17. 18. Principum seu Ducum 18. Marchionum 18. 19. Comitum	19
38. cubiculare extraordinarium	37		
Sigismundus Augustus Augustanam confessionem amplecti voluisse dicitur	7		
Sigismundus I. Iudacos teloniis arcet	72		
Sigismundus III. monetam in Rempublicam transfert	97	V.	
Sobolis regiae iura	57.58	Vniuersalia a Cancellariis signentur	37.38
Stephanus eximit de religione sua scrupulum	7	Vniuersalia vnde dicantur	38
Studiosorum res vectigalibus exemptae.		Vnitorum ritus graeci Priuilegia confirmantur	116
Summae Neapolitanae vnde dictae	101	Varſaviae ciuitatis iura 106. sedes regia	106.
frustra petita	102	Comitiorum locus ordinarius	106
T.		Vectigalia & telonia vetera mensae regiae adiecta	71
Tattari in Volhinia & Lituania	106.	Vladislaus IV. in religione remissior viſus	7
Reipublicae militant 107. gaudent certis priuilegiis	106. 107	Vladislaus Iagello Academiae Cracouiensis instaurator	103
Telonia, qui Ducatus ab iis immunes	60	X.	
Tenutae vltra duas boni prouentus vni non dandae	25	Xenodochium militare exſtruendum	111. 114
Tenutae quae 26. ius communicatiuum in iis 26. non promiscue plebeiis dandae	27.	Z.	
variae auulſae	74	Zamoiscensis Academia	116
Thesaurarius magni plus offerentibus		Zatorienſis Ducat. a teloniis immunis	60
		Ziuicenſis Comitatus	19

## ERRATA.

Pag. 11. l. 18. leg. arceri; absentes. p. 19. l. 2. leg. Sallaroſtana. lin. 30. 31. leg. ſexcentis. p. 20. lin. 25. leg. teſtarentur. p. 21. lin. vlt. ſeruatur. p. 24. l. 23. leg. taleque nunquam. lin. 37. leg. Andraſioviensi Abbatia Olczouio. lin. 41. leg. 1685. p. 26. lin. 15. leg. illi. p. 29. l. 21. leg. conſiliarios. p. 30. l. 33. leg. Cancellarios. p. 36. l. 24. leg. Archiepiſcopatus & Episcopatus. p. 40. l. penult. leg. Maieſtatis, quam & Sac. Reg. Maieſtatis & p. 53. l. 25. leg. diſſidentias. p. 56. l. 4. leg. *Matronae*.





